


K269.040  
3

საქართველო  
ბიბლიოთეკა

მღოს  
უღესუნის უღი  
**ჭანჭანური  
ღეღეღეღეღი**



ჩინოვანი უცხოეთის

საქართველო  
დასავლეთი



8001



„მერაბი“. თბილისი, 1978

902. 7 (c41)  
902.7 (47.922) + 398.2 (47.922)  
• 545

წიგნის პირველ და მეორე განყოფილებაში შესულია მოგზაურობის დღი-  
ური და გვაცნობს საქართველოს სხვადასხვა კუთხეში მოგზაურობის დროს  
მიღებულ შთაბეჭდილებებს, დაკვირვებებს ბუნების მოვლენებზე, ჩვენს  
მიწა-წყალზე მცხოვრებ სხვადასხვა ეროვნების ადამიანთა ადათ-ჩვევებს,  
ისტორიულ-ეთნოგრაფიულ ძეგლებს.

მესამე განყოფილებაში წარმოდგენილია ლექსები, რომლებსაც საფუძვ-  
ლად ჯავახური ლექენდები დაედო.

K 269.040

© გამომცემლობა „მერანი“, 1978

70303—63 9—78  
M 604(08)—78



## ილია ალხაზიშვილი (1853—1921)

ილია ალხაზიშვილი ეკუთვნოდა რევოლუციამდელი ქართველი ინტელიგენციის იმ პლეადას, რომელიც დაუღალავად და უმწიკვლოდ იღვწოდა სამშობლო ქვეყნის უკეთესი მერმისისათვის, უანგაროდ ემსახურებოდა თავისი ხალხის გათვითცნობიერების საქმეს, გარკვეული წვლილი შეჰქონდა მშობლიური კულტურის განვითარებაში.

ილია ალხაზიშვილის მიზანი იყო ახალგაზრდობაში გაეგრძელებინა და დაენერგა მეცნიერების, განსაკუთრებით, ბუნებისმეტყველების მონაპოვარი.

ი. გრიშაშვილის სიტყვები რომ მოვიშველით, „ი. ალხაზიშვილი მთელი თავისი სიცოცხლის განმავლობაში იმედიანად შეჰყურებდა მომავალს და თავისი უანგარო წვლილი გულწრფელად შეჰქონდა ქართული კულტურის განვითარების საქმეში“. ილია ალხაზიშვილი, აღზრდილი ილია ჭავჭავაძის იდეურ ტრადიციებზე, დღენიდავ ხალხში ტრიალებდა, უყვარდა მშობლიური ხალხი, „პატიოსანი ოფლის მღვრელი მუშაკი“, ხოლო ის, ვინც ყოვლად უშრომლად სხვის ოფლსა სჭამს, სხვას იმსახურებს, მუქთახორად, პარაზიტად ჩაითვლებაო, — ამბობდა ის.

ილია სოლომონის ძე ალხაზიშვილი დაიბადა 1853 წლის 16 ნოემბერს სოფ. ზიარში, კახეთში. მამამისი, სოლომონი, დადესტინის სამხედრო უფროსის, გენერალ-მაიორ სიმონ შალიკაშვილის ყმა იყო. 6 თვის ილიას მამა გარდაეცვალა, დედამისი მეორედ გათხოვდა გურჯაანში, სადაც პატარა ილიკო მიაბარეს ოჭანესა და ლაქის ცოლს, რომელმაც ცნობისმოყვარე და ნიჭიერ ყმაწვილს ასწავლა ანბანი, საღვთო სჯულიდან ზოგიერთი ლოცვა და ქვების მურით ხარის ბეჭზე წერა. 6 წლის ილია ბიძამისმა გადაიყვანა ზაქათალაში, სადაც სიმონ შალიკაშვილი ცხოვრობდა და მიაბარა სამ-

ნედრო ფერშალს, რომელმაც ბავშვს რუსული ანბანი შეასწავლა, გენერალ-მაიორმა შემთხვევით დაინახა ეზოში მოთამაშე ილია, მოეწონა მისი გონივრული და მოსწრებული სიტყვა-პასუხი, შემდეგ მასწავლებლები მიუჩინა და თავს იდვა გონებაგახსნილი ბავშვის სწავლა-აღზრდა. 9 წლის ილია უკვე მზად იყო გიმნაზიის პირველი კლასისათვის, მაგრამ, რაკი იგი ყმა გლეხის შვილად ითვლებოდა, სკოლაში შესვლის უფლება არ ჰქონდა. 1862 წლის აპრილში შალიკაშვილმა მეფის ნაცვლის კანცელარიის უფროსს აცნობა, რომ ილია აღსაზიშნელი ჩემს მიერ ყმობისაგან განთავისუფლებულია და შეიძლება მივიღოთ გიმნაზიაში, ყოველგვარ ხარჯს მე ვკისრულობო. მალე დაღესტანი აჯანყდა, გენერალ-მაიორი ამბოხების ჩასაქრობად გაიწვიეს და სისხლისმღვრელ შეტაკებაში დაიღუპა (მისი უშუალო უფროსი იყო სარდალი გრიგოლ ორბელიანი, ჩვენი დიდი პოეტი). დარჩა უმწეოდ და ღვთის ანაბარა პატარა ილია. რა ექნა, სწავლის წყურვილი ჰქონდა, დაფლეთილი წიგნით დაეხეტებოდა ველ-მინდვრებში და აძოვებდა ერთი მღვდლის სახედარსა და ცხენს. კახეთის სოფლებში ხეტიალს უქმად არ ჩაუვლია, ცნობისმოყვარე ბავშვი ხარბად ეწაფებოდა ხალხური ზეპირსიტყვიერების თვალშეუდგამ ნიმუშებს, აკვირდებოდა ბუნების მოვლენებს, აქ გაუღვივდა ბუნებისმეტყველური ინტერესები, რამაც განსაზღვრა მომავალი მოღვაწის მსოფლმხედველობა.

აი რას გვიამბობს ილია აღსაზიშნელი ბაღდადისდროინდელი შთაბეჭდილებების შესახებ: „ხალხის შვილი ვარ და ცნოვლად დამახსოვდა — კახეთში გოგო-ბიჭობა რომ გაზაფხულზე დავგროვებოდიოთ კალათებით და ტყეს რომ შევიღ-ნივილით, კიჟინით შევესეთოდიოთ. არჯაკელი, სვინტრი, სატაცური, დანძილი, ბაღბა, ჭინჭარი, მხალი, ქაშა და ნიყვა სოკო, სურნელი მარწყვი და კიდევ რა ვიცი, რა არ ახარებდა ჩვენს გულს. ახლა ხილი ბრძანეთ, გურჯაანიდან დედა ხშირად ამგზავნიდა დიდდასთან ჩემს სამშობლო ზიარში. ვზა ტყეს მისდევდა, ტყე უნდა გამეველო და რაღაც 7-10 ვერსის მანძილს მთელი დღე ვუნდებოდი. თვალს იტაცებდა შვინდი, ტყემალი, ზღმარტლი, კუნელი, ყურძენი (კრიკინა და მასზე უტკბესიც), წიფელი, ყოლო, მაყვალი, პანტა, მაყალო, თხილი, კაკალი, ბაღლოჯი, თაფლი და ათასი სხვა რამ“ (ყურნ. „განათლებ-ბა“, 1913, № 7, გვ. 499).

კავიდა დრო და ილია მოხვდა თბილისში კახელ მევენახეთა სარდაფში. მალე იგი, კეთილი ადამიანების შემწეობით, მიიღეს გორის აფთიაქში მოწაფედ. აქ მან გულმოდგინედ შეისწავლა წამლების დამზადება. შემდეგ აფთიაქში სამსახურის შოვნასაც დაბრკოლებები გადაეღობა (სამაზრო სასწავლებლის დამთავრების ცნობა არ ჰქონდა). ილია აფთიაქს ჩამოშორდა. ორი წლის თავულებელი მეცადინეობის შედეგად 1872 წელს გამოცდები ჩააბარა თბილისის საავადმყოფოში, ფერშლობა რომ შეესწავლა. იმავე წელს 19 წლის ჭაბუკი ახალქალაქში გაამწესეს ფერშლად. მალე მან პატარა აფთიაქი შეიძინა და აფთიაქში მუშაობის უფლების მისაღებად 1883 წელს გამოცდები ჩააბარა ქუთაისის კლასიკურ გიმნაზიაში.

1889 წელს ილია აღხაზიშვილი შედის ხარკოვის უნივერსიტეტის სამკურნალო ფაკულტეტზე თავისუფალ მსმენელად. 1891 წელს დაამთავრა უნივერსიტეტი და მიენიჭა პროვიზორის წოდება. შემდეგ ბრუნდება ახალქალაქშივე და იქ მოღვაწეობს 1918 წლამდე.

ფართოდ განსწავლული და მამულიშვილური ინტერესებით აღტყინებული ილია აღხაზიშვილი აქტიურად ჩაება საზოგადოებრივ საქმიანობაში და თავი გამოიჩინა, როგორც მრავალი საზოგადო საქმის წამომწყებმა და მეთაურმა. ხალხის გათვითცნობიერებას მან განუზომელი ამაგი დასდო. ილია აღხაზიშვილა მხურვალედ მონაწილეობდა ჯავახეთის რამდენიმე სოფელში სკოლების და ბიბლიოთეკა-სამკითხველოების გახსნაში, ახალქალაქში ქართული გიმნაზიის დაარსებაში. წლების მანძილზე ქართველთა შორის წერა-კითხვის გამავრცელებელი საზოგადოების რწმუნებული იყო ჯავახეთში. ილია აღხაზიშვილის მიერ ქართულ ჟურნალ-გაზეთებში გამოქვეყნებული მრავალრიცხოვანი კორესპონდენციები, ამსახველი სამხრეთ საქართველოს იმდროინდელი ცხოვრებისა, მშვენიერი მოწმობაა საქართველოს განაპირა რაიონებში თავდადებული და განათლებული ქართველი კაცის უანგარო და ვაჟკაცური მოღვაწეობისა.

გარდა კორესპონდენციებისა და ცალკე გამოცემული წიგნებისა, ილია აღხაზიშვილს გამოქვეყნებული აქვს 300-მდე სხვადასხვა სტატია.

ილია აღხაზიშვილს მჭიდრო ურთიერთობა ჰქონდა ცნობილ

ქართველ მწერლებთან და მოღვაწეებთან. არქივში დაცულია მისი მიმოწერა ილია ჭავჭავაძესთან, გიორგი წერეთელთან, იაკობ გოგებაშვილთან, ანასტასია თუმანიშვილ-წერეთელთან და სხვებთან. მისთვის „ერთი უზენაესი მოვალეობათაგანი“ იყო „სამშობლოს სიყვარული და მისი ერთგულება“.

ილია ალხაზიშვილი ზედმიწევნით ფლობდა ქართულ ენას, ლიტერატურას, საქართველოს ისტორიას; გარდა რუსულისა, იცოდა ფრანგული, ლათინური, სომხური და თურქული ენები.

ილია ალხაზიშვილი სისტემატურად მოგზაურობდა მესხეთ-ჯავახეთის სოფლებში და გულმოდგინედ სწავლობდა ამ მხარეს. მან შეაგროვა ფასდაუდებელი ფოლკლორული მასალა, რომელიც შუქს ჰყენს სამხრეთ საქართველოს მდიდარ ზეპირსიტყვიერებას, ამ კუთხის მშრომელთა შეუპოვარ ბრძოლებს უცხოელი დამპყრობლების წინააღმდეგ. ილია ალხაზიშვილის მიერ ფიქსირებული მრავალი ხალხური ქმნილება შესულია ქართული პოეტური ფოლკლორის საუნჯეში. იგი შესანიშნავ დამკვირვებლობას იჩენს ეთნოგრაფიული სინამდვილისადმი.

მის ნაწერებში გაბნეულია ძვირფასი მასალა, ამსახველი მესხ-ჯავახთა ხალხური წეს-ჩვეულების დეტალებისა, ყოფითი რეალიებისა.

ილია ალხაზიშვილის ყურადღების მიღმა არ დარჩენილა სამხრეთ საქართველოს ტერიტორიაზე მოქცეული ზუროთმოძღვრული ძეგლებიც. მათი აღწერილობანი უზვად არის ჩართული ავტორის სხვადასხვა ნაშრომში. განსაკუთრებით აღსანიშნავია მისი შრომა „ვარძიის მონასტერი“.

ჯავახეთის ისტორიის, ეთნოგრაფიის, ფოლკლორის შესასწავლ მასალას უზვად იპოვის მკვლევარი ილია ალხაზიშვილის ცნობილ წიგნში „ბუნება და ცხოვრება“ (1897 წ.), სადაც მგზავრის დღიურების სახით გადმოშლილია საქართველოს ამ ძირეული ქვეყნის ძნელბედობა ისტორიულ წარსულში, მისი ყოფა და ხალხური სიტყვიერების ნიმუშები. აი როგორ ახასიათებს ამ წიგნს ლუარსაბ ბოცვაძის ჟურნალი „განათლება“: „ეს წიგნი ბევრს საყურადღებო, საჭირო სამეცნიერო და საეთნოგრაფიო ცნობებს შეიცავს. ყველა ცნობები, ბუნების მეტყველებას შეეხება იგი თუ ასტრონომიას, საქართველოს რომელიმე კუთხის ხალხის ცხოვრე-

ბის აღწერას თუ ბუნების მოვლენათა ახსნა-განმარტებას, მარტივად, ყველასათვის გასაგებად და კარგის ენით არის გადმოცემული მოთხრობის კილოთი. ამისთანა მშვენიერი წიგნი უნდა მოიპოვებოდეს ყველა სახალხო წიგნთსაცავ-სამკითხველოებში, ყველა სკოლის ბიბლიოთეკებში ერთი კი არა, რამდენიმე ცალი. ის უნდა შეადგენდეს ჩვენებურ სახალხო მასწავლებელთათვის სახელმძღვანელო წიგნს, რომელშიაც ბევრს საყურადღებო ცნობებს ამოიკითხავს ყველა მასწავლებელი და ცოცხალი სიტყვით თვალსაჩინოდ გადასცემს საჭირო ცნობებს, როგორც თავის მოწაფეებს, აგრეთვე ხალხსაც“ („განათლება“, 1909, № 1, გვ. 122).

ამავე ნაშრომის გეგმით არის დაწერილი ოლია ალხაზიშვილის „რაჭა-ლეჩხუმი, მისი ბუნება და ხალხის ცხოვრება“. დიდად საყურადღებოა, ამასთანავე, ნარკვევი „მატკვარი, ჭოროხი და რიონი“.

საგულისხმოა მეფის ცენტურის მიერ აკრძალული 1893 წლის 25 თქტომბრის „ივერიის“ მეთაური წერილი „თფილისი, 25 თქტომბერი“, რომლის ავტორია გამოჩენილი ქართველი ისტორიკოსი ალექსანდრე ფრონელი, აქ სწერია: „ბატონი ილია ალხაზიშვილი დარბაისლად, ვით ძველი დროის ეპიკოსი, მოგვითხრობს ჯავახეთის სამწუნარო ამბებს. აქ ოდესმე სიცოცხლე სდულდა, ქართველი კაცის მაჯა ღონივრად სცემდა და მისი ხმის გრგვინვა შორს გაისმოდაო. დღეს ყველაფერს ფერი უცვლია, ქართველების ნიშანწყალიც აღარ მოსჩანს ზამბარელი თათარსავით ღორის თავს კი არ გვედავებიან, თვით ქვეყანას, თვით ჩვენი არსებობისათვის გამოუცხადებიათ სასტიკი ბრძოლა. ეჭვი არ უნდაო, ამბობს ბატონი ალხაზიშვილი, გავლენ დრონი, ჟამნი და ეს დიდებული ნაშთნი (ეკლესია-მონასტრები), მდუმარე მოწმენი ქართველების ამ მხარეში გაძლიერებული ცხოვრებისა, წვიმისა და ქარიშხლისაგან მოისპობიან და არც კაცის ხელი დაერიდება ამ წმიდათა წმიდის შენებასო...“ (სცსსა, ფონდი 481, პუბლიკაცია შ. გოზალიშვილისა: „ლიტერატურული საქართველო“. 1966, № 6).

ილია ალხაზიშვილი ხალხში ავრცელებდა ბუნებისმეტყველურ ცოდნას, უმთავრესად ამ ასპექტითაა დაწერილი მისი წიგნები და მრავალრიცხოვანი წერილები. ამ მხრივ ილია ალხაზიშვილს ჩვენში იშვიათად თუ ვინმე შეედრება. დიდად საყურადღებოა ილია ალხაზიშვილის სამედიცინო ხასიათის წერილები.



გარკვეული ამაგი დასდო ილია ალხაზიშვილმა ქართულ მეცნიერო ტერმინოლოგიის დადგენის საქმეს. მისი გულისყური უმთავრესად მიზნობილი იყო საბუნებისმეტყველო ტერმინოლოგიის დადგენისაკენ (როგორც ვიცით, ალხაზიშვილმა საუნივერსიტეტო განათლება ბუნებისმეტყველების განზრით მიიღო).

ჟურნ. „განათლებაში“, 1914 წელს, ილია ალხაზიშვილი წერდა: „საზოგადოდ შენიშნულია: ვინც კი ქართულს სამეცნიერო ლიტერატურას შეახებს ხელს, თუ გინდ მჯდაბნავიც იყოს, ყველა დავით აღმაშენებლობას ჩემულობს. ეს კი სულ იმის ბრალია, რომ კრიტიკა არ გავგაჩნია. ჩვენში მეტისმეტად ეზარებათ, ემძიმებათ კრიტიკის წერა — ეჰ! აუტკივარი თავი რად ავიტკიო, რად მოვიძულო ავტორით... პატარა თჯახი ვართ (მწერლები), ყოველდღე ერთმანეთს ვხედავთ და რაღაც უხერხულობას გრძნობ კაცი, თუ გინდ ცათამდე მართალი იყო“.

ილია ალხაზიშვილი ხარბად ეტანებოდა ძველ ლიტერატურულ ძეგლებს და ეძებდა სამეცნიერო ტერმინებს, ამავე დროს, მზის სინათლეზე გამოჰქონდა ხალხური მეტყველებიდან ისეთი სიტყვები, რომლებიც გამოდგებოდა სპეციალური ტერმინოლოგიის შესაქმნელად.

„მართლაცდა, თუკი გვინდა და ვცდილობთ კულტურის ხალხთა შორის ჩავგრიცხოთ, — დასძენდა სამეცნიერო ტერმინოლოგიის მოჭირნახულე, — უნდა კიდევ ვიშრომით, ვიშრომით ქართული სამეცნიერო ლიტერატურის აღორძინება-განვითარებისათვის. დიად, ჩვენი ნაციონალური თავმოყვარეობა გვავალებს ამ პრობლემის შევსებას... საქმეს აფერხებს ქართულ ენაზე სამეცნიერო ტერმინების უქონლობა“ (ჟურნ. „განათლება“, 1915, № 3).

ილია ალხაზიშვილი სატერმინოლოგიო მიუბებში ეყრდნობოდა ილია ჭავჭავაძის მიერ წამოყენებულ დებულებას. „ენას კანონს თვითვე ენა აძლევს“. იგი არა ერთგან აღნიშნავდა, რომ საჭიროა ყური მიუვუგდოთ ხალხს, საფუძვლიანად შევისწავლოთ დიალექტები და იქიდან ამოვკრიბოთ ჩვენთვის საჭირო ტერმინები.

ილია ალხაზიშვილს ლინგვისტური აღლო არ დალატობდა, როდესაც სამეცნიერო ტერმინების დადგენის დროს ანგარიშს უწევდა ქართული ენის შინაგან კანონზომიერებას, — მხოლოდ

ისეთი ტერმინი დამკვიდრდება ენაში, რომელიც გამოუმუშავდება ქართული ენის ბუნებისა და თვისების მიხედვით. — ამბობს ის.

აღსანიშნავი მოღვაწეობის დროს ასეთმა მკვნე ტენდენციამ იწინა თავი სამეცნიერო ტერმინოლოგიის დადგენის საქმეში: ყოველი ტერმინი უნდა გავაქართულოთ, სამეცნიერო მწერლობაში არავითარი უცხოური სახელწოდება არ უნდა დავნერგოთ! აცნადებდნენ ჩვენში პურისტული განწყობილებების ავტორები. იღია აღსანიშნავი შეებრძოლა ამ შეხედულებას; მან კარგად იცოდა, რომ სამეცნიერო ტერმინოლოგია შეუძლებელია ასცდეს ინტერნაციონალურ, საყოველთაოდ მიღებულ ტერმინოლოგიურ ტრადიციებს. მოვუსმინოთ მას: „ბუნებისმეტყველებას თავისი საკუთარი ანბანი და ლექსიკონი აქვს. მაშასადამე, ძალიანაც ნუ გეუცხოვებათ, ნუ გაიკვირვებთ, უკეთუ ხშირად შეხვდებით ამ ჩვენს შრომაში უცხო სახელებს. ამ გარემოებას ვერც ერთმა ჩვენზე უადრესად განათლებულმა ერმა ვერ აუქცია მხარი და ვერც ჩვენ ავიცილებთ თავიდან, და არცთუ საჭიროა“.

ასე მაგალითად, იყო ცდა „გაზის“ შესატყვისად დაემკვიდრებინათ ტერმინი „ჰაერგვარი“. იღია აღსანიშნავი კი აღნიშნავდა, რომ „გაზი“ უცვლელად უნდა გამეფდეს ქართულ ლიტერატურაში ისე, როგორც მთელს განათლებულს კაცობრიობას აქვს უცვლელად მიღებული“. (იხ. წერილი „სამეცნიერო სახელები და ტერმინები“, ჟურნ. „განათლება“, 1916, № 4).

ამასთანავე იღია აღსანიშნავი არ უარყოფდა გარკვეულ შემთხვევებში, — თუკი ამის შესაძლებლობა ენას აქვს, — რომელიმე უცხოური ტერმინისათვის ქართული შესატყვისის მისადაგებას. ქართული ტერმინის შემუშავებისას სიფრთხილე გვმართებს, ზედმიწევნით უნდა ვიცოდეთ თვითონ სხეულის ქიმიური, ფიზიკური და ფიზიოლოგიური თვისება, ამასთანავე „ზედმიწევნით უნდა ვიცოდეთ ბუნება ქართული ენის, უნდა ვიცოდეთ წმინდა ქართული: ხალხური და მეცნიერული, ძველი და ახალი, სხვა გზით ფონს ვერ გავალთ ვერას დროს“, — დასძენდა იღია აღსანიშნავი.

ეს თანამედროვე მეცნიერული ტერმინოლოგიის უტყუარი და საყოველთაოდ მიღებული დებულებაა.

დავიმოწმით ზოგიერთი კონკრეტული მაგალითი.

რუსული ტერმინის КИСЛОТА-ს შესაბამისად სცადეს შემოეღოთ ტერმინი „მჟავა“. ილია ალხაზიშვილი აღნიშნავდა, რომ ეს ქიმიური ტერმინი შეუფერებელია და უნდა გავაბატონოთ „მჟავა“. მოვუსმინოთ ავტორს: „ჯერ ერთი, რომ მჟავა რუსულად არის „КИС-ЛЫЙ“, მეორეც ისაა, ვისაც ჩემოდენად უმუშავნია ქიმიური ტერმინების თარგმანში, ყველა დამეთანხმება, რომ ქიმიური რთული სხეულის აღსანიშნავად აუცილებელი საჭიროებაა ვიხმართ ტერმინი „მჟავა“. ეს ტერმინი ქართულ ენის ბუნებასაც ეთანხმება (მაგალითად: ფერა-ფერა, ჭიაფერა, ჩიტისთვალა, ვაშლ-ატამა, მჭადა, რძიანა და სხვ.) და სხეულის ქიმიურ ბუნებასაც. მაგალითად, ჩვენ ვიტყვოდით: გოგირდმჟავა მარილები, ნახშირმჟავა მარილები, ფოსფორმჟავა მარილები და სხვ. (ქურნ. „განათლება“, 1914, № 5, გვ. 400).

როგორც ვხედავთ, ილია ალხაზიშვილი „მჟავას“ შემოტანას ასაბუთებს, ჯერ ერთი იმით, რომ სიტყვის წარმოება ქართულისებურია და, მეორეც: კომპოზიტურ შესამებაში ადვილად ხერხდება მისი გამოყენება ადრექტივის ფორმით.

იმდროინდელ სახელმძღვანელოებში წერდნენ, რომ „თევზს აქვს კუდი“, „ფრინველს აქვს კუდი“. ილია ალხაზიშვილი აღნიშნავდა: „ახლა მიდგა საქმე კუდზე. თქვენ გიწერიათ: თევზის კუდი(!), მამლის კუდი (!), ფარშევანგის კუდი (!) და სხვ... ბატონებო! ნუთუ არ გავიგონიათ ფრინველების სახელი: ბოლობეჭედა, ბოლოკარვაზი, ბოლოქანქარა, ბოლოშავა, ბოლოცეცხლა და სხვ. მამს საიდან მოჭორეთ ეგ თქვენი კუდი?“ — ასე მიმართავდა ალხაზიშვილი იმ ავტორებს, რომლებიც ანგარიშს არ უწევდნენ ქართული ენის თავისებურებას. დამოწმებულია დიდი ლექსიკოგრაფი სულხან-საბა ორბელიანის ლექსიკონიც: „ხოლო რომელთა კუდი ფრთოსანი აქვთ, ვითარ მფრინველთა და ფარფლოსანთა, ვითარცთა თევზთა, არა ითქმის კუდათ, არამედ ბოლოდ“. ანდაზაც კი არსებობს ასეთი: „ფიცი მწამს, ბოლო მაკვირვებსო“.

ილია ალხაზიშვილი ასაბუთებდა აგრეთვე ქიმიური ტერმინის „ჟანგბადის“ უპირატესობას „მჟავბადთან“ შეპირისპირებით (მხარს უჭერდა პროფ. პეტრიაშვილს). დღეს ეს ტერმინი დაკანონებულია.

ილია ალხაზიშვილი რამდენიმე ათეული წლის მანძილზე ავ-

როგებდა ფასდაუდებელ მასალას ფარმაცევტული ლექსიკონის შესადგენად. მას დარჩა გამოუქვეყნებელი ნაშრომი „ფარმაცევტული ტერმინები ანუ ქართულ-რუსულ-ლათინური სახელები წამლებისა“, რომელიც შეიცავს 2178 ტერმინს. აქ მოცემულია ცნობები ბოტანიკიდან, ქიმიიდან, მედიცინიდან, ზოოლოგიიდან. მასვე შეუდგენია „ბუნების ლექსიკონი“ ბრემის სისტემის მიხედვით.

„ჯეჯილისა“ და „ნაკადულის“ ნორჩ მკითხველებს ილია ალხაზიშვილი აწვდიდა ძვირფას ცნობებს ბუნებისმეტყველებიდან, ასწავლიდა სათანადო მეცნიერულ ტერმინოლოგიას, ფართო მკითხველს მოუწოდებდა ქართული ენის ბუნებისათვის შესაფერისი ზუსტი საბუნებისმეტყველო სახელწოდებების შეგროვებასა და გავრცელებას.

„გაიცანით, შეისწავლეთ, დაუახლოვდით ბუნებას, შეაჩვიეთ თავი მის კვლევა-ძიებას, — მიმართავდა დიდი მამულიშვილი ახალგაზრდობას, — ...აღანთეთ ცეცხლი ბუნების სიყვარულისა, შეისწავლეთ მისი უცთომელი და უცვლელი კანონები, დაუახლოვდით ცხოველმყოფელ ბუნებას, დაეწაფეთ ამ უკვდავების წყაროს და იმდენ უღვეველ საინტერესო ფაქტებს გაიგებთ, რომ სიცოცხლის ინტერესი ერთი-ათასად აღგეძვრებათ და ძიება-კვლევით სამოთხის-ნაირად დატკბებით. მაგრამ რას ვამბობ, ბუნების ცოდნა მარტო კართობაა? განა მთლად ჩვენი კეთილდღეობა ბუნების ცოდნაზე არ არის დამოკიდებული? (ჟურნ. „კვალი“ 1895, № 8).

მწერალი და საზოგადო მოღვაწე ილია ალხაზიშვილი ვერ მოესწრო იმ დროს, როდესაც სინამდვილედ იქცა ხალხის საქმისათვის თავდადებული ადამიანის ოცნებანი. ილია ალხაზიშვილის-თანა მუშაკების სანუკვარი საქმე — კერძოდ, ქართული სამეცნიერო ტერმინოლოგიის მოწესრიგება, — დღეს სახელმწიფოს მზრუნველობის საგანია და, ამდენად, მის განვითარებას მკვიდრი საფუძველი აქვს ჩაყრილი.

წინამდებარე წიგნით ქართველი მკითხველი გაეცნობა ილია ალხაზიშვილის ნაწერების ერთ მნიშვნელოვან ნაწილს. მეცნიერების განვითარების დღევანდელი დონის მიხედვით ზოგი რამ აქ მოძველებულია და განვლილი ეტაპების ამსახველი, მაგრამ ამგვარი მასალის გაცნობაც საგულისხმოა, რამდენადაც საშუალება გვებ-



ლევა თვალი გავადევნოთ ჩვენი ძველი მოღვაწეების ნაფიქრობა და ნაოცნებობა და გავითვალისწინოთ, თუ რა დონეზე იდგა რევოლუციამდელ საქართველოში მეცნიერული ცოდნის გავრცელება მოსახლეობის ფართო ფენებში.

ილია ალხაზიშვილის რჩეული ნაწერები იყოფა სამ განყოფილებად:

I განყოფილებაში მოთავსებულია „ბუნება და ცხოვრება (მგზავრის დღიურიდან)“, რომელიც შეიცავს შემდეგ ნაწილებს: „მოგზაურთა განთიადი“, „ტაბაწყურის ტბა“, „ერთი კუთხე ჯავახეთისა“, „თრიალეთის მთა და ცხვარი“, „წალკა და რეხა“.

ნაშრომი ცალკე წიგნად გამოვიდა 1897 წელს.

II განყოფილებაში მოთავსებულია „მტკვრის სათავეებთან (მგზავრის დღიურიდან. უწინდელი ზემოქართლი და მტკვრის სათავე)“.

არსებითად ეს გაგრძელებაა წინა ნაშრომისა და ნაწილ-ნაწილ იბეჭდებოდა „ჯეჯილში“ (1912, 1913 და 1914 წლებში).

III განყოფილებაში მოთავსებულია „ჯავახური ლეგენდები“, დაბეჭდილი სხვადასხვა დროს „ჯეჯილსა“ (1908, № 1, 4) და „განათლებაში“ (1916, № 49).

ილია ალხაზიშვილის ნაწერები იბეჭდება მცირეთდენი ცვლილებებით; ტექსტში ალაგ-ალაგ შეტანილია უმნიშვნელო ორთოგრაფიული ხასიათის შესწორებანი თანამედროვე ნორმების კვალობაზე.

წინამდებარე რჩეული ნაწერები შეადგინა ილია ალხაზიშვილის შვილმა, მწერალმა შალვა ალხაზიშვილმა.

ზოთა კიძიშვილი.

# ბუნება და ცხოვრება

(მგზავრის დღიურიდან)

კ 269.040  
3

ნაწილი პირველი

მოგზაურთა განთიადი

1

ზაფხულის მზის ცეცხლებს სხივებმა ჩვენც გაგვითბო გული და აღგვეძრა სურვილი მოგზაურობისა. „ზამთარში ბარი, ზაფხულში მთა“... ამ ბუნებრივ კანონს საიამოვნებით დავემორჩილეთ და ბარიდან მთისკენ გავწიეთ, იმ მთისკენ, რომელიც წელიწადში ცხრა თვეს სთვლემს, სამ თვეს — ცოცხლობს.

ხალხის გამირი ქორთლლი უმღერის ამ თრიალეთის მთებს:

...სამ თვეს პატარძლად მორთულნო,  
მთანო, ცხრა თვეს დათოვლილნო...

242

მგზავრობა ღამის სიგრილით ვარჩიეთ და უფრო კი იმ აზრით, რომ დავსწრებოდით დიდებულ მოვლენას განთიადის ბნელეთზე გამარჯვებისას.

მართლაცდა მთელს ჩვენს სიცოცხლეს ზოგნა სე ვატარებთ და ისე ვესალმებით ამ წუთისოფელს, რომ ძნელად თუ ვინმე — მეცნიერებზე არ მოგახსენებთ — განგებ დაჰკვირვებია განთიადის სანახაობას და მისი დიად წესრიგს, თითქოს ბუნების შვილი არ ვიყოთ და მის ნაწილს არ შევადგენდეთ.

რას ბრძანებთ! აბა, მის უკეთეს რას იგრძნობ კაცი, როცა სოფლად ხარ, მშობელი ბუნების მკერდს ესუტები და მასთან ერთად იღვიძებ! ცის მნათობთა სიდიადე-სიმშვენიერით, ზესთა-ზენამდე აღფრთოვანებული სული ხართბს, გული-გონება გინათლდება, გისპეტაკდება და ჰგონებ, რომ ცხოვრების ვარამით გაცვეთილი ნერვები, ამომავალი მზის ცხოველმყოფელის სხივებით გეკურნება, გიხალისდება. ყვავილოვანი ბუნების ცქერით და სოფ-

2. ა. ალხაზაშვილი

საქართველოს  
პარლამენტის  
ეროვნული  
ბიბლიოთეკა

ლური სადა ცხოვრებით სასიამოვნოდ მოხიბლული გული მისცემს ნებას ეძლევა; უკვდავების ჰაერით თავისუფლად, ხარბად სუნთქავ და ახლად შეკრებილი სიცხველით გულის ძეგრა, სიცოცხლის ხალისი გიძლიერდება.

ნაშუალამევს, გაუთენებლივ, შევსხედით ცხენებზე და გზას გავუდექით.

მოწმენდილი ცა კაშკაშა ვარსკვლავებით იყო განირაღდნებული, ახლად დაბადებული ღამის გუშაგი, თანამავალი დედამიწისა, არსად სჩანდა, მისძინებოდა.

მდუმარე სოფელს კარგად რომ გავცილდით, მამლებმა შექმნეს პირველი რიგის ყვილი. ამბობენ, კარგი მამალი ღამის პირველ საათს არ გადააცდენსო. მართლაც, პირველის შესრულებას სამი წამი აკლდა. მამლის მტკიცე ჩვეულება ანდაზად გადაქცეულა: მამალი რომ უდროთ დროს დაიყვილებს, თავს მოსჭრიანო.

ხალხში ჯერ აქამდე ის ცრუ რწმენაა გავრცელებული, ვითომ პირველ მამლის ყვილამდე მთელი ქვეყანა და ზესკნელი ღამე ათასნაირი მავნეთი და არაწმინდა სულით ჰრის სავსეო და რაწამს მამალი იყვილებს, ყველა წყეული ქვესკნელს მიდისო.

კიდევ ამიტომ ჩვენი მეჯინიბე ზაქრო განგებ აგვიანებდა ცხენებს, თანაც რაღაცას თავდაღუნული პირჯვრის წერით ბუტბუტებდა. თურმე, ნუ ბრძანებთ, იწყევლებოდა: დასწყევლოს სამას სამოცდასამმა წმიდა გიორგიმთო. ახლა კი, მამლის ყვილის უმალ; ჩვენი ზაქრო გამხნევდა, გამხიარულდა, თითქოს წისქვილის ქვა ზურგს ეკიდა და უკუაგდოთ.

ამგვარი ცრუმორწმუნეობისათვის ზაქროს ბევრმა დაუწყო ხუმრობა. ბოლოს ყველამ ჩამოვთვალეთ, ბავშვობისას რაც გავვეგონა — ალი, მავნე სულები და მკვდრების ოინები.

გზის ნაპირას სოფლის სასაფლაო გვკონდა გასავლელი. ჩვენმა ახალგაზრდა თანამგზავრმა ცხენი გაქუსლა, გზას გადაუხვია, ღამის სიბნელეს არ დაერიდა, წინ გაგვისწრო. ცოტა ხნის შემდეგ სასაფლაოდან შორით სიმღერის ხმა შემოგვესმა:

ღმერთო, ღმერთო, მოწყალეო,  
არვინ მივის შენგან კიდე,  
შენგან ვითხოვ შეწევნასა,  
რაზომსაცა გზასა ვლიდე!



მტერთა ძლევა, ზღვათა ღელვა,  
ღამით მავნე განმარდიე,  
თულა დავრჩე, გმსახურებდე,  
შენდა მსხვერპლსა შევწირვიდე.

ღამის პირველი საათია. სამი ათასამდე ბრჭყვიალა ვარსკვლავით მოჭედილი ცა მკრთალ სინათლეს ჰფენს დუმილით მოცულ არემარეს. ცის კალთებზე ალაგ-ალაგ გაფანტულან მძიმე ღრუბენი, ზოლო გუმბათი უმთვარო ღამეში საამოდ კრიალებს.

აგერ ჯგუფი შვიდი ვარსკვლავისა; დათუნა, ჩრდილო კიდის ვარსკვლავედი, ცის კალთაზე ჩრდილოეთით დაშვებულა, ყალფზე დგას, თითქოს კუდზე დაბჯენილაო. ამ სამიოდ საათის წინ კი, კუდაშვერილი, ცის გუმბათზე იყო გამოჭიმული.

ახლა მივიხედოთ აღმოსავლეთისაკენ. აგერ ზომლი — ჯგუფი ექვსი ვარსკვლავისა, თანავარსკვლავედი კუროსი — ძლიერ მალლა, ცის გუმბათის შუამდე ამოსულა და სამხრეთისაკენ გადახრილა.

ზაფხულის პირზე, როცა საქონელი საძოვრად გაჰყავთ, ხალხი ძლიერ არიდებს საქონელს ზომლის ამოსვლას — ზომლი დაჰკრავსო. ამიტომაც გამოცდილნი მწყემსნი ზომლის ამოსვლის წინ სადმე ღელეში ჩარეკენ ცხვარს, რომ გოჭას მოაფარონ, ზომლს მოარიდონ.

როგორც ჯავახელმა მწყემსებმა ამიხსნეს, მხოლოდ სამი დღე არის საშიში — თიბათვის 7, 8, 9. ამ რიცხვებში ზომლი აბულის მთასთან ამოდის და უეცრად ცეცხლის ალივით ამოვარდება ზოლმეო. ამ დროს საქონელს თუ სხივები დაჰკრა — გააფუჭებსო. საკმაოა ორი-სამი საათით ცხვარი თუ სხვა საქონელი მოარიდოთ პირველ ამოსვლას და მერე, რაკი ზომლი მალლა და მალლა წავა, საშიში აღარ არისო. თუ თქვენს ახორს (თავლას) ხანათური აღმოსავლეთისაკენ აქვს, საჭიროა ცხენიც მოარიდოთო. ზომლდაკრული ცხვარი ჯანზე ვეღარ მოდის, რალცნაირ მუწუკებს აყრის ტანზე, ჯანდაკდება და მატყლიც ცუდი აქვსო. როცა ვაჭარი მატყლს იწუნებს, ამბობს, „ზომლის ნაკრავიაო“. ზომლნაკრავ ცხენსაც ბუგრი ეხვევა და ცხვირ-პირზე რალც ხაზები დააჩნდება ზოლმეო.

ერთმა ჯავახელმა ბერიკაცმა მითხრა: როცა გაზაფხულის პირ-



ზე, მწუხრისას, ხომლი დასავლეთზე გამოჩნდება, გუთანტე  
 ლისხმე — სახნის-საკვეთი გაწვიბეთ.

ავიხედოთ ცის გუმბათისაკენ, — აგერ. ხარის ნავალი და ირმის ნახტომი, წუხელ საათის ათზე ჩრდილო-აღმოსავლეთით წამოსული, სამხრეთ-დასავლეთისკენ იყო გადაშვებული. ესლა კი მობრუნებულა და ცის გუმბათს სარტყელივით გაჰკვრის, რომლის ერთი ბოლო სამხრეთ-აღმოსავლეთისაკენაა ჩაშვებული, მეორე — ჩრდილო-დასავლეთისაკენ. ამ ვარსკვლავთა ჯგუფის შესახებ, რომელიც, ვინ იცის, რამდენ მილიონ წვრილმან ვარსკვლავთაგან შესდგება და რომელსაც მეცნიერნი რძის კვალს ეძახიან, ჩვენ ხალხში შემდეგი თქმულება სუფევს.

ღმერთმა გადმოიხედა და ბრძანა: ადამიანს საშინელი ჯაფა ადგია, ამდენს გაჭირვებას ვერ აიტანსო. მოუხმო ცხოველთ და უბრძანა: აბა, ვის ძალგისთ შრომის უღელი გაუწიოთ გლეხკაცსაო? გადმოხტა წინ ირემი და დაიქაძნა: მე მიკისრნია კაცის შრომაო. დალოცვს და გამოისტუმრეს.

ირემმა იხტუნა, იხტუნა და დედამიწამდე მანძილს ვერ უწია, შუა გზაზე გასკდა.

ადამიანის შენახვა ვერავინ იდგა თავზედა:  
 ხვნა, ფარცხვა, ზიდვა სარჩოსი გასჭირდა მეტად ძალზედა,  
 ხარმა სოქვა, პირმა ნათელმა, მე დავიწერავ თავზედა.  
 მოცივიდნენ ანგელოზები, დაჰკოცნეს ორთავ თვალზედა:  
 ჩამოქნეს წყვილი სანთელი, მიაკრეს ორთავ რქაზედა:  
 — წადი, ხარო, იმუშავე, ერთგულად მთა და ბარზედა,  
 ექვსი დღე უღელში ებში, მეშვიდეს დაწექ მხარზედა,  
 ვინც კვირა-უქმით შეგაბას, ხელი შეახმეს მკლავზედა.

ხარმა დინჯი ნაბიჯით გამოსწია და მშვიდობიანად ჩამოვიდა ქვეყნად. მას აქეთაა, ერთგული მეუღლე გაუხდა შრომის შვილს, გლეხკაცსა.

აი, ცას ალაგ-ალაგ რო ხალებივით ატყვია, ეგ ირმის ნახტომია და თეთრად რო დიდი ზოლი მისდევს, ეგ ხარის ნავალი გზა არისო.

ბაშვობისას, პირველად რომ ეს ლეგენდა მიაჩბეს, მახსოვს, ძლიერი შთაბეჭდილება მოახდინა ჩემზე. მაგრამ, რამდენიც შევხედავდი ვარსკვლავებით მოჭედილ ცას, მიკვირდა, ეჭვი მტანჯავ-

და, არა მჯეროდა, რომ ცის იმ სიმაღლიდან ხარი მანძილს გადმოვიდოდა და ქვეყნად ჩამოვიდოდა. მერე ბუბიაჩემმა ამიხსნა: შვილო, გენაცვალე, უწინ ხომ ცა ასე არ იყო ჩვენგან დაშორებულიო! ადამიანმა რომ ღმერთი დაივიწყა და ცოდო-მადლი აღარსად იყო, ღმერთიც იმიტომ გაგვიწყრა, თორემ უწინ ცა ისე ახლო იყო, რომ იალბუზის მთიდან ხალხი ცაში ადიოდაო. ერთხელ პატარძალი პურს აცხოვდა გარეთ, ეზოში, იქვე, თონის ახლოს, ბავშვი იდგა ჭოჭინით. ბავშვმა წაიხდინა, პატარძალმაც ცომიანი ხელებით აიღო და ბავშვი თბილი ლავაშით გაწმინდა. ამაზედ განრისხდა ღმერთი და აგერ ცა ახლა ჩვენზედ რამსიმაღლეზედ არისო!..

11

დაიწყო ნაშუადამევის მეორე საათი. ჩვენმა ცხენებმა, ღამის სიგრილით წახალისებულებმა, სიარულს მოუმატეს, მაგრამ არ ვჩქარობდით — გზა ვიღას ახსოვდა.

აგერ, შორით, შავად მოჩანს ირგვლივ გაბმული უზარმაზარი მთების აჩრდილი. მათა სერ-ქედის თღროჩოღრო მუხლები ვარსკვლავთა მკრთალ შუქზე ბუნდოვან სივრცეში იხატებიან — ზღვარს ავლებენ!

მდინარეთა შხივილი და ჩანჩქერთა ჩხრიალი მოგვესმა — ნიაგმა მოგვიტანა.

კანტიკუნტად ძაღლების ზარმაცი ყეფაც ისმის.

ჩვენი ყურადღება მთლად აღმოსავლეთმა მიიქცია — განთიადს ველით, ანუ უკეთ რომ ვთქვათ, გვსურს დავესწროთ იმ დიდებულ წუთს, როდესაც დედამიწა ამ ბნელეთის სივრცეს გაივლის, შემოგვატრიალებს და ისევ მზეს მოგვაცხუნებს.

აგერ ერთი ვარსკვლავი, თითქოს ცას მოსწყდოდ, ჩამოვარდა, ისარივით წავიდა და ჰაერშივე ცეცხლისფრად გაწყალდა.

— კიდევ ერთი კაცი მოკვდა, — წაიდუღუნა ჩვენმა ზაქრომ...

აღმოსავლეთით, აბულის მთის იქიდან, ნაკვერჩხალივით ბრჭყვიალა, მშვენიერი ვარსკვლავი ამოციმციმდა და მადლა-მადლა გასწია. სიდიდით ყველა ვარსკვლავს სჭარბობს, ხან ბნდება, ხან ძალზე დადრადებს — ყვითლად, ლურჯად ენთება.

ამ ვარსკვლავს რომ შევხაროდით, იშვიათი რამ სანახავი ვნა-



ხეთ. სამხრეთი უეცრად აენტო, სხივნი მოჰფინა და მსაქრად ჩაქრა. მოულოდნელმა სანახაობამ ყველანი გაგვოცა და მეტად მშვენიერმა სურათმა საამოდ აღგვიტაცა.

ბუნების ამგვარ მოვლენას ციალი ეწოდება. ციალი მეტად ძლიერი იყო და მისმა სხივებმა მეტად დიდი სივრცე მოჰფინა ბნელ სამეფოში. ჩრდილოეთის ნათებას ემსგავსებოდა. ზაქრომ სთქვა: თევზმა შეითამაშა და იმან გაანათაო... ხოლო ფიზიკიდან ვიცით, რომ შორს, სამხრეთით, საცადა, ელვა-ქუხილი ყოფილა და იქაურმა ელვამ თავისი შუქი სივრცეში გასტყორცნა, სხივნი გაჰფანტა. ქუხილი კი იმიტომ არ მოგვესმა, რომ 25 ვერსის სიშორეზე ქუხილის ხმა აღარ ისმის.

კიდევ ჩამოვარდა ვარსკვლავი, სივრცეში ცეცხლის ზოლი გაავლო და ჩაქრა. ხალხში ის ცრუმორწმუნეობა არის გავრცელებული, რომ ყოველ ადამიანს საკუთარი ბედის ვარსკვლავი ჰყავსო, — რა აღმატებული აზრისაა კაცი თავის თავზე! — და როცა კაცი კვდება, მისი ვარსკვლავი ქრებაო.

ჩემს ბავშვობაში კი მახსოვს, ზაქათალაში, ერთ ზაფხულს, მოსწავლენი გარეთ, აივანზე, ძილს ვაპირებდით. ამ დროს „მოწყადა“ ერთი ვარსკვლავი, ნაკვერცხალივით წამოვიდა და მეზობლის ეზოში ჩავარდა. მეორე დღეს გავიგეთ, რომ იმ მეზობლის რძალს გაუჟი მისცემოდა.

ვისაც გსურთ ვარსკვლავთა ცვენა ნახოთ და ამ სანახაობით გაერთოთ, შეხედეთ ცას უღრუბლო ღამეში მკათათვის 28, 29, 30; ღვინობისთვის 31 და გიორგობისთვის 1, 2 რიცხვებში. თხუთმეტი წუთის განმავლობაში თცზე მეტი ვარსკვლავი ჩამოცვივა.

შეიძლება ზოგ მკითხველს ეგონოს, მართლაცდა ვარსკვლავები ცვიოდეს ციდან!

ეს, რასაკვირველია, დიდი შეცდომა იქნება, რადგან ცა მართლა ლაქვარდი გუმბათი ხომ არ არის და მასზე ვარსკვლავები ჭრამქებივით ჩამოკიდულნი კი არ არიან, ან დედამიწა ბოძებზე ხომ არ არის დამყარებული, რომ მთელ მსოფლიოს საძირკვლად გაუხდეს!

საკმაოა გავიხსენოთ, რომ თითოეული ვარსკვლავი იგივე მზე არის, თავისად ანათებს და ზოგი ვარსკვლავი კი ჩვენს მზეზედაც უდიდესია! ხოლო ჩვენი მზე ისეთი რამ უშველებელი ცეცხლის



ბურთია, რომ დედამიწის ოდენა ერთ მილიონ-ნახევარი რუბლი რება. შეიძლება ასეც შევადაროთ: ცალ მხრივ დადეთ ერთი მარცვალის სორბლისა და მეორე მხრივ დაავროვეთ ერთი ტომარა იგივე სორბალი. ამგვარი შედარებით აშკარად წარმოიდგენთ მზის სიდიდეს და სივრცეს დედამიწის წინაშე.

ჰოდა, კაი ხეირიც დაეყრება ჩვენს დედამიწას, თუ ამოდენა ვარსკვლავი (მზე) წამოვიდა და ზედ დაეცა!

თუ ვიკითხავთ, მაშ რად ჩანან ვარსკვლავები მაგრე პატარებო, აი, რა პასუხს მოგვცემს მეცნიერება: მაგის მიზეზი ის არის, რომ როგორადაც მზე, აგრეთვე ვარსკვლავებიც, ძლიერ დაშორებული არიან, ისე შორს არიან ჩვენზე, რომ ადამიანის გონებას ვერც კი შეუძლია წარმოიდგინოს. უკვე გამოანგარიშებულია, რომ ჩვენი დედამიწიდან მის სატრფიალო მზემდე 140 მილიონი ვერსია! აქედან რომ მზეს ზარბაზანი ვესროლოთ, ზარბაზნის ყუმბარას ათი წელიწადი დასჭირდება, ვიდრე მზემდე ააღწევდეს. დედამიწიდან მზემდე ტელეფონი რომ იყოს გამართული, მზეზე ნათქვამი სიტყვის ხმას დედამიწაზე 13 წლის შემდეგ გავიგონებდით. რკინიგზა რომ იყოს მზემდე გამართული, რომელიც დღე და ღამე დაუყოვნებლივ მიგვაფრენდეს მზისკენ, მაშინ ჩვენი მგზავრობა სამას წელიწადზე მეტს გასტანს და თუ უკანვე დავბრუნდებით, ექვს საუკუნეზე მეტს მოვუნდებით. ესე იგი, თამარ მეფეს რომ რუსთაველი მზესთან გაეგზავნა მოსაკითხად, დღესაც გზაში იქნებოდა. ან იქნება თავისი უკვდავი პოემის შვიდასი წლის იუბილესათვის სამი წლის შემდეგ (1900 წ.) მზის პასუხით ჩამოგვისწროს?

დიად, აი ასე შორს არის მზე და, მაშასადამე, ადვილად შეგვიძლია წარმოვიდგინოთ, რა შეუბრალებლად, რამისიშორეს გასტყორცნა მზემ თავისი ანაგლეჯი, ჩვენი დედამიწა.

მზე ხომ ასე შორს არის ჩვენზე, მაგრამ ვერ წარმოიდგენთ, რა საშინელი სისწრაფით ჩამოდის ჩვენამდე მისი შუქ-სინათლე!.. თითო წამში თექვსმეტ მილიონ ვერსს მოფრინავს მზის სინათლე და დედამიწამდე რვაწამნახევარში ჩამოდის!

ვარსკვლავთ შუქი იმავე სისწრაფით მოფრინავს ჩვენკენ, მაგრამ ყველაზე უახლოესი ვარსკვლავი, რომლის ბრჭყვიალებითაც ასე ვსაიმოვნებთ, ისეთ სიშორეზეა, რომ ვიდრე იმისი შუქი დედამიწამდე უწევს, სამ წელიწად-ნახევარს უნდება.



ზოგი ვარსკვლავი კი, რომლის ბუტყასაც ძლივს ვამჩნევდით ისეთ საშინელ მანძილზეა ჩვენგან დაშორებული, რომ ყოვლად შეუძლებელია მისი წარმოდგენა. ვიდრე ამგვარი შორეული ვარსკვლავის შუქი ჩვენამდე მთაღწევს, 3500 წელიწადს უნდება ამ მანძილის გავლას. აგერ იმ ვარსკვლავის შუქი, ძლივს რომ ბუტყავს, მოსე წინასწარმეტყველი რომ დაიბადა, მას აქეთ წამოსულა და დღეს ძლივს ჩამოვიდა ჩვენამდე და გამოგვიცხადა თავისი ვინაობა.

ამ ამბების გამგონი აშკარად ვხედავთ, შედარებით რა ნამცეცა რამ ყოფილა ჩვენი დედამიწა. დიად, ჩვენს დედამიწას იმიოდენა ალაგი უჭირავს მთელი მსოფლიოს არემარეში, ანუ სივრცეში, რამოდენა ალაგიც ერთ წვეთ წყალს ზღვა-ოკეანეში.

მაგრამ, მართლაცდა არც ისე მასხრად ასაგდება ჩვენი დედამიწა, როგორც არქიმედმა დაიქადნა: მომეცით აზარმაცის დასაყრდენი წერტილი და მთელ დედამიწას ბურთივით ამოვატრიოლებო.

კაი დაგემართოს, მარა ამ აზარმაცს, ანუ ბერკეტს რამოდენა ხელის მოსაჭიდი ტარი უნდა ჰქონდეს, რომ დედამიწას ძვრა უყოს! მეცნიერთა გამოანგარიშებით, სინათლეს, რომელიც წაშში 16 მილიონ ვერსს მიფრინავს, ექვს-ნახევარი მილიონი წელიწადი დასჭირდებოდა, რომ ამ ბერკეტის სიგრძე ბოლომდე გაერბინა!

ახლა ისევ „მცვივანო“ ვარსკვლავებზე ვიბაასოთ.

ის, რაც ციდან ჩამოვარდება ხოლმე, ჩვენ რომ ვარსკვლავი გვგონია, შეგიძლიათ თქვენი თვალით ნახოთ ზოგიერთ მუზეუმში, მგონი თბილისის მუზეუმშიაც მოიპოვებოდეს. ზოგი ქვის ნატეხს წარმოადგენს, ზოგიც ნამდვილ რკინის ნატეხს. ასე რომ, შეგიძლიათ მჭედელს მისცეთ და დანა გააკეთებინოთ. მაგრამ აფსუსია... სჯობს სამაჯური გავაკეთებინოთ სახსოვრად რომელიმე ვარსკვლავისა. განა რომ სასურველი იქნება არა ამ ქვეყნის ნივთი?!

ხსენებული ნატეხები რომელიმე ვარსკვლავის ანაგლეჯის ნამსხვრევებია, რომელნიც პლანეტთა შორის, ცარიელს სივრცეში ტრიალებენ, სრიალებენ. როგორც ძერას აედევნებიან პატარა ჩი-



ტები, ისე ეს ვარსკვლავთ ნამტვრევებიც დაედევნებინა ხოლმე დედამიწას ტრიალის დროს, ზოგჯერაც ისეთი საშინელი სიჩქარით და ძალით წამოვლენ ხოლმე დედამიწისკენ, რომ მეტისმეტი გლეხით ჰაერში ენთებიან, იწვიან, ცეცხლის ზოლს ავლებენ და ჰაერშივე ისპობიან. ზოგი კი ისეთი დიდი ნატეხია, რომ ნაკვერცხალივით გახურებული დედამიწამდე უწევს.

გამოცდილებით ვიცი, როდესაც ზარბაზნის ტყვია ჰაერში მიფრინავს, გლეხისგან ჰაერშივე იქამდე ცხელდება, რომ მჭვდილის ქურაში გახურებულ რკინასებრ ვარვარებს. ჰოდა, თუკი ზარბაზნის ყუმბარა 7—8 ვერსის გავლით ასე საშინლად ცხელდება, მაშ რაღა გასაკვირია ვარსკვლავის ნატეხი, რომელმაც რამდენიმე მილიონი ვერსი უნდა გაიაროს, ისე გახურდეს, გაელვარდეს, როგორც ჩვენ გვეჩვენება ხოლმე ცის სივრცეში?! სწორედ ეს ფიზიკური კანონია იმის მიზეზი, რომ ზოგი ნატეხი ვარსკვლავისა ჰაერშივე იწვის, ჰაერშივე ქრება და ჩვენამდე ვეღარ ჩამოდის, უფრო კი ნამსხვრევთა მტკერი ვერ უწევს ხოლმე დედამიწამდე და ჰაერშივე იწვის გლეხის გამო.

ყოფილა არაერთი მაგალითიც, რომ ციდან ჩამოვარდნილა უშველებელი ნატეხი, ვეებერთელა კლდე ათასი ფუთი წონისა. პეტერბურგის სამეცნიერო აკადემიაშიც ინახება ერთი ამისთანა მეტეორი (ჰაერის ქვა) 50 ფუთი წონისა, რომელიც ციმბირში ჩამოვარდა განვლილ საუკუნეში. ეს ნატეხი თითქმის ხალასი რკინაა, მხოლოდ 10% ნიკელი ურევია.

### III

დილის ორი საათი შესრულდა, ერთი პირი ჩამოხნულდა — ბუნებას ჩასთვლიმა, თითქოს წყალმაც კი ჩაიძინაო.

ცისა გახსნას შევესწრები,  
ქვეყნების დამყარებასა,  
შენს გამარჯვებას ვისურვი,  
სამშობლოს აპყვავებასა.

აბულთან ცა გაიხსნა — აღმოსავლეთმა გამოაშუქა. ხალხს სწამს, რომ ცის გახსნის უმაღლ რასაც ინატრებ, აგისრულდებაო.



მაგრამ ეს დიდებული წუთი ისე უეცრად მოხდა, რომ ჩვენმა მამამ  
რომ ვერც კი მოასწრო სამჯერ ეთქვა:

ღმერთო! მამე ცხოვრება,  
ქონება და ცნობა...

ის ჩვენი სატრფო — ღადღადა ვარსკვლავი თრთოლვით, ციმცი-  
მით ძლიერ მაღლა-მაღლა ავიდა, მერე მისუსტდა, მიილია.

ახლა ალიონის ნახვას ველით, ცას შევცქერით. ერთმა ჩვენმა  
თანამგზავრმა თქვა: საცაა მზე უნდა ამოვიდესო.

უეცრივ, მოულოდნელად თვალი მოვკარით უუმშვენიერეს დიდ  
ვარსკვლავს, რომელიც აღმოსავლეთით, მთის იქიდან, ის-ის არის  
ამოსულიყო, ამოგვპაროდა. საათს დავხედე და სამის ნახევარი  
იყო.

ამ მნათობის სიდიად-სიკველუცემ და მისმა ნაზმა თ ე თ რ მ ა  
შუქმა მთლად გაიტაცა გული-გონება.

წარმოიდგინეთ, რარივ მოტყუვდით! აბა, რა დროს მზის  
ამოსვლა იყო. თურმე ნამდვილი ცისკარი ეხლა ამოვიდა და ჩვენ კი  
მთელი ერთი საათი იმ ყ ვ ი თ ე ლ ვარსკვლავს ვეაღერებოდით,  
შევხაროდით — ცისკრის ვარსკვლავი გვეგონა, მაგრამ ვაი, სირცხ-  
ვილო! რა უმეცრები ვყოფილვართ ვარსკვლავთა ცნობაში! თურმე  
ნუ ბრძანებთ, ის ცბიერი ყვითელი ვარსკვლავი ხ ა რ ი პ ა რ ი ა  
ყოფილა. ახი კია, ღვთის წინაშე, რომ ამ ყვითელ ვარსკვლავს  
ხალხმა ავაზაკის სახელი დაანათლა, თათრები ქ ა რ ვ ა ნ ყ რ ა ნ ს  
უძახიან.

ქართველებმა ხ ა რ ი პ ა რ ი ა იმიტომ უწოდეს ამ ვარსკვლავს,  
რომ ღამის მეხრენი ბევრჯერ მოტყუებულან, ხარი აუშლიათ, გუ-  
თანზე მოურეკავთ და როდის, როდის გათენებულა.

ამასობაში, ცა თუ მოიღრუბლა, მაშინ კუმეტ ბნელაში ხარიც  
იკარგება.

ხარიპარია ვარსკვლავი — ქარვანყრანი, ბევრ ლექსშია მოხსე-  
ნებული თათრულ ენაზე. აი ერთი საინტერესო ნიმუში.

ვიღაც ხანის შვილი, სახელად ქიარიმა, სიზმარში ნახავს თავის  
სატრფო ქალს. მისი სილამაზე ჩარჩება გულში და აშულად მიდის.  
აშული ქიარიმა დადის თარით და დაეძებს ქალაქსა და დაბეჭში  
თავის გულის სატრფოს. ბევრი მოგზაურობისა და ხეტიალის





შემდეგ ჰპოვებს ერთ უმშვენიერეს ქალს, რომლის მსგავსი სულსაც თანის ჰარამხანაშიაც არ მოიპოვებოდა. ეს ქალიშვილი სომხის მღვდლისა აღმოჩნდა, სახელად ასლი.

ქიარიმას გაუძლიერდა გულში ანთებული სიყვარულის ცეცხლი და დაუწყო განუწყვეტელი ტრფიალი თავის მიჯნურს. ასლისაც ბოლოს და ბოლოს შეუყვარდა ქიარიმა. გაბეზრებული ტერტერა აიყარა და მალულად სხვა ქვეყანაში გადასახლდა.

მაგრამ რა არ შეუძლია ყოველად ძლიერ სიყვარულს! ქიარიმამ ბევრი ტანჯვა და ვეება გამოიარა, იმედგადაწყვეტილმა კინალამ თავიც მოიკლა, მაგრამ ბოლოს მაინც მიაღწია მიზანს — ხელმეორედ იპოვა გულის სატრფო, მშვენიერი ასლი.

ტერტერას ცოლმა თურმე კბილის ექიმობა იცოდა და წესადაც ის ჰქონდა, ვისაც კბილს ამოუღებდა, თავს ასლის კალთაში ჩაადებინებდა, რა არის, ასლის სილამაზემ გაიტაცოს და კბილის ტკივილის სიმწვავე ველარ იგრძნოსო.

ამ გარემოებით ისარგებლა ქიარიმამ, მოიავადმყოფა თავი და სხვაფრივ ჩაცმული, სახეშეცვლილი მივიდა ტერტერას სახლში ყბაახვეული. შეეცოდა ტერტერას ცოლს, დაუძახა თავის ქალს ასლის, მოიკცვა ქიარიმა, ოხვრითა და კვნესით წამოწვა და თავი ასლის კალთაში ჩადო.

ასლი გულმტკივნეულად ნუგეშს სცემდა; ტერტერას ცოლმა კბილი უკვე ამოაძრო, მაგრამ ქიარიმა ისეთ ნეტარებაში იყო და ისეთი სამოთხე ჰპოვა ასლის მშვენიერ შავ თვალებში და ისეთ მოსვენებას გრძნობდა მის ხშირ წამწამთა ჩრდილში, რომ არც კი უგრძვნია ტკივილი სადი კბილის ამოგლეჯის დროს. სიყვარულით დამთვრალი, დაბნეული ქიარიმა ძლივს მოიყვანეს გონს, ეგონათ, გული წაუვიდა კბილის სიმწვავეითაო. ქიარიმამ ვაი-ვივით უსაყვედურა: ეგ კბილი შეცდომით ამოვიღია, აი ეს კბილი მტკივაო... მეორე კბილიც ამოუღეს. ქიარიმამ კიდევ შარი მოსდო და, ამგვარად, 32 კბილის ამოგლეჯა ირჩია და ასლის თბილ კალთიდან თავის ამოღება კი, არა. ბოლოს გაუგეს ეშმაკობა, იცნეს ქიარიმა და რის ვაი-ვაგლახით დაითხოვეს სახლიდან.

ქიარიმა უფრო გაგიჟდა. გადაწყვიტა, უსიკვდილოდ მე ასლის თავს ვერ დავანებებო! გადაეკიდა ტერტერას: ვიწვი, შემობრალე, ასლი მე უნდა მომცეო. ტერტერამ რომ ველარას გზით მოიშორა,

უთხრა: თუ ამ ზამთრის დამეს დედიშობილა ჩვენს ბანზე გაათენდა,  
ასლი შენთვის მომიციაო.

სიყვარულით აღვზნებული ქიარიმა არც ამ განსაცდელს დაე-  
რიდა, თართ ხელში ავიდა ბანზე და ისეთი ტკბილი ხმით უმ-  
ღერდა თავის სატრფოს, რომ ასლისაც გულმა ველარ გაუძლო და  
სიმღერით ოდიდან პასუხს აძლევდა. ეს სამიჯნურო დუეტი ძლიე-  
რი მგრძნობიერობის სიტყვებით არის აღსავსე.

ზამთრის ბუნებამ არ შეიბრალა ტანჯული მიჯნური, დამის  
სასტიკმა ყინვამ სიყვარულის ცეცხლი გაანელა და გაუმწარა ქია-  
რიმას ასლისთან ტრფიალი. სიცივისაგან შეწუხებულმა ტანშიშვე-  
ლა ქიარიმამ თრთოლვით, ძაგძაგით შესტირა ქარვანყრანს —  
ხარიპარია ვარსკვლავს: ამოდი მალე, გათენდეს ჩქარა... დამის-  
სენ ამ ტანჯვისაგან შენ, ჩემო მოსისხლე მტერო, ლურჯ-ყვითელო  
მნათობო. ჩამოჰკრა სიმებს და უმღერა:

ლურჯ-ყვითელო მნათობო,  
ჩემო მოსისხლე ქარვანყრან,  
არ გათენდა, მე ვიტანჯვი,  
ჩემო მოსისხლე ქარვანყრან!  
შენ ქარვანყრანს გეძახიან,  
მე დარდიან ქიარიმას,  
ასლისათვის სევდიანსა,  
ჩემო მოსისხლე ქარვანყრან!

რა ტანჯვითა და ვაგლახით მაინც გაათენა სულგამწარებულმა  
ქიარიმამ. ხუცესმა რომ ველარა გააწყო რა, დალოცა ქიარიმას და  
ასლის სიყვარული.

ესლა კი დაუდგა ქიარიმას ბედნიერი წამი და მიაღწია ტანჯ-  
ვით ნაპოვნ გულის წადილს, მაგრამ ტერტერას მაინც გულში  
შური ჩაუვარდა. შეუკერა თავის ქალს თილისმა დარაია (კაბა),  
რომელიც ასე იყო მოწყობილი დუგმებით: ერთი პირი რომ გაიხ-  
სნებოდა, მეორე ისევე იკვროდა. ტერტერამ ჩააცვა ასლის ეს თი-  
ლისმა დარაია და უთხრა სჩხარულით გაგიჟებულ ქიარიმას. უკა-  
ნასკნელად უნდა გამოცვადო, რამდენად გიყვარს ჩემი ქალიო:  
თუ გათენებამდე გაუხსნი ასლის დარაიას, შენია ჩემი ქალიო. ელ-  
და ეცა ოცნებით გატაცებულ ქიარიმას, რომელიც ლამობდა გულ-  
აგზნებული და გაელვარებული ტუჩებით ახლა დასწაფოდა ტანჯ-  
ვით ნაპოვნ უკვდავების წყაროს.

იწვის და იწვის ქიარიმა ასლის სიყვარულით, მაგრამ ვერ  
გახდა, ვიდრე სიყვარულის ციებისაგან აკანკალებული ხელებით  
მეორე ღუგმას (ხრიკას) გახსნის, პირველი უკვე იკვრის. ამასობაში,  
აგერ გათენებამაც მოატანა, — ქარვანყრანი ახლა კი დაუპატიჟებ-  
ლად თვითონ ამოვიდა.

— „დონ! დონ!“ — დაბრუნდი, დაბრუნდი! შენ ჩემო მოსისხლე  
მტერო, — შესაძახ გონებაშიხდილმა ქიარიმამ. მერე ისევ ვარსკვ-  
ლავებს შესტირა და შეეხვეწა მ უ შ თ ა რ ს, ზ უ ა ლ ს და სხვა მნა-  
თობთ: შესდექით, შემობრალეთ, მოიცათ, თქვენ ჩემი ცოდვით  
სავსენო, ჯერ ნუ ამოხვალთ, ნუ გაათენებთო.

ბოლოს, როგორც ხალხი ამბობს, ქიარიმა სიყვარულის ცეცხლით  
იქვე სატრფოს კალთაში დაიწვა.

ასლისაც მოეკიდა გულში ცეცხლი, გულამოსკვნით, ხმამაღლა  
ატირდა, დაუძახა სწორ-ამხანაგთ, ერთი პირი იმღერა მწვავე სი-  
ტყვებით, მერე ჭკუაზე შეიშალა, პირიდან ცეცხლის ალი წასკდა  
და თვითონაც დაიწვაო... ასე გვიხატავს ამ მიჯნურობის სცენას  
არაბთა აღზნებულნი ფანტაზია.

#### IV

სიმშვენიერემ ცისკრის ვარსკვლავისამ ისე მოგვაჯადოვა, რომ  
მოლად ცქერად გადავიქცეთ. ცხენებიდან ჩამოვხტით და იქვე  
ერთ გორაკზე, მწვანე ხალიჩაზე დავისვენეთ...

მთელ არემარეში სრული დუმილია, მხოლოდ ისმის ჩვენი  
ცხენების ხარბი ხრაშუნი.

უეცრივ ტოროლა აფრთხილდა, ჰაერში ავიდა, ბუნებას „გი-  
ხაროდესო“ უგალობა და მთელს არემარეს ამცნო, ახარა გათენე-  
ბის მოახლოება.

დიდება შენდა, ძაღლ ბუნებისავ! ეს ერთი წიწკნა ფრინველი  
თავის დღეში არ შეცდება, რომ განთიადი დროზე არ ამცნოს  
მთელ ქვეყანას!..

აგერ შორით მოგვესმა ურმის ჭრიალი... სამწუხაროდ, იმ ურ-  
მულის ხმას, რომლის სმენითაც სიამოვნებს კაცი ქართლ-კახეთ-  
იმერეთში, აქ, ჯავახეთში, ველარ გაიგონებო, ისე მძიმე იყო თს-  
მალთა უღელი... მაგრამ ჯერ ქვეყნისათვის არ გვცალა, ისევ ცას  
შეხვედით.

ბედნიერია ხალხი, რომელიც ცისკრის ვარსკვლავის ყოველ განთიადისას გული-გონება უნათლდება და ახალ ძალას იკრებს ცხოვრებაში საბრძოლველად.

ჩვენც ხარბად დავეწაფებით ამ უკვდავების წყაროსა და ხანგრძლივ დავტკბით ციურის მშვენებით, მთიების ცქერით.

ეს იყო ნამდვილი მთიები, განთიადის ვარსკვლავი ერმი, რომელიც სილამაზით, სიკეკლუცით და ბრჭყვიანობით ყველა პლანეტას სჭარბობს — მზისა და მთვარის შემდეგ ერმი ყველა ვარსკვლავზე ძლიერ ანათებს. ჩვენი საყვარელი ცისკრის და მწუხრის ვარსკვლავია — მზის ჩასვლის შემდეგ დასავლეთით ბრწყინავს და განთიადის წინ აღმოსავლეთით. ამიტომაც უწინდელ მეცნიერებს ერმი (ვენერა) ორ სხვადასხვა ვარსკვლავად მიანჩნდათ: აღმოსავლეთით გამოჩნდებოდა — ლიუციფერს ეძახდნენ, ე. ი. განთიადის წინამორბედს. დასავლეთით რომ გამოჩნდებოდა — ვესპერს ეძახდნენ, ე. ი. მწუხრის ვარსკვლავს. ბოლოს ძლივს მიხვდნენ, რომ ორი ვარსკვლავი კი არა, ეს ერთი და იგივე პლანეტაა, რომელიც ხან წინ უსწრებს მზის ამოსვლას, ხან თან მისდევს და მზის ჩასვლის შემდეგ დასავლეთის ჰორიზონტზე რჩება.

მეცნიერები გვარწმუნებენ, ცისკრის ვარსკვლავი და ჩვენი დედამიწა ერთმანეთს ძლიერ ჰგვანანთ: რა ნივთიერებიდანაც ჩვენი დედამიწის სხეული შედგება, იმავე ნივთიერებიდან ვენერა (ცისკრის ვარსკვლავი) შედგებათ; ვენერაზედაც მთიბოვებიან უზარმაზარი მთანი და ღრენი. როგორც დედამიწაზე — იქაც ჰაერია, რომელშიაც ღრუბელნი დაცურავენ და სხვ. აქედან ის დასკვნა გამოჰყავთ და შესაძლებელიც ჰგონიათ, რომ იქნება ვენერაზედაც ჩვენისთანა გონიერი არსებანი ცხოვრობენო და იქნება, როგორც ჩვენ ვენერას ვიკვლევთ, ისინი კიდევ ჩვენს პლანეტას, დედამიწას იკვლევენ და ათვალთქვნიან.

როგორც დედამიწას არა აქვს თავისი საკუთარი შუქი, ისე ცისკრის ვარსკვლავიც სრულებით შავი და ბნელია. ხოლო მზისაგან მიღებული შუქ-სინათლით ასე ძალზე კაშკაშებს და საამო ბრჭყვიანობას ჩვენკენ გზავნის. დღისით, მეტადრე ზაფხულობით, როცა ჩვენი პლანეტა ძალზე განათებულია მზის გამო, ჩვენი დედამიწა ვენერაზე მცხოვრებთათვისაც ისეთივე კეკლუცი ვარსკვლავი იქნება, როგორც ვენერაა ეხლა ჩვენთვის.

ეჰ! გვწამს და გვიწამებია მეცნიერთა გამოკვლევანი და მათხრობანი აზრი, მაგრამ მაინც ვინ დაგვიშლის თავი ოცნებას მივცეთ და ამ ლამაზ ვარსკვლავს სრული ილუზიით ვეტრფივალთ.

ვარსკვლავი ვენერა უფრო იმიტომაა კეკლუცი, რომ არ თრთის, არ ციმციმებს სხვა ვარსკვლავსავით, რის გამოც საამოდ ნაზად, თეორად აშუქებს, მეტადრე აზლა უმთვარო ღამეში სრული ძალით და მშვენებით მეფობს.

ეს ის მნათობრა, რომელიც არაბულად ოტარიდად იწოდება და რომელსაც გზად მიმავალი ავთანდილი, ცას რომ შესტიროდა, უმღერდა:

აჰა, მოწმობენ ვარსკვლავნი შვიდნივე მემოწმებან:  
მზე, ოტარიდი, მუშთარი და ზუალ ჩემთვის ბნდებან,  
მთვარე, ასპირსი, მარბი მოვლენ დ მოწმად მყვებან,  
მას გაგონე, რანიცა ცეცხლნიც უშენოდ მდებან.

აქ არ შეიძლება არ მივაქციოთ მკითხველის ყურადღება, რომ დიდებულ შოთას ზედმიწევნით სცოდნია ასტრონომია (ვარსკვლავთა მრიცხველობა). ზემომოყვანილ ტაეში უკვდავ პოეტს არა აქვს მოხსენებული მხოლოდ ის ორი ვარსკვლავი — ურანოსი და ნეპტუნუსი, რომელნიც რუსთაველის შემდეგ აღმოაჩინეს.

ურანოსი (Uranos-ბერძნ.) 1781 წელს 13 მარტს ინგლისის ასტრონომმა ვილიამ ჰერშელმა აღმოაჩინა, ხოლო ნეპტუნუსი — (Neptunus-ლათ.) საფრანგეთის ასტრონომმა ლევერიემ.

მეტისმეტად გასათვარია ამ მეცნიერის ნიჭი. ლევერიემ 1846 წ. 31 აგვისტოს, პარიზის სამეცნიერო აკადემიას წარუდგინა თავისი შესანიშნავი გამოანგარიშება, რომლითაც იგი ამტკიცებდა, რომ ამა და ამ დროს, ამა და ამ ადგილას, ცაზე უეჭველად უნდა გამოჩნდეს ახალი მნათობი (პლანეტა), რომელიც 36-ჯერ უფრო დაშორებულია მზისგან, ვიდრე ჩვენი პლანეტა დედამიწათ. 4170 მილიონი ვერსია მზისგან ნეპტუნამდე! ამასთანავე, ახალი პლანეტა სიდიდით 85-ჯერ მეტია დედამიწაზე და მზის გარშემოვლაზე 165 წელიწადს ანდომებსო. თვით პლანეტის (ვარსკვლავის) სხეული შედარებით 24-ჯერ მძიმეა დედამიწის სხეულზეო. პლანეტა ურანოსიც ცოტად თუ ბევრად ამ ახალი პლანეტის (ნეპტუნოსის) ზეგავლენის ქვეშ იმყოფებაო.

27 სექტემბერს, იმავე წლისას, უკვდავმა მეცნიერმა ლევე-



რიემ წერილობით აცნობა ბერლინელ ასტრონომს გალდესონს სთხოვა, ამა და ამ ადგილას მონახეთ ცაზე ჩემს მიერ აღმოჩენილი ახალი ვარსკვლავი, რადგან თქვენი (გერმანული) იარაღები (დურბინდი, ტელესკოპი) უფრო ნამდვილინი არიანო.

გალდემ იმავე საღამოს იპოვა ლევერიეს ახალი მნათობი ნებ-ტუნოსი და სწორედ იმ ალბგას, რა ალაგზუდაც ლევერიემ ცაზე მიუთითა და ანიშნა, თუმცა კი ლევერიეს თვითონ თვალითაც არ ენახა და მხოლოდ გამოანგარიშებით, ვონების თვალთ მისვლა გამოჩენილი ვენოსი...

## V

რიჟრაჟისას სიცივის სუსხი დიალაც ვიგრძენით. ისევ შევსხედით ცხენებზე და გზას გავუდექით, სიცივემ ნაბდები მოგვახვევინა. დადგა წამი, როდესაც დედამიწამ, რაც გუშინ დღისით მზისგან სითბო მიეღო, ღამით მთლად დახარჯა, სივრცეში გაჰფანტა. მეტადრე ამისთანა მთა ადგილას (6-7 ათას ფუტის სიმაღლეზე), ჰაერის სითხელის გამო დედამიწა ადვილად ჰკარგავს მზისგან მიღებულ სითბოს.

ცისკრის ვარსკვლავი, მშვენიერი ერმი, ბრჭყვიალ-კაშკაშით ღამის წყვიდადს ელვასებრ მოედო და განთიადის შარავანდედმა უფსკრულს გასტყორცნა კეკლუცი ბუნების ღამის მანდილი. ვარსკვლავებმა მთლად დაკარგეს თავისი ბრწყინვალეობა. ოციოდე აქა-იქ ძლივსლა ბჟუტავს. თვალი ვერც კი შევასწართო, რომ ყველა ვარსკვლავი სანთელივით ჩაქრა. მხოლოდ ცისკრის ვარსკვლავიღა დარჩა მინაზებული.

ღმერთო, ვინ მისწვდეს შენგან ქმნილს,  
მის ფერუთვალავს მშვენიებას?  
სიბნელეს აქრობ ნათელით,  
სიკვდილით ჰბადავ ცხოვრებას!

საათის ოთხი სრულდება და იქამდე გათენდა, რომ მსხვილად დასტამბულ სტრიქონებს ვარჩევ. აჰა, თეთრად გათენდა. მიბინდებული ცისკრის ვარსკვლავიც საცაა ჩაქრება. ფარდა აეხადა მძლავრ ბუნებას და თვალწინ წარმოგვიდგა ხელთუქმნელი დეკორაცია თავისი მშვენიერებით.

ვიშ, ამ სიტურფეს, დიდ მშვენიერსა სანახობას! თავზე რავს მოკრიალე ლაქვარდის ცის გუმბათი და ფერხთ უგია მწვანედ მობობინე, ხავერდებრი მინდორ-ველი, დილის ცვართ ნახსურები.

ვათენდა, მაგრამ ალიონი კი ჯერ არსად არი.

სოფელმა გაიღვიძა. ნახირი აიშალა. დიდებულ სცენაზე მყუდრო დუმილს მწყობრად მოჰყვა დიდებული კონცერტი: სტვენა-გალობა, ჟივილ-ხივილი, ჭიკჭიკ-ჭუკჭუკი, ჟიჟიჟ-ჟღავილი, ბზუილ-ჭირიჭინი, შხუილ-ჩხრიალი, შრიალ-ბიბინი, ყივილ-კაკანი, ბღავილ-ბღუილი, ჭრიალ-ღრიალი, ყეფა-კნავილი, ჭყივილ-ჭინჭინი, ყვირილ-ძახილი, მღერა-ღიღინი, სიცილ-ხარხარი, ერთობ, ერთ ხორცშესხმული, ერთ ჰარმონიად, ერთ საგალობლად გადაქცეული მთელ არემარეს მოერთო, სული შთაბერა.

ორ საათზე მეტმა დრომ გაიარა მას აქეთ, რაც ცისკარი ამოვიდა და ალიონი კი მხოლოდ ეხლა გამოჩნდა. აგერ, აღმოსავლეთს მოექიდა ალიონის ცეცხლი, დიდი სივრცე მუქად გაწითლდა.

მთის კალთებზე ნამძინარევი ჯანლი მძიმედ, ზღაზვნით აბარგდა, მალლა-მალლა გასწია, იქ ღრუბლად ვარდაიქცა და მთებზე მძინარე ბუმბერაზი ღრუბელნი მუჯღუგუნით დააღვიძა. ატყდა ალიაქთით და ფერხულჩაბმული მთელი გუნდი უშველებელი თეთრი ღრუბლებისა თავშიშველა მთებს სპეტაკ ვვირგვინად დაედგა. მერე, მძიმე-მძიმედ, დარბაისლური ნელი ცურვით ჰაერი განაბეს და ცის კამარას ფერად-ფერადად მოეფინენ.

აგერ, წავიდ-წამოვიდნენ ნაგლეჯ-ნაგლეჯად ჰაერის ოკეანის ღურჯ ზვირთებში შეერივნენ და უსაზღვრო სივრცეში სურათივნად გაიფანტნენ.

ვერ წარმოიდგენთ, რა სანახობას შევესწართ!

სად იყვნენ, სად არა, თითქოს უდარაჯესო, უშველებელი, მძიმე ღრუბლები ერთად დაგროვდნენ, გველუშაპივით მისცვივდნენ აღმოსავლეთს, მზის სხივები მთლად შთანთქმეს, ქვეყნად აღარ გამოუშვეს...

მართლა საშინელი ბრძოლა ატყდა. უზარმაზარ ღრუბელთა გუნდებს ამომავალი მზის სხივები შეებნენ, დასძლიეს და ამოდენა გროვა ღრუბლებისა სისხლით შეიღება, გაიჟღინთა.

მშვენიერი ფერადებით დაიხატა ცის კამარა: დედამიწისკენ მზის სხივებმა რომ ვედარ გამოატანეს, ცის სივრცეში, მალლა-მალ-



ლა გაინაკარდეს, ცეცხლივით მოედვნენ და ცაზე დაფანტულ  
ღრუბელთა ნაპენტებში დაიმსხვრნენ, რის გამოც მთლად ცის  
გუმბათი შორს დასავლეთამდე ათასფრად, საუცხოოდ აჭრელდა...

ცაში მზე იყო, ქვეყნად კი არა. ასე გასტანა მთელ საათს.

ბოლოს ჩვენკენაც გადმოსჩქეფა სიცოცხლის წყარომ. დღის  
მნათობმა, აღმოსავლეთის ცეცხლის ბორბალმა, უხვად მოჭვინა  
სიცოცხლით სავსე შვიდფერა სხივები.

ყოველი არსება, ამომავალი მზის სხივთა ძალით გაცხოველე-  
ბული, ერთხმად ღხინობდა და სისხლგამთბარი, ძალაშეკრებილი  
მზის სხივებსავსე შეჰხაროდა, აქებდა და აღიდებდა:

„დიდება შენდა, მზეო, მომნიჭებულო ცხოვრებისაო, დიდება  
შენდა, დიდებულო წყაროვ სითბოსა და სინათლისაო: შენ გვაძ-  
ლევ დღეს, შენი სითბო აღორთქლავს ზღვა-ოკეანეთა, რათა შეგ-  
როვდნენ ღრუბელნი და მოუვლინონ დედამიწას სიცოცხლის მომ-  
ფენი წვიმა; შენ აღვივებ და აჯეჯილებ დათესილ მარცვალს, შენ  
ზრდი მცენარეს, აყვავილებ და გამოიწვევ ნაყოფს, ამწიფებ ხილს;  
შენ ანადგურებ, აღნობ ზამთრის თოვლს, თოვლის ზვინებს და  
მწვანით მოსავ, ყვავილებით ქარგავ მინდორ-ველთ, ჭალებს. შენ  
აყვითლებ თქრთსფრად ჩვენს მსაზრდოებელ ყაჩებს და ამწიფებ  
გულის მომლხენ ყურძნის მტევნებს; უშენოდ ჩვენ ჩავცვივდებით  
საუკუნო წყვდიაღში და შევიმთსებოდით სიკვდილის მომფენ  
ვინვა-სიცივით; უშენოდ ყოველივე სიცოცხლე მოისპობოდა, გა-  
ქრებოდა; ყოველივე ცხოველი და მცენარე და თვით ჩვენც, „მეფენი  
ბუნებისა“, გავწყდებოდით, რადგან საცა მზის მადლი, სითბო და სი-  
ნათლე არ არის, იქ სიცოცხლე ყოვლად შეუძლებელია“.

მაშ, მზისკენ, ბატონებო, მზისკენ!

მზისკენ შენ, მდიდარო, პალატებში ფუფუნებით გაყვითლე-  
ბული!

მზისკენ შენ, ღატაკო, სარდაფებში, მიკრობებით დამპალო!..



## ნაწილი მეორე

### ტაბაწყურის ტბა

1

უკვე ავცილდით ბაქან-ბაქან სახნავ-სათესად მოკავებულ მთის კალთას და ფერდობს ვეწიეთ, როდესაც შორით მოგვესმა ცისკრის ზარი და ჩვენთან ერთად ყოველი სული აქებდა და მადლობა ზესთა-ზენას, ცისა და ქვეყნის დამბადებელსა. დიდი მანძილის გავლა აღარ დაგვჭირდა, პატარა ხევი გავიარეთ და ჩამოვხდით ერთ სტუმართმოყვანე მემამულესთან სოფელ კაჭიოში. ჩვენი სახლობა აქ გვიცდიდა, რომ ამავ დილით წავსულიყავით ტაბაწყურის ტბის სანახავად. სოფელ კაჭიოდან, მარიამობისთვის 30-ს, დილაადრიან, ქალები ურმითა და კაცები ცხენებით, შევუდექით შეღმართ გზას. გზაზე შეგვხვდა სოფლები: ალათუბანი, ბალანთა, ბეჟანო და ჭინარულა. აღმოჩნდა, რომ ჭინარულამდე (მთის ძირასა) კიდევ შეიძლებოდა რაიმე ეტლით მოგზაურობა, მაგრამ ქალებისათვის ისევ მეფე ერეკლეს ფაეტონი ვარჩიეთ, რადგან ჭინარულას ზევით საეტლო გზა სრულებით აღარ არის.

ორშაბათი დღე შეგვხვდა. მინდვრებში გაცხარებული მუშაობდნენ, სარჩო-საკვების ჩაკვლევა-დაბინავებას ემუშრებოდნენ. ზოგი ყანას თიბავდა, ზოგი ბულულებად დგამდა, ზოგიც საძნე. ურმით შინ მიეზიდებოდა. ჩვენ გასაკვირველს დავრჩით, ზოგი პურის თავთავი ჯერ ისევ მომწვანოდ ბიბინებდა. ხვალ-ზეგ კი ენკენის-თვე დგება და ეს ყანა მამ როდისღა უნდა გათიბონ! აქ, ჯავახეთში ყანის მკა არსად იციან, რადგან ჭირნახულის ღერო, ზრო, ისე მაღალი არ იზრდება, როგორც ქართლ-კახეთ-იმერეთში და ბზე კი ძლიერ საჭიროა.



ყანებს, ანუ ანეულებს ჯავახეთში ასე ამზადებენ: ზეწურულ წელიწადს არსად დათესავენ, ხოლო მკათათვეში ბალახს მოსობავენ და მაშინათვე ათი წყვილი ხარით მოხნავენ. მეორე წლის გაზაფხულზე ამ ყანაში დათესავენ პურს ან ქერს, სახნისით ჩახნავენ და ფიჩხის ფარცხით დაფარცხავენ, მესამე წელიწადს ამავე ყანაში კვლავ მოუხნავად დათესავენ, კვლავ სახნისით ჩახნავენ და მერე დაფარცხავენ. მეოთხე წელიწადს კი ისევ თავიდან იწყებენ, ე. ი. ხელახლა მოხნავენ და სხვა.

საკვირველია, ან კი როგორ ასწრებს პური შემოსვლას? შემოდგომით დოღის პურის თესვა აქ იშვიათად იციან (ახლა და ახლა კი უფრო შემოიღეს), ყველანი დიკას და ქერს თესავენ გაზაფხულობით ანეულებში და მაისის ბოლომდე ძლივს ათავენ. მეტადრე მთის ფერდობებზე ანეულებში ზოგ წელიწადს თოვლი მაისის ბოლომდე ძევს, ასე რომ, შიგადაშიგ ჭრელად თესავენ, რა ალაგსაც თოვლი აღებუღია.

მახსოვს, 1896 წელს, გაზაფხულზე თოვლი ძლიერ გვიან წავიდა და მერე განუწყვეტელი წვიმები მოჰყვა. ბარში ძლივსძლიობით თიბათვის ნახევრამდე გაათავეს თესვა, ხოლო მთა ადგილებში ალალ ბედზე თიბათვის ბოლოს გადაყარეს სორბალი ხნულებში და სრულებით დაკარგულად მიაჩნდათ, მაგრამ წარმოიდგინეთ, რომ ამ წელს საუკეთესო მოსავალი იყო მთაშიაც და ბარშიაც! ეს მოვლენა იმით აიხსნება, რომ შემოდგომით ჩვეულებრივმა ყინვამ ვერ უსწრო, რის გამოც მარცვალი მშვენივრად დასრულდა, დამწიფდა. ამგვარად, ბევრს სანანურად. ღარჩა: რატომ ღმერთს არ ვანდეთ, რატომ ბევრი არ დავთესეთ!

დიაღ, ღვთის კურთხეული მიძღვრი ბუნება თითქოს განგებ ხელს უწყობს მიწის მუშას, გულს უსრულებს და ოფლის დაგვარად აჯილდოვებს.

სოფელ ჭინარულში გაჩაღებული კალოთბა იყო. შემოდგომის მზე საკმაოდ უგზავნიდა მოჭირნახულეს მაღლით მხურვალე სნივებს.

ჩვენს ქალებსაც გულმა ვერ გაუძლო — „კალო უნდა დავძლიოთ“ — და ატეხეს ერთი ჟივილ-ხივილი!

ხშირად შეხვდებით ჯავახეთში შემდეგ სურათს: მთები დიდი ხანია ჩამოთოვლილია, კალოზე გაცხარებული მუშათბაა და კალოს

გარშემოც თოვლის ზოლი შემოვლებია, რომელიც მზის ძალზე ბრწყინავს — თვალს ნაპერწკლებს ესვრის.

„ხერხი სჯობია ღონესა, თუ კაცი მოიგონებსა“, სად არის ერთი კარგი სალექსი მანქანა, მთელ ჯავახეთს ერთ თვეზე ჭირნახული გაულექსოს და ხორბალი პატრონს ჩააბაროს? რამდენი მარცვალის ახლა საძაღლდორედ ხდება, მანქანის ქირას მარტო ეს აუვიდოდა, ეყოფოდა: მაგრამ რას იზამთ, რომ აქაური გლეხებისათვის საქონლის საკვები, ბზე იმდენათვე საჭიროა, რამდენადაც თავის საკვები პური. მანქანა კი ბზეს არ იძლევაო, და თუ იძლევაო, ისიც არ ვარგა, რადგან კვერვით ვერ ლეწავს, ვერ არბილებს, დაჭრილივით გამოიჭყავსო.

მაინც შორს არ არის ის დრო, როცა კულტურა თავისას გაიტანს და ამ მიყრუებულ ადგილშიაც ორთქლი ანუ ბუნებრივი მუქთი ძალა, მდინარე წყალი, დაატრიალებს მანქანებს და მით მუშა კაცს შეენახება ძალ-ღონე და ორმო-ბეღელშიაც მეტ სარჩოს ჩააკვლევს.

## II

გზა ჭიხარულიდან აღმართს ასდევს. ქედზე რომ ავედით, ჩრდილოეთიდან ცივმა ნიავმა საამოდ დაუბერა. თუმცა ტბა ჯერ არსად ჩანდა, მაგრამ ეს მისი სიო იყო. ურემი გავაჩერეთ, სერზე გადმოვდექით და გადმოვზედეთ ჯავახეთის დაცემულ უტყეო ვაკეს, ტიტყველა მთებით შემოზღუდულს. საქონელმა დაიშოშინა, ფერდის ქარი ამოიღო, მეურმე ფედემ წეკო გვიხრჩოლა და ჩვენც, შესვენებული, მრისხანე ბუნების ცქერით, ნასიამოვნები, ისევ გზას გავუდექით:

გზაში დიდი მოძრაობა იყო, თითქმის განუწყვეტლივ გვხვდებოდნენ წინ თივით და ძნით დატვირთული ურემები. საწყალი ჩვენი ურემი რამდენჯერმე კინალამ არ გაიტანეს. ამ შემთხვევაში ჩვენი თანამგზავრის „ყოვლად შემძლებელმა კოკარდამაც“ კი ვერ გვიშველა. მართლაცდა მოდი, უბრძანე, გზა აუხვიონ, როდესაც მთის გვერდელა ვიწრო გზაზე დაღმა მოაქანებენ უშველებელ საძნე ურემებს. ახლა ვითომ რაო?! ანკი რა უფლება გვქონდა ზვიადობა-ყოფო-ჩობისა?! ხალხი დღე-ღამეს ასწორებს, ჭიანჭველასავით შრომობს,



სარჩოს ჩაკვლევა-ჩაბინავენას ეშურება, რომლითაც ჩვენ უნდა ვხედავდეთ მოგვეცემა და ჩვენ კი, უკმ ხალხს, სასაიეროდ მოგვეცემა — აგვიღია თავი და ჭრიჭინასაებრ საქეიფოდ დავხტით. რაღა სამართალით უნდა დაუყუყუროთ: „ხაბარდა, ჩამოდექით, გზა მოგვეცით, ხომ ხედავთ, მოვბრძანდებით და თქვენი სარჩოთი დატვირთული ურმები კი ტბაში გადაყარეთ!..“

კაცი ის არის, ვინც თელს მიწას ღვრის და დაუდვრთმლით ხელით, ძლიერით, დედამიწასა და მის წაადსა, ღვთისა მადლობით, მხიარულობით, აბობს და არღვევს, დადალვას არ სდევს და მუნით ნაყოფს აღმოაცენებს, და იმ ტკბილ ნაყოფს ქვრივ-ოხერს უყოფს და უშრობს მშვირთ თბოლთა ცრემლებს!..

დიაღ, ბატონებო, ჩვენ გვმართებს მოდრეკა ამაყი ქედისა მიწის მუშაკის, მოჭირნახულის წინაშე.

მაგრამ ასე არ ფიქრობდა და ამ აზრებით არ იყო გამსჭვალული ჩვენი მამაცი „ჩინოსანი“. განრისხებულმა ორიოდჯერ „ხაბარდაო!“ — დაიჭყვივლა და მისმა მათრახმა ძალზე დაიწყო ჰაერში ზუზუნი — საბრალლო მეურმეებს გაუხურა ბეჭები, რატომ გზა არ მოგვეცითო...

კაცი ის არის, ვის გულსაც ესმის ციური სიტყვა „ძმობა, ერთობა“, და სიყვარულით აღვსილი გულით დავრდომილთ მოყვასთ მოეხმარება. ვინც საქმით ქველით, გონებით, სწავლით, მიხსლოვდება მაღალს ღვათებას; ვინც სცდილობს მისწვდეს და ჭკუით მიხვდეს საღმრთო განგების იღუმალ ნებას.

ასე, ჩემო ბატონებო, ჩვენმა „ჩინოსანმა“ მათრახები გადაუჭირა საბრალლო მეურმეებს, რატომ გზა არ მოგვეცითო! ვერ წარმოიდგენ მკითხველო, რა ჩუმი პრტეტესტი ინატებოდა ამ დროს გლეხის თვალებში! ერთი კი შემოგვხედა განუსაზღვრელი სიმძულვართ, მერე აიღო გადაგდებული ქენა-ქუდი, გაიბერტყა, დაიხურა და ჩვენი თავი ისევ პირუტყვთ ანაცვალა, ხარ-კამეჩს მიუა-



ღერსა, „ხილ-მოდინ-ჰო“-თი ურემი გზას გაუყენა და ნაღვლად დაიღვინა და ღიღინით გასწია.

ჩვენ დიდად შეურაცყოფილი დავრჩით „ჩინოსანის“ უსამართლო ქცევით, რისთვისაც ცხარე კამათიც მოგვიხდა. ერთმა ქალმა კიდევ ურმიდან უკიჟინა: „ღორს ღმერთმა რქები არ მისცა, თორემ ქვეყანას ამოაგდებდაო“.

ბოლოს და ბოლოს, იმაშიაც კი ვერ დავითანხმეთ, ვერასვით ვერ დავარწმუნეთ, რომ იგი „ჩინოსანი“ ხალხის, გლეხკაცის მსახური არის. მისი აზრი მოკლედ რომ ვადმოგვეთ, გამოდის, რომ ღმერთს ჯერ ჩინოსნები შეუქმნია და მერე მათთვის ხალხი გაუჩენია.

ეჰ, რას იზამთ... შუა საუკუნეების ნაანდერძევი იდეები ჯერ გვიან აღმოიფხვრება საქართველოში...

არა, ბატონებო! „კაცი კაცის წამალია“. ცხოვრების ასპარეზზე შრომა განაწილებულია. ჩვენ ყველანი ერთმანეთის მსახური ვართ: მღვდელი მსახურია ერისა, ერი მსახურია მღვდლისა. ყველანი ერთ აზრს, არსებობის იდეას ვემსახურებით და არსებობის გასაუმჯობესებლად ვიბრძვით, ვიღვწით. ხოლო ის, ვინც ყოვლად უშრომლად სხვის ოფლსა ჭამს, სხვას იმსახურებს და თვითონ კი სხვას არ ემსახურება, მუქთახორად, პარაზიტად ჩაითვლება.

III

რამდენიც კუს ნაბიჯით ჩვენი ურემი წინ მიჭრიალებდა, იმდენად ტბა უფრო და უფრო გამოჩნდა. მოვედით სოფელ მოლითში, რომელიც ტბის კიდეზე მდებარეობს და გორის მაზრანზეა მიწერილი. საჩივარი რომ ჰქონდეთ, მოლითელები სურამს უნდა წავიდნენ. ამ სოფელშიაც ქართველების ნანგრევებზე არზრუმიდან გამოსახლებული სომხობა ცხოვრობს, მაგრამ აშკარაა, რომ უწინ ქართველობა ან აქედან გადასულან იმერეთის მოლითში, ან იქიდან აქ. იქ გამძვინვარებულმა ბატონ-ყმობამ და აქ ოსმალთა ძალმომრეობამ განა მართო ამისთანა საქმენი ჩაიდინა, აქედან მაჰმადის რჯულს გაურბოდნენ და იქიდან აულაგმავ, გამხეცებულ ბატონებს.

მოლითს კარგა რომ გავცილდით, ანკარა, მშვენიერი ლაჟვარ-



დისფერი ტბა სრული სივრცით გამოჩნდა, რომლის ზედაპირზეც ზეფირთსი არხევდა-აბიბინებდა. ცელნამგალა თეთრი ფრინველსი მოციმციმე ტბას ეტრფოდნენ, ეველქებოდნენ, მიწყნარებულ არე-მარეში სიცოცხლეს ჰფენდნენ.

კვლავ შემოგვხვდნენ წინ აუარებელი საძმე ურმები, რომელნიც საკვირველად აქვთ მოწყობილ-მოხერხებული ამ მთა ალაგებისათვის. ჩვენებურ საძმე ურემზე ბევრად დიდია, დამყარებულია დაბალ ფიცრულ თვლებზე, რომელნიც ღერძზე უძრავად არიან დამაგრებული და ღერძთან ერთად ტრიალებენ. თავდაღმართისთვის თავღორა ურმის ხელნები მარხილის თავებივით არიან მოწყობილ-მოხრილი, აღმართისთვის ბოლოთრია აქვთ მობმული და ისეთ აყუდებულ მთის ფერდობზე აღმა-დაღმა, უგზო-უკვლოდ გაატარებენ ხოლმე, რომ კაცი განცვიფრდება.

„ადგილის კურდღელს ადგილის მწევარი დაიჭერსო“. მოდი და ამათ ახალი რამ სისტემის ურემი ურჩიეთ და ისიც რკინით გაწყობილი!

ტბის დასავლეთით, მოლითის მთის გვერდზე დავინახეთ საზაფხულო ფარდულქები, სადაც ტახტის მემკვიდრე, დიდი მთავარი გიორგი, ზაფხულში რამდენიმე თვით ცხოვრობდა თავისი ამალით. მართლაცდა ეს ზღვისოდენა ცისფერი ტბა, შემოზღუდულ-შემოფარგლული უზარმაზარი მთებით და ეს გრილი, საღი მთის ჰაერი, სურნელი ბალახ-ყვავილების ფშვინვა-სუნთქვით შენელებული, სახარბიელთა ჯანის სიმრთელისათვის.

ჩვენმა ურემმა 15 ვერსზე მეტი იჭრიალა, იჭრიალა, ბევრს ხიფათსაც გადარჩა, მაგრამ მაინც მშვიდობით მოგვიყვანა სოფელ წითელ საყდარში.

ნინო-ლელას! მთის კალთა დინგივით შესულა ტბაში, ასე რომ, ნახევარკუნძულს წააგავს. ამ მიწის ნაჭერზე არის ქართველთა ძველი ნასოფლარი, რომელსაც ეწოდება წითელი საყდარი, ანუ თათრულად ყიზილ-ქილისა, როგორც ახლა ეძახიან.

1 მთის თავზე არის ეკლესია წმ. ნინოსი, ზაფხულობით ეხლაც მიდიან სალოცავად. აქედან წარმოდგა სახელი ნინო-ლელა.



ქართველების აქ ოდესმე გაძლიერებული ცხოვრების მოწამე ერთადერთი ნაშთია ძველი ეკლესიისა. ჩვენ სრული გვექონდა, რომ ამ ეკლესიის წითელთლილი ქვით ნაშენ კედლებზე რაიმე წარწერას ვიპოვიდით, მაგრამ, როგორც ხალხმა აგვიხსნა, რაც წარწერები იყო, ციციანთ წაიღეს რაღაც დავის დასასაბუთებლად, რადგან ბორჯომის მამულის მომიჯნავენი არიან და თავის მიჯნას ამ საყდრის ნახევრამდე ასახელებდნენო. ეხლა კი, საციციანოს საზღვრამდე აქედან ბარე ხუთი ვერსი არისო...

ეკლესიის კედლები თუმცა ჯერ მაგრად დგანან, თალი კი ნახევრამდე ჩამონგრეულა და მეორე ნახევარიც დღე-დღეზე აპირებს ჩამონგრევას და მით მოისპობა ფაქტიური მოწამე ქართველთა აქ ოდესმე ბატონ-პატრონობისა.

ერთმა ბერიკაცმა მიაპბო:

„უწინ საქართველოს აქ მეფობის დროს, თურმე ამ სოფელს სპარსნი დაეცნენ და სწორედ აღდგომა ღამეს, ცისკარზე ეკლესიაში მთლად ამოწყვიტეს ქართველნი. მათი სისხლით ეკლესიის კედლები სრულიად წითლად შეიღება. აღარ დასცალდათ, არ ეღირსათ უბედურებს წითელი კვერცხების გაფცქვანა. მას აქეთ და-ერქვა ეკლესიას ყიზილ-ქილისა და სოფელმაც მიიღო სახელად წითელი საყდართი“.

„ეჰ! არც ჩვენები აკლებდნენ თათრებს: იმათი ჰაირამი რომ მოვიდოდა თურმე, ჩვენებიც, ღვთის წყალობა გაქვსო, სამაგიეროს გადაუხდიდნენ ხოლმე“, — დაუმატა მეორე ბერიკაცი.

მე კი, ჩემს ვულში ვიფიქრე: ღმერთო ჩემო, კაცმა რომ ჩაიხედოს წარსულის ისტორიაში, რამდენი მილიარდი ადამიანის სიცოცხლე იმსხვერპლა რჯულისა და სარწმუნოების სხვადასხვაობამ! ნეტა როდის დადგება ის ნეტარი დრო, მაცხოვრისაგან აღთქმული, რომ ერთი სამწყსო იყოს და ერთი მწყემსი ჰყავდეთ, განაგებდეს ამ აუარებელ მიღეთის კაცობრიობას? ნეტა როდის შეწყდება სიმძულვარე რჯულის გამო იმ ხალხთა შორის მაინც, რომელნიც ერთსა და იმავე ჭეშმარიტ ღმერთს აღიარებენ.

ეჭვი არ უნდა, დაუდგება კაცობრიობას ეს ნეტარი დროც, მაგრამ დაუდგება მხოლოდ მაშინ, როდესაც განათლება-ცივილიზაციის სხივი დათრგუნავს რელიგიურ ფანატიზმს და სწავლა მეცნიერება კაცობრიობას ერთი აზრით შეაერთებს, ძმობასა და სიყვარულს განუმტკიცებს...



ამჟამად სოფელ წითელ საყდარში 49 კომლი სომხობაა, კომლიც ქართველი გამორეულა წამლად. ჩვენი ურემი ბანით დახურულ სომხის ეკლესიასთან გავაჩერეთ, რომლის ეზოშიაც ვაპირებდით დასვენებას, მაგრამ გამოჩნდა ერთი სტუმართმოყვარე კაცი, რომელმაც ძლიერ ითაკილა, იწყინა ჩვენი ამგვარი საქციელი და თვითონ გაგვიმასპინძლდა.

არზრუმიდან გადმოსახლებულ სომხობას ყველგან თავისი შნო მოუტანია; დარწმუნებული ვართ, როცა ამ ნასოფლარზე დასახლდნენ (1828—30 წ. წ.), ორიოდე ხე მაინც იქნებოდა ამ ტბის პირას და, თუმცა ბორჯომის ტყე ახლო აქვთ, მაგრამ წივის „ნაზუქებს“ აქაც შეხვდებით ქვაზე ვაკრულს, მზეზე გამოსაცხობად, ჩვეულება რჯულზე უმტიციცესიაო...

ტაბაწყურის ტბა ფარვანის ტბაზე ცოტა პატარაა, გარშემო ოცი ვერსი იქნება და უფრო გრძლად არის წასული. ჩვენმა მასპინძელმა გვიამბო, აქ ადრევე ვიღაც „ჩინოვნიკები“ მოვიდნენ და ამ ტბის სიღრმე გაზომესო, ზოგ ალაგას 60 საუენი სიღრმე აღმოჩნდაო.

გაგონილი გვქონდა, ტაბაწყურის ტბა თამარ მეფემ მდ. ქციიდან ადინაო. ჩვენმა მასპინძელმა კი დაგვარწმუნა, ვახტანგ მეფის ნახელოვნარიო.

უზარმაზარი მთის გადაღმიდან მდ. ქციის წყალი არხით წამოულიათ და ამ მთათა შუა ვაკე, ჩავარდნილ ალაგას ტბა შექმნილა, რომელიც ყენევის ტბას ბევრად ჰგავს და მთელ ჯავახეთს დაჰყურებს. მდ. ქცია ტბის გარშემორტყმულ მთათა ქედის უკან მომდინარეობს და წალკისკენ მიდის, ვინც ამ ტბას და მდ. ქციის შუა მდებარე ბუმბურაზ მთებს ნახავს და მანძილსაც ივარაუდებს, მხოლოდ მას შეუძლია წარმოდგენა იქონიოს, რა უნარის პატრონიც ყოფილა ჩვენი ხალხი.

ტბას თვითონაც აქვს ანკარა წყარონი და მეტადრე შავნაბადა მთის კალთიდან ცივ-ცივი ნაკადულები საამოდ გამოთუნუნებენ. ამიტომაც ხალხი ზამთარ-ზაფხულ ტბის გემრიელ წყალს ხმარობს სასმელად.

ქცია მდინარიდანაც, უეჭველია, წყალი უდენიათ, რადგან არხი, ნარუალი, დღესაც ეტყობა, მაგრამ მე მგონი, უფრო იმ აზრით, რომ ქციის გემრიელი კალმახი ამ ტბაშიც მოშენებულიყო. ჩემმა





ღმერთმა, ძნელია კალმახის მომრავლება, ალაგი კი მოეწონოს ყოველწლივ თითო კალმახი 25 ათასამდე კვერცხს (ქვირიოს) ზადებს!

მაშ ჰქონიათ ჩვენს წინაპრებს პირის პატივი და გასტრონომიული გემოვნება!

როგორც ჩანს, დიდებული მეფის, დავით აღმაშენებლის ეპიტაფიიდან, ჩვენს მეფეთ დიდად ჰყვარებიათ და სასახელოდაც მიაჩნდათ თევზთა მომრავლება:

როს ნაჭარმავევს მეფენი შვიდნი მე პურად დამეხსნეს,  
 თურქნი, სპარსნი და არაბნი სამზღვართა გარე გამეხსნეს  
 თევზნი ამერთა წყალთაგან იმერთა წყალთა შთამეხსნეს,  
 აწე ამათსა მოქმედსა გულზედან ხელნი დამეხსნეს.

IV

ალექსი სანდაძე, ჩვენი მასპინძელი, იქამდე საინტერესო კაცი აღმოჩნდა, რომ არ შემიძლია მკითხველსაც არ გავაცნო. ეს ალექსი — სომეხია და მისი ძმა მოსე — ქართველი.

„პაპაჩვენი ქართველი იყო, — აგვისხნა ალექსიმ, და ძალიან მიღებული კაციც ყოფილა ოსმალების აქ ბატონობის დროს. ოსმალოს მთავრობისაგან ბევრჯერ იყო თურმე გაგზავნილი საქართველოს მეფეებთან. მერე, პაპაჩვენი რომ დაქვრივებულა, ახალციხეში ერთი სომხის ქალი შეჰყვარებია. ქალს თუმცა საქმრო მოსწონებია, მაგრამ თავისი რჯულისათვის არ უღალატნია, პირობად ის დაუდგია, თუ შვილებს სომხად მონათლავ, შეგირთავ, თუ არა და არაო. ცხონებულის დათანხმებულა, — მამაჩვენი სომხად მოუნათლავთ. თავისი ახალგაზრდობის შეცდომა პაპაჩვენს გულში ბოღმად დაჰყოლია და ღრმა მოხუცებულობის დროს ეთხოვა თავისი შვილისთვის, მამაჩემისათვის „არ მინდა, შვილო, რომ ჩემი სახსენებელი გაწყდეს და ჩემი სანთელი გაქრესო, შენი სიყრმის შვილი მე მაჩუქე, ქართველად მოვნათლო და გავზარდო“. მამაჩემსაც ერთი ვაჟიშვილი ცხონებულისათვის დაუთმია, ჩემი ძმა მოსე, ეხლა ჩვენ სომხები ვართ და მოსე — ქართველი“.

„მართალი ხარ, ალექსი“, — უპასუხა ჩვენმა თანამგზავრმა ბ. თმოგველმა, — სომხის ქალებს მე კარგად ვიცნობ, ეგენი ძლიერ



მტკიცენი არიან თავის ეროვნებაზე და რჯულზე და, რაც უნდა უნდა, სარბიელო შემთხვევა მიეცეთ ცხოვრებაში, თავის ხალხს, ეროვნებას მის დღეში არ უღალატებენ. ვიცი, რომ ევგენი ყოველთვის მზად არიან მტლედ დაედვან თავის სამშობლოს, მაგრამ ესეც კი უნდა ვითხრა, ჩემო ალექსი, რომ თუმცა ესლა შენ ქრისტეს სარწმუნოება სომეხ გრიგორიანთა ტიპიკონზე გიჭირავს, მაგრამ მაინც ქართველი ხარ და არა სომეხი, ქართველის სისხლი გიცემს მაგ გულში. ქრისტიანები ხომ ყველანი ერთს ჭეშმარიტს ღმერთს ვაღიარებთ, და ერთ სწავლა-მოდღვრებას ვასრულებთ, ქრისტე მაცხოვრისაგან დაწესებულს და მაშასადამე, მართო ტიპიკონმა და რწმენის ფორმამ განა შეიძლება შესცვალოს ადამიანის ბუნება, ეროვნება, მოდგმა, სახე (ტიპი), ზნე-ხასიათის თავისებურება, ენა და ჩვეულება?! მაგალითად, აი მე ასლა გვარ-ტომობით, ეროვნებით ხომ ქართველი ვარ, ხომ ქართველის სისხლი მიდგია?..

— დიად, ქართველი ბრძანდები და...

— მოიცა, მოიცა, ალექსი, ხომ ქართველი ვარ ბუნებით, მაგრამ სარწმუნოებით ქრისტეს აღმასრულებელი ვარ ბერძნის კონდაკზე და ამისათვის მართლმადიდებელს მეძახიან.

— ჰოდა, ქართველი ბრძანდებით!

— კარგი და პატიოსანი. მე რომ ასლა\* ქრისტიანული წესი, ვთქვათ, კათოლიკე დოღმატით და მათ ტიპიკონზე ვასრულო, მაშინ ვინ ვიქნები?

— ფრანგი...

— რას ამბობ, კაცო! როგორ თუ ფრანგი? სიტყვა ფრანგი ხალხის სახელია და არა სარწმუნოებისა... ფრანგებს ხომ ფრანცუზებს ეძახიან, ხომ გაგიგონია საფრანგეთი ანუ ფრანგისტანი (თათრულად)?

— ჰაი, ჰაი, რომ გამიგონია!..

— ჰოდა, ფრანგისტანი ქვეყანაა და ფრანგები ან ფრანცუზები ხალხია, მისი მკვიდრი.

მაშ საკმაო ყოფილა, კაცმა კათოლიკე სარწმუნოება მიიღოს და ის არის და ის, თუგინდ თარაქამა იყოს, თუგინდ ლეკი-ჩერქეზი, მაშინათვე ფრანცუზად, ფრანგად იქცევა?! თუ არადა, შე დალოცვილო, არაბი, ლეკი, ოსმალო, ყიზილბაში, ქურთი და არ ვიცი, კიდევ რამდენი სხვა, ეს ამოდენი მიღეთის ხალხი ყველანი მაჰ-



მადის რჯულს აღიარებენ. მაგრამ ჯიშო, გვარ-ტომობა, ხალხს ნობა კი სხვადასხვა აქვთ. ჰერიჰა! რა ქვეყანაში იტყვიო და რა ხალხში გინდათ, რომ მისიონერები კათოლიკე სარწმუნოებას არ ავრცელებდნენ, მაშ აისორები, ჩინელები, შავკანიანი ზანგნი, ინდოელები, არაბნი ყველანი ფრანცუზები დახდებიან!.. თუკი არიან სომეხი კათოლიკენი; სომეხი ლოტრანგი და სხვა, რატომ არ უნდა იყოს სომეხი. მართლმადიდებელი, ქართველი გრიგორიანი, ქართველი კათოლიკე, ქართველი მაჰმადიანი და სხვ... ჯიშო, მოდგმა, იერი, ენა, ჩვეულება სხვა არის და სარწმუნოება სხვაა. ქართველებმა, რუსებმა და თითქმის მთელმა სლავიანებმა, რომელნიც წინათ კერპთმსახურნი იყვნენ, ყველამ ბერძენთაგან იცნეს ჭეშმარიტი ღმერთი; ბერძენთაგან მიიღეს ქრისტე მაცხოვრის სწავლა-მოდღვრება და ერთსა და იმავე მართლმადიდებელი ეკლესიის ტიპიკონით ასრულებენ სარწმუნოებრივ წესრიგს! მაშ, საცა სამართალია, ჩვენ ქართველნი კი აღარ ვართ და რუსები რუსები კი აღარ არიან, არამედ ბერძენები ვყოფილვართ. დიახ, როგორ არა! აბა ერთი, თუ თავი მოგებულება, აფრიკაში მცხოვრებ შავკანიან აბაშელს უჩურჩულე, რადგან მართლმადიდებელი ქრისტიანი ხარ, მაშ ქართველი ან რუსი ყოფილხარ-თქო... რუსნი, ბალგარნი, სერბნი და სხვ. ხომ ყველანი მართლმადიდებელნი არიან, ხომ ყველანი სლავიანთა მოღვმათ ეკუთვნიან, მაგრამ სარწმუნოებას ვინ უყურებს, ყველანი სულ იმის ბრძოლაში არიან, მტკიცედ დაიცვან თავიანთი ეროვნული ვინაობა, ნაციონალური თავისებურება, ზნე-ხასიათი, საკუთარი ენა და ჩვეულება. არა, ერთი ეს მიბრძანეთ, ვინ გაცვლით თქვენს მშობელ დედას დედინაცვალებზე? ეჰ! რას ამბობ, ალექსი, როცა ხბორები დაერევიან ხოლმე ძროხების ნახირს, ვის გინახავთ, რომ ხბო განურჩევლად მივარდეს რომელიმე ძროხას და თავისი მშობელი დედა არ მონახოს, თუმცა კი ბევრჯერ სხვა ძროხის ჯიქანი (ცური) უფრო გატენილია რძით. აბა ცხვარი ხომ სულელია, უტვინოა, და გინახავთ როდისმე, რომ მთელ ფარა ცხვარში ვარეულმა ბატკნობამ თავისი დედა არ მონახოს და სხვის ძუძუს დაუწყოს წოვნა?

— რა ვქნათ, ბატონო, რა რჯულზედაც მამა მდგარა, ჩვენც იმ რჯულზე უნდა ვავიაროთ.

— მერე ვინ გეუბნება, კაცო, უეჭველად რჯული გამოიცვალა რატომ იმას კი არ ამხელ, რა ეროვნებისაც პაპანვენი იყო, ჩვენც იმ ეროვნებას ვეკუთვნივით? რა ვუყოთ, რომ პაპანვენი სამი თითით იწერდა და ჩვენ ასლა ხუთი თითით ვიწერთ პირჯვარსო...

— Ну, довольно... Охота тебе... Ведь все равно, ничем не убедишь. Он же не настолько развит, чтоб мог отличить народность от вероисповедания — простой народ о национальности судит по религии, — თმოგველს ჩამოართვა სიტყვა ბატონმა ვარძიელმა და განავრძო:

— საკვირველია, ღმერთმანი, რად არის მდაბით ხალხი ასეთი დამახინჯებული აზრისა, რად ურევს რჯულსა და ეროვნებას ერთმანეთში? რად უყურებს ასე ადვილად ადამიანის ბუნების გადაგვარებას! ამ შემთხვევაში პირუტყვები ბევრად მალლა დგანან პირმეტყველებზე.

აი, რამდენიმე მაგალითი კიდევ ავიღოთ თვით ბუნებიდან და ვნახოთ მოდგმისა და გვარის ანუ, უკეთ ვთქვათ, მსგავსის შესახებ ბუნებას რა კანონი დაუწესებია და რა წესს იცავს.

გუგულისთვის ბუნებას გუგულობა დაუწესებია, კაჭკაჭისთვის — კაჭკაჭობა, თუმცა კი ორივენი ფრინველებად გაუჩნია. გუგული მოგესხენებათ, მის დღეში ბუდეს არ იშენებს და თავის კვერცხს ათასნაირი ხერხით და მოტყუებით ტყის პატარა ფრინველთა ბუდეებში სდებს. იმათ კვერცხებს ერთ თავისასაც მიუმატებს ხოლმე და გამოთქვა-გამოზრდასაც ამ გაბრიყვებული პატარა ფრინველის თავში საცემად ხდის. მაგრამ არავის გვინახავს, რომ გუგულის კვერცხიდან გამოჩეკილი ბაჩალა იმ თავის ამხანაგებს დამსგავსებოდეს, რომლებთანაც ერთსა და იმავე ბუდეში და ერთისა და იმავე დედა ჩიტის მზრუნველობაში იკვებებოდა-იზრდებოდა. გუგულის ბლარტი დაჩრისხდება თუ არა, ამოფრინდება დედინაცვლის ბუდიდან და მაშინათვე თავისებურად გუ-გუ-გუს გაჰყვირის ჭალა-ტყეში. დაბრიყვებული ჩიტის ბარტყები კიდევ თავიანთებურად, მამა-პაპის ჰანგზე გალობ-ჭიკჭიკობას იწყებენ და დიდად უხარიათ, რომ ის არამკითხე, მუქთახორა სტუმარი თავიდან მოშორდათ.

ავიღოთ თუნდა შინაურ ფრინველთა მაგალითიც. ვინ არ იცის, რომ ქათმისაგან გამოჩეკილი იხვის ჭუჭულები თავის ენას, ზნე-ჩვეულებას და ხასიათის თავისებურებას არ ჰკარგავენ. მიუღე ეზოში თუნდ ერთი იხვიც არ მოიპოვებოდეს, რომლისაგანაც შეეძ-

ლოთ მაგალითის აღება, მაინც ჭუჭულები წყალს ეძებენ საჭკუპო პალაოდ და ქათამ-კრუხი კი კუტკუტით ხმელეთისაკენ უძახის და საშინლად წუხს: ვაიმე, მიშველეთ, ხალხნო, წყალში წიწილები მეხრწობიანო! კრუხის კუტკუტს, მის მზრუნველობა-გაფრთხილებას მხოლოდ მისი საკუთარი წიწილები ემორჩილებიან, რადგან კრუხის ენა ესმით და დაშინებულნი გარს ეხვევიან — ჭუჭულების მაგალითს არ მისდევენ. ამ დროს იხვი-ჭუჭულები კი წყალში ნავარდობენ, ჭყუმბალაობენ, ყურყუმალაობენ და დასცინიან კრუხს: რას კივი, ჰეი! რამ გამოგანერჩეტა შენ; ჩვენო დედინაცვალო? ღმერთმა ბანდიანი თითები იმიტომ მოგვცა, რომ წყალში ვიცურათო!..

ეკ, რომელი ერთი ვთქვათ... ამისთანა მაგალითები ყოველ ცხოველთა შორის მრავალზე უმრავლესია...

ბუნებაში, აი, ასეა გაძლიერებული პრინციპი პიროვნების შენახვისა. ასე მტკიცეა მემკვიდრეობითი, ჩამომავლობითი ძალა და თუ სახე მსგავსისა თანდათანობით უმჯობესდება, ვითარდება და ოდესმე იცვლება, იცვლება შეუმჩნეველად, მიკროსკოპულად და ისიც მხოლოდ ათი ათასი წლობით, ბუნებითი შერჩევისა და არსებობისათვის ბრძოლის გამო.

ადამიანიც იმავე ბუნების შეილია და იმავე ბუნების გარდაუვალ კანონს ემორჩილება, მაშასადამე, ყოველად შემცდარია ის აზრი, ვითომ ადამიანის გადაგვარება მაგრე ადვილი იყოს. საკვირველია ღმერთმანი, ადამიანი თითქოს ყველა ცხოველზე მაღლა დგას და, მაშ, რაღა დაემართა, რომ ასე ამახინჯებს ბუნების დედააზრს; ასე ადვილად რად უფურებს გადაგვარებას!

ბ. ვარძიელის სიტყვამ ყველანი გულისხმას ჩავგავდო. მართლაცდა, აბა გადაათვალიერეთ ჩვენი წარსულის ისტორია. რა იქნა, როგორ დაკარგა საქართველომ ეს ზემო ქართლი, მესხეთ-ჯავახეთიდან მოყოლებული ჰასანყალა-ტრაპიზონამდე?..

პოლიტიკური გარემოება შეიცვლებოდა თუ არა, თითონ ქართველებივე, განსაკუთრებით მაღალი წოდებისანნი, დღეში ათჯერ ფაშასთან გარბოდნენ საზიზღარი ბიზილით თავიანთ მოძმეზვევ, და თვითონვე ეხმარებოდნენ ფაშას ქართველი ხალხის გადარჯულების, გადაგვარების საქმეში. ნაცვლად ამისა, ფაშა, რასაკვირველია, აძლევდა ამ პირთ, სამშობლოს მოღალატე ქართვე-



ლებს, სახელმწიფო სამსახურს, ადგილ-მამულებს, სანჯახს და ალაღარობას და სხვა უპირატესობას.

— ჩვეულება რჯულზე უმტკიცესი არისო, — დაიწყო ისევ თმობველმა, — მართლაცდა, მოდი და ახლა კურდღელს ბუნება მოუკალ, ციყვად გადააქციე და ციყვს ბუნება მოუკალ, კურდღლად გადააქციე! განა რომ ყოვლად ძლიერ ევოლუციის კანონსაც კი ვერ ძალუძს კურდღელი ხის ტოტზე ასტუნოს და ციყვი კიდევ მინდორზე თავგადაგლეჯილი არბენინოს! თუმცა კი ეს ორი ცხოველი ერთსა და იმავე მღირღნავთა მოდგმას ეკუთვნიან...

ამ დროს ცხელ-ცხელი ახალი კალმახი შემოგვიტანეს, წითელი ხალებით დაწინწკლული და ეს დაღლილ-დამშუული ხალხი ყველანი ჭამად გადავიქციეთ, განურჩევლად ეროვნებისა და სარწმუნოებისა...

რას იზამთ, მახლას! ცარიელი კუჭით, მოგესხენებათ, მაღალ ფარდებში ვერ ახვალ და ვერც ფონს გახვალ, რაგინდ სიმართლესაც დაღადებდე...

## V

საფლავის ქვაზე ჩამოვსხედით ტბის პირას, ეკლესიასთან და ისევ აძური ამბების გამოკითხვა ვარჩიეთ.

აღმონჩნდა, რომ ჩვენს მასპინძელს, ალექსი სანდაძეს, მოელი ეს არემარე ტბისა, რომელიც ბორჯომის (დიდი მთავრის მიხედვით ნიკოლოზის ძის) მამულს ეკუთვნის, იჯარით აქვს აღებული; წელიწადში 12—13 ათას მანეთამდე იხდის იჯარით და სამი ათასამდე დესეტინა საძოვარი და სათიბი ადგილი უჭირავს. ტბაც ალექსი სანდაძეს აქვს იჯარით აღებული წელიწადში 1500 მანეთად. როგორც თვითონ აგვიხსნა და სხვებმაც დაგვარწმუნეს, ალექსი სანდაძეს წელიწადში სამი ათას თუმნამდე აღებ-მიცემობა აქვს.

საძოვრებს ქიზიყელ მეცხვარეებს აძლევენ, სათიბებს ახალქალაქის მაზრის სოფლებს ურიგებს. სამი ათასამდე საკუთარი ცხვარი ჰყავს და ჩოდრობს კიდევ: იაფად ნაყიდ საქონელს ასუქებს ამ იალაღებზე და მერე გზავნის გასასყიდად თბილისსა და ქუთაისისაკენ. სამუშაო საქონელსაც მთელ მაზრის გლეხობას ურიგებს იმ პირობით, რომ მთელი ზაფხული ამუშაონ, მერე ზამთარში დაასვენ-



ნონ, გაასუქონ, ყასბებს მიჰყიდონ და იმ ფულით ისევ სანდაძის  
გან იალალზე ნასუქი ხარები იყიდონ. ხვანა-თესვა ცოტათი ეწყობა,  
რადგან ადგილის მდებარეობა და მთის ჰავა-ამინდი ხელს არ  
უწყობს, რის გამოც პურს მომეტებული ნაწილი ყიდულობს.  
ქართლ-კახეთისკენაც მოყვრები ჰყავს და ვენახები აქვს დაგირავე-  
ბული, საიდანაც სარგებლობს და ღვინო სახლში უკლებლად აქვს.  
ტბაში მაისიდან დაწყებული დიდძალ კალმახს იჭერს და გზავნის  
ბორჯომს, აბასთუმანს, ახალციხეს და ახალქალაქს, ფოთს 4 მანე-  
თად ყიდის ზამთარ-ზაფხულ. ზამთარშიაც რკინის კავებით იჭერენ  
და აქედან პირდაპირ გზავნის თბილისს დიდძალ კალმახს ჩალვად-  
რებით. გზა ამ ტბიდან ერთი საციციანო მთებზე ჩადის პირდაპირ  
ქარელში და მეორე წალკისკენ გადადის; ეს მეორე გზა თითქმის  
საურმე გზაა.

მთელ ამ მაზრაში და წალკაში ალექსე სანდაძეს დიდი ნდობა  
და პატივისცემა აქვს ხალხისაგან დამსახურებული, რადგან ყვე-  
ლას სინდისიერად და პირნათლად ეპყრობა.

ალექსი სანდაძეს ერთი ქმაც ჰყავს, სოლომონი. მხნეობით,  
მოხერხებით, არ ჩამორჩება ალექსის და აღებ-მიცემობითაც თითქ-  
მის მეტოქეობას უწევს. მაგალითად, წელს ტბა სოლომონს აუღია  
იჯარით და სხვა ამგვარი.

ახლა, რაც შეეხება მოსე სანდაძეს, ქართველს, ამისი ოჯახი  
ვერ არის ისეთი შეძლებული, როგორც ალექსისა; ქონებრივად  
დაქვერიტებულია, არც აღებ-მიცემობას ეტანება, მაგრამ გამრჯე  
კაცს ამბობენ, თუმცა 68 წლის არისო. ძმები ცალ-ცალკე ცხოვრო-  
ბენ და შვილიშვილებით არიან სავსენი.

ალექსის ოჯახშიაც ქართულად ლაპარაკობენ, რადგან ეს სანდა-  
ძენი ბარალეთიდან არიან აქ გადმოსახლებულნი.

სანდაძეთა გარდა ბარალეთიდან ოცამდე კომლი სომხობაა აქ  
ამოსული, რომელთა დედაენა ქართულია. ესენი საქართველოს  
აქ ბატონობის დროიდან დარჩენილი არიან. ერთ ამგვარ სომეხს,  
წითელ საყდრელს, ვკითხვ: რა ენაზე ლაპარაკობთ შინაურობაში-  
მეთქი?

— ჩვენ, ბატონო, უფროსები ქართულს ვლაპარაკობთ და ახალ-  
მოდის ბიჭობა კი ეხლა და ეხლა უფრო სომხურს ეტანება, რადგან



ჩვენ სოფელში 30 კომლზე მეტი არზრუმიდან გადმოსასვლელად  
სომხობა ცხოვრობს.

— შენი სახელი?

— პეტრე ასლანოვი, შენი ჭირიმიე...

— მერე რა, მაგლიერი არა ხართ, რომ ეხლა თქვენი შვილები  
თავის დედაენას სწავლობენ? ეს კარგად იცოდე, ჩემო პეტრე, რომ  
რა კაცსაც თავისი ეროვნება დაკარგული აქვს და თავის დედაენაზე  
არ ლაპარაკობს, ის კაცი მტრისთვისაც საზიზღარია და მოკე-  
თისთვისაც.

მთელ წითელ საყდარში მარტო მოსე სანდაძის თჯახია  
მართლმადიდებელი, რომლისთვისაც მღვდელი ბარალეთიდან  
ამოდის. აქვე უცხოვრიათ რამდენიმე კომლს ქართველობას —  
ფოცხვერაშვილებს, რომელნიც ბორჯომის ხეობისკენ გადასახლე-  
ბულან...

ტბის ნაპირზე ორი ნავი ება. ჩვენ გულმა ვეღარ გაგვიძლო,  
მასპინძელს ვთხოვივით ტბაზე გასეირნება. ორმა მეთევზემ ღონიერი  
მკლავებით მოუსვა საჭეებს და ზღვისოდენა ტბაში არხეინად შეგ-  
ვაცურა. ტბის წყალი ისეთი ანკარაა, რომ რამდენიმე საფენის სი-  
ღრმეზე ძირის ფერადი კენჭები საამოდ მოჩანან, თითქოს წყალთა  
ნიმფებს (ალეებს) თავისი ნაზი თითებით განგებ მოუქარგავთო. აკი  
იმიტომაც ხავსეა ტბა გემრიელი კალმახით! საკვირველია, რომ  
კალმახის მეტი აქ სხვა არა თევზი არ გვარობს.

ეკლესიის გასწვრივ, ტბის თითქმის შუაგულში კუნძულია, და,  
თუმცა ქალებს, პირველი ალტაცების შემდეგ შიშმა მოუარა, ჩვენ  
ნავი მაინც კუნძულს მიადგა. გარშემო ბლომად დაფრინავდნენ გა-  
რეული იხვები. გაზაფხულობით თურმე ხავსეა ეს კუნძული იხვთა  
ბუდეებით, ბევრ კვერცხსაც აგროვებენ მეთევზენი და ერბო-  
კვერცხით იგემრიელებენ პირს. ზაფხულში კიდევ იხვის ჭუჭყულებს  
იჭერენ ჩასახრხბად. ბუნების მცხოვრებთა გამრავლების თანას-  
წორებაში ასეთი თვალსაჩინო ადგილი უჭირავს ადამიანის ღორ-  
მუცელობას. ისიც საკვირველია, რომ იხვის მეტი ამ ტბაზე არა  
ფრინველი არ იცის და იშვიათად, მხოლოდ თეთრი ფრინველი,  
ცელ-ნამგალა გვხვდებოდა. აქ არც გარიანია (გაგარი), არც ბატი,  
როგორც სხვა ტბებზე იცის.



ვისაც თვალი უდევნებია ამ იხვთა ცხოვრებისათვის, საინტერესო ამბებს მოგვითხრობს. ქართველებში კარგი მონადირე შეიძლება ძლიერ ბევრიც იყოს, მაგრამ იმგვარი კი, რომელიც ერთსა და იმავე დროს ცხოველთა და ფრინველთა ცხოვრებას თვალყურს ადევნებდეს, ამისთანა მონადირენი ჩვენში არ მეგულებიან. ამიტომ ისევ რუს მწერალს დავუვადოთ ყური. აი, როგორ აგვიწერს იხვთა ცხოვრებას ცნობილი რუსი მწერალი აქსაკოვი, რომელიც თვითონვე გატაცებული მონადირე იყო და თვალყურსაც ადევნებდა ფრინველთა ცხოვრებას.

„მეტად საგულისხმოა, მამალ იხვს რაირიგ თავგანწირულად უყვარს თავისი მეუღლე! იმავე დროს კი საშინლად ემტერება თავისივე დედალი იხვის ბუდეს, მის კვერცხებს და ჭუჭულებს. თუ რომ მიაგნო მის ბუდეს, წამსვე მიანგრ-მოანგრევს და ბუდეში რასაც იპოვის, კვერცხი იქნება თუ გამოჩეკილი ჭუჭული, ყველაფერს ანადგურებს: კვერცხებს ამოსრუტავს ხოლმე, ან ნისკარტით დალექნავს და პაწაწინა ჭუჭულებს კი ახრჩობს.

ხომ ასე უსამართლოდ, მტრულად ეპყრობა მამალი იხვი შთამომავლობას, მაგრამ დედალი ისე გაგიჟებით უყვარს, რომ მის დღეში არ მოშორდება; ერთი წამი რა არის, ერთ წამსაც ვერ სძლებს, თუ მეუღლეს არ ეკურკურება, თავს არ ევლება. რაც უნდა გაჭირვება შეემთხვეს, პირველი არ აფრინდება ადგილიდან, ვიდრე დედალი არ დაიძვრება. ხშირად ხდება, რომ დედალი საღმე პატარა გუბეში ჭყუმპალაობს, მამალი იხვი კი განუშორებლად, დარაჯივით ზის იქვე ნაპირას ქვაზე, ანდა ჩირგვზე. ამ დროს თუ მონადირე უახლოვდება, დედალი ვერ ხედავს, ან ვერაფერს ამჩნევს. მამალი კი ტრიალ-ფრთხილს იწყებს, ყვირის, თითქოს ნიშნულად ხმას აძლევს, რადგან ნამდვილად ხედავს მათკენ მომავალ მტერს. მაგრამ შენ არ მომიკვდე, დედალი აინუნშიაც არ აგდებს. აგერ, აშკარად ხედავს მამალი, რომ მონადირემ მას თოფი დაუმიზნა, ნიშანშიც ამოიღო, მაგრამ დედალზე ადრე მაინც არ აფრინდება — სიკვდილს არჩევს და თავისი საყვარელი მეუღლის მოშორებას კი არა. იგრიალა დაუნდობელი მტრის თოფმა და ერთგული მეუღლე იქვე გაგორდა. დედალი იხვი თოფის ხმაზე წამსვე თავს უშველის ხოლმე და ცალი თვალით მაინც, არც კი დახედავს მის მსხვერპლს, მისთვის მოკლულ მეუღლეს.

სულ სხვა სურათია თუ მონადირემ დედალი იხვი მოჰკლა, მა-  
შინ მამლის ცოდვით ქვეყანა იწვის; ჯერ თავს დასტრიალებს მონა-  
ნადირეს, გულსაკლავად დაჰკივის და მერე რამდენიმე დღე განუ-  
წყვეტილად დასტირის იმ ადგილს, სადაც საყვარელი მეუღლე მო-  
უკლეს.

ახლა წარმოიდგინეთ იხვის დედაშვილური სიყვარული, რამ-  
დენი სიფრთხილე და ხერხი ჰმართებს დედალ იხვს, რომ თავის-  
თვის ბუდე მოაწყოს და მეუღლის მალულად კვერცხები დასდოს,  
ჭუჭყულები გამოჩეკოს!

ჯერ სადმე იმისთანა მოფარებულ ადგილას იმზადებს ბუდეს,  
საიდანაც გაჭირვების დროს გაქცევა-დამალვაც შეეძლოს. ამისთანა  
სახერხო ადგილად კი უფრო გუბის ან ტბის ნაპირებს ირჩევს.  
აგერ, დაუდგა დრო დედალ იხვს კვერცხის დადებისა და სულ იმის  
ცდაშია, რაიმე ეშმაკობით გაეპართს თავის მეტად განუშორებელ  
მეუღლეს. აქვე ტბის ნაპირს დაჯდება, თავს ფრთის ქვეშ ამოი-  
დებს, ვითომ მიძინავსო. მამალ იხვს მართალი ჰგონია თავისი მე-  
უღლის ძილი და თვითონ კი ნამდვილ ძილს მიეცემა ხოლმე.

ამ დროს დედალი იხვი ფრთის ქვეშ-ქვეშ მომძინარებული ვა-  
ლი თვალთ უცქერის მამალს და, რაკი დარწმუნდება სძინავსო,  
წამსვე მიიშალება ჭილ-ბალახებში. ათ ან ოც საუენზე მეტს ქურ-  
დულად გაძვრება-გამოძვრება ჭილსა და ლერწამში, მერე, რომ უფ-  
რო უკეთ არიოს გზა და კვალი ცოტათი მალა აფრინდება, ჰაერში  
რამდენჯერმე ირგვლივ შემოუვლის და სრულებით სხვა მხრით ისევ  
დაეშვება ბალახებში და თავის მზა ბუდისკენ ფარულად მიძვრება.  
კვერცხს დასდებს თუ არა, ფრთხილად წააყრის ზედ ბალახს და  
ბუმბულებს, ახლა ისევ სხვა გზით, სრულებით სხვა მხრით ისევ  
ბალახ-ბალახ გაძვრება, ამოფრინდება, რამდენჯერმე შემოუვლის  
იმ ადგილს, სადაც მისი მამალი ზის, დაეშვება დედამიწაზე და  
სრულებით სხვა მხრიდან მოველინება თავის ერთგულ მეუღლეს.  
იშვიათია, რომ მამალი იხვი მთელ ამდენ ხანს გაბმულ ძილში  
იყოს. ზოგჯერ დედალი მთელ სამ საათს იგვიანებს და ამ დროს  
გამოღვიძებული მამალი იხვი მოუსვენრად უძახის და დაეძებს გა-  
პარულ მეუღლეს. გაზაფხილებით ათვალისკრებს ყველგან და აჩქა-  
რებული დაცურაობს, უვლის ტბის ნაპირებს და დაეძებს მას. მაგ-  
რამ არც ძალიან შორს მიდის, იმედს არ კარგავს, ჩქარ-ჩქარა  
უკან-უკან იხედება, ხომ არ მოდის, ხომ არ მოცურავს წემი საყვა-  
რელი მეუღლეო.

ზოგჯერ დედალ იხვს სხვა ეშმაკობაც სჭირია. როცა დახვდავს, რომ მამალს ძილი არ მოსდისო, მივა და მივალერსება, დაუწყებს ნისკარტით ფხანას კისერსა და ზურგზე, მოუხილავს ბუმბულებს და ამასობაში მიაძინებს. ზოგჯერ კი ფხიზელ მამალსაც გაეპარება ხოლმე. რომ დაატყობს, მამალი ძლიერ მადიანად მიირთმევს საუზმესო, ან თუ მამალი სხვა რასმეზე გაერთო, დედალი წამსვე გაქრება, ბალახებში მიიმალეება და გასწევს თავისი ბუდისაკენ კვერცხის დასადებად. მაგრამ მამლის ასე მოტყუება ყოველთვის, რასაკვირველია, ძნელია. საწყალ დედალს ზოგჯერ ძვირად დაუჯდება ხოლმე ბუდის და კვერცხების სიყვარული. თუ მამალი მიუხვდა ეშმაკობას, განრისხებული გამოეკიდება დედალს, ჩასჭიდებს ნისკარტს კისერში, გამოათრევს ტბაზე და აქ იმდენს მიარტყამს, ვიდრე ჩვენ მივეშველებით. საწყალ დედალს ნაწიწკნი ბუმბულები პანტასავით სცვივა.

ასე თუ იხე; დედალი იხვი მაინც ახერხებს და მამლის მალულად თორმეტამდე კვერცხს სდებს. ახლა კი სრულებით დაემალება მამალს და კვერცხებზე ჯდება კრუხად. თითქმის მთელი დღე ზის კვერცხებზე და მხოლოდ დღეში ერთხელ გადმოდის ცოტა ხნით, რომ იქვე, ახლომანლო, მალულად შეჭამოს და შესვას რამე.

მთელი სამი კვირა უნდება კვერცხების გამოჩეკვას და ამიტომაც კრუხი ძლიერ გამხდარია. ბოლოს გამოჩეკებიან იხვის ჭუჭულები მონაცრო-ყვითელი ფერისა და ორიოდ კვერცხიც შეჭველად ლაყე გამოდის, რადგან იხვი-კრუხი თანაბრად ვერ ათბობს ყველა კვერცხს.

გამოჩეკებიან თუ არა, ჭუჭულები აღარ რჩებიან ბუდეში. რამდენიმე საათის შემდეგ დედას მიჰყავს და იქვე ტბის ანუ გუბის ნაპირთან სადმე ჭილიან, ჩალიან მყუდრო ადგილებში ცურაობენ. წყალში რა ალაგსაც ჭუჭულებს ცურვა უჭირთ, დედა ფრთხილად, ნაზად ჩაავლებს ნისკარტს და გადაიყვანს. ეს ბევრ მონადირეს უნახავს და მეც ჩემი თვალით ვნახეთ, ამბობს აქსაკოვი.

რა განუსაზღვრელი დედაშვილური სიყვარული აქვს დედალ იხვს, შემდეგი მაგალითებიდან შევიტყობთ: როდესაც ძაღლი ან კაცი ბუდიდან ააფრთხობს, დედალი იხვი აფრინდება თუ არა, მაშინვე თავს მოიმიზუზებს; ისე ფრინავს, თითქოს ფრენა არ იციოსო, ანუ თოფნაკრავია და ფრთაში დაჭრილიო. ასე რომ, ვინც



უნდა იყოს, იფიქრებს, ადვილი დასაჭერიაო, და მაშინვე ეპიკრიზდება. დედა იხვსაც ეგ უნდა. ძლიერ იშვიათია, რომ მონადირე ძაღლი არ მოტყუვდეს. ამასობაში იხვი ძაღლს ტყუებ-ტყუებით მთელ ვერსზე მეტს ატარებს და ამით თავის ბუდეს გადაარჩენს განსაცდელისაგან. მაგრამ გამოცდილი მონადირე კი მალე მიხვდება იხვის ეშმაკობას და თუმცა დარწმუნებულია, რომ დედა იხვს მთელი ბუდე კვერცხები, ვინ იცის, დღე დღეზე გამოსჩნევი თხრად დარჩება, მაინც ავიწყდება ცოდო-მადლი და საწყალ თავგანწირულ დედას თოფით უღებს ბოლოს.

უფრო ხშირად კი დედალი იხვი თავის ჭუჭულებს შესწირავს ხოლმე სიცოცხლეს. ახლადგამოჩნევილი ჭუჭულები დედას დაჰყავს და არხეინად დაცურაობენ ტბაზე, მყუდრო ალაგას, მაგრამ ნაპირს კი ისე არ შორდებიან, რომ ვინიცობაა, მტრისაგან თავი შეაფარონ ჩალა-ბულაში. დაინახავენ თუ არა მტერს (მონადირეს), წამსვე საცოდავად შესწივლებენ ჭუჭულები და შურდულივით გაექანებიან ბალახებისაკენ და იმალებიან. დედა იხვი კი ტბაზე რჩება, ზარდაცემული ყვირის, სცემს ფრთებს და აჭყაპუნებს წყალს. მერე აფრინდება და მონადირეს ხან წინ ეღობება, ხან თავს დასტრიალებს. ამგვარად, მონადირე უნებლიეთ მთელ ყურადღებას დედა იხვს აქცევს და იხვი კი ამ დროს სულ იმის ცდაშია, მონადირე სხვა მხარეს გაიტყუოს, ჭუჭულებს მთარიდოს. ადამიანიც, ხომ მოგესხენებათ; შეუწყალებელია, უმიზნებს თოფს და შვილებისათვის თავდადებული დედა გულში ტყვიანაკრავი, მკვდარი დაეცემა ხოლმე ტბაზე. ცქრიალა ჭუჭულები რაც უნდა პატარები დაობლდნენ, მაინც ახერხებენ თავისი თავის გამოზრდა-გამოკვებას. ზოგჯერ სხვა დედა-იხვის ჭუჭულებს შეეკედლებიან და ორი ბუდობა ერთად დაცურაობენ, მე მინახავს, — წერს აქსაკოვი, — ზოგჯერ ერთი კრუხი დედა იხვი ოცზე მეტ სხვადასხვა სიდიდის ჭუჭულებს მიუძღოდათ.

კუნძულზე სეირნობის დროს ერთი მეთევზე შემებაასა:

- ბატონო, ი, გარიანი რო ბრძანეთ, ზოგჯერ ტბაზე გადმოვივლიან ხოლმე, მაგრამ ჩვენი კაცი იმათ ხელს სულ არ ახლებს.
- რატომ?
- იმიტომ, ბატონო, რომ გარიანის მოკვლა დიდი ცოდოა, ამას ჩვენი კაცი თოფს არ ესვრის. მოხდება კი ხოლმე, როგორ არ

მობრუნდება, ზოგი კაცი ან თავხედობით, ან უცოდინარობით მოკლავს გარიანს, მაგრამ მოკლულის მეუღლის ცოდვით მთელი სოფელი იწვის — ჯერ მთელი ორი დღე იმ ადგილს დასტრიალებს, სადაც მოუკლეს მეუღლე, ისეთი გულამოსკვნით ყვირის, ადამიანი გეგონება. ხან კი ეძახის, არა სჯერა, რომ მკვდარია. თუმცა კი მოკლული გარიანის ბუმბული აქვე ტბაზე ცურაობს.

— ეგ რა ვუყოთ, ყველა ცხოველი და ადამიანიც მაგრეა. შენ არავინ მოგკვდომია ახლო ნათესავი ან ნაცნობი? თუგინდ შენი ხელითვე დამარხო, აბა კარგად მოიგონე, ჩაუფიქრდი, ვჯერა ადამიანის სიკვდილი? ვჯერა, რომ ის შენი ნათესავი ანუ ნაცნობი ახლა მკვდარია?

— ეი... აი, დიდება შენდა, ღმერთო! ე, მწიგნობრობა რა კარგი რამ ყოფილა! აბა მაგის პასუხი ჭკვაში საიდან მოგვივა და ის კი უნდა მოგახსენოთ, რომ შარშან ერთი საყვარელი დაი. მომიკვდა, მაგრამ მე დღესაც ისე მგონია, საცა წავალ, იმისი სული ჩემთან დაიარებაო. სიზმარში ხომ ხშირად ვხედავ. ჩვენი მოხუცნი ამბობენ — წირვას თხოულობსო. მოგესხენებათ, შენი ჭირიმე, სანთელსაკმეველი თავის გზას არ დაკარგავსო, ნათქვამია, და ჩვენც ახალ წლის წირვას ვაპირებთ... მაგრამ, ბატონო, ი, გარიანის ამბავი არ გამათავებინეთ.

— როგორ არა. მე ველი, აბა თქვი, რა უნდა გეთქვა?

— მე ის უნდა მეთქვა, შენი ჭირიმე, რომ გარიანისთანა ცოლქმრული სიყვარული ადამიანებში არც მინახავს და არც გამიგონია. მთელი ორი-სამი დღე დაცალეებული გარიანი არც ჭამს, არც სვამს. ბოლოს, იმედს რომ გადაიწვეტს, ავა სადმე ფრიალო კლდეზე, თავს ფრთის ქვეშ ამოიდებს და ციცაბო კლდეზე ქვასავით დაეშვება, დაგორდება და თავს იკლავს. აი, ასეთი მეუღლური ერთგულებაა ამ ფრინველთ შორის და აბა, ღმერთი არ არი? კაცმა როგორ უნდა გაიმეტოს მოსაკლავად გარიანი...

— შენი სახელი?

— დემეტრე, შენი ჭირიმე.

— მართალი ხარ, ჩემო დემეტრე, მაგისთანა მეუღლეობა, როგორც მაგ ფრინველთა შორის ყოფილა, ადამიანებში ძლიერ იშვიათია...

— იშვიათი როგორ არ არი, შენი ჭირიმე! თქვენში რა წესია,



რა მოვახსენოთ და ჩვენი, ჯავახეთში კი ადათია, რომ ქმარს ხელ-  
ცოცხლის დროს მანდილოსანი მაგრერივად უცხო კაცს სანეს არ  
უჩვენებს. მაგრამ როცა ქმარი მოუკვდება, მას შემდეგ მთელი სახე  
ანდილი აქვს, მითომ რა არი, ხალხმა დაინახოს და ვისაც ეჭაშნი-  
კება, მუშტრის თვალით გასინჯოს...

კუნძულზე ნასიამოვნები ჩავსხედით ნავში და ისევ მასპინძ-  
ლის სახლისკენ გავეშურეთ.

შუა ტბაში რომ მოვცურავდით, მაშინ გაგვახსენდა ტბის სიღრ-  
მე... ვიგრძენით, რომ ჩვენი სული მენავეთა ხელშია, რომელნიც  
ერთგულად უსვამდნენ საჭეებს.

— შენ, ეი, დემეტრე!..

— რათ, ბატონო...

— ე, მუყაითი იყავი, თორე, ღმერთმა კი დაგვიფაროს და ნ-  
ნავი რომ გადაგვიბრუნდეს, მშვიდობით, ცოლო და შვილო! 60—80  
საჟენი სიღრმიდან ვინლა ამოგვიყვანს?

— არა, შენი ჭირიმე, რაც კაცს არ უწერია, არ გადახდება, ნუ  
გეშინია, ბატონო... პირველი ხომ არ არი... ხელმწიფის შვილები  
გვიცურებია ამ ტბაზე...

შიშით რა იქნება — „შიში ვერ იხსნის სიკვდილსა, ცუდია დაღ-  
რეჯილობა“, ჩვენი ბერიკაცი იტყვის ხოლმე.

შიში ტყუილი გამოდგა, მშვიდობიანად მივაცურეთ ჩვენი ნავი  
ისევ მასპინძლის კარებთან და დიდი მადლობა გადავუხადეთ სია-  
მოვნებისათვის.

ბ-ნ ივ. როსტომაშვილმა ჩვენი ნავით ტბაზე სეირნობა ფოტო-  
გრაფიულად გადაიღო, აგრეთვე გადაიღო წითელი საყდრის ეკლე-  
სია და თვითონ სოფელიც.

სამწუხაროდ, სხვა მაზრებში არავინ მიჰბაძა ივანე როსტომაშ-  
ვილის მაგალითს, რომელმაც მთელი ჯავახეთის არქეოლოგიური  
ნაშთნი ზედ წარწერებითურთ ფოტოგრაფიულად გადაიღო და აღწე-  
რა. დარწმუნებული ვარ, არც ერთი სხვა მაზრა საქართველოში ასე  
სავსებით არ არის აღწერილი და გადაღებული, როგორც ჯავახე-  
თია, რისთვისაც დიდი მადლობის ღირსია სამშობლოსათვის დაუ-  
ღალავი მოღვაწე ივანე როსტომაშვილი.



ყველა ჩვენგანს ამდენად რომ შეგნებული ჰქონდეს თქვენს წინააღმდეგობრივი წმინდა მოვალეობა სამშობლოსადმი, მაშინ რაღა გავ-  
ჭირდებოდა ჩვენს მომავალს თაობას!

ტბის მშვენიერ სურათს აღტაცებულნი გავცქეროდით. ჩვენმა მასპინძელმა გვიამბო:

— ბორჯომიდან აქ ხშირად მოდიან მოაგარაკენი განგებ ამ ტბაზე სასეირნოდ. თვითონ დიდი მთავარნიც ხშირად გასულან იმ კუნძულამდე; ხელმწიფის შვილმაც (ან ტახტის მემკვიდრემ) ორჯერ ისეირნა და კუნძულზედაც ინადირა.

სანდაძემ ოქროს საათი გვაჩვენა:

— ეს ოქროს საათი ხელმწიფის შვილმა მე მანუქა და ჩემს შვილებს კიდევ, ყველას ვერცხლის საათები დაურიგა. სტუმრად ჩემს სახლში ბრძანდებოდა. ნამესტნიკმაც (დიდი მთ. მიხ. ნიკ.) მედლით დამაჯილდოვა და ერთი თოფი პიბოდისა მიბოძა. ამ მხარეში განსაკუთრებით მე და ჩემს შვილებს ნამესტნიკისაგან ნება გვაქვს დართული პიბოდის და ბერდანკის თოფები ვიქონიოთ. ეჰ, ხომ მოგეხსენებათ, მთა ალაგია და ბევრჯერაც გვესტუმრებიან ავაზაკები, თარაქამა ყაჩაღები, მაგრამ ვერას გვაკლებენ.

ტბის ყურებით რომ ვეღარ ვძლებოდით, მასპინძელმა ღიმილით გვითხრა:

— ჰმ! ნეტავ ზოგი ზამთარშიაც გაჩვენათ ჩვენი ყოფა. აქაურობა 8-9 თვე უგზოუკვლოდ შეკრულია თოვლისაგან. მაგრამ ჩვენს ბედზე ტბა ისე ძლიერ იყინება, რომ ზამთრობით ჩვენი გზა მხოლოდ ეს ტბა არის და ზედ მთელ ზამთარს ხე-ტყეს ზიდავენ ბორჯომის ტყიდან სომხები და დუხაბორები. მადლობა ღმერთს, ჯერ აქ არავითარი უბედურება არ მომხდარა, რადგან ტბა ძლიერ ღრმად იყინება.

— უი! გენაცვალე, დედა... საწყალი თევზები. მაშ, ზამთარში ხო სულ დაიყინებიან? — მიმართა პატარა ქალმა თავის დედას, ჩვენს თანამგზავრს.

— არა, შვილო, რად დაიყინებიან, აკი ზამთარშიაც მოაქვთ ხოლმე კალმახი!

— მაშ, თუკი ჩვენ გვცოვა ზამთარში? ხელ-ფეხი გვძვრება?

— ბატონო თეკლე, გთხოვთ აუხსნათ თქვენს ქალს, რა მიზეზით არ იყინებიან წყალში თევზები, — ჩაერია ბაასში ბ-ნი თმოგველი.

— მე რა ვიცი, რატომ არ იყინებიან... აგერ, შვილო, ზეებს ჰკითხე და ისინი ავიხსნიან.

— გახსოვთ, ჩვენი არა ერთი კამათი, ბატონო თეკლე. თქვენ იმ აზრისა ხართ, რომ ოჯახისთვის შინაურულად გაზრდილი ქალი სჯობიაო; ბევრი სწავლა რა საჭიროა ქალისათვისო; წერა-კითხვა კი იცოდეს და ოჯახისთვის ისიც კმარაო. აი, ესლა გაქვთ თვალწინ მაგალითი. ბავშვის გონება საზრდოს თხოულობს, მაგის ცნობის-მოყვარეობა უეჭველად უნდა დააკმაყოფილოთ, მაგრამ თუკი ბუნებას არ იცნობთ, რა პასუხი უნდა მისცეთ? მერე განა მარტო მაგას დაგვეკითხებათ? — თქვენი ქალი ესლა 12-13 წლისაა და მაგას ესლა ყველაფერი სურს გაიგოს.

— ბატონო! მაგისათვის რად „სპორობთ“, ჩვენი ჭკუით, იმიტომ არ იყინებიან ამ ტბაში თევზები, რომ ტბა ორ არშინის ქვევით აღარ იყინება. თუკი თქვენ თქვენს ოთახებში არ იყინებით, თევზების სამყოფელი ადგილიც ეს არის. ასე დაუწესებია ღმერთს, ვენაცვალე იმის მადლს, — დააბოლოვა მეთევზე დემეტრემ.

— მართალი ხარ, ჩემო დემეტრე, მაგრამ მარტო ეგ პასუხი არ გვაკმაყოფილებს. ჩვენ მიზეზი გვინდა შევიტყუოთ, ორ არშინს ქვევით რატომ არ იყინება ტბა, — უპასუხა თმოგველმა და ახლა მეორე ქალს დაეკითხა:

— ქალო, კატო, შენ ხომ „გიმნაზისტკა“ ხარ, აგვიხსენ საგანი ჩვენი ბაასისა.

— Оставьте, пожалуйста!.. ჩვენთვის ეგ არ უსწავლებიათ.

— ჰოდა, აბა ამიტომ მომიხსენებია თქვენთვის, რომ გიმნაზიას გათავება უნდა. ჩვენი ქართველი ქალ-ვაჟნი რის ვაი-ვაგლახით მენსუთემდე თუ მიატანთ ხოლმე და მერე მორჩა და გათავდა. ე, რუსული ხო ვისწავლეთ (მოდნისთვის) და დანარჩენზე თავი რადასთვის ვიტყნოთ! ამ აზრს თავადი უმატებს: მე ისეც „კნიაზი“ ვარ და რომელი „დიმნაზია“ მომცემს კნიაზობასო; დეე, უბრალო კაცის შვილმა იტყნოს თავი, რომ ხარისხი რამ მოიპოვონო. ჰოდა, იმას მოგახსენებდით, ქალო კატო, თქვენ რომ მენსუთედან არ გამოსულიყავით და ფიზიკა გესწავლათ, სულაც არ გეუცნოვებოდათ ჩვენი საკამათო საგანი.

— უი! ნეტავი არ მინდა, — მიუგო ქ-მა თეკლემ, — მე რომ ი, თქვენი ფიზიკიანი ქალები მინახავს, ერთი იმისთანა შეგხვდეთ





ცოლად, ი, ოჯახს რო ყირამალა გადაგიბრუნებთ, მაშინ მომიგონებთ, მართალი ვიყავ თუ არა. ძველად ქართველ ქალს ფიზიკას არ ასწავლიდნენ, ასწავლიდნენ ქმარ-შვილის სიყვარულს, ოჯახის მოვლას, ერთგულებას და რაც ვის რა ბედმან მისცეს, დასჯერდეს და მას უბნობდეს: ქართველი ქალი ყოველთვის მორჩილი იყო თავისი ბედისა და რაც უნდა მძიმე ყოფილიყო მეუღლეობის უღელი, მის დღეში არ გაუტეხდა სახელს თავის თავს და თავის ოჯახს, თავის ქმარ-შვილს.

ჩემი აზრით, თუმცა ბ-ნი თმოგველი არც ვასამტყუნია; აბა, სწავლა ვის მოსჭარბებია, რომ ჩვენისთანა დაქვეითებულ ხალხს სწავლა მოსჭარბდეს. მაგრამ ისიც მართალია, რომ მართო გიმნაზიები ოჯახისთვის გამოსადეგ ქალს ვერ მოგვიმზადებენ. ოჯახისთვის ქალი ოჯახმავე უნდა აღზარდოს, მოამზადოს. მეორეც ესა, თუ ქალს ბუნებითვე დაყოლილი არა აქვს ოჯახის მოვლის ნიჭი, აქ სწავლა რა შუაშია, ან უსწავლელობა! ქარაფშუტა ტიკინა ქალებს, რომელთაც თავის სიცოცხლის მიზნად მხოლოდ მოღაზე ჩაცმა-დახურვა და ტანციმანცი მიაჩნიათ, სწავლადარულებულებშიაც შეხვდებით და უსწავლელობა შორისაც. აგრეთვე ქმარ-შვილის მოყვარული ოჯახისთვის თავდადებულ მოყაირათე ქალს უსწავლელებშიაც იპოვით და ნასწავლებშიაც. მკითხველი დამეთანხმება, რომ ცხოვრებაში გამოსადეგ ქალებს უფრო პოლონელი და ნემცები ზრდიან. ეს ხალხი, გარდა გიმნაზიური სწავლისა, ოჯახში და პროფესიონალურ სკოლებში ასწავლის ყოველივე იმას, რაც მომავალში საჭიროა მათთვის ოჯახის მოვლისათვის და ცხოვრებაში გამოსვლისათვის. ამიტომაც, რაც უნდა დიდებული მაგნატის და მდიდრის ქალიც იყოს, უეჭველად ასწავლიან ოჯახის მოვლას, ჭრა-კერვას და მზარეულობას, რისთვისაც მოზარდ ქალებს, თუ რამდენიმეა ოჯახში, თითო კვირის ჯერი აქვთ და ამ ერთ კვირას მთელი ოჯახის მოვლა, თადარიგი მორიგ ქალს ეკითხება.

ამ აზრს დაემოწნა ბ-ნი ქათამაშვილი, რომელმაც გვიამბო: — „ერთი კაი ნაცნობი ქართველი ინტელიგენტი მყავს, რომელმაც ვარშავაში ყოფნის დროს, ესლახან, პოლონელი ქალი შეირთო. ქალი გამოჩენილი გვარისაა, სწავლადამთავრებული და კონსერვატორიაგათავებული. ყველა ამას დაუმატეთ 15 ათასი მანეთის

მზითევი. ახლა გაკვირვებას ვართ. ეს ქალი პატარა, 10-12 ბიჭით იოლას მიდის და მთელი დღე ფეხზე ტრიალებს; მზარეულიც ის არის, მოახლეც და მოსამსახურეც. გაკვირვებული ვართ. ჩვენი ქალი, — ცოდო გამქდავენებული სჯობს, — ჩვენი ქალი ვერ იზამს ამას და აბა, როგორ ვთქვა ტყუილი. ახლა უყურეთ ამ პოლონელ ქალს, როცა სადარბაზოდ ან სასეირნოდ გამოდის, იმაზე გრანდამას ჩვენს ქალაქში ვერც კი შეხვდებით. აი, ქალი ამას ჰქვია... დაილოცოს მისი აღმზრდელი... ჩვენ დედებს კი საკვებურად ის მიაჩნიათ: „ისე გამიზრდია, ვენაცვალე ჩემს ლოლას, რომ ხელი არაფერზე გაუსვრია, სამზარეულოში ფეხი არც კი შეუდგამსო“. მახლას! რას იზამ, მერე კი ვზივით, ყმაწვილებს ვამტყუნებთ, ოჯახზე გული რადა აქვთ აცრუებული, რატომ ცოლს არ ირთავენ, ოჯახობას არ ეკიდებიანო. არა, ერთი მიბრძანეთ, მუქთახორა ცოლი ვის რა ჭირად უნდა! „მაჭამეთ, მასვით, მოდაზე ჩამაცვით, მასეირნეთ, გამართეთ“... ე... მერე... გარჯა?... „დიას, როგორ არა, უკაცრად! მე შენი „კუხარკა“ როდი ვარ“. — აი, ჩვეულებრივი პასუხი ზოგიერთი ქალისა, ოჯახის დედაბოძისა...

— ბატონო, ეს სიტყვა ბანზე კი ნუ ააგდეთ. ერთი თქვენებურად აგვისხენით, მამ რა მიზეზია, რომ ზამთრობით ტბაში ზეევი არ იყინება, — მიმართა ცნობისმოყვარე მეთევზე დემეტრემ ჩვენს აუღაყუდა თანამგზავრს.

— საქმე ხომ ცოდნა არ არის, ჩემო დემეტრე, საქმე ის არის, რომ მე შეიძლება ვერც კი მოვახერხო ქართული ენით გასაგებად ავხსნა.

— ე, შე დალოცვილო, და მა რიღას ქართველი ხარ, თუკი ქართულიც არ იცი. მა რიღასთვის გაწუა ქართველმა დედამ ი, ტკბილი ძუძუ, — მიუგო დემეტრემ.

— ისევ შენ გვიამბე, — სთხოვა აუღაყუდამ თავის ამხანაგს ბ-ნ ვარძიელს და ესეც არ დაჰზარდა:

— დიდი სიამოვნებით, მაგრამ ჩემი აზრით, მეთევზემ თავისი გამოცდილებით, საკმაოდ ახსნა. მაგაზე მეტად კი ან რა საჭიროა, რომ ეგ საგანი ყველამ უეჭველად მეცნიერულად იცოდეს — ცხოვრებაში რა გამოსადევია! თუმცა კი ისიც უნდა მოგახსენოთ, რომ ჩვენი დროის საუკეთესო მეცნიერთა აზრით, ვინც ბუნებას არ იცნობს და ბუნებისმეცნიერება არ შეუსწავლია, იმას არავითარი

უფლება არა აქვს თავის თავს განათლებული კაცი უწოდოს. მაგრამ ლაცდა, ბუნების უცოდინარი განათლებული კაცი ემსგავსება ჩვენს შინაურ უმეცარ ექიმებს, რომელთაც ადამიანის არც ანატომია იციან, არც ფიზიოლოგია და მკურნალობას კი ჩემულობენ.

ბოლოს ბ-ნი ვარძიელი პირდაპირ გადავიდა სამეცნიერო საგანზე:

— რაღა თქმა უნდა, დიალაც საინტერესოა ვიცოდეთ, ასე საშინლად რომ იყინება ზამთრობით ეს ტბა, რატომ კალმახნი არ იყინებიან? მაგრამ წინათვე ბოდიშს ვიხდი, თუ ადვილგასაგები ენით ვერ ავიხსნათ... საქმე იმაში მდგომარეობს, ბატონებო, რომ ბუნებას ჭკუას ვერ ვასწავლით, თავის თჯახში ყველასათვის წესი და რიგი მიუცია. ყველგან და ყველაფერში შესანიშნავად აქვს დაცული თჯახის ყაიდათი და თადარიგი.

აქ დემეტრემ ერთი-ორი ამოიკვნესა...

ხოლო ბ. ვარძიელმა განაგრძო:

— ბუნებას ბევრი დაურღვეველი, გარდაუვალი კანონი აქვს, რომელნიც განაგებენ მთელ მსოფლიოს. ამათ შორის ერთი კანონია, რომლის ძალითაც ყოველივე სხეული ბუნების სითბოსაგან განიერდება, ფართოვდება და სიცივისაგან იკუმშება, პატარავდება.

— Пример! — წამოიძახა აყლაყუდამ.

— მაგალითად, უთუოდ გენახებათ, როცა მჭედელს უნდა, რომ ურმის თვალს რკინის სალტე გადაუჭიროს, მაშინ მჭედელი ძალზე გახურებულ რკინის სალტეს ჩააცმევს ხოლმე ურმის თვალს და იმწამსვე ცივ წყალში აციებს...

— მართალი ბრძანებაა, შენი ჭირიმი, — წარმოთქვა დემეტრემ, — როცა მჭედელი რკინის სალტეს აკეთებს, განგებ აკლებს ზომას, ასე რომ, ცივი სალტე ურმის თვალს სრულებით ვერ ჩაეცმის და იმიტომ აცხელებს სალტეს, რომ გაგანიერდეს და ადვილად ჩაეცვას ურმის თვალს. მერე, რაკი გაცივდება, სალტე თავის ზომისა დადგება, ურმის თვალს მოეჭირება.

— ვიწრო ფეხსაცმელი შეიძლება იმდენად არ გაწუხებდეს, — მოიყვანა მაგალითი აყლაყუდამ, — მაგრამ აბანოში დაბანის შემდეგ რამდენს ვეწვალებით ხოლმე, ვიდრე ვიწრო ფეხსაცმელს ჩავიცვამდეთ.

— მაშასადამე, — განაგრძო ბ. ვარძიელმა — რაც მეტად ცხელ-



დება რაიმე სხეული, იმდენად მისი მთელი გარსი (объем) მატულობს, მეტ ადგილს იჭერს და მჭიდროება (сцепление), აგრეთვე სიმკვრივე (плотность) სხეულს აკლდება, თანაც წყალში მსუბუქდება. პირიქით, როცა სხეული ცივდება და რამდენადაც ძლიერ ცივდება, გარსში კლებულობს, მჭიდროვდება, იკუმშება, მკვრივდება და მძიმდება. წყალი რომ ამ კანონის ძალას ემორჩილებოდეს, მაშინ, თქვენი მტერი! ზამთარში ტბა-მდინარენი და ზღვა-ოკეანენი სულ მთლად გაიყინებოდნენ. ზედაპირიდან ძირის-ძირამდე ყინულის ლოდად გადაიქცეოდნენ. მაგალითად, ზედაპირი ტბისა გაიყინებოდა თუ არა, დაიძირებოდა. ასლა ყინულზეით მოქცეული წყალი გაიყინებოდა, დამძიმდებოდა, კვლავ დაიძირებოდა და კიდევ და კიდევ. რალა თქმა უნდა, ყინულში ყოველივე სიცოცხლე მოისპობოდა, წყალთა ცხოველნი მთელ ქვეყანაზე გაწყდებოდნენ. ეს კი წარმოსადგენადაც ძნელია, რადგან დასაბამიდანვე სიცოცხლე წყალში გაჩნდა და მერე ხმელეთს მოეფინა.

— კაი საქმე დაგვემართებოდა, თქვენმა მზემ, რო წყალთა ცხოველნი გაწყდნენ, — ჩაერიო ლაპარაკში ჩვენი აყლაყუდა, — რას ბრძანებთ, რამდენი მილიონი ხალხი დარჩებოდა მშვიერი. არამცთუ წყალთა ნაპირების მცხოვრებთა, არამედ მთელი სახელმწიფოთა კეთილდღეობა და ხალხთა სიმდიდრე წყალთა ცხოველების ნადირობაზეა დამოკიდებული.

— ისიც კი უნდა წარმოვიდგინოთ, — დაიწყო ისევ ბ. ვარძიელმა, — ტბა-მდინარენი და ზღვა-ოკეანენი მთლად რო იყინებოდნენ, ამ სისქე ყინულს ან კი რა გააღსობდა?! მგონი, თორმეტი მზე, თორმეტი ზაფხული რომ ცდილიყო, ვერას დააკლებდა. კიდევ ამიტომ, ბუნება ბრძნულად მოიქცა და გზა აუხვია თავისაკვე კანონს, რადგან მისი ოჯახისათვის გამოსუადეგარი და გამანადგურებელი იქნებოდა. ბუნებამ წყალს და მხოლოდ წყალს, სულ სხვა, განსაკუთრებული თვისება მიანიჭა. ეს შესანიშნავი განსხვავებითი თვისება კი იმაში მდგომარეობს, რომ, როცა ზამთრის პირას სიცივე ჩამოვარდება და ჰაერის სითბო 4 გრადუსამდე ჩამოვა, ამ დროს წყალი იკუმშება, მომეტებულად მჭიდროვდება, გარსში კლებულობს და შედარებითი წონაშიაც (удельный вес) მატულობს. 4 გრადუს სითბოს წყალი რაკი გადასცილდება, სითბო დადგება თუ სიცივე, ეგ სულ ერთია, მაინც განიერდება, ფართოვდება. როგორც საზო-

გადოდ, ისე ამ ჩვენი ტბის წყალი, როცა ზამთრის პირას  $4^{\circ}$  ბოსი გახდება ძირის სართულის წყალზე უფრო მძიმე შეიქნება და ამიტომ ტბა ჩასძირავს ამ დამძიმებულ ზედაპირა წყალს; ხოლო მის მაგიერ ძირიდან მსუბუქი წყალი ზევით ამოვა, აქ ისევ  $4^{\circ}$  სითბოს შეიძენს, დამძიმდება და ისევ ქვევით ჩავა, ჩაიძირება. ამგვარად, წყლის ნაკადულნი განუწყვეტლად ადი-ჩადიან, ვიდრე მთლად ტბა ერთნაირი ტემპერატურისა,  $4^{\circ}$  სითბოსი შეიქმნება. მერე ზამთრის სიცივე და ყინვები რომ დაიჭერს, ტბის ზედაპირი მეტად გაცივდება, წყალი იყინება, ე. ი. წყალი  $4^{\circ}$  სითბოს ქვევით ჩამოდის.  $0^{\circ}$ -ზე იყინება და შეკუმშვის მაგიერ, რაც სხვა სხეულს უეჭველად დაემართებოდა, წყალი-ყინული განიერდება და შედარებით წონაშიაც კლებულობს, მსუბუქდება. ამიტომაც ყინული წყალზე გაცილებით მსუბუქია და ტბაზე ჩატების დროს ატივტივებული დაცურაობს. მდინარენი კი, სხვათა შორის, მთლად არ იყინებიან იმიტომ, რომ განუწყვეტელ მოძრაობაში არიან და, საცა მოძრაობაა, იქ უეჭველად სითბოც იბადება. მეტადრე ჩვენი გიჟი მდინარეები გააფთრებულნი ქვიდან ქვაზე რომ დახტიან, ძნელად იყინებიან და ისიც მხოლოდ იმ ადგილას, საცა მდორედ მომდინარებენ. მაგრამ ზღვა-ოკეანენი და ტბა-მდინარენი მაინც ძლიერ ღრმად გაიყინებოდნენ, თუ რომ ბუნებაში არ არსებობდეს ყოვლად ძლიერი დაბრკოლება — ფარული სითბო (скрытая теплота). მაგალითად ერთ გირვანქა წყალს  $79$  ერთეული სითბომბადი (теплород) უნდა წავართვათ, რომ  $0^{\circ}$  ყინულად გადაიქცეს. ამას კი ვერ შეძლებენ თვით ჩრდილოეთის ხანგრძლივი და საშინელი ყინვა-სიცივეები. ამასთანავე, თვით ზედაპირი ტბისა რაკი გაიყინება, როდილა უშვებს სიცივეს ღრმად ტბაში. მაგალითად, შემოდგომის ნათესი ზამთარში იმიტომ არ იყინება, რომ თოვლის ქვიშ თბილად ინახება, თოვლის ქობა არ უშვებს მიწაში სიცივეს და უთოვლო ზამთარი თუ შეხვდა, მაშინ ყანები ძრება, იღუპება... არც ზაფხულის სიცხე ჩადის წყალში ღრმად, რადგან წყალი ცუდი გადამცემია (плохой проводник) სითბოსი. ამიტომაც არის, რომ ღრმა ტბის გულში წყალი ზაფხულ-ზამთარ გამუდმებით თბი გრადუსი სითბოსია და ცხოველთა ცხოვრება წყალში ყოველ დროს ერთნაირ ტემპერატურაში ( $4^{\circ}$ ) წარმოებს...

— ი, შენი დედ-მამა ცხონდა, ბატონო, ეგ კი მართალი ბრძა-



ნებაა, — ჩაერთა ლაპარაკში მეტევზე დემეტრე, — ზამთარში რომ თევზზე მინადირია, ამოიღებ თუ არა წყლიდან სათხვევლს, დიდ ყინვაში უეცრივ გაითთშება ხოლმე და წყალში რო ჩავაგდებ, ისევ ლხვება-რბილდება. მამ ჩანს, ბატონო, წყალი ჰაერზე უფრო თბილი ყოფილა. პოდა, რაღა თქმა უნდა, „რაც გინდ ყინამდეს. ზამთარი“, თევზთა ქეიფს ვერ დაუშლის!

— ჰაი, ჰაი, რო იქეიფებენ?! არა ხნავენ, არა თესვენ, ბატონს ხარჯს არ აძლევენ და მოვანშეს ქედს არ უხრიან; თავისუფლად, უზრუნველად ცხოვრობენ. მათ კარს წვიმისა და მზის მეტი არაფერი მიადგება. ჰაერი იმდენად არის წყალში განზავებული, რომ რამდენიც სჭირია თევზს სისხლის დასაწმენდად, ლაყუნებით სუნთქავს — წყალს პირში იგუბებს ხოლმე და ლაყუნებით სცლის.

მთუნდა თევზს ცურვა? ვინაა დამშლელი: ტანის მოყვანილობა, ბოლო, ბუშტი და ფრთები საგანგებოდ ცურვისთვის აქვს მოწყობილი; გაარტყამს ბრტყელ ბოლოს მარჯვნივ, გაარტყამს მარცხნივ — წინ გასრიალდება, ფრთებს საჭესაებრ მოუსვამს და საითაც უნდა, იქ მიტრიალ-მოტრიალდება, გაბერავს ჰაერით საცურავ ბუშტს, დამსუბუქდება, ატივტივდება, ზევით ახტება. დაჰფუკავს ბუშტს — დამძიმდება, ქვევით ჩავა, ჩასრიალდება და არის განუწყვეტელ სიამოვნებაში. მოშივა და, ჩემმა ღმერთმა, ვერ იშოვის საზრდოს — მხედველობა საკვირვლად კარგი აქვს და აგერ, ტბა სავსეა წვრილმან ცხოველებით და ჭიჭყინებით: ინავარდე, ინადირე, ინადიმე — ბუნების სუფრა უხვია.

დაუდგება თევზს დრო და ბუნებას მოვალეობას გადაუხდის — თავის მსგავსის შესანახად, შთამობის გასამრავლებლად ათიათასობით და მილიონობით კვერცხს (ქვირითს) სდებს და აღარაფერს ზრუნავს, თვითონვე გამოიჩეკებიან, მერე კი, დაე, თვითონ ისაზრდოთ — წყალში საკვები მზამზარეულია, მხოლოდ ყბა გააღე და იცურავე. წყალში იმდენად გაჭირვებული არ არის ბრძოლა არსებობისათვის.

— ი... თქვენი ღმერთის ჭირიმე, თქვენი ღმერთისა! — წამოიძახა დემეტრემ და ჩვენც ყველანი დიდად ნასიამოვნები დავრჩით და გულითადი მადლობა გადავუხადეთ.

გამოვემშვიდობეთ ჩვენს მასპინძელს ალექსი სანდაძეს და მისი მადლიერნი გზას შინათკენ გავუდექით. მთელი 7-10 ვერსი გზა



სულ ტბის ნაპირას მოსდევს. გზად მიმავალთ ლექციის შთაბეჭდილება გამოგვიყვანა და ტბის მაცქერალნი ისევე წყალზე და მის თვისებაზე ვბაასობდით. მართლაცდა, წყალი საზოგადოდ, ერთობ საინტერესო სხეულია და ბევრი შესანიშნავი თვისებაც სჭირს, როგორც ფიზიკური, ისე ქიმიური. აი, თუ არ გამოიწყობით, წყლის ორიოდე ფიზიკურ თვისებას კიდევ მოგახსენებთ.

წყალს ყველაზე დიდი თხელი სხეულია, რომელიც ძლიერ გავრცელებულია დედამიწის ზურგზე. მოგახსენებთ, რომ სამი წელიწადი სხეულისა წყალს უჭირავს. მაგრამ სხვაფრივაც ძლიერ არის გავრცელებული, თუმცა კი ისე აშკარად არა ჩანს. მაგალითად, ჰაერში ორთქლოვანი მდგომარეობა, აორთქლებული დაცურაობს. და მერე, სიციფი რომ დაჰარავს, შეკუმშული ქაფიანადვე გვევლინება ვითარ თოვლი, წვიმა, სეტყვა, - თრთვილი, ჯანოი და სხვ. როცა ჰაერი ორმოც პროცენტზე ნაკლებს შეიცავს აორთქლებილ წყალს, ამგვარი ჰაერი სასუნთქველად აღარ ვარგია - ხშირია და სულს ხუთავს. ხოლო ის ჰაერი, რომელშიაც 80% მეტი ურევია აორთქლებილი წყალი, ნოტიოდ ითვლება.

ამასთანავე, ყველა მცენარისა და ცხოველის სხეული ჭარბად შეიცავს წყალს. მაგალითად, ხის ნაჭერი ჯერ ნედლი აწონეთ, მერე ფურნეში გაახმეთ, მაშინ შეიძლება რამდენსაც დაიკლებს. ვთქვათ, რომელიმე ცხოველი იწონის 150 გირვანქას, ფურნეში რომ გავახმეთ, ერთი ფუთი ძლივსდა დარჩება. ესე იგი, 110 გირვანქა ორთქლად დაიკარგება, რადგან წყალი იყო. ამგვარად, როცა სორცს ყიდულობთ, იცოდეთ, რომ ფულს წყალშიაც აძლევთ, რადგან ორ გირვანქა სორცზე გირვანქა ნახევარი წყალი მოდის და ნახევარი გირვანქა - მაგარი სხეული. ბოსტნეულობა და ყოველგვარი მწვანე იცავს ხომ ბლომად შეიცავს წყალს. მაგალითად, სპანახი შეიცავს 88% წყალს, ახალი კომბოსტოს თავი 85% და სხვა...

წყალი სამგვარ მდგომარეობაშია ცნობილი. პირველი - სითხეა, თხელი სხეულია; მეორედ, რაკი სითბო 4° ზევით დადგება, მაშინ წყალი გარსში მატულობს, ფართოვდება, მერე 100°-ზე დულს და ორთქლად, გაზად გადაიქცევა; მესამედ, ვიცით, რომ რაკი 4° სითბოს ქვევით დაიწევს და სიცივე დადგება 0°-ზე იყინება და



მერე დიდი სიცივისაგან ქვასავით მაგარ ყინულად გადაიქცეულა იმავე დროს გარსში მატულობს და მსუბუქდება.

რომ წყალი გაყინვის დროს განიერდება და საშინლად ფართოვდება, ეს ადვილი დასამტკიცებელია. ჩაასხით წყალი ბოთლში პირთამდე და გარეთ სიცივეში დადგით როცა ჰყინავდეს. თუ ბოთლი უძრავად იდგება, შეიძლება თითქმის 12° სიცივეშიაც არ გაიყინოს, მაგრამ საკმაოა ცოტათი შეანძრით, ან ყინულის ნაჭერი ბოთლის პირთან წყალს მიაკაროთ, ამ დროს წყალი ყინულად გადაიქცევა, გაგანიერდება, გაფართოვდება და, ბოთლში ტევა რომ აღარ იქნება, ბოთლს საშინელი ძალით დახეთქავს, ან კი რა საჭიროა ამის ცდა, ჩვენში ყველა დედაკაცმა იცის, რომ ზამთარში სავსე კოკას გარეთ არ დადგამს — „წყალი არ გაიყინოს და ე, კოკა კი არ გასკდესო“...

კოკა ან ბოთლი რა ბრძანებაა. წყალი გაყინვის დროს ისეთი საშინელი ძალით განიერდება ხოლმე, რომ ბოთლის მაგივრად გინდ სქელი რკინის ჭურჭელი იხმართ, მაინც ვერ გაუძლებს და ჭექა-ქუხილით დაიმსხვრევა. ბევრჯერ სცადეს, განგებ თუჯის ყუმბარაში (ზარბაზნის ტყვია) პირთამდე ჩაასხეს წყალი, დაუცეს რკინის საცობი ჭახრაკიანი და ზემოდანაც საცობზე დააწყვეს მძიმე ტვირთი. მაგრამ აი, შენც არ მომიკვდე! რაკი ყუმბარაში წყალი ყინულად გადაიქცა, მსწრაფლ საცობი ამოისროლა და საშინელი ხმაურით ყუმბარა ნაჭერ-ნაჭერ დაამსხვრია, — გეგონებოდით, ზარბაზანი გავარდაო!



## ნაწილი მესამე\*

ეროი კუთხე ჯავახეთისა

1

დასავლეთს ცეცხლი მოეკიდა, ღრუბელთა გროვა ფერად-ფერად იწოდა — მზე ჩასვენებას აპირებდა, პატარა ყურილა უჩანდა. არემარემ ფერი იცვალა, ალაგ-ალაგ დიდ-დიდად დაიწრდილა. ალაგ-ალაგ ჯერ შუქი იდგა. აგრილდა.

სოფელ მოლითთან უკანასკნელად გამოვეთხოვეთ სატრფიალო ტბას. კარგა მანძილი რომ გავიარეთ, ჩვენმა ზაქრომ გაგვიცხადა: ბატონო, ე ხურჯინმა მთელი დღეა წელი მოსწყვიტა ცხენს და ეს საგზალი შინვე ხო არ მოვიტანოთო. მოგვეწონა ზაქროს პრაქტიკული ჭკუა. ავირჩიეთ დაჩრდილული მწვანე ადგილი და თივის ბულულთან ხელად სუფრა გავშალეთ. სწორედ მოგახსენოთ, სამხარისი ყველას გვეამა, ასე გემრიელად, ასე მადიანად, მგონი მის დღეში პური არ გვეჭამოს. დიახ, ასეთი გავლენა აქვს სუფთა ჰაერზე მოძრაობას! საყველაწმიდოს შემდეგ ერთმანეთს გამოვემშვიდობეთ და მოგზაურთა გუნდი შუაზე გაიყო — ნახევარი შინ წავიდა, ქალების ურემს გაჰყვა და ჩვენ კი მარცხნივ გავწიეთ ხუმრისისაკენ.

მზე სრულიად ჩავიდა, ჩაიმალა, მაგრამ მისი ცეცხლები სხივები ცაში ღრუბლებს ფერავენ და სამსარის მთის ქედზე გაფანტულნი, დაქანცულნი თვლემდნენ. ბინდი სინათლეს შეებრძოლა. დედამიწამ ახლა მეორე გვერდი მიუცხუნა მზეს — ჩვენ გვიბნელდება, სხვას უნათდება.

ზაქრომ დაგვაჯერა: მაგრე კი არა, დედამიწა ზღვაზე დგასო

\* იბეჭდება შემოკლებით (რედ.).



და ორი ვეშაპი თევზი იმაგრებსო, ახლა მზე იმ ზღვამდე ჩავიდეთ, იქ იბანავებს, ამაღამ დაისვენებს და ცისკრისას ისევ აღმოსავლეთიდან მოგვევლინება ახალის ძლიერებითაო.

— მაგრე კი არა, ზაქრო, ის რაღათ დაგავიწყდა, მზე — ჭაბუკია, ი ზღვის ხელმწიფის ქალთან ამაღამ დაიძინებს და დილაზე ისევ ჩვენს დედამიწას ემსახურებაო, — უხუმრა ჩვენმა თანამგზავრმა.

— არა, ბატონო, ეგ არ ვიცი და ის კი გამიგონია, რომ მზე ცისკრის ვარსკვლავს ეარშიყებაო, მაგრამ სხივებს ესვრის თუ არა, კეკლუცი ვარსკვლავი სადღაც გაქრება ხოლმე.

— გინდა, ზაქრო, გიბოვო ეგ კეკლუცი ვარსკვლავი?

— რა ბრძანებაა, ბატონო, სად იპოვით?

— დაჰკვირვებისარ როდისმე: მზე ჩავა თუ არა, დასავლეთზე ზოგჯერ მთვარე და ერთი ბრჭყვიალა ვარსკვლავი წყვილად გამოჩნდებიან ხოლმე?!

— როგორ არა, მინახამს, ბატონო, აი, ძალზე რთ ბრჭყვიანლებს, ყველა ბუზი ბზუისო, ფუტკართან ყველა ტყუისო. ე ხო ყველა ვარსკვლავი ანათებს, მაგრამ მაგ ვარსკვლავთან ყველანი ტყუიან. მთვარესაც კი უჯიბრდება ხოლმე. მაგას, ბატონო, ხო მწუხრის ვარსკვლავს ეძახიან.

— ჰოდა, ეგ მწუხრის ვარსკვლავი იგივე ცისკრის ვარსკვლავია, თუ იქ მზეს დაემალა, ხელიდან გაუსხლტა, ახლა, რაკი მზე თავიდან გაიცილა, მთელი მწუხრი მთვარესთან არშიყობს, ეალერსება, ცისა და ქვეყნის საქმეებზე ჭორიკანაობს.

გზამ ისევ ტბას დაგვაახლოვა — ტბის პირ-პირ მივდიოდით. კარგა ბინდი შეიქნა, როცა შამბნარიანი შეღმართი ავიარეთ და სოფელ ხუმრისს მივედით, რომელიც უფრო ნასოფლარსა ჰგავს. რუს-ოსმალის უკანასკნელ ომამდე აქ და სოფელ მოღვეგიაში ბერძნები ესახლნენ, ომის შემდეგ ყარსისკენ ითხოვეს და გადასახლდნენ.

ცოტა არ იყოს, გაგვიკვირდა, რომ ჯერ აქ, ამ ნასოფლარში სხვა ტომის ხალხი არ დაუსახლებიათ. ჭეშმარიტად რომ ღირსეული შვილი იყო თავისი ერისა სახელმწიფო ქონებათა აწ განსვენებული გამგე, დიდგაცობაშიაც კი არ ივიწყებდა თავის მოძმეთ და ისინი, როგორც რუსული გაზეთებიდანაც ვიცით, ორ ათასამდე ახლად დაასახლა თბილისის გუბერნიაში. ამ საგანმა კამათი — გა-

მოიწვია. აქვე ხუმრისში შემთხვევით შეგვესწრნენ ჩვენი კარგი ნაცნობები — ერთი ბარალელი და ერთიც კოთელიელი\*. ამათ შემოვივალეს:

— ვერ წარმოიდგენთ, რა შევიწროებაში არიან მამულის უქონლობით ამ ხუმრისის ახლო მდებარე ქართველთა სოფლები, მეტადრე კოთელია, ჭინარული და სხვა... მაგრამ განსვენებული გამგის დროს არამცთუ დასახლების ნებას ვერ მივიღებდით, სახელმწიფო სათიბ-საძოვრების შოვნაშიაც კი მისგან უპირატესობა სხვა რჯულის ხალხს ჰქონდა მინიჭებული...

— მე აქ გასაკვირველად არაფერი მიმაჩნია, ასეთი წესია ცხოვრების მეჯლისზე...

კაჭკაჭმა უთხრა ყვავასო,  
ჩავარდი გულის ხმასაო,  
სხვანი ასე ირჯებიან,  
შენც აღვიძებდე ჭკვასაო.

სოფელი ხუმრისი იმავე ტაბაწყურის ტბის აღმოსავლეთ ნაპირზე მდებარეობს. ნახევარი ტბისა ბორჯომის მამულს ეკუთვნის და ნახევარი სახაზინოა, ჯავახეთშია. ამიტომაც სოფელი წითელი საყდარი ბორჯომისაა, გორის მაზრაზეა მიწერილი და ხუმრისი კი ჯავახეთში ითვლება და ახალქალაქის მაზრისაა.

— აი, ვიამბოთ, რად დარქმევია ამ სოფელს ხუმრისი, — დაიწყო კოთელიელმა და განაგრძო: — აი, ეს სოფლები ხო ერთმანეთს გაჰყურებენ... ხუმრისელი ავთანდილი წითელწყაროელი თინათინის ეშხით იწოდა, მაგრამ ტბის სივრცე-სიღრმე ხელს უშლიდა. მოგეხსენებათ, თუ კაცმა მოინდომა, შეუძლებელი არაფერია. სიყვარულით გამსჭვალულმა ბიჭმა ბოლოს ისეთი ცურვა ისწავლა, რომ მთელი ტბა და მისი სიღრმე სახუმაროდ მიაჩნდა. რომ დაღამდებოდა, ტბის იქითა ნაპირას გოგო დაიჭერდა ანთებულ კვარს და ამ ნიშანზე აქედან ეცემოდა ბიჭი ტბას და 3-4 ვერსის მანძილზე ცურვა-ცურვით ხელად გოგოსთან გაჩნდებოდა. დიდხანს ტკებოდა და ქალ-ვაჟი სიყვარულის ცეცხლის შრეტით, მაგრამ ამათაც ჩაშხამდათ ნეტარება — თაფლი ძიმწრად გადაექცათ. მოგენ-

\* ა თორითვე წლის წინათ, 5-6 სული ქურთი მოინათლა და ახლა ბარალელი და კოთელიელი ამ ქურთების აქ დასახლების საქმეზე ამოსულიყვნენ.



სენებათ ანდაზა: რასაც კაცი თავის თავს უზამს, მტერიც უზამსო. ერთხელ გოგო ეხუმრა თავის მიჯნურს: მე რომ კვარი არ ავინთო, შენ ვერც კი მომაგნებო. ბიჭს, ცოტა არ იყოს, ეწყინა: მე ხუთ ვერს ტბას მკერდით ვაპობ და ეს რაებს მეუბნებათ?! ქალმა განაგრძო: ი მტყუანს ძირძიდა, რო ვველაფერი ჩემი უნარიყო...

გაიარა კარგმა დრომ და აკი იხუმრა გოგომ! ერთ ღამეს, კუმეტ ბნელაში ი დალახვრილმა, ჯერ აანთო კვარი და მერე, როცა ივარაუდა, ახლა კი შუა ტბამდე იქნებო და კვარი ჩააქრო. ბიჭმა, გზა-კვალაბნეულმა, უნიშნოდ, წყვიდად ბნელაში ცურვით ნაპირს ვედარ მიაგნო, იტრიალა, იტრიალა და მკლავებმოდუნებული ტბის უფსკრულში შთაინთქა. ეს ამბავი გოგომ შეიტყო თუ არა, — დაუდგა თვალი, — გაგიჟდა მწუხარებისაგან და ისიც ტბაში გადავარდა, რომ საფლავიც ერთი ჰქონოდათ და მეგობარნი სულნი საიქიოსაც ერთად შემტკბარიყვნენ. ხალხმა თქვა: ეს ვერაფერი ხუმრისი (ხუმრობა) იყოთ?!

ესევე ლეგენდა გამიგონია ფარვანის ტბაზე. (უდიდესი ტბაა ჯავახეთში) ფარვანელი გოგო კვარს უნათებდათ და გამოღმიდან, ქოროლლის მთის ნაპირებიდან, ბიჭი პეპელა ფარვანასებრ ამ შუქზე ტბაში ცურვით გადიოდაო. ბოლოს, ესეც გოგოს მუხანათობით ტბაში დაიღუპა და მას აქეთაა ტბას ფარვანა ეწოდათ.

იმ ღამეს ხუმრისში გაგვიმასპინძლდა ქართველი მაჰმადიანი სულეიმანა, რომელიც აქ ძველისძველად, მამა-პაპითვე მკვიდრობს, თავისი სამიოდე კომლი მეზობლით. ადრე აქ ბერძნები ცხოვრობდნენ, პასკევიჩის დროს (1828—30) ოსმალებითდან გადმოსახლებულნი, მაგრამ მერე ისევ ყარსისკენ გადასახლებულან. ხუმრისში უფრო ძველად კი ქართველთა სიცოცხლე დუღდა და ახლა ოთწმედ საქართველოს აქ მეფობისა სულეიმანიდა დაგვრჩენია, რომელსაც ამ ათიოდე წლის წინათ თავისი ბებია ქრისტიანული წესით დაუმარხავს.

აქვე არის თლილი ქვით ნაშენი ეკლესია წმიდა გიორგის სახელობაზე. მლოცველები, შეტადრე ზაფხულობით, იალალებიდან მეცხვარე მწყემსნი ბევრნი მოდიან — თუშები, ქიზიყელები და სხვანი. ეკლესიის მნათედ თვითონ სულეიმანა არის, გასაღებიც მას აბარია და სანთლებსაც სულეიმანი ჰყიდის.

ჩვენი მასპინძელი ქართული პურადობით დაგვიხვდა. ვანშაშზე



ისევ მწვავე საგანზე, მამულის თაობაზე ჩამოვარდა კამათი. მოგეხსენებათ, გლენკაცისათვის პირველი საგანი და სასსარი ცხოველები მამულია, მიწაა, და მისი თვისება-რაოდენობაზე დამოკიდებული არამცთუ მისი ცხოვრება და კეთილდღეობა, არამედ მთელი სახელმწიფოსი, მთელი ქვეყნისა.

მიწა მსოლოდ უკვდავი,  
 უკვდავიც იგი ერია,  
 რა ერსაც უყვარს გუთანი,  
 სამშობლოს მიწა-წყაღია.

დიან, ამ მიწას გლენკაცი მთელი თავისი სიცოცხლე ეჭიდება, ეჯავღვურება, შავ მიწას ჩაჭყურებს და მისი გულიდან ელის ხსნას ყოველივე გაჭირვებიდან. მტერსაც მითი უნდა გასცეს პასუხი და მოკეთესაც.

მიწა ვარ ნიადგ მენა,  
 ბეზავი გლუხად შობილი,  
 მიწაა ჩემი დედ-მამა,  
 ჩემი და, ჩემი მშობილი...

ცოცხალია — მიწა ინახავს, მოკვდება და ისევ მიწამ უნდა შეინახოს, მიწადვე უნდა იქცეს.

ტყუილად კი არ ქადაგებს მეცნიერი ხალხი, რომ მიწა მიწის მუწაკს, მიწის მოქმედს უნდა ეკუთვნოდეს, ვინც მიწაში ოფლსა ღვრის, პატრონიც იგი უნდა იყოსო. მაგრამ ბევრი წყალი ჩაივლის, ვიდრე ხალხთა შორის ცხოვრება და სოციალურ-ეკონომიური დამოკიდებულება ნორმალურად მოეწყობა და კაცი-მხეცი კაც-ადამიანად გარდაიქმნება.

11

ხუმრისიდან დილაადრიან გზას გავუდევით თრიალეთისაკენ. ამომავალი მზის უბიწო სხივები ანკარა ტბაზე ნავარდობდნენ, ცელქობდნენ, ტბის ციმციმა ზვირთებში კრთოდნენ ფერად-ფერადად, იმსხვრეოდნენ. თუმცა დიდი მანძილი არ გამოგვევლო, მაგრამ ტბისა და მისი არემარის დილის სურათმა ანდამატივით მიგვიზიდა — დასვენება დავაპირეთ. ამისთანა დიდ ტბებს, როგორც



ჯავახეთშია, იშვიათად შეხვდებით საქართველოს სხვა მხარეებში ტბის ნაპირას, ჩუხჩუხა წყაროსთან, ყვავილებით მოქარგულ მწვანეზე ჩამოვხდით და შიკრიკი მეთევზეებთან ვაფრინეთ. ვიდრე ცოცხალი კალმანი მოგვივიდოდა, მთის წყაროს ცივ-ცივი წყლით პირი ვიბანეთ, გული ვივრილეთ და ქვის ჩრდილში მწვანეზე წამოვვარდით. მართლად რა უბედურებაა ეს მოტიტვლებული მთები! ჩვენი ცოდო ეკითხოს, ვინც აქაური ტყეები გაჩეხა და ძირიან-ფესვიანად ამოაგდო! აბა, რაა! კაცი ერთ ხეს, ერთ ბუჩქს ვერ იბოვის, რომ პაპანაქებაში მზეს თავი მოარიდოს, ჩრდილს შეეფაროს. აბა, ამისთანა ბუნებამ-რა კეთილი გავლენა უნდა იქონიოს ამ მცხოვრებთა ხასიათზე, სულიერ მხარეზე! სამაგიეროდ, აქაური პაერი და წყალი უკვდავებაა, საუცხოოა, შეუღარებელია.

თვით უკვდავმა მეცნიერმა პასტერმა დაამტკიცა, რომ მჭიდროდ დასახლებულ ქალაქებში ათასნაირი ბაცილა-მიკრობები უხვად ირევიან, სოფლად — ნაკლებია, ხოლო მთა ადგილებში, მაღლობზე, თითქმის არ მოიპოვებიან არავითარი ჩვენი დროის მიკროსკოპული მავნენი.

მაშ, რაღა გასაკვირველია, რომ მთა ადგილებში ადვილად არჩენენ იმგვარ ჭრილობასაც კი, რომელიც ბარად სასიკვდილო ჭრილობად ითვლება. მართალია, მთიელი ხალხის სხეული, უფრო მთელია, საღი ხორცია, რისთვისაც არ უავდება ჭრილობა, მაგრამ იმ გარემობასაც დიდი მნიშვნელობა აქვს, რომ ბარში ათასგვარი მიკრობები აგეკვიატებიან, მოგიწამლავენ იარას, მთაში კი სუფთა მჟავბადის გამო თავისუფალი ხარ ამ ვაისაგან. თორემ დიდ საიდუმლოს კი არ შეადგენს მთიელ ექიმთა სასწაღმოქმედი მაღამო; ღორის მუცლის ქონი( უმარილო, ახალი), ფიჭვის კევი და თაფლის სანთელი, ყვითელი. უფრო მცოდნე ექიმები კი ფიჭვის კევის მაგიერ თირამინდს (*Terebinthina veneta*) ხმარობენ. ამ საგნებს, ნელ ცეცხლზე, ტაფაზე ადნობენ და შეიქმნება მაღამო. ამავე მაღამოს ზოგჯერ ავაჯუასაც (მცენარეა) უმატებენ, რის გამოც წითელი ფერის გამოდის.

ბუნების კალთებზე გორებამ ბუნებაზევე ჩამაფიქრა და, ცოტა არ იყოს, ოცნებას მივცევი. წყაროს ჩუხჩუხ-ჩხრიალი სმენას მიტკობდა; ტბის სივრცე, ცის ლაჟვარდი, ოცნებას შორს, შორს იტაცებდა... შენ მაინც მითხარ, წყაროვ, გამიქარვე ეჭვნეულობა,



მართლა ხელმწიფე ვარ ბუნებისა, მისი მრისხანე მბრძანებელი  
 თუ იგივე უმნიშვნელო ჭია?

ამ დროს რაღაც ქინქლა ბუზი ჩამივარდა თვალში, გამამწვავა, თოფნაკრავივით წამოვხტი. მივირბინე წყაროსთან, თვალს ბანა დავუწყე... ეს არის შენი პასუხი, წყაროვ!.. ვაიმე, ჩემო ამაყო გონებავ რა ადვილად დაგემსხვრა ოცნების ფრთები!

გახურებულმა მზის სხივებმა კისერი დამწვა და ისევ ქვის ჩრდილი მომანახვინა. იქვე, ტბის პირას, მწვანე შეღმართზე, მუშა ხარები ცვრიან ბალახს დამშეულნი, აჩქარებით მოვდნენ და რომელ ხარსაც მოესწრო ფაშვის გავსება, მუცელზე იწვა და ზარმაცად იცოხნებოდა. შემშურდა, რომ ამ ხარებს არც მზისა ეშინოდათ და არც ქინქლა ბუზებისა, თავისთვის არხეინად იცოხნებიან.

წარმომიდგა რომელიმე ქარხანა, სადაც ორთქლის მანქანა ატრიალებს ჩარხს და რამდენსაც მეტს შეუკეთებ შეშას ანუ ქვანახშირს, იმდენად მეტ ორთქლს მოგვცემს და მეტი ძალითაც მოიყვანს მოძრაობაში მთელ ქარხანას. ისე ესლა ეს მუშა ხარები არიან: შეიძლება წინასწარ ითქვას, რომ ხარისაგან ამდენ ფუთ შეჭმულ ბალახს ამდენი ძალა და სითბო აქვსო და ამოდენა ღონით შეიძლება ვამუშაოთ ხარი ამდენ ხანსო. ხარის ცოხნამ გამახსენა: რა საკვირველად, რთულად მოუწყვია ბუნებას ამ ხარების საჭმლის მოსანელებელი იარაღი (კუჭი). როცა ხარი ძოვს, ჩქარობს, რომ ტყუილა დრო არ დაკარგოს და რაც შეიძლება ბლომად მოძოვოს — ერთი ენას კი მოუსვამს ხოლმე და ხელდახელ მსხვილად, ოდნავ დაღეჭილ ბალახს პირდაპირ გზავნის დიდ ფაშვში (პირველი კუჭი). ფაშვში დამბალი ბალახი გუნდებად გადადის მეორე კუჭში (ტოტი). აქ საჭმელი, ლუკმებად ნაქცევი, ბოყინის საშუალებით ისევ საქონლის პირს უბრუნდება. ახლა კი იწყება დინჯად ცოხნა და ხელმეორედ გულიანად დაღეჭილ საჭმელს ხარი ყანყრატოთივე ყლაპავს და გზავნის პირდაპირ მესამე კუჭში, სადაც საჭმელი უფრო რბილდება და ცოტა ხნის შემდეგ გადადის მეოთხე, ნამდვილ კუჭში, რომელსაც დვრიტა ქვია, და რომელშიაც ქიმიურად იხარშება საჭმელი. ხოლო სასმელი წყალი და სხვა რამ თხელი საჭმელი პირდაპირ ამ ნამდვილ კუჭში ჩადის. ძუძუთა ხბოს მხოლოდ ეს ერთი კუჭი, დვრიტა აქვს, ეს ის დვრიტაა, რომელიც იხმარება რძის ასაჭრელად — ყველის გასაკეთებლად.



აი ასეთი რთული და ძლიერი იარაღი აქვს ხარს და მცოხნავ ცხოველს მოსახარშად, მოსანელებლად.

ცნობილ მეცნიერ მოგზაურს ბეკერს ჰქონია ბაასი აფრიკაში ველური ხალხის ერთ წინამძღოლთან — კომმოროსთან. ამ ველურ კაცს უთქვამს: ხარი ადამიანზე ბევრად ბედნიერიაო, რადგან არც ხვნა უნდა, არც თესვა, საჭმელს კი ყოველთვის მზამზარეულს შოულობს და რასაც შეჭამს, ადვილად ინელებსო. ადამიანი კი მხოლოდ დიდი ჯაფითა და გაჭირვებით შოულობს თავისთვის საჭირო იმგვარ საზრდო-საკვებს, რომლის მონელებაც ადვილად შეეძლოსო. ამ შავკანიანი ფილოსოფოსის მოსაზრებაზე ლიბერტი ამბობს: მართალია, კაცი ძლიერ ჩამორჩა მცოხნავ საქონელს, რადგან ამ ცხოველს ადვილად შეუძლია თითქმის ყოველგვე მცენარეული საჭმელი სასარგებლო საზრდო-საკვებად გადააქციოსო. კაცს აკლია აგრეთვე იმგვარი ძალა ძარღვ-კუნთებისა და სიმარდე, როგორც მტაცებელ მხეცთათვის მიუნიჭებია ბუნებას. ამიტომ კაცს არც მხეცივით შეუძლია მტაცებლობა-ნადირობით ირჩინოს თავი, ისაზრდოს და, რაღა თქმა უნდა, რომ კაცი ბუნებრივ იარაღს — ჭანგს, საგლეჯე კბილებს და სხვებს მოკლებული, შედარებით ბევრგვარ გაჭირვებას იტანსო.

ამ მხრივ, თუმცა ვერწმუნებით ნილოსის ხეობის ფილოსოფოსს აზრს, მაგრამ არ შეიძლება ისიც არ შევნიშნოთ, რომ მას ნაკლებ სცოდნია ხარის ბუნება, განა ეს ცხოველი კი, რომლისთვისაც ბუნებას მიუცია ისეთი რთული და სრული იარაღი საჭმლის მოსანელებლად, განა ეს კი ადვილად არ ჩავარდება სოლმე გაჭირვებაში საჭმლის უქონლობის გამო? იქ. სადაც ვერც ერთმა ცხოველმა ვერ შესძლო არსებობისათვის ბრძოლა, ვერ იცხოვრა და სრულიად ამოწყდა ჩვეულებრივი საჭმლის უქონლობის გამო, კაცმა ღირსეულად დაიცვა თავი, ამოწყვეტას გადარჩა და თავისი მსგავსი დაიფარა როგორც გაყინულ ჩრდილოეთში, აგრეთვე ცხელი და მწირი აფრიკის უდაბნოში.

მერე რით შესძლო კაცმა ასე გამარჯვება? რა იარაღით იბრძოდა და იბრძვის კაცი არსებობისათვის? რითი დაიმკვიდრა ბუნებაში უპირატესობა ყოველთა ცხოველზე? რა საშუალებით დაიმორჩილა კაცმა თავისთვის სასარგებლოდ ცხოველნი? რითი, რა ძალით დაიმორჩილა კაცმა თვით ბუნება და გამოიყენა თავის სა-



კეთილდღეოდ ბუნების კანონთა ძალნი და საიდუმლონი? დაიჭირა კაცმა დღევანდელი საუკეთესო ადგილი ცხოვრების მეჯლისზე?

ყველა ამ კითხვას ერთი პასუხი აქვს — ღვთისაგან მონიჭებული ჭკუა-გონებით, სულიერი ძალით და სრულყოფილი აგებულებით ვარდა კაცი ხელმწიფედ მთლად ბუნებისა და მით ღირსეულად იმართლა თავი შემოქმედის წინაშე, რომელმაც დაბადა კაცი სახედ თვისად.

თუმცა კაცი მეფობს ბუნებაში, შემოქმედების გვირგვინად ითვლება, მაგრამ ბუნება ზოგისთვის დედაა, ზოგისთვის დედინაცვალი. უმთავრესად იმაზედაა დამოკიდებული, სად რა სახის ბუნებაა, რარიგი ჰავაა, რა თვისების ნიადაგია და რავგარი საჭმლით იკვებება ადამიანი. ამგვარად, კეთილდღეობას, მეცნიერთა აზრით, დიდი დამოკიდებულება აქვს თვით ბუნებასთან და ცხოვრების ასპარეზზე, რასაკვირველია, ბურთი იმას გააქვს, ვინც ჭკუა-გონებით განვითარებულია და სულით, ხასიათით ძლიერია. სოლო გონიერი სულის ძლიერებით ისაა აღჭურვილი, ვინც ბუნების, მეცნიერების ემბაზშია ნათელდებული...

ახალი კალმანით პირნაგემრიელებულნი და ტაბაწყურის ნაპირზე ნასიამოვნები, შემოვსხედით ცხენებზე და მგზავრობა განვაგრძეთ. აგერ აბულის მთაც გამოჩნდა თავმოშვლებილი.

აბულო, მთაო მაღალო,  
შეზრდილო, შევაკებულო!

ამისთანა უზარმაზარ მთას უეჭველია შთაბეჭდილება უნდა მოეხდინა ჯავახელებზე და ამიტომაც გამოუთქვამთ ეს ლექსი, რომელიც მართალია, რომ ზედგამოჭრილია. ათი ათას ფუტზე უმაღლესი მთა ისეა შეზრდილი, შევაკებული, რომ გაუჭირვებლივ ახვალთ ზედ. ხალხს ისე დაუბრძოვებია ეს გოლიათი მთა, რომ გვერდებს, ფერდობებს და კალთებს გუთნით უთხრიან-უჩიქნიან, ჭიანჭველასაებრ დახვევიან.

ვიცოდი, რომ აბულის მთა ჯავახეთისათვის ნამდვილი ბარომეტრია — ამინდის მაჩვენებელი, მაგრამ იმას კი აბა, როგორ წარმოვიდგენდი, რომ ჯავახეთისთვის ყველა მნათობი უეჭველად აბულთან ამოდიოდა. წუხელ გაკვირებული დავრჩი! გეგონებო-



დათ, აბულს მოჰფარებინა გრძნეულნი და თავისი ასტრონომიული  
 ლაბორატორიიდან საათ-საათობით გვიგზავნიან მოძრავ მწათო-  
 ბებსაო.

ჯერ ხომლი ამოვიდა; მერე საათის ათზე, რომელიღაც  
 ბრჭყვიალა ყვითელი ვარსკვლავი; მეორე საათის დასაწყისზე ხა-  
 რიპარია ამოცემცემდა; მესამე საათის ჩარეკზე ცისკრის ვარსკვ-  
 ლავი ამოკაშკაშდა; მერე, საათის ოთხზე, პატარა აბულთან ალიო-  
 ნი ცას ცეცხლივით მოეკიდა და ბოლოს, ამდენი მზადების შემდეგ,  
 მეექვსე საათის ჩარეკზე, ამოსხივდა თვით მზე, მნათობთა ნათე-  
 ლის მიმნიჭებელი.

## ნაწილი მეოთხე

თრიალეთის მთა და ცხვარი

სასიამოვნო ტბის პირად მიმავალი გზით, ცოტა ხნის შემდეგ გადავედით კამენის მინდორზე.

უწინ, ოდესღაც შემოდგომის პირზე წალკიდან მომავალი კამენებისათვის აქ უცებ თოვლ-ჭყაპს მოუსწრია და მერე ბუქ-ნამქერ-სიცივეს კამენობა მთლად გაუწყვეტია. ბევრი უძახიათ ნოესთვის „ნოე! ნოე!“ მაგრამ ნოეს მათთვის არ უშველია. მას აქეთ დარქმევია ამ ტრიალ მინდორს კამენის მინდორი.

ეს ამბავი დიდაც დასაჯერებელია. 1876 წ. ღვინობისთვის 13-ს ბორჯომის გზაზე, მთის ქედის გადმოსავალზე (9000 ფუტ.), რომელიც ამ კამენის მინდორზე ძლიერ დაშორებული არ არის, მაგრამ ცოტა მაღალი კია, ცხრა-წყაროს მთაზე, ოლაკვერდელ (ალაკვერდი?) სომხებს უსწრთ თოვლჭყაპმა და მერე ისეთი საშინელი ბუქ-ნამქერი ატყდა, რომ 40 კაცი და 65 ხარკამეჩი დაახრჩო. ამათ ქერი წაედოთ ქირით ახალქალაქიდან საშურში და ცარიელები რომ ბრუნდებოდნენ, მაშინ უსწრია ამ საცოდავი მშრომელი ხალხისთვის მოულოდნელ უბედურებას.

საქონელი მაინც რომ გამოეშვათ, არც ერთი არ დაიხრჩობოდა, — რომელსაც ძალად ტაბიკები გამოუმტვრევია და შინ გაქცეულა, გადარჩენილა კიდევ.

თუმცა კი, თოვლი დიდი არ მოსულა, მაგრამ შეშინებულ უთავბოლო ხალხს დავთრები დაჰკარგვია და მის მაგიერ, რომ ერთად შეგროვილთ რამე ელონათ, ყველა თურმე თავისთვის გარბოდა, დაქსაქსულები დაიხრჩვნენ. ამდენ ხალხში ერთი კაცი ვერ



გამოჩნდა მტკიცე სასიათისა, რომ მოესაზრა: ყველანი ერთად მიმდინარეობენ, ირგვლივ დაედგათ ურმები, რამდენიმეც შეშად დაემტვრიათ, დაენტოთ დიდი შუაცაცხლი, ერთი ხარიც თუნდ მწვადებად შეეწვათ და გამოდარებათ ასე გაეტარებინათ დრო.

ერთი პატარა ბიჭი ურმის ქვეშ შემძვრალა, მწოლარე ხარს ჩახუტებია და რაღაც სასწაული გადარჩენილა. თურმე თოვლს ბლომად წაუყრია და თოვლის ქვეშ სიცივემ ვეღარა დააკლო რა. საინტერესოა ამ ბიჭის ნაამბობი: „მამაჩემი კი ურემზე იწვა, სიცივით იფიჩნებოდა, რამდენჯერმე გადმოხიდა, რაოცას ლულულულებდა, გაყინული პირი ვერც კი გაიღო. მერე გარიჟრაჟისას გამოიღარა, ქვეყანა დამშვიდდა. მამაჩემმა ძალა მოიპოვა, ხარებს გადმოხედა და მკითხა: შეილო, დანა არა გაქვს, ხარებს აპეურები დავაჭრათ, გამოუშვათ? ადგა, ჩამოვიდა, დანა მივეცი, ხარებს აპეურები დავაჭრა, ტაბიკები ამოაცალა, ულოისგან გაათავისუფლა, მაგრამ ხარები კი დამხრჩვალნიყვნენ. ბეგრჯერ წაჭკრა ფეხი, მაგრამ ისე თქვენი მტერი და დამაწყევარი ადგეს, როგორც ის ხარები ადგნენ. სწორედ ამ ალაგას, ურმის გარშემო ათ კაბზე მეტი ეყარა თოვლში. მამაჩემი მოვიდა, ერთს წაჭკრა ფეხი, — აბა, წავიდეთ, რაღას ელითო, მაგრამ ყველანი კი მკვდარი დახვდა. მერე რაღაც ფუსფუსი დაიწყო და ე კაცს მუხლები ჩაეკეცა და იქვე თქვენი ჭირი წაიღო. მივვარდი და გათოშილი კი დამხვდა“...

აი, სად იყო ლევ ტოლსტოი, აღეწერა ფსიქიური (სულიერი) მდგომარეობა ამდენი ხალხისა, მის „Хозяин и работник“-ს ბევრად აჯობებდა.

კამეჩის მინდვრიდან შევუდექით სრიოკ აღმართს. ვზამ თავკვეთილა და შავნაბადა მთებს შუა მიგვიყვანა და ჯავახეთით წაუკას გადავიხედეთ.

თავკვეთილას იმიტომ ეძახიან, რომ თავი მთას მოკვეთილი აქვს, ეს უეჭველი ნიშანია ვულკანისა. მოკვეთილზე ტბაც არის და უწინ ირმის ჯოგი მოდიოდა ხოლმე წყლის სასმელად. ახლაც, თურმე ბოგინობს ამ მოტიტვლებულ მთებზე კლდეებში დათვი, მგელი, მელა, კვერნა და მანვი, იშვიათად თხაც გვხვდებათ.

შავნაბადა კი იმიტომ დაერქვა მთას, რომ შორიდან შავად გამოიყურება, გეგონება, ნაბადი წამოუსხამსო.

მართლაცდა შესაზარი, მრისხანე სანახავია ეს ტიტველა უზარ-

მაზარი კლდიანი მთები. სწორე მოგახსენოთ, ვერაფერი სასწაულებრივად მოვლოდო, მაგრამ იქნებოდა ბუნება მაშინ, როდესაც ჯერ არც მცენარე იყო აღმოცენებული და არც ცხოველი გაჩენილი. ან კი საიდან წარმოდგა საქართველოში ამდენი მთები? ამ კითხვაზე მეცნიერება აი, რა პასუხს გვაძლევს:

„იყო დრო, როდესაც მთლად დედამიწის ზურგი წყალს ეჭირა. ამგვარ უსამართლობას, რაღა თქმა უნდა, ბუნება ვერ მოითმენდა.

განრისხებულმა დედამიწის გულის ცეცხლმა საშინელი ძალით, სარქველივით ასწია თხელი კანი დედამიწის ზურგისა და წარმოუდგენელი ძლიერებით ამოხეთქა ადუღებული ტლაპო (lava), დომხალივით არეული გამხვალი ქვა, მიწა და ათასნაირი ლითონები. წყალმა და ცეცხლმა რამდენიმე მილიონი წელიწადი იბრძოლეს (ახლაც იბრძვიან) — რასაც ცეცხლი აშენებდა, იმას წყალი არღვევდა, ჩაჰქონდა თავის უფსკრულში და იქ მწყობრად ალაგებდა მომავალი ვაკე ადგილებისათვის.

მას მერე ბურთი და მოედანი წყალსა და ცეცხლს დარჩათ და როგორც ნებავდათ, ისე ჭრიდნენ და კერავდნენ, — წყალი ზურგს უცივებდა დედამიწას და ცეცხლი კიდევ ხან იქ ამოხეთქავდა ადუღებულ ტალახს დედამიწის გულიდან, ხან აქ. ცეცხლისაგან ამოხნეთქმა მასალამ ბოლოს მაინც იმდენ ხანს იდინა ვანუწყვეტლად, ვიდრე უზარმაზარი მთები აშენდებოდა და ათი ათასგან გამოჩნდებოდა კუნძული.

ღვთის წყალობა გაქვთ, იკადრა წყალმა და დაგვიტოლო ხმელეთი, მაგრამ რა, განა ბევრი დაგვიტოლო? დღესაც სამი წილი დედამიწის ზურგისა წყალს უჭირავს და მხოლოდ მეოთხედი ნაწილი შეადგენს ხმელეთს.

დიდი ხანი არ იყო მას შემდეგ, რაც ის ადგილი, სადაც დღეს დიდი ქალაქები გაშენებულან და კაცთა სიცოცხლე დღეს, მაგალითად, — ბერლინი, ვენა, მიუნხენი, ციურიხი, ვარშავა და სრულიად რუსეთი, — მთლად ზღვა-ოკეანეს ეჭირა.

მეცნიერთაგან დამტკიცებულია, რომ მთელი კავკასია და ჩვენი საქართველოც სულ მთლად ხმელთაშუა ზღვას ეჭირა. მაგალითად, ესლანდელი ხმელთაშუა ზღვა, შავი ზღვა, კასპიის ზღვა და არალის ზღვა, მაშინ სულ შეერთებულ, ერთ უშველებელ ზღვას შეადგენდნენ.

მეცნიერთა აზრით, ჩვენი კავკასია შედარებით სულ ახალი სმე-  
ლეთია. ათასი საუკუნე არც კია მას აქეთ, რაც დედამიწის გულის  
ცეცხლმა ასწია ამ ზღვის ძირი, ამოჰყო თავი ხმელეთმა, ამოხეთ-  
ქეს ხანძრებმა და აშენდნენ ეს აუარებელი მთები და ჩვენი უზარ-  
მაზარი კავკასიონის ქედი, მთაგრეხილი, რომელთა შორის მეფობს  
იალბუზი და მყინვარი.

ჩვენი არჩეული გზა ძლიერ მოკლედ ჭრის მანძილს ჯავახეთი-  
დან წალკაზე გადასასვლელად.

მეფე ერეკლეს, ასპინძის ომში გამარჯვების შემდეგ, როდესაც  
გაეშურა თბილისისაკენ შინაურების დასამშვიდებლად, მაშინ ამ  
გზით მოუჭრია მოკლედ.

ხიზაბავრაში დღესაც გაიგონებთ აქაური ქართველებისაგან:  
ომგადახდილი ირაკლი, ასპინძიდან მტკვრის ხევ-ხევ ხიზაბავრას  
ამობრძანდა და იმ ღამეს აქ დარჩათ. თავით ფეხამდე ზილხი (აბჯა-  
რი) ეცვა და მხოლოდ პირისახეზე და მახეებს ქვევით არ ემოსათ.  
იმ ღამეს ზილხს რომ იხდიდა, დაიბერტყა და სამი ოყა (ცხრა  
ვირგ.) ტყვია დასცვივდათ.

— აი, ბიჭებო, ამდენი ტყვია მომარტყეს იმ ურჯულო ლეკებ-  
მათ. ზილხი რომ გაიხადა, შიგ კიდევ ნაბადსავით მოთელილი პე-  
რანგი ეცვათ.

ხიზაბავრიდან მეფე ერეკლე თავისი მხლებლებით გაუთენებ-  
ლივ გზას გასდგომია. გაუვლია ვოკიაზე, ასულა ხუმრისს, გადაუვ-  
ლია ამ მთებს შუა (თავკვეთილა და შავნაბადა), გადასულა წალ-  
კას, გადაუვლია მანგლისზე, კოჯორზე და ჩასულა თბილისში  
ხალხისა და შინაურების დასამშვიდებლად.

შენ, ერეკლე, ოქმიანო,  
ცხენ-აბჯარ უნავრიანო,  
შენი ნახოცი ლეკები  
ასპინძის ბღღოს ყრიანო,  
ყვავი-ყორანი ლეშსა სჭამს,  
კაჭკაჭნი თვალებს თხრიანო.

ამ მთებიდან წალკის დაცემული ვაკე თვალწინ წარმოგვიდგა.  
მთების კალთებზე ძირს მოფენილი იყო ფარა-ფარად თეთრი  
ცხვრები, რომელნიც ამ ერთფეროვან უტყეო არემარეს ასურათებ-  
დნენ, სულს უდგამდნენ.



აქ ნახავთ თუშებს, ქიზიყელებს, თბილისის მაზრელებს, წალკის მუნიციპალიტეტის ბერძენთ და სხვათა, რომლებსაც სიცხისათვის მოურიდებიათ დიდძალი ცხვარი. ერთმა „ზასტავის“ უფროსმა მიაამბო, რომ ყოველწლივ, გაზაფხულობით, ამ თრიალეთის და ჯავახეთის მთებისკენ იალაღებზე საძოვრად ერთ მილიონზე მეტი ცხვარი აივლის და ჩამოივლის ხოლმეო.

როდის დაიმონა კაცმა ეს მისთვის სასარგებლო ცხოველი — ცხვარი, არაჲინ იცის. ფრიად საინტიერესოა ბრემის აზრი შინაურ ცხვარზე. ეს ცნობილი მეცნიერი საშინელი ზიზლით იხსენებს შინაურ ცხვარს. შინაურ ცხოველთა შორის, — ამბობს ბრემი, — ყველაზე ძლიერ ცხვარია მონობისაგან დამახინჯებული და გადაგვარებული. ამ ცხოველზე ისე საშინლად უმოქმედნია დიდი ხნის მონობას, რომ აჩრდილი აღარც კი დარჩენია თავისი თავისუფალი წინაპრის — გარეული ცხვრებისა. მაგრამ აბა უყურეთ თხას! ხომ ერთ ფარაში დადიან, ერთსა და იმაჲი გარამთებაში და პირობებში ცხოვრობენ, თხა იქამდე ყოჩაღია, რომ მონობაშიც არ კარგავს თავის ბუნებრივ ზნე-ხასიათს და წინაპართა ჩვეულებას, გასაოცრად იცავს თავისებურებას, თავის ვინაობას და აინუნშიაც კი არ იგდებს მონობის უდელს. ცხვარი კი, კაცის მფლობელობის ქვეშ სამარცხვინოდ დაჩაგრულა და სრულიად დაუკარგავს თავისი პიროვნება, წინაპართა ღირსება. რაც თავისუფალ, გარეულ ცხვარს სიმპათიური, ბუნებრივი ძვირფასი თვისებანი სჭირს, ყოველივე სამუდამოდ დაუკარგავს შინაურ ცხვარს. სადღა აქვს ის ახოვნება, სილამაზე-სიცქვიტე, მხიარული ცელქობა, სიმამაცე, გულადობა, თავისუფლების სიყვარული და ჭკუა-ვონების გამოყენება განსაცდელის დროს?!

შინაური ცხვარი მხოლოდ მის პატრონს თუ მოსწონს თავისი სარგებლობისათვის, თორემ სხვაფრივ კი ყოველად საზიზღარი არსება არის. მისი უტვინობა და უხასიათობა მთელ მის არსებაში იხატება, რაც უნდა ღონიერი ცხვარი იყოს, იქამდე ფრთხილი და ლაჩარია, რომ ვოშია ძაღლიც კი გოლიათი ჰგონია — გზას უთმობს, პატარა რამ ცხოველს შეუძლია მთელ ცხვრის ფარას თავზარი დასცეს. დამფრთხალი ცხვრის ფარა, ერთი მეთაურის უგუნური წინდაუხედაობით, სრულიად მოუსაზრებლად, თუნდა აშკარადაც ხედავდეს განსაცდელს, მაინც თავზედად მირბის და თავს იჩხვავს



კლდესა და ღრეში და იღუბება თუნდ ზღვის ზვირთებში, თუნდ ვა  
 აშკარად ხედავს, რომ მისი ამხანაგები, რომლებიც კი ზღვაში  
 გადავარდნენ, ყველა დაიხრჩო.

არ არის არც ერთი ცხოველი, რომელიც ასე უცილოდ ყურ-  
 მოჭრილად ემორჩილებოდეს თავის ბედს — მონობის უღელს, რო-  
 გორც შინაური ცხვარი. წარმოიდგინეთ უხასიათობა სადამდე მი-  
 დის! ამას უხარია კიდეც, რომ თვითონ თავს არ იწუხებს და სხვის  
 ხელშია მისი ბედი და უბედობა. — საკვირველად სამარცხვინოდ  
 კმაყოფილია, რომ თავიდან აშორებული აქვს თავის თავზე ზრუნვა.

დასაბამი ყველა ამ საზიზღარ თვისებათა, რასაკვირველია,  
 ცხვრის დაცემული ხასიათი და მისი უტვინობაა და, სწორედ მო-  
 გახსენოთ, არაფერი. მოსაწონი ეპითეტია, რო ვინმეს აქებდნენ:  
 კრავივით უწყინარიყო...

## II

ზაფხულობით ამ თრიალეთის მთების კალთები სწორედ რომ  
 უკვდავებაა ცხვართათვის. მაგრამ აქ კიდეც სიცივე უჭირებთ საქ-  
 მეს. ხან მოსვლისთანავე, მაისის ბირველ რიცხვებშივე უწყდებათ  
 მოულოდნელი სიცივისაგან დიდძალი ცხვარი და ზოგჯერაც, ზაფ-  
 ხულის ბოლოს, ვიდრე ცხვარი შინითკენ დაიძვრის.

შარშან, სექტემბრის ჩვიდმეტს, უეცრად ისეთი თოვლი და სი-  
 ცივე ატყდა, რომ ამ მთების იალღზე მოსული ცხვარი კინაღამ  
 სრულიად გაწყვიტა, მართლ ერთ თუშს თოვლის ბუქმა და ნამქერ-  
 მა აბულის კალთებზე უსწრო და ორი ათასი ცხვარი დაუძრა, და-  
 უხრჩო.

მართლა და, მეტად გულსაკლავი სცენა იყო, როდესაც ამოღენა  
 ცხვრის პატრონი, ამინდის ჟინიანობით რამდენიმე საათში ხელ-  
 ცარიელი დარჩა. საბრალო კაცი, მდულარე ცრემლით მტირალი,  
 დაყინულ, გაშოტილ ცხვრებს თითო აბაზად იშორებდა თავიდან,  
 ოღონდ კი გზის ფული აეღო და გამწარებული შინ ცოცხალი მაინც  
 მისულიყო.

მაგრამ ნუ გაგიკვირდებათ... ასეთია წესი ცხოვრების მეჯლის-  
 ზე. ჭირსა შიგან გამაგრება ისე უნდა, ვით ქვითკირსაო. რასაკვირ-  
 ველია, ამ კაცს აკლდა ხასიათის სიმტკიცე და გამოცდილება,



ამიტომ ვერ გაიტანა თავი ცხოვრების მეჯლისზე ბრძოლაში. თორემ მერე ბევრი ვაჭარი გამოჩნდა, რომელიც ტყავისა და დუმაქონისათვის თითო ცხვარში მანეთსაც არ იშურებდა, რადგან ქონის საპნის ქარხნისთვის უნდოდათ და ტყავი სამოგვედ.

აბა რა სათქმელია ბუნების კანონისათვის ერთი კაცის ზარალი, ორი ათასი ცხვრის გაჟლეტა! ეგ მხოლოდ ჩვენს თვალშია დაღუპული, თორემ ბუნებაში უსარგებლოდ არ იღუპება რა. ვინ უწყის, ჩვენი ზარალი ბუნებისთვის რა დიდი სასარგებლო არის ხოლმე! მართლაცდა, წარმოიდგინეთ თუნდა პატარა ფარა ცხვარი, რომელიც ყოველად უზარალოდ მრავლდებოდა. თცოდ წელიწადში მთელ თრიალეთზე ერთი ფეხის გადადგმა ადგილი აღარ იქნებოდა — სულ ცხვარი დაიჭერდა. პოდა, ბუნებაც თავის კანონს ადგია. ცხოველთა შორის თანასწორობა არ უნდა დაირღვეს, ყოველგვარ არსებას თავისდაგვარი ადგილი და ზომიერება უნდა ეჭიროს ცხოვრების მეჯლისზე.

მეცნიერებათაგან გამოანგარიშებულია, რომ უბრალო, თვალთუხილავი ბაქტერია-მიკრობებიც კი მისწრაფვიან მთელი დედამიწის ზურგი ხელთ დაიჭირონ და ისეთი საშინელი სისწრაფით მრავლდებიან, რომ ორიოდ დღეში ერთი წყვილიდან მილიონი ჩნდება. ერთნაირი ბუზია, პურის მავნებელი (кузька), ეს ბუზი უთვალეირებიათ მეცნიერებს და იმ დასკვნამდე მისულან, რომ ამ ბუზის ერთი წყვილი დედალ-მამლის ჩამომავლობა 25 წლის შემდეგ 6 მილიონად გადაიქცეოდა, ხოლო 70 წლის შემდეგ სწორედ ორას ათას მილიარდს შეადგენდათ.

ასე, რომ მთელი დედამიწის ზურგზე თითო ოთხკუთხა დიუმზე თითო „კუზკა“ ბუზი იჯდება. აბა სპილო ხომ სპილოა და დარვინის ანგარიშით გამოდის, რომ ერთ წყვილ სპილთა ჩამომავლობა, თუნდაც თითო ფურ-სპილომ მთელ თავის სიცოცხლეში მხოლოდ სამი სპილო შობოს, მაინც 500 წლის შემდეგ 15 მილიონი შეიქმნება. კიდევ 500 წელიწადი და მთელ ხმელეთს სპილონი დაიჭერდნენ, ხმელეთის თითოეულ ოთხკუთ საყენზე სამ-სამი სპილო მოვიდოდა და ძლივს დაეტეოდა.

ამგვარად, თუმცა ყოველგვარი ცხოველი და მცენარეც მისწრაფის მთელი ხმელეთი და ზღვა-ოკეანე თავის ჩამომავლობით გაავსოს, მაგრამ ბუნების კანონის ძალით თანასწორობა არ ირღ-



ვევა, ბუნებაში ცხოვრების სასწორი შეურყეველია, მომეტებული ნაწილი საჭმლის, საკვების უქონლობით წყდება, ზოგი ჰავის აუტანლობით იხოცება, ზოგი ავადმყოფობით და ზოგს ხომ თავისი მტერი ანადგურებს, ხოლო ახალდაბადებულები დანაკლისის ისევ ავსებენ. ცოტად თუ ბევრად მხოლოდ ადამიანი ებრძვის, ეწინააღმდეგება, არ ემთრჩილება ბუნების კანონს.

ერთი საინტერესო ეპიზოდი ამ მწყემს-მეცხვარეების ცხოვრებიდან:

„ფოკაში რამდენიმე წელიწადი მიკიტნის დუქანი მქონდა, — ასე გვიამბო სერგომ, — ზაფხულობით მთიელები მიერეკებოდნენ ცხვარს ამ იალაღებზე (თრიალეთის მთა). ღმერთმა ააშენოს იმათი ოჯახი, სინდისის ხალხია და მეც ყველასთან პირნათლად ვვაჭრობდი. ერთხელ იმათი სარქალი (უფროსი) მეწვია და მეც კაი პატივი ვეცი. გამოთხოვებისას მითხრა:

— სერგოჯან, ამდენი წელიწადი შენთან ვვაჭრობთ და, ამ ჩვენთვის უცხო ქვეყანაში, გვაპატრონობ, რაზეც შენი ძლიერ მადლიერნი ვართ ყველანი. ალბათ, ჩვენც კაცს გვეძახიან, ქუდი გვხურავს. პატივისცემას გადაგიხდით. აი, რა არის, ძმაო: ამ ერთ კვირაზე სუყველას ცხვარი ჩამოივლის — შინ მივიღივართ; შენ, ჩემო ძმაო, აგერ იმ გორასთან პურ-ღვინოთი დაგვიხვდი და ზარალში არ ჩავარდებო.

მეც მოვემზადე და დანიშნულ დროს, დანიშნულ ადგილას, ისეთი ხარჯით დავუხვდი, რომ თქვენი მოწონებული. გათავდა თუ არ ლხინი, ახლა, ბატონო, მოჰყვენ და იმან ათი ცხვარი მიმიღალა, იმან ოცი, იმან ოცდაათი... შევხედე და ააშენოს ღმერთმა იმათი ოჯახი! ას ოცდასამი ცხვარი მომიგროვეს საჩუქრად.

ყველაზე მეტი კი ი სარქალმა მანუქა და მერე გაავსო ჯამი ღვინით და დამლოცა: „ღმერთმა, ძმაო, მშვიდობაში მოგახმაროს ეს ცხვარი და ერთი ასად გიქციოს!“ ჯამი რომ დაცალა, განაგრძო: „მაგრამ აი, რა არის... შენ ამათი შენახვა გავიჭირდება, აი, ძმავე, ნიშანი დავადოთ და ჩემს ცხვარში გავურევ შენს პედლობაზე. მაისს რომ მოვალთ, მაშინ ინახულე შენი საქონელი“.

მე დიდი მადლობა გადავუხადე ყველას და მერე სარქალსაც

თავი დაფუკარ, თუკი, ძმავ, მაგისტანა სიკეთეს იზამ-თქო...  
მინახავ კიდევ.

დადგა გაზაფხული, კვლავ მოვიდნენ თუშები, მორეკეს ცხვარი, მაგრამ ის ჩემი ნაცნობი კი არასად გამოჩნდა. ასე გაიარა 2-3 წელიწადმა... ის კაცი აქეთკენ აღარ მოვიდა და აღარც მისი ცხვარი მოსულა. ამბავი კი მომივიდა, შენი ცხვარი მშვიდობიანადაა და ახლა 400 გახდათ. მეც გავიფიქრე: ე, მადლობა ღმერთს, ალბათ ჩემს ბედს უმუშავნია-მეთქი...

ერთ გაზაფხულსაც, ვნახთ, ვილაც თუში დაგლეჯილი ტანისა-მოსით მომადგა დუქნის კარზე.

— გამარჯობა შენი, სერგო!

— ?!

— ვაი ჩემს თავს! ველარ მიცანი, განა?.. მართლაცდა ძლივს ვიცანი ის ჩემი მეგობარი სარქალი.

— რა იყო, კაცო, როგორ იყო, ვაი შენს სერგოს, ეგ რა ამბავია შენს თავს-მეთქი..

— რაღა როგორ იყო, — მიბასუსხა, — დავიღუპე კაცი, სერგოჯან... აი, ხომ ხედავ, რა ვიყავი და რა ვარ ახლა... მაგრამ, ძმაო, ღმერთს ნუ ვცოდავ, ეჰ, მადლობა მის ძლიერებას, ალბათ უფლის ნება ასე იყო — მეწერა და გადამხდა. მაგრამ, ძმაო, ჩემსას არ ვჩივი, მე უფრო ის მიკლავს გულს, სერგოჯან, რომ შენთან პირ-შავად გამოვედი...

თურმე იმ 2-3 წელიწადს ზაფხულობით, სადღაც კავკასიის მთებისკენ დაჰყავდა ცხვარი. ერთ გაზაფხულსაც, როცა ცხვარი არ-ხეინად ძოვდა ამ მთებზე, უეცრივ ამოვარდა თურმე საშინელი გრიგალი, ქარიშხალმა დაუბერა, ცა მოიქუშა, ატყდა ჭექა-ქუხილი, დაფრთხა ცხვარი, აირია თავზარდაცემული ფარა. ამ აურზაურის და ალიაქოთის დროს აკი ღმერთი გაუწყრა, ერთი ყოჩი ახტა სალ კლდეზე, თვალუწვდენელ სრამში გადაეშვა. ქარის გრიგალ-მაც ხელი შეუწყო და მთელი ფარა, ექვსი ათასი ცხვარი, როგორც ერთი, იმ ყოჩს გადაჰყვა და თერგის ხეობაში უფსკრულს ჩაიღუპა, თერგის ზვირთებმა შთანთქა, დარჩა ეს საწყალი კაცი ხელდა-ბანილი.

უბედური ძლიერ შემეცოდა... რა კაციც იყო, იმის აზრდილიც არ ჩანდა; ისე მოკაკულიყო წელში, რომ ასი წლის ბერიკაცს



ჭავჭავაძე... ჩემი ცხვრის დარდი ვილას ჰქონდა, — სადაც ამდღე 16000 მ  
დაიღუპა, იქ ჩემი ოთხასიც აქვენი ჭირის სანაცვლო იყოს.

იმ ზაფხულს ეს კაცი აქ, მთაში დარჩა მეზობელ მეცხვარეთა ბინაზე.

ნათქვამია: გულს ნუ გაიტეხ, საწყალო, სოფელი ღონიერიიაო.

ცხვარმა რომ შინ წასვლად ჩამოიარა, ის ჩემი მეგობარი თუში მხიარული ვნახე — წელშიაც გამართულიყო, პირიც მოეპარსა და უღვაშებიც დაეგრინა.

თურმე ნუ ბრძანებთ, ათას ორასი ცხვრის პატრონი გამხდარიყო! ყველა თუშს თავის ფარიდან უჩუქებია ვის ათი, ვის ოცი და ვის ორმოცი და მთელ ფარას ასე გახარებული მოუძლოდა.

მე გამიკვირდა და ასე ამიხსნეს, რომ ეს ჩვეულებად, წესად გვაქვსო.

— ვინ იცის, ძმაო, შუბლზე ვის რა გვაწერია; დღეს რა მოაქვს, ღამეს რა? აგერ დღეს ხუთი ათასის პატრონი ვარ, ხვალ, ღმერთმან უწყის, შეიძლება მეც ცარიელი დავრჩე, მაშინ მეც მიშველიან.

ასე მიაბმო ერთმა მდიდარმა თუშმა.

ამ გაზაფხულზე აქ ვნახე და ესლა, როგორც მითხრა, უკვე 4000 ცხვრის პატრონია.

ეჰ, მადლობა ღმერთსა. ასე ტრიალებს ქვეყნიერება: მართალ კაცს ღმერთი არ გასწირავს.

სხვათა შორის, მე გამოვკითხე: აქ რომ ამისთანა იალადები, კარგი საძოვრები არის, რატომ აქაური მემამულენი არ ეწყობიან ცხვრის მოშენებას? ამათ კი ის აზრი გამოთქვეს, რომ რა საქმეებშიაც კაცი თვითონ შიგ არ დგას, ზარალის მეტს ვერას ნახავს. მომეტებული ნაწილი, მეცხვარეებად აქ ქურთები დგანან. შეხედავ და მოგიტანს ცხვრის მძორს, მგელმა შეჭამაო. ნამდვილად კი თავისი გამობრუნდია. რომელი ცხვარიც თვალში მოუვა, ყელში სწვდება და რამდენსამე ალაგას ბაწია დანით ისე დაჩხვლეტს, რომ მგლის ნაკბილარს დაამსგავსებს. მერე, ბატონო, მოთლის ვეებერთელა დუმას, გამოიღებს შიგნეულს, ამოჭრის საკვებს და ფეხების რბილებს — და აბა სხვა რაღა დარჩა? მერე ძაღლებს გადაუგდებს საჯიჯგნად, სათრევად, რა არის მგლის ნაგლეჯ-ნაჭამს უფრო დაემსგავსოსო. ამგვარ მძორს მოგიტანს და გადმოგიგდებს,

აგერ მგელმა შეჭამაო... მატყლს თუ იტყვით, იმასაც, ვიდრე გაბრუნდეს სვის დრო დადგებოდეს, მწყემსი ნახევარს კიდევ გამოსწიწკინს — ჯაგებში დაიგლიჯაო... ე, მერე ჯავახეთში ჯაგებს რა უნდა? — ეკითხებით. კატაჭებში და ქვებშიო.. მახლას! თან წიწკინის, თან ცოტ-ცოტათი ჩუმად ყიდის. აბა, რძე რაა და იმის მოპარვასაც კი ახერხებს: კალთებში მალულად ხარის ბუშტი უდგია და, როცა წველის, თავის პარკსაც ავსებს. მერე აკეთებს ყველს და მუშტარციც გამოუღვევლია, რას იზამ?

მთდი ახლა და შენ ჩამოუდექი!

არა, ძმაო, რა საქმეშიაც თვითონ შენ არ დგახარ, იმ საქმიდან ხეირს ნუ გამოელი.

ნათქვამია: „ცხვარო, ვისი ხარ? — ვის კარზედაც ვბღავით...“

ამ ანდაზით დააბოლოვა თავისი სკეპტიკური ბაასი ჩემმა თანამგზავრმა.

მე კი იმ აზრისა ვარ, რომ აქ ქურთი მწყემსი არაფერშია გასამტყუნო... აქ მხოლოდ ბრძოლაა ცხოვრების მეჯლისზე. თუმცა უსწავლეელია, მაგრამ მწყემსმა ბუნებრივი წესი ალღოთი იცის და ცხოვრება-ქონების გათანასწორების პრინციპს მისდევს. ვანა არც ერთხელ არ მოსდის ფიქრად, როცა სერზე ზის, თან სალამურს უკრავს და თან შურით დასცქერის ძირს გაფენილ ცხვრის ფარას, ჰალა, ჰალა! ბიჭოს, ეს სადაური სამართალია, — ალას ხუთასი ცხვარი ჰყავს და მე კი არც ერთიო. მე ღამეს ვტეხ, დღისით მოსვენება არა მაქვს და სარგებლობა კი აღარააო.

ეჰ, ვინც იცის, რა ჯოჯოხეთური ცხოვრება აქვთ მეცხვარეებს ზამთარ-ზაფხულს, ის დანაშაულად არ ჩაუთვლის ერთი და ორი ცხვრის შეჭმას. მე გაკვირვებული დავრჩი, როდესაც გამოვიკითხე ამათი ცხოვრება. წარმოიდგინეთ, პური არც კი აქვთ საჭმელად; ზოგ ფარაში ოცდაათამდე მეცხვარეა და იმათთვის პურის ცხობა ვინ უნდა მოასწროსო. მართალია, ზოგიერთებს ჰყავს საბაზი ბინაზე, რომელიც საჯზე ხანსლამს, აცხობს პურს, მაგრამ მეტი ნაწილი კი (მაგალითად — მთიულეები, ფშავი და სევსური) ქუმელით იკვებება. თურმე მოხალავენ ქერს, დაფქვავენ და ეს ფქვილი აწყვია ტომრებით ბინაზე. გაუვსებენ მწყემსს გუდას ამ ფქვილით და ის არის მისი საზრდო-საკვები რამდენიმე დღეს. ამ ფქვილს თურმე წყალში აფშრუკავენ და ქუმელივით ტამენ. სასმელს კი



არა უჭირს რა, როცა რძეს ბატკნის მაჭიკით (დვრიტათი) და ყველს აკეთებენ, მონარჩენი რძისა — შრატი, თავზე სასხმელად აქვთ.

ამისთანა კვება ერთი შეხედვით თითქოს ვაი-ვაგლასისაა, მაგრამ რადგან მათი კუჭი შეჩვეულია და კარგად ინელებს, ამიტომაც შრატი და ქუმელი ძლიერ ასუქებს მწყემსებს.

რალა თქმა უნდა, არც უიმისობაა; ზოგჯერ ჩიჩიაც შეხვდებათ ხოლმე, „ხილი მეხილესაო“, და თუ კარგი მეპატრონის ხელშია, ნუნუათიც ზოგჯერ ეზიარება. ყველა ამას დაუმატეთ იალალის, მთის გრილი სუფთა ჰაერი და რალა ეჭვი უნდა ვიქონიოთ მწყემსის ჯანმრთელობაზე!

ჯამაგირი 6-8-9 თუმანი აქვს კარგ მეცხვარეს წელიწადში და ამ ფულისათვის დღე არა აქვს მოსვენება, დილითა და ღამით.

ადრიანად, თრთვილს აიღებს თუ არა, აშლის ბინიდან ცხვარს და მთელი ცისმარე დღე მათ დაძღომას ცდილობს. ამ დროს, — ავდარია, ჭექა-ქუხილი, წვიმა-ქარიშხალი, ტალახი თუ სიცხე-პაპანაქება, ყველაფერი უნდა აიტანოს. ან კი თავისთავს რას დასდევს, უნდა ეცადოს, ცხვარი სიცხე-სიცივემ არ შეაწუხოს, არაფერმა დააფრთხოს, ფარას ცხვარი არ ასხლტეს და სხვა ამგვარი.

ჩვენი პურისჭამა სისხლის პურისჭამა არიო, — მითხრა ერთმა მწყემსმა. რასაკვირველია, მწყემსი მეცხვარე ცხრა თუმნისთვის წელიწადში (ზოგს კი მხოლოდ ხუთი თუმანი აქვს) ამდენ წვალეზას არ აიტანდა, უკეთუ იმედი არ ჰქონდეს — დღეს თუ სვალ მეც ცხვრის პატრონი შევიქნებით.

ზოგ მწყემსს ფულის მაგიერ ჯამაგირად თოხლები აქვს ყოველწლიურ დანიშნული. წელიწადში კარგი მეცხვარე მწყემსი აიღებს 30-50 თოხლ ცხვარს და მომავალში, რასაკვირველია, უმრავლდება. აქვე უნდა შევნიშნოთ, რომ ცხვრის მეპატრონე იმ მწყემსს, რომელსაც უკვე ფარაში თავისი ცხვარი ჰყავს, ათზე ერთ ცხვარს ართმევს. ეს საბალახოს, მარილის და სხვა ხარჯის გამოსაქვითად. კარგ მეცხვარეს ჯამაგირის გარდა ბატკნებზედაც ოცზე ერთი ანუ 5% საჩუქარი აქვს და, ამგვარად, 5-6 წლის შემდეგ მეპატრონედ ხდება — ფარა ჰყავს და მწყემსებიც უჭირავს. სულელია ის სალდათი, ვინც ღენერლობას არ ელისო, იმედი მხნეობის დედაა.

მაშ, ჰალალი იყოს, მკითხველო, მწყემსისათვის ცხვრის შეჭერა ცხოვრების მეჯლისზე ესენი მართლა რომ იბრძვიან. დღისით დაქანცულ მწყემსს ღამეც მოსვენება არა აქვს. ბინაზე მილაღავს თუ არა, ახლა მთელი ღამე დარაჯად უნდა იდგეს, ან მგელმა არ მოსტაცოს ცხვარი, ან ორფეხა მგელკაცმა.

ავერ, წელსაც მოხდა უბედურება, რასაც მეტად საზარელი შედეგი მოჰყვა. თავკვეთილას ძირში, ამ გაზაფხულზე, თათრები მოსულიყვნენ ცხვრის მოსაპარად. მწყემსი მეცხვარე, რასაკვირველია, ღამე ფრთხილად; როგორც მგლისა და ოთხფეხა ნადირის ეშინია, ისე ორფეხა მხეცებისაც. ქიზიყელმა მწყემსმა ღამით ვერ გაარჩია ქურდი ორფეხა, ნადირი მგელი ჰკონებია, ესროლა თოფი და ერთი თათარი თურმე ტყვიით დაჭრა, რომელიც გზაზე მოჰკვდომიათ მის ამხანაგებს, ზორჩალოს თათრებს.

ამ ორიოდე თვის წინათ კიდევ ერთი თათარი მოკლა ქართველმა მწყემსმა, რომელიც ბარალეთის ზემოთ ცხვარს მწყემსავდა და ღამე მიუხტა თათარი ცხვრის მოსაპარავად. ეს კი, ჩემი აზრით, გადაჭარბებული მხეცური და არაბუნებრივი ბრძოლაა ცხოვრების მეჯლისზე.

ბარალელმა მეცხვარემ კომბალს თავი დაანება და ახლა სახრე უკავია ხელში, რადგან ნამდვილად იცის, რომ თარაქამა თათრები არ შეარჩენენ. ცხვარშიაც რომ დარჩეს, თათრები მაინც სისხლს აიღებენ.

ეს ჩვეულება გვიან აღმოიფხვრა ამ ხალხში.

საინტერესოა შემდეგი ეპიზოდი ამ თარაქამა თათრების ცხოვრებიდან.

ბარალელმა ბიჭმა თათარი რომ მოკლა, რასაკვირველია, მთავრობის მოხელეებს აცნობეს და ადგილობრივ, მწყემსთა ბინაზე, მივიდნენ ექიმი და გამომძიებელი. მკვდარი გაჭრეს, შეამოწმეს და იქვე დამარხეს.

რამდენიმე დღის შემდეგ სამარე უკვე ცარიელი იყო — ნათესავებს მოეპარათ მოკლული თათრის გვამი. მაშასადამე, მთის კლდეებში ჩასაფრებული იყვნენ მოკლულის ნათესავები და მთელ სცენას, მკვდრის გაჭრა-შემოწმებისა, კბილის კრაჭუნით უცქერდნენ გაიურებს, ვიდრე დაიმახსოვრეს სადაც ჩაფლეს. ღამით კი მოიპარეს.

## ნაწილი მესამე

წალკა და რმხა

†

ზედ იმ ადგილას, საიდანაც წალკას დავყურებდით, თრიალეთის მთის ქედზე, გადასახედზე ამოვარჩიეთ კლდის დაჩრდილული ადგილი და აქ თავი მოვაფარეთ შუადღის მზის მწვავე სხივებს. გავშალეთ ნაბეჭები და, ღვთის წინაშე, დროც იყო კუჭისთვის გვეზრუნა რამე. თუმცა ფშაველი, ცხვრის მეპატრონე, ბინაზე გვეპატიჟებოდა, მაგრამ, ჯერ ერთი, მისი ბინა შორს იყო და მეორეც ესა, ვიცოდით, რომ მისი მასპინძლობა ბევრ დროს წაგვართმევდა, ამიტომ ფშაველს ჩვენვე გავუმასპინძლდით.

ზაქრომ ცხენები ბალახზე გაატარა, სურჯინი ჩამოიღო და კლდოვან ადგილას სუფთა ქვებზე ჩამოგვირიგა ჩვენი საგზალი. მერე ტიკჭორა ჩაბღუჯა და იმერის ღვინოს გვიმარჯვებდა. ჩვენს წუხანდელ მასპინძელს, ქართველ მაჰმადიან სულეიმანს, — ღმერთმა ჯერ ადლეგრძელს და მერე მაჰმადის სამთხე აღირსოს, — მთელი ბატკანი გამოეტანებინა შამფურზე შემწვარი, ნივრით დასურნელებული.

მკლებივით მივცვივდით შემწვარ ბატკანს, ხელად დავგლიჯეთ, დავანაწილეთ და, ნეტავი გვეყურებინათ, ისეთი მადით, ორივე ყბით ვილუკმებოდით, რომ ნამდვილად ვიცი, იმ მთის კლდიან ხვრელში მწოლარე განდევილი, მშიერი მგელი, ღამის წანწალით მოქანცული, შურის თვალთ გამოიწყურებოდა, ბედს შეგვნატრიდა, შემწვარის სუნით პირს ნერწყვი მოსდიოდა.

ჩვენც აკი გულმოწყალებდ მოვიქეცით: რა ძვლებსაც ჩვენი კბილების მინანქარი ვერ მოერიო, დიდსულოვნად მგელს დავუთმეთ.

ჩემი თანამგზავრებისა არ ვიცი და მე კი მგლის ღრენა შემო-





მესმა: „ამბობენ, ადამიანებშია მხოლოდ სამართალი... ეგ თქვენი სამართალი?! მე რომ ეგ ბატკანი შემეჭამა, ჰერი ჰა! მთელ ქვეყანას შეძრავდით, კეტით წელს ამათრევინებდით... თქვენ კი, აბა რა ბრძანებაა... თუგინდ მთელი ფარა ცხვარი ერთ დღეს შამფურზე ააგოთ, ვინ რას გაგიბედავთ?!“

ეჰ, მგელო, მაგით გულს სულაც ნუ გაიტენ, ხომ გაგიგონია ქართული ანდაზა: მგელს მგლობა ერქვა, ადამიანმა ქვეყანა ამოაგდო... ეგ რად გინდა, მგელო, უფრო ახალ ამბავს გეტყვი: წარმოიდგინე, შე ბედკრულო, ჩემო რუხავ, ვიდრე დაღამდება და შენ ხვრელიდან გამოძვრები, ჩვენი ნასუფრალისაგან ცოტაღა რამ დაგრჩება... აგერ, ნამცვეებს კიდევ დაეხვია ჭიაღლა, ჭიანჭველა, — ცხოვრება ვის უცდის, შენ რომ დაგიცადოს! ვისთვის შემდგარა ბუნების ჩარხის ტრიალი, რომ შენთვის შეჩერდეს! ჩვენ რომ წავალთ, ახლა მოიბრუნენ თავგნი, წრუწუნ-წრიპინით მოინამცვევენ; მოფრინდებიან ყვავ-ყორანნი, გამოწიწნიან ხორცს და ცარიელტარიელ ძვლებს ნეტა რაღა თავში იხლი?! შენი ვიყო, ტყუილად აღარც კი დავიმუნათებდი. შენმა მზემ, მართალს მოგახსენებ! მაგ ძვლებს თავისი მუშტარი ჰყავს. აგერ ხედავ, იმ ბალახ-მცენარეებს ყური რომ მოუყრუებიათ, თითქოს აქ არაფერი ამბავიათ. როგორ გგონია, ეგენი შენზე უფრო ღორმუცელანი არიან! ერთმანეთს ისე ეცილებიან, არსებობისათვის ისე იბრძვიან, რომ შენი მოწონებული!

შე ბედშავო, ჩემო მგელო, მთელი ღამეობით მოუსვენრად დაძრწი, დაწანწალებ, მტაცებლობ, ნავარდობ, ქვეყნად სახელი გაქვს გატეხილი, „მგელს“ გეძახიან და მაინც კუჭს ვერ იძლებ. ეგ მცენარენი კი მთელი თავისი სიცოცხლე ერთ ალაგზე არიან გაჩერებული, დამკვიდრებული და მაინც მაგათ ბედს ძაღლიც ვერ დაჰყეფს...

ჰოდა, ემაგ ძვლებს მცენარენი შეჭამენ და დასუქდებიან... კარგად იცოდე — რა ნიადაგშიც ძვლის შემადგენი ნაწილები არ ურევია, იქ არავითარი მცენარე არ იხარებს.

რაო, რას იღრინები, ვერ მიხვდი? აბა, „მგლის თავს სახარება რამდენიც გინდა წაუკითხე, რა უნდა შეასმინო“. აბა, შენს ბალნიან, სქელ ხოხორაკს რა აზრმა უნდა ჩაატანოს?!

აი, საქმე რაშია, ჩემო მგელო: განვლიან ჟამნი და დადრდნაჲ  
ჰაერი, მზე, წვიმა და ქარიშხალი ემაგ ძვლებს სრულიად დააღრღვე  
ვენ, დაშლიან. ძვლის შემადგენელი ნაწილები — ფოსფორმჟავა,  
კალცი და სხვ. მინდორს მოეფინებიან, მოიქსაქსებიან, წვიმის  
წყალში გაიხსნებიან, ნიადაგი შესვამს, რბილში გაუჯდება და გა-  
პოხიერდება. აბა, მაშინ უცქირე შენ ბალახთა ქეიფს! ძირკვებზე  
მოსხმულ ბუსუს-ფოჩებით ამოწოვენ დედამიწიდან წვიმის წყალში  
გახსნილ ფოსფორმჟავა კირს და შეითვისებენ, დედის ბუბუსაებრ  
ტკბილად შეირგებენ.

მაშ! მაშ რა გეგონა, რომ მცენარე მხოლოდ წყალს იწოვს დე-  
დამიწიდან და ჰაერს სუნთქავს თავისი მწვანე ფოთლებით და ამით  
საზრდობს?! ჰერი ჰა! შენ შეიძლება, — მაინც მხეცი ხარ, — ისიც  
იფიქრო, ვითომ ზოგს კაცს თავი იმიტომ აბია, ყელსახვევი კის-  
რიდან არ მოძვრესო...

არა, ერთი კაცმა მკითხოს, მე რაღას მომიცლია! აბა, მგელს რა  
შეგასმინო...

მაგრამ, ჩემო მგელო, მაინც კიდევ ერთი შენთვის სასიამოვნო  
ახალ ამბავს გეტყვი, მცენარეებს ხომ გაუჯდათ სხეულში ჩვენი  
ბატკნის ძვლების ფოსფორმჟავა კირი, მერე გამოივლის შენი  
საყვარელი ცხვარი და ემაგ ბალახს რომ მოძოვს, რაც ბალახში  
ფოსფორმჟავა კირია, სულ მთლად ცხვრის ძვლები შეითვისებენ,  
გამავრდებიან.

მერე იმ ცხვარს შენ რომ შეჭამ — გეაგება, ვანა?! შენგან გა-  
მოხრულ, მოძულეებულ ძვლებს კვლავ ნიადაგი შეითვისებს, მცენა-  
რენი ამოწოვენ, კვლავ ცხვარი მოძოვს, ცხვარს მგელი შეჭამს და  
მისი ძვლების ხრამუნით თავის ძვლებსაც ფოსფორიანი კირით  
გაიმაგრებს.

რაო, მგელო, რას ამთქნარებ, მოგწყინდა ჩემი ლაპარაკი? მარ-  
თალია, კუჭს ვერ გაგიძლებს. ტყუილად ხომ არ უთქვამთ: მგლის  
თავზე სახარებას კითხულობდნენ, ის კი ეშურებოდა, ჩქარა გაა-  
თათონ, ცხვარმა არ გამასწროსო!

მაგრამ, ეჰ!. შენ ჩემო მრეშავ, ჩემო მგელო, მაგდენი ნავარ-  
დობა არც შენ შეგრჩება; ერთი დრო ვის შერჩენია, რომ შენ

შეგრძეს! ის დღეც დადგება, რომ ეგ მცენარე-ბალახები და ფენი წყნარი ცხვარიც შენ შეგჭამენ. ყური იმიტომ არ იზრდება, რომ ახალ ამბავს ბევრს გაიგონებსო. განა რთ არ გაიგონია, ოდესმე მომხდარიყოს, ცხვარს მგელი შეეჭამოს?!

ღიაღ, თუ აქამდე ნავარდობდი და ცხვრებს სჭამდი, ახლა ეგენი შენ შეგჭამენ... არ იწყინო, ჩემო მრეშავ, ასეთია წესი ცხოვრების მეჯლისზე...

მოგივა დრო დაბერდები, დაჩაჩანაკდები, ერთ ყინვიან ზამთარში შენივე მოძმე, დამშეული მგლები შეგჭამენ. შენს ძვლებს და სხეულის ნაწილებს მინდორს მოჰფენენ. შენი ძვლებით გასუქებულ ბალახს ცხვარი მოძოვს, გაძღება, გაიხარებს, ძვლებს გაიმაგრებს და ამით მაინც იყრის შენს ჯავრს.

ასე, ჩემო მგელო, ბუნებაში არაფერი იკარგება რა, ყველა სახე მარადის იცვლება, გარდაიცვლება, ხოლო თვით ნივთიერება, ელემენტი უკუნითი უკუნისამდე, მოუსპობელია.

ეჰ, ნუ განრისხდები, ჩემო მგელო, ასე ტრიალებს ბუნების ჩარხი, ასეთია წესი ცხოვრების მეჯლისზე.

ახლა კი მშვიდობით, მაგრამ არამცდარარამც, ბალახ-მცენარეებს გამოჯავრებული, უპატიურად არ მოექცე.

ეს კარგად გახსოვდეს, რომ არამც თუ შენ, მაწანწალა მგელი, თვით მხეცთა მეფე, დიდებული ლომი და უსაშინლესი ვეფხვი შიმშილით ამოწყდებიან, თუ რომ ქვეყანაზე მცენარენი მოისპობიან...

თუმცა ამ მთებზე ასვლის დროს აღმართი იმდენად დიდი არ იყო, რადგან ჯავახეთის მხრივ თრიალეთის მთებს კალთები შორს აქვს გაშლილი, მაგრამ ოღონოლოდრო დაღმართმა კი ძალიან შევკაწუსა. ზოგ ადგილას თუ ცხენიდან არ ჩამოხვედი, კისერს მთიტებს — მოდი და ენდე ახლა ცხენს, შენი სიცოცხლე მის ხელშია, ერთი თუ წაიბორძიკა, ვინ იცის, რომელ კლდეს მიანთხვე ტვინს. ძველთაგან ნათქვამია: ცხენს, ცოლს, ცეცხლს, წყალსა და ძაღლს ნუ ენდობი.

როცა ვყოყმანობდით, ერთმა ჩვენმა თანამგზავრმა დაიძახა: — ჩამოვიდეთ თუ არათ? — რათა, ძმავე, ვირის მსხვერპლი რად გავხედო, — და ყველანი ჩამოვხდით.

ადი-ჩამოდით და შეჯექ-ჩამოჯექით, ბებერა კლდესთან ქვე დავეშვით წალკის დაცემული ვაკისკენ. სწორედ იმ ალაგას გავუარეთ, სადაც აღმართულია მიჯნის ქვები (თიქმები), რომელნიც მე-17 საუკუნიდან საზღვრად იყო დადებული ოსმალთა და საქართველოს შუა და დღეს საზღვრად ითვლებიან ბორჩალოსა და ახალქალაქის მახრებს შუა.

წალკაში რომ ჩავედით, ერთი ჯავახელი ბერიკაცის გადმონაცემი გამახსენდა:

ახალციხის ფაშას, სახელმწიფო საქმის გამო, ხონთქრის ბრძანების თანახმად ელჩები გაეგზავნა ერეკლე მეფესთან. ელჩთა შორის ფალავანდიშვილიც იყო სანჯახ-ბეგი, გამაჰმადიანებული ქართველი.

თბილისში, დანიშნულ სადარბაზო დღეს, მეფემ თავაზიანად მიიღო ელჩნი, რომელთაც ჩვეულებრივი ეტიკეტით მოკითხვისა და სალამქალამის შემდეგ ფეშქაშები მიართვეს მეფეს და მშვიდობიანობა-მეგობრობა გამოუცხადეს ხონთქრისა და ფაშის მხრივ. მეორე დღეს მეფემ მიიწვია ელჩნი მეჯლისზე და ამგვარ პატივში იყვნენ ისინი რამდენსამე დღეს.

ერთ დილას, როცა ელჩნი დარბაზს მივიდნენ და მიულოცეს მეფეს მშვიდობის დილა, მეფემ ერთი იმისთანა მოღრუბლული სახით შეხედა ელჩებს და წარბშეჭმუნნილმა იმისთანა კილო-რიხით მისცა პასუხი, რომ ელჩებს სულ ცაცხაზი დააწყებინა, ენა მუცელში ჩაუვარდათ და ერთიმეორეს ვაოცებულნი შესცქეროდნენ. მაგრამ ვერც ერთმა ვერ შეჰბედა მეფისთვის ეკითხა მიზეზი განრისხებისა... ბოლოს ისევ მეფემ დაარღვია ელჩებისათვის უხერხული სიჩუმე და უბრძანა თავის ვეზირს:

— წაიყვა ესენი! ერთი თავისი თვალით ნახონ, — მერე ელჩებს მიუბრუნდა და ხელით ანიშნა, — მიბრძანდით და შეიტყვეთ, რაც ამბავია!

აი, რაში იყო საქმე:

1636 უბედურ წელს, ოსმალომ რომ ეს ზემო ქართლი — მესხეთი და ჯავახეთი — დაიპყრო, ანუ უკეთ რომ ვთქვათ, როცა აქაურ ქართველთა დიდებულებს გაუწყრათ ღმერთი და ახალციხის ათაბაგი გადაუდგა საქართველოს, შემოიყვანა ამ მხარეში ოსმალონი, მაშინ საზღვრად ახალციხის ფაშალიკს (საფაშოს) ეს თრიალეთის მთები ჰქონდა ჯავახეთის მხრივ.

ხშირად გადმოთელავდნენ ხოლმე ამ სახელმწიფო საზღვარს-  
ოსმალეთის თათრები და ახალციხისკენ საყაჩაღოდ გადმოცვნი-  
ლი დაღესტნელი ლეკები.

ასლა არ იკითხავთ, სად დაღესტანი და სად ახალციხე, ლეკებს  
აქ რა უნდოდათ? ითანე ბატონიშვილი ამაზე, აი, რას მოგვითხ-  
რობს:

„მეფე ერეკლემ რა მეფობა მიიღო, დიდი ლეკიანობა და აღ-  
რეულობა იყო ქართლსა და კახეთსა შინა, ასე რომ, დაღესტნიდან  
ჯარი რომ წამოვიდოდა, საგურამოს ან ყარაიაზე ამოივლიდა.  
მტკვარს თუ ვერ გავიდოდნენ, არაგვს გამოვიდოდნენ, მცხეთის  
თავს გარდივლიდნენ, ხიდზე გავიდოდნენ. ზოგნი ახალციხეს აღ-  
ვიდოდნენ, ზოგნი არმაზის წყალს და ძეგვისკენ გზას შეჰკრავდ-  
ნენ და ზოგნი მუხათგვერდსა და ასრეთ ახდენდნენ მგზავრთა.  
მეფემან ირაკლიმ ეს ღონე იხმარა, რომ ამ ხიდის მცხეთის გაღმა  
და გამოღმა კოშკები გააახლებინა, შიგ კარგი ვაჟკაცი დააყენა,  
რთმელნიც ამ გზასაც იცავდნენ, მგზავრთაც მშვიდობიანად ატა-  
რებდნენ და ამ ხიდზე ვეღარც ლეკნი გადადიოდნენ და ამათვის  
მეფემან ურემზედ შაური განუწერა, ფქვილ ერთ ჩანახი. და ამ ყა-  
რაულებს ეძლეოდათ და ოდეს მეფემან სიმხნითა თვისითა მრავალს  
ადგილს ჰსძლო ლეკთა და შიშსა შინა მოიყვანა, დამშვიდ-  
და ქვეყანა“ („კალმასობა“, გვ. 105).

მოჭირნახულე მეფემ ქვეყანა დიაღაც დაამშვიდა გარეშე მტერ-  
თაგან, მაგრამ შინაურ მტერთ კი ვერ შეიგნეს სამშობლოს ერთგუ-  
ლება და მეფის მზრუნველობის მნიშვნელობა. აიღეთ საქართვე-  
ლოს ისტორია და იქ წაიკითხავთ, რომ ქსნის ერისთავი იუდასა-  
ვით ვერცხლზე ჰყიდდა თავის სამშობლოს, ლეკის ბელადები  
მიართმევდნენ ხოლმე მდინარე ფეშქაშებს, ლეკურ შალებს და  
სხვ. თავგასული ერისთავი იდუმალ ნებას აძლევდა უშველებელ  
ლეკთა ბრბოს, რომ გადმოეთელათ მთელი საქართველო გზადა-  
გზა რბევითა და ყაჩაღობით.

მეფე ერეკლემ ბევრჯერ შეუთვალა ხან სამღურავი, ხან მუ-  
ქარა, ხან თხონვა თავის ურჩს, გათამამებულ ერისთავს. ბევრჯერ  
აუხსნა მამაშვილურად, რა საშინელი დაღატაკი სამშობლოს წინა-  
შე — გინდ კაცმა თავისი ხელით ყელი გამოჭრას თავის მშობელ  
დედას და გინდ ამოდენა მტერი, ლეკნი, საყაჩაღოდ შეუსითს



უიმისოდაც დასუსტებულ საქართველოს! მაგრამ არ მისცა დღეობა  
 მა ურჩ ფეოდალს ის ნიჭი და შეგნება, ვერ მისვდა, რა მნიშვნე-  
 ლობა აქვს ერთობას, ერთსულობას და ერთგულობას!.. ქსნის  
 ერისთავი თავისას არ იშლიდა, ლეკები თავისუფლად გადმოდიოდ-  
 ნენ ახალციხისკენ და მეფე ერეკლესაც იმდენი ძალა არ ჰქონდა,  
 რომ შეემუსრა თავისი ფეოდალის თავგასულობა. ბოლოს შეჰპარა  
 ერეკლემ კათალიკოსი, ეპისკოპოსნი და მთელმა კრებულმა წყივ-  
 ლასა და კრულვას, ანათემას გადასცა მეფის და სამშობლოს მო-  
 ლალატი ერისთავი. ჩვენც მეტი რაღა გვეთქმის — წყიულ-შიჩვი-  
 ნებულნიც ყოფილან იგი სამშობლოს მოღალატენი, ამინის უკუ-  
 ნისამდე!

არც კი იფიქრო, მკითხველო, რომ ერეკლე მეფეს მართ-  
 ლაცდა იმდენი ძალაც აღარ ჰქონდა, რომ თავისი ურჩი ერისთავის  
 დასჯა ვერ შესძლო. მეფე ერეკლემ დიდხანს უთმინა ქსნის ერის-  
 თავს თავგასულობა და ბოლოს, როცა სულგრძემლობის ფიალა  
 აივსო, სასტიკად დასაჯა მეფემ მთელი გვარი ქსნის ერისთავებისა.

აი, რა შესანიშნავ ისტორიულ წერილს ვპოულობთ განსვენე-  
 ბულ ლუკა ისარღოვის წიგნში:

„ღენერალი თ. გიორგი იასეს ძე ერისთავი ქსნისა იყო დიდი  
 ნამსახური; მას ჰქონდა მინიჭებული ღირსება სენატორისა, მაგ-  
 რამ რუსული კი არ იცოდა სწორედ. იგი იყო ტფილისში, გორში  
 და გორს ახლო სოფელ ატენში. ამის ნათქვამია შემდეგი: „მეფე  
 ერეკლემ ამოსწყვიტა სულ ჩვენი გვარი, ქსნის ერისთავიანიო  
 და ჩამოგვართვა ყმა და მამულიო. მე და ჩემი ძმები პატარები  
 ვიყავით და დედაჩვენი კორში გვმალავდაო. ბრძანება იყო, რომ  
 სადაც ვეპოვნეთ, უნდა მოვეკალითო, და არავის არც საჭმელი და  
 არც სასმელი არ უნდა მოეცათო, თვარამ დიდად დასჯიდნენო.  
 დედაჩემი, შუა ღამე, რომ განდებოდა, ჩუმად წავიდოდაო ზოგი-  
 ერთ გორელთ ოჯახებში და ძლივს ჯამით ღობიოს და პურს მოგ-  
 ვიტანდაო. ჩვენი ყმა და მამული ზოგი ჩვენ აზნაურ შვილებს  
 უბოძა მეფემანო: ხმალაძეებთაო, ჩერქეზიშვილებთაო და ფურცე-  
 ლაანთაო, რომელთ ღრამოტაში უწერიათ, რომ ერისთავიანთ  
 ყმა-მამული ჩამორთმეული სახელმწიფო იყოვო. მერე რომ წამოვი-  
 ზარდეო, გიორგი მეფეს ვახლდით და იმას ვემსახურებოდით. მი-  
 სი ქალი, გაიანე ბატონიშვილი შეერთო, მაგრამ მამული კი არ

დაუბრუნებიათ. შემდგომში, როცა მეფე გიორგი გამეფდა ანუ ყოველივე მამული დაუბრუნა და მათ შორის ოსებიცაო“.

დიაღ, იმას მოგასსენებდით, რომ ხშირად გადმოთელავდნენ ხოლმე ამ სახელმწიფო საზღვრებს ოსმალეთის თათრები და ოსმალეთში საყაჩაღოდ გადმოცვენილი ლეკები, რომელნიც ბორჩალოს თათრებსაც უხვდებოდნენ და ეს შეერთებული ბრბო ავაზაკებისა ნავარდობდნენ ბორჩალოს მაზრაში, ლორში და შიდა ქართლშიაც კი, შეცვივდებოდნენ ხოლმე. არბევდნენ, აწითებდნენ ქართველ ხალხს და მრავალი ტყვეც მიჰყავდათ.

ახლა ისევ ერეკლე მეფის და იმ ელჩების ამბავი ვთქვათ, — რა იყო მიზეზი მეფის განრისხებისა?

თურმე იმ წინა დამესაც მანგლისისაკენ დასცემოდნენ ლეკნი და ოსმალთს თათრები ქართველთა სოფლებს, საქონელი დაეტაცათ, დაერბათ, ზოგიც ტყვედ წაეყვანათ და რამდენიმე კაციც მოეკლათ. გაჭირვებული ქართველობა, მობეზრებული ამ განუწყვეტელი ავაზაკობისაგან, ილაჯგაწყვეტილნი მეფესთან ჩასულან საწივლელად და ორი კაცის ანეხილი გვამებიც ჩამოეტანათ და მეფის წინ დაეყარათ — „ამაზე მეტი აღარ შეგვიძლია, გავწყდით, გვიპატრონეთ, ერთი სულებიდა გვიდგა, თორემ ღვთისაგან განაჩენი, სულს იქით აღარა შეგვარჩინეს რაო!“

მომამადარე მეფე, ვით პატრონი და მამა, საშინლად აღელდა, საშინლად ეწყინა თათართა ამგვარი თავვასულობა და ვათამამება, მით უფრო, რომ ამგვარი ბარბაროსობა პირველი არ იყო და არც უკანასკნელი იქნებოდა...

ოსმალთს ელჩნი როცა გამოსამშვიდობებლად მივიდნენ მეფესთან, მაშინ ერეკლე მეფემ უკანასკნელად უთხრა:

„როდემდე უნდა ვითმინოთ თქვენი ხალხისაგან ამდენი უსამართლო ძარცვა-რბევა და მხეცური მტაცებლობა-ავაზაკობა?!

„გადაეცით თქვენს ფაშას: ღმერთი-რჯული, თქვენ ქერქში დადექით, მოგვასვენეთ, თორემ ირაკლი ჯერ ისე არ დაბერებულა, რომ... თუ არა და გაბეზრებული ისეთ საქმეს ჩავიდენ, ვფიცავ ირაკლის მზეს, რომ თქვენი კბილითვე თქვენს ხორცს გაგლეჯინებთ: ვალლა, ბილლა ისეთს პატრონს მოვუყვან საქართველოს, რომ მეც ლანძღვით საფლავშიაც კი აღარ მომასვენოთ და თქვენც სამარადისოდ აღიგავთ პირისაგან ქვეყნისა!..“

როგორც ჯავახეთი, წალკაც ისეთივე მოტიტველებული ქვეყანაა. ჩემს თანამგზავრს ვკითხე, — რა ხალხი მოსახლეობს წალკაში-მეთქი?

აღმოჩნდა, რომ თითქმის მთელი წალკა ბერძნებითაა დასახლებული, რომელნიც პასკევიჩის დროს (1828-30) ოსმალეთიდან გადმოსახლებულან; ამათში მხოლოდ ორიოდ სოფელი — ქუმბათელები, თაქ-ქილისელები, სანთა, ბაშტაშენი და იბილაში ბერძნულს ლაპარაკობენ, იმასაც თათრულნარევად. დანარჩენები კი, მაგალითად, ავრანელები, ჯინისელები, გიარაქელები და შიბაქელები ლაპარაკობენ სომხურს და თათრულს, და დედაენად ამ ბერძნებს სომხური გახდომიათ, დანარჩენი ბერძნების დედაენა სულ თათრულია.

როგორც ჯავახეთში, წალკაშიაც სოფლები დაღვრემილი შეხედულებისა არიან; ტალახითა და უთლელი ქვით ნაშენი, ნახევრად მიწაში წასული სახლები მიწისფრადვე გამოიყურებიან, არსად ვენახი, არსად პაღ-ბოსტანი. მოგეხსენებათ, რომ ამისთანა მოტიტველებულ არემარეს ფრინველებიც არ ეკარებიან, ხოლო რა ქვეყანაშიაც ფრინველი არ არის, ის ქვეყანა მკვდარია; ვისაც ვსურთ თქვენი კარ-მიდამო გაცოცხლოთ, ფრინველები მოიწვიეთ და ვისაც ვსურთ ფრინველების მოპატიჟება, დარგეთ ბუჩქები, ხეები და ხილნარი. დიდი ხნის ცდა არ დაგჭირდებათ, ფრინველები თვითონ მოვლენ და ყოველ ზაფხულს ჭიკჭიკ-გალობით, ცელქობით, მხიარულებით სიცოცხლეს დაგიტკობენ და მთელ არემარეს გაახარებენ.

აქაურმა მოსავალმა თუმცა მაღალი ყანა იცის, მაგრამ მეტადრე წვიმიან ზაფხულში გიჟი პური მოდის. ამ მათრობელა პურს აქ დალიჯას ეძახიან თათრულად და, თუ გაჭირვებული არა, სხვა არავინ ჭამს, თან იმასაც ქერნარევს აცხობენ. ამგვარად, წალკელი გლეხი უფრო საქონლის მოშენებას მისდევს და მეტადრე თუშურ ცხვარს ინახავენ თუშებისავ წესზე. ტყე, საციციანო; წალკას ახლო აქვს, მაგრამ ეს ტყე ეძვირებათ და საწვავად უფრო წივას ხმარობენ.





უნდა გამოგიტყდეთ, რომ სალამოს ჩაის დრომ მოაღწია ცხელ წყალს ნაჩვევი, წყურვილმა დაგვძლია.

ერთი ქაჩალი სოფლის ახლოს, ძნის ბულულიდან ძერა ავაგ-რინეთ და ბულულის ჩრდილში ჩამოვხდით დადლილ-დაქანცული ხალხი. ჩვენი ზაქრო მაწვნის საყიდლად სოფელში გავავზავნეთ, თან ცივი წყალიც დავაბარეთ.

ზოგმა წყალი სვა, ზოგმა მაწონი ჭამა, ზოგმაც ჩაღხამით (წყალნარევი მაწონია) გული გავიგრილეთ. იყო დრო, როცა ქართველებს დაგვცინოდნენ, მაწვნისჭამიებს გვეძახდნენ, მაგრამ ახლა კი ჩვენ ვაჯობეთ, წარმოიდგინეთ, რომ ახლა მაწონი დიდ მოდა-შია და საუკეთესო დოქტორ-პროფესორები უებარ წამლად თვლიან და ხშირად უნიშნავენ მრავალნაირი ავადმყოფობისას. ერთი ჩემი ნაცნობი დოქტორი შარშან ხურვებით (тиф брюшной) ავად გახდა არტანში და მაწვნის მეტი არაფერი არ მიიკარა; წამალიც ის იყო მისი, საჭმელიც და სასმელიც, უარყო ყოველივე წამლობა და წამლები, ერთ კვირაზე კაცი ფეხზე წამოდგა. კუჭის ტკივილებ-შიაც (катар желудка) მაწონი ნამდვილი უკვდავების წყალია. ეჰ, ჩემო ჰორაციო, ვინ იცის, ჩვენს საქართველოში რამდენი ამის-თანა საიდუმლოებაა დამარხული, რომელსაც გამოქვეყნება, შუქის მოფენა სჭირია! აი, ჩვენს ლობიოსაც ხომ დასცინოდნენ, ესლა კი ყველა მეცნიერი ომ აზრისაა, რომ ადამიანის საკვებად ლობით კარტოფილს ათასწილად სჯობს — მაძღრობაც მეტი აქვს და ჯა-ნისთვის, გულისყურისთვის და სიმხნე-სიმამაცისათვის ლობიოს ჭამა სჯობია!

გაკვდით მდ. ქციას, რომელიც ნაქებია ვემრიელი კალმახით. სამიოდ ვერსის მანძილი რომ გავიარეთ, აქ ერთადერთი ქართული სოფელი ვიპოვეთ, სახელდობრ რეხა, რომელშიაც 160 კომლი ქართველობა ასახლია. გამეხარდა, ვიფიქრე, სულ არარაობას, წამლად ხომ მაინც დარჩენილა ქართველობა წალკაში! მაგრამ ისე თქვენი მტერი და დამაწყევარი დაღონდეს, როგორც მე ამ რეხე-ლების ნახვამ დამაღონა. აჰა, შენი ნაფლეთები, მრავალტანჯულო საქართველო! რეხელებმა ქართული საყველპუროდ ძლივსლა იციან და ამათაც ღვიძლი დედაენის, ქართულის მაგიერ დედინაცვლად თათრული ენა გახდომიათ. მღვდელი „ბერძენი“ ჰყავთ, რომელიც ეკლესიაში ბერძნულად სწირავს, თუმცა თვითონაც არ ესმის, რასა



სწირავს, რადგან ბერძნული ლაპარაკი არ იცის, მაგრამ ეს მღვდელი სახარებასაც კი უთარგმნის თავის მრევლს ბერძნულიდან თათრულად და ქადაგებასაც თათრულ ენაზე ამბობს, რადგან რეხელებმა არც ერთი სიტყვა ბერძნული არ იციან, მღვდელმაც კიდევ ქართული არ იცის, ამიტომ აღსარებასაც თათრულ ენაზე ეუბნებიან.

აღდგომა დღეს ერთმანეთს თურმე უწინ თათრულად ულოცავდნენ:

„ხრისტოს დირილდი!“ (ქრისტე აღსდგა).

„ჰაი! ჰაი! დირილდი!“ (ჭეშმარიტად აღსდგა).

მერე ბერძნულად დაეწყით:

„ხრისტოს ანესტი!“

„ალითოს ანესტი!“

დღეს კი ქართულად, სამშობლოს ენაზე ულოცავენ ერთმანეთს აღდგომას, თუმცა თათრულ-ბერძნულსაც ურევვენ ხოლმე.

აი, რეხელების გვარები: ხუციშვილი და აწ ქეშიშ-ოღლი, კოვზიაშვილი, საბაშვილი ანუ საბაანი, მინაძე, მიქაძე, მურვანიშვილი და აწ მურვან-ოღლი, ზანდალაშვილი, მაცუკატოვი და სხვა.

მაცუკატოვების გვარიდან ორი მღვდელი მღვდლობდა ამ სოფელში. პირველად კირიაკი, რომელმაც მხოლოდ კითხვა იცოდა ბერძნული და ლაპარაკი კი არა, ეს მღვდელი გარდაიცვალა ამ 30 წლის წინათ და მერე მისი შვილი — ისტაფილა მღვდლობდა, რომელიც აგრეთვე ბერძნულად ასრულებდა წირვა-ლოცვას, თუმცა არც ეს ლაპარაკობდა ამ ენაზე. ესეც გარდაიცვალა ამ ოცი წლის წინათ და დღეს მღვდლობს ავრანელი, რომელმაც ქართული არ იცის და მხოლოდ ბერძნულ ენაზე ასრულებს წირვა-ლოცვას, თვითონ კი არ ესმის ბერძნული, რადგან ავრანელ ბერძნებს როგორც ზემოთ მოვისხენიეთ, დედაენად სომხური გახდომიათ.

სკოლაზე ჩამოვაგდეთ ლაპარაკი, რატომ სკოლა არ გაქვთ-მეთქი? სკოლა როგორ არა გვაქვს, ჩვენი სკოლა სამი ვერსის მანძილზეა სოფ. ავრანში, სადაც „ბერძენი“ მასწავლებელი მხოლოდ რუსულ ენაზე ასწავლისო.

რეხელი ქართველობა სწავლას ძლიერ ეტანება, მაგრამ ის

აწუხებთ, რომ ქართული არსად არის. ერთი რეხელი ყმაწვილი ახალქალაქის სამოქალაქო სასწავლებელში მიაბარეს იმ იმედით, რომ სახელმწიფო ენასთან, რომელიც ძლიერ ეჭირვებათ, ქართულიც ესწავლა. მაგრამ, რადგან ახალქალაქის სასწავლებელში, სადაც დღესაც 30 ქართველი ყმაწვილი სწავლობს, ქართულ ენას სრულებით არ ასწავლიან, ყმაწვილმა ისევ გორის სასწავლებელში ირჩია გადასვლა იმ აზრით, რომ რუსულთან ქართული ლაპარაკიც შეისწავლოს და წერა-კითხვაც.

ამგვარადვე რეხელმა ქართველმა მიხეილ მურვანიშვილმა, რომელიც ახალქალაქში ცხოვრობს, შვილი გორის სასწავლებელში გამოზარდა ქართული ენის გულისათვის, რისთვისაც ხელმოკლე კაცი თვეში ორ თუმანს მეტს იხდიდა ვაჟის სადგურ-საკვებში და სხვა.

გამოვიკითხე მიზეზი რეხელი ქართველების გადაგვარებისა. რა მოხდა იმისთანა, რომ რეხელმა ქართველობამ თითქმის დაკარგა თავისი სამშობლო ენა და ეროვნება?

სოფელ რეხის ქართველობა გადმოსახლებულია ოსმალეთიდან პასკევიჩის დროს 1828-30 წწ. არტაანის სანჯახის სოფ. ველიდან. მურვანიშვილმა მოახსენა, მარტო ჩვენი ოჯახიდან თორმეტი აკვანი წამოვიდათ.

გადმოსახლებულებს თხუთმეტიოდე კომლი ქართლიდან მომატებია: კოვზიაშვილები, ოსიაშვილები და სხვ. ნეტავ ეს ქართველები რაღა ენაზე ეუბნებიან მღვდელს აღსარებას? ან რა ესმით ბერძნული წირვა-ლოცვისა და თათრული ქადაგებისა?

ესენიც გადაგვარდებიან, და იცით, ეს ამბავი სად ხდება? ჩვენ თვალწინ, თბილისიდან ერთი დღის სავალზე.

როცა საქართველო ძლიერი იყო და ამ ზემო ქართლს ჰასან-ყალა ტრაპიზონამდე განაგებდა, მაშინ, რა თქმა უნდა, ვეღელი ქართველები თავის დედაენაზე ლაპარაკობდნენ და წირვა-ლოცვაც სამშობლო ენაზე ჰქონდათ, მაგრამ არ მისცა ღმერთმა ქართველებს ერთობის ნიჭი, თორემ, ამისთანა გულგეფხ ხალხს, რა მტერი და რომელი მტერი დაძლევა! რომელიმე ფეოდალი ერისთავი ანუ ძლიერი მთავარი კისერს გაისუქებდა თუ არა, მაშინვე იმის ფიქრში იყო, მეფე ტახტიდან ჩამოვავდო და მე გავმეფდეთ. ამას მოსდევდა რა? ურთიერთა მტრობა, მომმეთა ჟლეტა და დაუბო-



ლოებელი „ჩემი — შენი“. ეტყობა, ყველას ჭირდა ავადმყოფობა,  
„მანია დიდებულობისა“.

ეგ რად გინდათ, ქართველების ისტორიაში ამგვარ მხეცურ ფაქტებსაც ვპოულობთ: „დომენტი კათალიკოსმა სპარსეთის შაჰს ვანუცხადა: უკეთუ საქართველოს ტახტს მე მომცემთ, მაშინ (კათალიკოსი) მაჰმადის რჯულს მივიღებ და ცოლსაც შევიერთავ“...

ნეტავ ეს რომელ „მანიას“ მივაწერთ? ეს კიდევ უთუოდ არის „მანია პირუტყვობისა“.

ეს ხომ ძველი ამბავია და უფრო ახალს მოგახსენებთ. ვანსვენებული ლუკა ისარლიშვილი მოგვითხრობს თავის წიგნში — გიორგი კინაზის ერისთავის ნათქვამს:

„მეფე გიორგის ძმას, ალექსანდრე ბატონიშვილს, აბაშიძეს და ზოგიერთთა დარეჯან დედოფლის თანდასწრებით რჩევა ექმნათ, წიგნი დაეწერათ და ტფილისიდან გაეგზავნათ ჩუმიად ახალციხის ფაშასთან, რომ ესლა კარგი დრო გაქვსო, რომ შემოხვიდეთ ჯარით ტფილისის ასაღებათ. მეფე გიორგი არავის უყვარსო, რაკი ბორჯომს გამოსცილდებითო, მაშინ ჩვენც იქ დაგიხვდებით და მეფე გიორგის ადვილად ჩამოვაგდებთ სამეფო ტახტიდანაო.“

ახალციხის ფაშას რომ მიეღო ეს წერილი, ებრძანა პატივი და ულუფა მიეცათ წიგნის მიმტანისათვის, მარა ის წიგნი გამოუგზავნია თვით გიორგი მეფისთვის გამოჩენილი მუთიბეგის ხელით და დააბარა, რომ ეთქვა მეფე გიორგისთვის მისი სახელიც, ვინც მიუტანა ის წიგნი.“ ალექსანდრე ბატონიშვილი სპარსეთს გაქცეულა, დარეჯან დედოფალი, მეფის დედინაცვალი, კინაღამ სპარსეთს ანურუსეთს გააძევესო და რამდენიმე კაცი დამნაშავე მეფის ბრძანებით მეტეხის კლდიდან გადაჩეხეს მტკვარშიო.

დიაღ, იმას მოგახსენებდით, წაართვა ოსმალთმ ქართველებს, ანუ უკეთ ვთქვათ, გაყიდეს სამშობლო ქართველმა დიდებულებმა ფაშაობაზე და სხვა პირად სარგებლობაზე გადასცეს ეს გაძლიერებული, ქართული სიცოცხლით, ცინე-სიმიარეებით, მონასტრებით სავსე არემარე და მას აქეთ ოსმალთა მთავრობამ ქართველ დიდებულთავე შემწეობით გამძვინვარებული დევნა დაუწყო განსაკუთრებით ქართველების ენას და სარწმუნოებას. არა ხალხი არ იყო ისე დევნილი და შევიწროებული, როგორც ქართველობა და მათი ზნე-ჩვეულება-სარწმუნოება. ამის მიზეზი, რასაკვირველია, უნდა

ვერით ვარდა მაჰმადის სწავლისა, პოლიტიკურ მოსაზრებებზე, რადგან აზრად ის ჰქონდათ, რომ შეემუსრათ პოლიტიკური სიძლიერე საქართველოსი და ძალმომრეობით სამარადისოდ მოეწყვიტათ ეს ამოღენა მხარე საქართველოსთვის. ახლა როგორ გვონიათ, ვინ ვარბოდა სტამბოლს ხონთქართან სხვადასხვა პროექტებით, თუ რა საშუალებით შეიძლება უფრო სანქართოდ და ადვილად გადაგვარება ქართველობისა? პროექტების ავტორნი განლდნენ ქართველთაგანივე, რომელთაც თავის მამა-პაპის რჯული გმეს, მაჰმადიანობა მიიღეს, მაჰმადიანობასთან ჯილდოდ ფაშობა, სანჯახ-ბეგობა, მამულები და სხვა მრავალი პატივი ხორცთა მათათვის.

რომ ოსმალს მთავრობას ქართველი ერის გადაგვარება პოლიტიკური აზრით საჭიროდ მიაჩნდა, ამას ისიც გვიმტკიცებს, რომ სომეხთა და ბერძენთა ერთვნება, აგრეთვე კათოლიკეთა სარწმუნოება სრული თავისუფლებით სუფევდა. სომეხებს იმიტომ არ ერჩოდნენ, რომ პოლიტიკური თვითარსებობა დიდი ხნის დაკარგული ჰქონდათ და უფრო საჭირონიც იყვნენ ვაჭრობა-ხელოსნობისათვის. კათოლიკეთა სარწმუნოებას არას უშლიდნენ, რადგან მისიონერებით სავსე იყო აქაურობა, რომელთაც ზურგი გამავრებული ჰქონდათ რომიდან.

აი, ამისთანა გარემოებაში ყოფილან ოსმალებში ეს რეხელი ქართველებიც. ერთი მოხუცი მღვდელი შერჩენოდათ და ისიც მოუკვდათ. ოდესმე დიდებული საეპისკოპოსო, საკათედრო ტაძრები და მონასტრები — ზარზმა, საფარა, ვარძია, კუმურდო, წყაროსთავის მონასტერი, ღვთაების ეკლესია ანჩა ისპირისკენ, საიდანაც გადარჩენილ იქნა ღვთაების ხატი, რომელიც ახლა ასვენია თბილისში, ანჩისხატის ეკლესიაში. გამოჩენილი ოპიზის მონასტერი აჭარისკენ, ტბეთის ეკლესია შავშეთში, იშხანის ეკლესია თორთუმბაიბურდისკენ, მონასტერი ხაზულისა თორთუმის ხეობაში, რომელიც აღაშენა დავით კურაპალატმა, — ბაგრატ მეფის მამობილმა, საიდანაც სასწაულთმოქმედი ხაზულის ღვთისმშობლის ხატი ძლივს გადაარჩინეს და დღეს გელათს ასვენია, — ერთი სიტყვით, მრავალთა უმრავლესი ტაძრები და მონასტრები, საიდანაც ეფინებოდა ამ არემარეს ქრისტეს მცნება, რელიგიური ზნეობრივი აღზრდა და საერო განათლება, სადაც იკურთხებოდნენ მღვდელნი



და მღვდელ მონაზონნი, და სადაც თმის წინა დღეს მიიღებდნენ, ხოლმე ლოცვა-კურთხევა-ზიარებას და იკრებდნენ სულიერ ძალას მტრებზე მიმავალნი, სამშობლოსათვის თავგანწირულნი ქართველნი გმირნი, ყველა ეს დიდებული ტაძრები, ჭეშმარიტი საუნჯენი ქართველთა სარწმუნოებრივი და ზნეობრივი ძლიერებისა, სრულიად ვაუქმებული და აოხრებული იყვნენ ოსმალთა ხელში. ვისაც მღვდლობა სურდა, უნდა კურთხებულიყო ბერძნის ეპისკოპოსის ხელით, რომელიც ერთი არზრუმში იჯდა და მეორე — ტრაპიზონში. საქართველო მაშინ შინაურთაგან წეწვა-გლეჯით დასუსტებული იყო და ის დონე ადარ ჰქონდა, რომ თუ პოლიტიკური არა, ზნეობრივი გავლენა და სარწმუნოებრივი კავშირი მაინც არ დაჰკარგოდა ქართველებთან ამ წართმეულ, დაკარგულ მხარეში. ამიტომაც მაშინდელ ქართველებს და აწ რეხელ ქართველებს საქართველომდე ხელი ვერ მიუწვდათ, მღვდელი ვერ მითხოვეს და ვერც ითავეს, ვინმე ქართული წერა-კითხვის, საღმრთო წერილის მცოდნე არზრუმის ეპისკოპოსისთვის ეკურთხებინათ. ბოლოს „გაფრანგებას“, კათოლიკობის მიღებას, — რისთვისაც იქვე მოქმედებდნენ იეზუიტები, რომელნიც გაკათოლიკებისთანავე მრავალნაირ შეღავათსაც ჰპირდებოდნენ, — ისეც ასე არჩიეს: მოუწოდეს მართლმადიდებელი ბერძნის მღვდელს და წირვა-ლოცვა ბერძნულად დაიწყეს, თათრულ ენაზე განმარტებით.

ვინც იქამდე შეგნებული არ არის და არ დააფასებს დედაენას, ანუ ვისაც არ სჯერა, რა დიდი მნიშვნელობა აქვს ერისთვის სამშობლო ენას, ვურჩევთ, კარგად ჩაუფიქრდეს ამ რეხელების თავგადასავალს და დააკვირდეს მათ უნუგეშო მდგომარეობას.

დღეს რეხელები ჩვენთვის აშკარა მაგალითს წარმოადგენენ ენა დაკარგული ერისას. რეხელების ამბავი საქვეყნოდ დაღადაბს, ცოცხალ ნიმუშს წარმოგვიდგენს ერის ძალმომრეობით გადაგვარებისას და ნამდვილად გვიმტკიცებს, რომ ყოვლად ძლიერ სარწმუნოებასაც კი არ შეუძლია ერი დაიხსნას, დაიფაროს გადაგვარებისაგან.

აი, სწორედ რეხელებზედაა გამოჭრილი პოეტის სიტყვები:

ერის ცხოვრება,  
მისი დიდება

მის ისტორია  
 დაცულ არს ენით;  
 რა ენა წახდეს,  
 ერიც დაეცეს...  
 წაეცხოს ჩირქი  
 ტაძარსა წმიდას!..

მართლაცდა, აბა რა ქართველია ახლა რეხელი? რა ვუყთ, რომ სარწმუნოებით ისიც მართლმადიდებელია. დედამიწის ზურგზე მრავალნი აღიარებენ მართლმადიდებლობას, მაგრამ საქართველოს ავი და კარგი ჩირადაც არ მიაჩნიათ. ბევრი მართლმადიდებელიც არის, რომელმაც არც კი იცის საქართველოს ქვეყანაზე არსებობა.

ჩემს დღეში არ დამავიწყდება ერთი შემთხვევა. უნივერსიტეტში დამიგვიანდა, არ ვიცოდი თუ ვადა სუფევდა და ქაღალდები მარიამობის ბოლო რიცხვებში წარვადგინე. რამდენიმე დღის შემდეგ „სეკრეტარისაგან“ შევიტყვე, რომ დაგვიანების გამო მიღებული არ ვიქენი. ვთხოვე ფაკულტეტის დეკანს და დიდი უარი მივიღე — „სოვეტის“ დადგენილებას ვერ დავარღვევო. მეტი რა ხარაა!

წავედი თვით რექტორთან: მოწყალება მოიღეთ — საიდან სად, კაკასიიდან მოვსულვარ, ხარჯი ხომ ხარჯად მეკარგება და მთელი ერთი წელიწადი დრო მეკარგება მეთქი!

ჯერ ეჭვის თვალით შემომხედა. მგონი ურია ვეგონე.

— Вы какой национальности?

— Грузин, Ваше прев-ство.

დაიბარა „სეკრეტარი“, მოატანინა ჩემი დოკუმენტები. ჩხრიკეს, ჩხრიკეს, იზურჩულეს.

— Вы говорите — грузин?

— Дась... Грузин — კრძალვით მივუგე.

— Да разве грузины православные?

— ?!..

— არა, მაინც, ნუთუ ქართველები მართლმადიდებლები არიან, — ჩამაცივდა რექტორი.

— რას ბრძანებთ, ბატონო! როგორ თუ ქართველები მართლმადიდებლები არ არიან! ქართველებმა რომ ქრისტეს სარწმუნოება მიიღეს, რუსების სახელი ჯერ ისტორიაში არსად იყო... ჩვენ მე-4



საუკუნის დასაწყისში მივიღეთ ქრისტიანობა წმ. ნინოსაგან ქრისტიანული მწიგნობართა კავშირი  
 დიაღ, აი ასე გახლავთ...

მავრამ... კმარა. ისევ რეხელების ამბავი განვავრძობთ.

სწორედ საცოდაობა იყო ჩემი ბაასი რეხელ ქართველებთან. ხომ ვიცოდი, რომ რეხელები მართლმადიდებელნი ქართველნი არიან, მავრამ რა ვუყოთ სარწმუნოებას, თუკი ლაპარაკი დედანაზე ვერ შეეძლოთ! ჩემმა გულმაც ვერც ერთი ამათგანი ვერ შეითვისა, ვერ იგრძნო გულმა დაკარგული მოძმის სიყვარული და სიბრალეული.

იმ დროს კი, როდესაც თავშეხვეული, სარუხიანი ქართველი მაჰმადიანი დედაენაზე ქართულად მესაუბრება, რაღაც საიდუმლო ზეგარდმო ძალა ანდამატივით მისკენ მიზიდავს, წამსვე გრძნობს გული მისდამი სიმპათია-სიყვარულს, სიბრალულ-სინანულს და თვალები თან სიხარულის ცრემლებით ივსება.

როგორ ახსნით ამ გრძნობას, არ ვიცი, მე მხოლოდ გულახდით ვაღიარე ჩემი პირადი შთაბეჭდილება, სულის მდგომარეობა ორსავე შემთხვევაში.

III

ასე გადაგვარდა ამ მხარეში მრავალტანჯული ქართველი ერი. ძალად მოუკლეს ბუნება და გაკაფულ ვენახზე ნამყენ ჭანჭურს აბა რა ნაყოფი უნდა გამოედო?!

მოგეხსენებათ, უპატრონო ეკლესიას ეშმაკნი დაეპატრონენო. უპატრონოდ დარჩენილ ქართველებზე ვინ არ ნადირობდა-ნავარდობდა. ოსმალის მთავრობა ძალად ამაჰმადიანებდა, ხოლო ვინც თავის მამა-პაპის რჯულზე მტკიცედ იდგა, ათასნაირ გადასახადებით ტყავს აძრობდნენ, შეუბრალებლად სდევნიდნენ ქართველ „გიაურებს“ და ყოველივე ადამიანურ ღირსებას უგინებდნენ, უმცირებდნენ, უსპობდნენ.

სულთ გამწარებულ და ხორცით დატანჯულ ქართველობას სასოწარკვეთილების ჟამს კათოლიკე მისიონერები მფარველ ანგელოზად ევლინებოდნენ:

— გაათარებას ისევ ის არ გირჩევნიათ, კათოლიკე ქრისტიანები იყოთო?!

აი, თუ ქრისტეს სარწმუნოებას კათოლიკეთა დოღმატზე მი-





იღებთ, მაშინ ოსმალთს მთავრობის დევნისაგან და მეტი ხარვეზებისაგან განთავისუფლებით, რომის პაპის სულიერი შვილები გვხვდებით და ვინღა რას ვაკვირებდით!

ამგვარად, მთელი ეს ზემო ქართლი, რომელსაც შეადგენდა არა მარტო სამცხე და ჯავახეთი, არამედ ერუშეთ-შავეთი, კოლა-არტანი, ართვინი-არტანუჯი, ტაო-ლლთისი, კლარჯეთ-ჭანეთი და მრავალი სხვა ქართველთა პროვინციები ჰასან-ყალამდე (გურჯიბოღოზ) და ვიდრე ტრაპიზონამდე, რომელნიც, ერთად რომ ავიღოთ, ესლანდელ საქართველოზე თუ ხუთჯერ არა, სამჯერ მაინც მეტი იქნება, ოსმალეთმა მოსწყვიტა, ხორცმეტივით ჩამოათალა საქართველოს და მით დაასუსტა ქართველთა პოლიტიკური თვითარსებობა, უძლეველობა. მათმა ორასი-სამასი წლის მძვინვარება-ბარბაროსობამ სამ-ოთხ მილიონამდე ქართველობას სრულიად დაუკარგა არამცთუ სარწმუნოებრივი, არამედ ყოველივე ზნეობრივი კავშირიც კი მონათესავე ქრისტიან ქართველებთან.

გაუნათლებელ ხალხს არეულად, შეცდომით ესმით საქმის ვითარება და ამიტომაც, დღეს ქართველ მაჰმადიანს რომ უთხრა, ქართველი ხარო, იმას ასე ჰგონია, ეუბნები: შენ ქრისტიანი ხარო, — ქართველი და ქრისტიანი ერთი და იგივე სიტყვა ჰგონია...

კარგი და პატიოსანი! მაშ, როცა ქართველები კერპებს ვცემდით თაყვანს, როცა მზეს და მთვარეს ვაღმერთებდით, მაშინ ქართველები არ ვიყავით? ქართველებს არ გვეძახდნენ?!

ჰერიჰა! რას ბრძანებთ, ბატონებო, რჯული სადა, ერთვნება სადა, შუაში ზღვარი, დიდი განსხვავება უძევთ.

ჰოდა, ამგვარად, ხალხთა შეუგნებლობით დავკარგეთ ამ მხარეში რამდენიმე მილიონი ქართველობა.

შეიძლება, მკითხველო, არც კი დაიჯერო, რომ ნამდვილი საქართველო ეს ზემო ქართლია და ქართველი ხალხი, ზოგი გამაჰმადიანებული, ზოგიც გაკათოლიკებულ-გასომხებული ხუთჯერაც მეტია, ვიდრე ახლანდელ საქართველოში! კი, ბატონო! არც მიკვირს, თქვენმა მზემ, რომ არ გჯეროდეთ, რადგან ჩვენდა სამარცხვინოდ, ქართველებმა ჩვენი ღვიძლი სამშობლოს ისტორიკოგეოგრაფია არ ვიცით და თუ რაიმე სასწაულით ვიცით, ისიც დაუდევრად, ხოლო ვისაც სკოლა-გიმნაზიებში რამე უსწავლია, იმან ამერიკა-აფრიკის ვითარება უკეთ იცის, ვიდრე საქართველოსი...

დავასრულოთ ისევ რეხელი ქართველების ამბავი.  
ერთმა რეხელმა ქართველმა, მიხეილ მურვანიშვილმა, რომელიც სრულიად თავისუფლად ლაპარაკობს ქართულს, მიაშობ:

„ჩვენი პაპა სურამელი ყოფილა, თავადი მურვანიშვილი. ოცა საქართველოს იკლებდა ლეკი და ყიზილბაში, ამათაც გაუჭირდათ და იფიქრეს: ე ხო აღარ ვვასვენებენ და ამდენ რბევას, მოდით და, ორ ჭირში ერთი ავირჩიოთ, მოდით და, სათათრეთში გადავსახლდეთო! სამნი ძმანი ყოფილან. უმცროსს უთქვამს: არა, ძმავე, მე არ წავალ. მე აქ, ამ კაკლის ძირში უნდა მოვკვდე-დავიმარხოო. ამდგარან და ეს ორი უფროსი ძმა მალულად გადასულა ოსმალეთს და არტაანის სანჯახში ქართველების სოფ. ველს დასახლებულა. ამ დროს, თურმე ხმა მოდიოდა, რომ ველელ ქართველებს კარგი სანჯახ-ბეგი ჰყავთ, ქართველებს დიდად არ აწუხებს“.

ისტორიულ ინტერესს არ არის მოკლებული იოანე ბატონიშვილის „კალმასობაში“ მოყვანილი ამბავი:

„იპოვიაკვანმა იოანემ სურამს რომ მიაღწია, სურამის მოურავმა არ მისცა თავისთან ბინა. მაშინ გაუმასპინძლდა ქაიხოსრო მურვანიშვილი და ვახშამს რომ შეეცქეოდნენ, მასპინძელმა ოთხშაბათის მარხვა გატეხა, რისთვისაც შენიშვნა მიიღო იპოვიაკონისაგან. ამაზე ქაიხოსრო მურვანიშვილმა უპასუხა:

— მე მეფე ერეკლეს ორმოცდათხუთმეტი წელიწადი ვემსახურე და ჩემი მსახურებისათვის ყაზახის თათრებში განმაწესა და იმათ თავაზით შევეჩვიე მარხვის ჭამას, რომ იმათ არ ვაძლევედი დაბრკოლებას და ამ სახით, გავუერთგულე ის ერი მათ სიმაღლეს.

— მათ უმაღლესობას სადა და სად მსახურეთ?

— რომ ცოტა ვთქვა, მათ უმაღლესობასთან თუ სხვაგან, ორმოცდაათი მეტი ომი მიხილავს, სახელოვან ომებში ყოველგან ვხლებივარ: აზათხანის ომში რომ სამი ათასი ქართველით თვრამეტი ათასი კაცი დაამარცხა უზარბაზნოდ ბატონმა და იმისი ურდო მთლად დაგვრჩა, რომ განვმდიდრდით ოთხი ათასის კაცით, აჯი ჩალაფის შვილი თორმეტი ათასის კაცით მოსული, ბორჩალოს დაამარცხა და მრავალი ტყვე და საქონელი ვიშოვეთ. ავარიის ხანი რვა ათასის კაცით მჭადის-ჯვარს იდგა, — დავამარცხეთ დია მცირეს ჯარით და მრავალი დავხოცეთ და დავატყვევეთ.

დანდიზში, ქიზიყის ბოლოს, ვძლიეთ ლეკთა და მრავალი ადგილი ცეთ და იმ ღამეს, დედოფლის წყაროზედ მდგომთა დაგვესხა სხვა უდიდესი ჯარი თავსა მას გაქცეულს ლეკთან შეერთებული, და იგინიცა დავამარცხეთ, დავწყვიტეთ. ხერთვისი ავიღევით და მრავალი ოსმალო დავხოცეთ. აბდულა ხანი ბაგრატიონი თორმეტი ათასის ყიზილბაშით მოვიდა, ციხეც თათრებს ეჭირათ და სოლოლაკზედ დავამარცხეთ და ავწყვიტეთ. ასპინძას ოსმალისა და ლეკის ჯარზედ გავიმარჯვეთ, რომ რუსები დაგვიბრუნდნენ, აღარ გვიშველეს და სულ ის თათრის ჯარი მთლად ფარაოსავით მტკვარში დავლუბეთ და მეფემან მოკლა თავისის ხელით კობტა-ბელადი. ერევნის დიდს თმში იქ ვახლდი და რვა ათასი კაცი დავამარცხეთ მეფის ძის გიორგის მიზეზით და გარჯილობით. ავარის ხანი ოცდაოთხი ათასის კაცით ყვარლის ციხეს შემომდგარიყო, სამასი კაცი წავედით დაუთალაბად და შევედით ციხეში და გავაქციეთ ეკოდენი ჯარი. მცხეთას მიმავალს ღამე დაგვიხვდა ლეკისა ჯარი, ჰსძლო მუნ ბატონმან, თავისის ხელითაც მოკლა ლეკი და ჩვენ სამთ მძათა და ხოცევით ლეკები, სამთავ მივართვით თავები და მაშინ მიბოძა ჯილდოდ ჯაბადართ-უზუნცესობა და სხუა წყალობა“.

აი, ასეთი სახელოვანი კაცი ყოფილა მურვანიშვილების გვარში მეფე ერეკლეს დროს. ჩემმა მობაასემ მიხეილ მურვანიშვილმა კვლავ განაგრძო:

„პაპაჩემის ძმას, პეტრეს, ჰყავდა ცოლად ახალციხელი ქართველი ქალი, კარგა აღზრდილი, ღვთისნიერი, მწიგნობარი, ხელსაქმის კარგი მცოდნე. ამ მეუღლეთ მიეცათ ველში ვაჟიშვილი ვასილი, რომელიც დედამ აღზარდა ღვთის შიშში და ასწავლა ქართული წერა-კითხვა და საღმთო წერილი.

ვასილი ნიჭიერი ყმაწვილი გამოვიდა, ისე შეუყვარდა საღმთო წერილი და წმიდათა ცხოვრება, რომ მოემზადა მღვდლად კურთხეულიყო. თათრობის დროს აბა აქ სად იყო ქართველი ეპისკოპოსი და ამიტომ ვასილი წავიდა კისკიმში, რადგან კისკიმი უფრო ეახლოვა (ტრაპიზონისკენა).

კისკიმში მაშინ (1828 წ.) ეპისკოპოსობდა ბერძენი ეპისკოპოსი თეოკლიტოს, რომელმაც მღვდლად აკურთხა ვასილი და გამოისტუმრა. ვასილ მღვდელმა კისკიმიდან აჭარაზე გამოიარა და აქ შეიტყო რუსის შემოსვლა სამცხეში. ახალციხეს რომ მოვიდა, ნახა,



რომ ციხეს რუსის ჯარი შემორტყმოდა (1828 წ. აგვისტოს 15-ს) სომ კიდევ აიღო პასკევიჩმა ეს მხარე.

ქართველებს გაგვეჩნა და ვიფიქრეთ, ახლა კი იპრიანა ლმერთმა და გვეშველა ქართველებსაო — ქრისტიანი ხელმწიფე გვეყოლებათ. მაგრამ რაკი მერე ყარსი და არტანი უკანვე გადასცეს ოსმალოს, მაშინ კი თქვენი მტერი, რომ ჩვენ წელები დაგვწყდა. ჩველები აღარ დადგნენ სათათრეთში, ქართველ ქრისტიანებს ყველას კშინთდათ, თათრები ახლა კი ჩვენზედ იყრიან ჯავრსაო, რადგან ქართველობაც სიხარულით შველოდა რუსის ჯარს, რითაც კი შეეძლო; რალა გაეწყობოდა, აიყარა არტანიდან მთელი სოფელი კელი და მამჩამიცი მაშინ წამოჰყვა სოფელს და აქ რესაში დავსახლდით. მარტო ჩვენი ოჯახიდან თორმეტი აკვანი წამოვიდა.

ვასილ მღვდელს მაშინათვე უბოძა პასკევიჩმა ჯავახეთში რამდენიმე სოფელი მრევლად: ნიჯვორი, სიზაბავრა, ვარეგანი, თოკი და სხვა, ხოლო ჯავახეთის დანარჩენ სოფლებს, საცა კი ქართველი ქრისტიანი დარჩენილიყო, ზოგი ცხადლივ და ზოგი მალულად, ამ.თაც ორი მღვდელი მწყსიდა — კოთელიელი ნიკოლოზ მღვდელი და ბარალელი პეტრე მღვდელი.

თხზი წლისა ვიყავი მე, როდესაც ვასილ მღვდელმა თავისთან წამიყვანა, ღვთის სიყვარულში მზდიდა და საღმთო წერილს მასწავლიდა. ამ რესაში მაშინ კირიაკი მღვდლობდა, რომელიც როგორც ზემოთ მოგახსენეთ, თუმცა ქართველი იყო, მაგრამ ქართული დაჰკიწყებოდა და ბერძნულად კი ზეპირად სწირავდა, რადგან თათრულს მეტი ენა არ იცოდა. ბოლოს და ბოლოს, ქართული ცოტათი შეესწავლა და, ჩემს ყმაწვილობაში მახსოვს, რამდენჯერაც რესაში მივიდოდი, ქართულად წავუკითხამდი ხოლმე სამოციქულოს და ორიოდე ძილისპირიც ვიცოდი გალობით. საწყალი ბერეკაცი მღვდელი ისეთის აღტაცებით მოისმენდა ხოლმე ქართულ გალობას და სამოციქულოს, რომ სიხარულის ცრემლები დაჰადუპით გადმოსდიოდა“.

ბოლოს ჩემმა მოზაასემ მითხრა, რომ ვასილ მღვდლის ამბებს კიდევ მერე გეტყვიო.

მართლაცდა, იმ დროს მღვდლების შრომა და კეთილმოღვაწეობა — განსაკუთრებით ორბელიანისა, რომელსაც თათრებმა ახალციხეში თავი მოჰკვეთეს, სულხანიშვილებისა, რომელთა

გვარშიაც 60 მღვდელი გამოსულა და აგრეთვე ვასილ, პეტრე ნიკოლოზ მღვდლებისა, — დასაფასებელია. საკმაოა ამ ღირს-პატივცემულ მამათა ცხოვრება და მოღვაწეობა აიწეროს, რომ მთელი მესხეთისა და ჯავახეთის, მათის დროის (1800-1853 წ. წ.) ისტორია შედგეს.

#### IV

რაც იყო, იყო! დავანებოთ თავი წარსულზე ამდენ ჩივილ-ტირილს. სჯობს წარსული მაგალითი გავითვალისწინოთ და ჩვენს აწმყოს იმისდაგვარად გავუძღვეთ. ნათქვამია: ზოგი ჭირი მარგებელიაო. წარსულმა უბედურებამ უბედობა უნდა დათრგუნოს, როგორადაც სიკვდილი სიკვდილით ითრგუნება, — ეს ბუნების და ცხოვრების კანონია.

67 წელიწადი შესრულდა, რაც ეს ჩვენი მოძმე რეხელი ქართველობა თათრების კლანჭებიდაც ჩვენვე დაგვიბრუნდა. მერე? გვიზრუნია რამ ამ ხალხისათვის? — არაფერი. არც კი ვიცოდით ამ ხალხის ქვეყანაზე არსებობა, არამცთუ გაგვერიგებინოს რამე. ვინ ჰყავთ გულშემატკივარი? — არავინ. ვინ უნდა გამოჩნდეს ამათი ჭირისუფალი? — ჩვენ ვინ არის ზნეობრივი მოვალე, ამათ დაეხმაროს? — ჩვენ.

ჰაერი, რომლითაც ჩვენ ვსუნთქავთ, ორი მარტივი სხეულისაგან შედგება — აზოტისაგან (79 წილი) და მჟავადისაგან (21წილი). ვინ იცის, რამდენი ათასი მილიონი წელიწადია, რაც ეს ორი გაზი ერთად არის არეული და ერთად მოქმედებს, მაგრამ მის დღეში ესენი ერთმანეთს არ შეუერთდებიან და არ შეუსისხლხორცდებიან: აზოტს თავისი ბუნებრივი ზნე-ხასიათი ყოვლად შეუცვლელად რჩება, მჟავადს — თავისი.

ამგვარადვე, რეხელი ქართველობა, თუმცა სამ საუკუნეზე მეტია ცხოვრობს სხვა ერთვნებასთან ერთად, მაგრამ ესენი მათ ვერ შეუერთ-შეუსისხლხორცდებიან. ხოლო ბუნებითვე დაყოლილი კანონის ძალით, რომლითაც შობილი მშობელს ეტანება, რეხელებიც სულითა და გულით ელტვიან ქართველობას, მაგრამ მოთავე არავინ ჰყავთ, რომ ბუნებრივ სულთა სწრაფვას საქმით გაუძღვეს.

აი, რაში გამოიხატება ამათი ქართველობა და მისწრაფება ქართველობის მიმართ. რეხელები ბერძნის ქალს არ ირთავენ და



არც ქალს მიათხოვებენ. ძლიერ იშვიათად, ღარიბი ვინმე უნდა იყოს, რომ ან ითხოვოს, ან მიათხოვოს ბერძენს ქალი. ხოლო რენელებს ქართველი ქალები მოჰყავთ — თონეთიდან, გომარეთიდან, კლდეისიდან და ჯავახეთის ყველა ქართული სოფლიდან და ამათვე მიათხოვებენ ხოლმე თავიანთ ქალებს. მისვლა-მოსვლა და ნათელმირონი აგრეთვე ზემოხსენებულ ქართველებთან აქვთ. ჩაცმადანურვა ვაჟთა და ქალთა ისეთივე აქვთ, როგორც ზემოხსენებულ სოფლებში ქართველებს. მოწყობილობა ოჯახში, ავეჯეულობა და ჭამა-სმაც იგივეა, რაც ჯავახელ ქართველებს აქვს.

კომლული აღწერის დროს, ვილაც ჭკუისკოლოფ ვაჟბატონებს ურჩევიათ რენელებისათვის ბერძნად ჩაეწერეთო, მაგრამ ამათ თურმე უპასუხეს:

„რას ამბობ, ყარდაშ, რა გვიგავს ბერძენს? სადაური ბერძენი ვართ, როდესაც ნამდვილი ვიცით, რომ ჩვენი მამა-პაპა ქართველები იყვნენ და ჩვენი ნათესაობა დღესაც ქართლში ცხოვრობსო“. ამიტომაც ამათგან გამოყვანილი „საღდათი“ გორში მიდის ქართველებთან ერთად და არა წალკის ბერძნებთან.

რენელებს რა იმედით მოგიხართდათ ქართველი მოძმეებისაკენ, გადმოსახლება და რა გულგრილობა დაგზვდათ! სა...მო...ცი წე...ლი...წა...დი ცხოვრობთ ჩვენში და ჩვენ სამოცი სიტყვაც არ დაგვიხარჯავს თქვენს სასარგებლოდ.

როგორც ამ ხალხმა ამიხსნა, ესენი სასუფეველივით მოელიან ქართულ სკოლას და ქართველ მასწავლებელს, რისთვისაც მზად არიან ყოველივე ხარჯი იკისრონ. „ჰანი, ბატონო, პატრონი?! — ასე დააბოლოლავს ჩემთან საუბარი რენელმა ქართველებმა.

მხოლოდ ის კი უნდა ვთქვათ, რომ მასწავლებელმა ქართულთან ერთად თათრული ენაც უეჭველად უნდა იცოდენ, რადგან ჯერჯერობით საჭიროა მოზუნებულთათვის, რომელთაც ქართული ენა ნაკლებად იციან.

თუ არა და ეს თხუთმეტი კომლი ქართველობა ხომ ქართლიდან მოსულა და აქ, რეხაში დასახლებულა, რომელნიც, ვინ იცის, ესლა ას სულზე მეტი არიან. ამით, ამ ას სულს, რაღა ბრალი აქვთ, რომ ძალაუნებურად დამახინჯებული ბერძნულ-თათრული მოისმინონ...

# მტკვრის სათავეებთან

უწინდელი ზემოქართლი და მტკვრის  
სათავე

სოფელ კაზნაფარიდან მტკვრის სათავემდე კიდევ 40 ვერსი დამრჩა გასავლელი. აქ ვიქირავე ერთი ჯაგლაგი ცხენი თავისი პატრონით. წინამძღოლ ქურთს უნდა ეჩვენებინა სათავე, სწორედ ის ადგილი, საიდანაც ჩქეფს და გადმომდინარეობს ჩვენი მტკვარი, ეს უდიდესი და უდიდებულესი მდინარე მთელი საქართველოსა.

კაზნაფარიდან ნასადილევის სივრცლით გამოვედით. ვიდრე მზე ჩავიდოდა, ვზადაგზა ამ ერთფეროვანი, მოტიტვლებული ქვეყნის ახლად ნახვა, მისი არემარე მაზალისებდა, მთა-ლეღეთა სურათებით ვერთობოდი.

აგერ, დასავლეთს ცეცხლი მოედო, მზე ჩადიოდა, გორას მოეფარა, ქვეყანას ფერი ეცვალა. სხივი მთაკლდა, ჩრდილმა დაფარა. ერთი შეხედვით დასავლეთის ცას! გრძნეულმა ბუნებამ ერთი კალმის მოსმით რა ბრწყინვალე, მომხიბლავი, რა საუცხოო სურათი დახატა! ვიშ, ბუნებავ, რა თვალთმაქცი რამა ხარ... რა ფერადებით აგიჭრელებია ეგ ღრუბელთა ქარავანი... აბა, ვინ აღწერს მაგ დიდებულ სურათს...

რამდენადაც მზე ძირს იწეკდა, იწურებოდა, ანთებულ ღრუბელთა ფერადებიც საუცხოოდ იცვლებოდა. მთლად არემარე ბინდმა მოიცვა, მთის სილუეტები მოჩვენებასავით შავად მოჩანან, მეღანდებიან... ღამდება. ცაშიაც რაღაც სამზადისია — ზოგან შავი ღრუბელი, ზოგან მკრთალი სინათლეა, ბნელთა სამეფო ჯერ მთლად არ დამკვიდრებულა. ცოტა ხანიც და... აღსრულდა კანონი ბუნებისა... ღამემ დღე სრულიად შეცვალა.

ჩემი „ჩინგრონი“ ქურთი, მხარზე კომბალგადავადებული, უღარღელად თავმოწმონედ მიმიძლოდა. ბუნების სურათები არა ხიბლავდა, ამას ქირა უხაროდა. მომწყინდა ბნელაში ფრატუნის და კაეშნის გასაქარვებლად ჩემი დამტკრეული თათრულით რამდენ-



ჯერმე დავუყვირე კიდევ ქურთს „ჰანი მარჯან-სუ“-მეთქი. ქურთმა წეკო გააბოლა, პირიდან ჩიბუხი გამოიღო და „ოლურ-ოლურ“ მომაძახა, ცხენი შედგა და კაჭაჭებს დაუწყო კორტნა!.. დაბრიყვე-ბაც ასეთი უნდა! ჰო, თქვენმა მზემ! არა და... რაცა ხანია ტაატით მივყავდი, მაგრამ ისე ვიყავი მოჯადოებული ცის სურათებით, რომ ვის ეცალა... აღვირს სულაც მივანებე თავი...

ახლა კი მომივიდა ჯავრი! ჩანს, თავისუფლებამ მოვალეობა დაავიწყა ჩემს ჭკვიან პირუტყვს და, რომ უარესად თავს არ გასულიყო, აღვირის ტოტები ისევ ხელთ მოვიკრიბე, ამოვკარ ლაგამს, ცხენს კისერი დავუმოკლე და გულმოსულმა თრიოდ მათრახი გადავუჭირე... მერე კი... ეს ბატონობაც მომბეზრდა, ისევ ცას მივმართე.

კარგა დაბნელდა. მოღრუბლული ციდან, აქეთ-იქიდან ცბიერად ბუტავდნენ კეკლუცი ვარსკვლავნი... ჩემს არარაობას. თუ დასცილდნენ, მეტადრე აგერ, ა, ის დიდი ვარსკვლავი, რომელიც პლანეტა... თითქოს ბუტიაობას მეთამაშებო, ძლიერ ჩამაცივდა — ხან ღრუბლებში მემალება, ხან კი ისევ მინათებს სრული მშვენი-ბით.

ეჰ, ვარსკვლავო, მშვენიერო ცის მნათობო... ნეტავ რა მქნა, გადარამქნა, მეც შენსავით კეკლუც ვარსკვლავად მაქცია, შენთან ამომაფრინა, შენი გულის პასუხი მაცნობა, შენზე უკეთ აბა ვის ეცოდინება, ვარსკვლავო, რაც ამ არემარეში საქმენი მომხდარა. მითხარ, მიაბზე, რა იქნა, სად გაქრა ქართველთა ის ძლიერი სული, ის განთქმული, გაჩაღებული სიცოცხლე, რომელიც აქ, ამ ზემო ქართლში დულდა და გადმოდიოდა?! აღარ შეჰხარის აქ სული დავით დიდის კურაპალატისა, თამარ მეფისა და წმ. მამათა საღმრთო რჯულის მთარგმნელთა-მოწესრიგეთა. იმათ საგმირო საქმეს აქ ქვანილა ღალადებენ, მნათობო!.. ვინდა ეპატრონება ახლა მათ ციხე-კოშკებს, საყდარ-მონასტრებს, რომელნიც ასე უხვად არიან აქ გაფანტული, გავერანებული: სადღაა, ვინღაა?! აგერ მესამე დღეა მოვდივარ და ადამიანისთვის ქართულად ხმა არ გამოცია.

მაგრამ რას ვეკითხები შენ, ათას საუკუნეთა მოწამევ, ცისა მნათობო?! აბა, ოცნებაც სწორედ რომ ამისთანა უნდა... განა მე ბევრი ვიცი, დღეს ჩემმა ცხენმა რამდენი ჭიანჭველა, ჭიანჭველა, ხოჭო-პეპელა ფესქვემ გასრისა?! ცად და ქვეყნად განა რა არის

უძრავი და უცვლელი, რომ სამეფო შერჩეს დაურღვეველი. ან  
 თვით შენ, დიდებული ვარსკვლავო, განა უძრავი და უცვლელი  
 ხარ? განა შენ კი შეგვრჩება მარადჟამს ამ ცაზე ბატონობა,  
 მნათობობა?!

შევადარე ჩემი თავი უწინდელ მეზღვაურთ, როდესაც ჯერ კიდევ  
 კომპასი არ იყო მთვინილი და ღამის წყვილიადში აღარ იცოდნენ,  
 საით მიემართათ გემ-ხომალდის დინგი, გაეშალათ, გაბედულად  
 აეფრიალებინათ, თუ ჩამოეშვათ, აეკრიფათ ნავის აფრა-იალქნები.  
 ის ბრჭყვიალა ჩემი ღამაში ვარსკვლავიც დამიბნელდა, შავმა  
 ღრუბლებმა შთანთქქეს, მეც მივენდე ცხენის ფეხთა კუნთების ძა-  
 ლას და ქურთის შავ თვალებს, რომელნიც ამ უკუნეთ ბნელაში ისე  
 უნათებდნენ, როგორც კატის ყველა ნათესავი: ლომი, ვეფხვი, ავა-  
 ზა, კატუნი, ფოცხვერი, ყურშა და სხვა.

შუღამე იქნებოდა, როდესაც შორით გამოჩნდა გზის მაჩვენე-  
 ბელი ვარსკვლავით, ცეცხლის სინათლე. თურმე მივატანეთ  
 ორდანას ნასოფლართან ქურთ-მწყემსების ბინას. გამამხნევა  
 ცეცხლის შუქმა! უფრო კი მის მიხაროდა, რომ გულს მოვითბობდი  
 შუაცეცხლზე.

წარმოიდგინეთ, რომ დამდეგ მარიამობისთვეშიაც კი ეს გვერ-  
 დები საგრძნობლად გამიცვივდა. არცთუ საკვირველია! ამ უტყეო,  
 შიშველ მთებზე, ღამ-ღამობით ზაფხულშიაც კი შეიძლება უარესა-  
 დაც აცივდეს, რადგან ექვსი ათასი ფუტის სიმაღლეზე ავბობდით.  
 იანგარიშეთ, შავი ზღვის პირიდან (თაროზიდან) ვერს-ნახეკარი  
 სიმაღლე; ანუ ჭორთხის შესართავთან დაურჭეთ ზღვის პირას ბო-  
 ძი ორი ათასი ადლის სიმაღლე, ჰოდა, იმ ბოძის მწვერვალზე ენ-  
 ლა ჩვენ ვმოძრაობთ, ვჯამბაზობთ. ბუნების გარდუვალი კანონია:  
 მაღალ ადგილებზე ჰაერი თხელია, გაფანტულ-დაქსაქსულია, ამი-  
 ტომაც მზის სხივები დღისით ძლიერ ადვილად ასურებენ აქაუ-  
 რობას, ღამით კი სწრაფად აცივდება ხოლმე. რადგან დღი-  
 სით ადვილად აკრეფილი მზის სითბო-სიმხურვალე ისევ ადვი-  
 ლად იფანტება ცის სივრცეში. ამგვარადვე, წვიმის სისველე-  
 სინოტივე მთაში უფრო ადვილად და ჩქარა შრება, ვიდრე ბარში.

მიუზახლოვდით ქურთთა ბინებს. აგერ ერთმა ძაღლმა შეჰყეფა  
 კიდევ. მის ზარმაც ყეფას სხვებმა უფრო ძლიერი ხმა მისცეს,



ატხეს აურზაური და ყეფა-ხვნეშით ჩვენსკენ გამოქანენ ჩვენსკენ  
ქურთმაც დროზე მოიმარჯვა შინდის კომბალი და გაჯავრებულმა  
დაუყვირა კიდეც ქურთებს... იქიდანაც წამოვიდა ხმა: „ოშტ! ოოშტ!“..  
ძაღლებს უჯავრებოდნენ, წინ მოგვეგება რამდენიმე მწყემსი ვა-  
ნუსყრელი კომბლებით და ძაღლებიც ყეფა-წკავწკავით დაგვშორდ-  
ნენ...

— ევარატაბხერ! (სალამო მშვიდობისა), — დავუქურთულე მას-  
პინძელს, რომელმაც სალამი დამასწრო. კარვის წინ გარს შემომე-  
ხვივნენ და ისე დამხუთოდა მუხლები, ჩამოხტომის მაგიერ ცხენი-  
დან ჩამომიძღეს.

გამიძღვა წინ მასპინძელი და თავიანთ შავნაბადა კარავში შე-  
მიპატიჟა, კერიის წინ გამიშალეს თეთრი საგები ნაბადი, ზედ  
ჭრელი ხალი და მუთაქა. მე ჯერ ხელები მოვიტებე და მოკეცვა  
რომ ვერ მოვანერხე, იქვე წამოვწექი და, უზრდელობად რომ არ  
ჩამოერთმიათ, გაჭიმულ ფეხებზე მივუთითე, „ბურდა აღრიერ“,  
მუხლები მტკივა-მეთქი...

ქოხის მოფარებული კუნჭულიდან რაღაც ჩურჩული და ზოდ-  
რაობა შემომესმა; რამდენიმე წამიც და, უფროსი დიასახლისა წა-  
მოვიდა კერიისკენ. ყოჩაღად წამოვდექი. სალამი მომცა, მივესალმე.  
ჩემდა პატივისცემად, ამ ჩემი ცოდვით სავსემ, შუაცეცხლს წივა  
მიუმატა, სუნს ჯანი გავარდეს, აბოლდა სამინლად. ამათ, ჩანს,  
ერთი პირი ძილი კიდეც გამოუცხვიათ, დიდრონ შავ თვალებს  
მნიარულად მიმიზნებენ ქურთი ახალგაზრდა ყიზე-ქალები. ესენი  
მგონი ვახშმის თადარიგს შეუდგნენ, რის წინააღმდეგაც ვიყავი;  
მაგრამ ვერა გავაწყე რა...

ველარ შევიმაგრე თავი და თავზე ნაბადწაპურულს წაოთვლიმა  
გვარიანად, მაგრამ რაღაც ჩოჩქოლი შემომესმა და წამსვე წამოვ-  
ჯექი. მოჩვენებასავით დავინახე, კარავში ფეხი შემოდგა ერთმა  
კიკინებიანმა მოხუცმა და სალამი მომცა:

— გამარჯობა, ბატონო-ე, სალამო მშვიდობისა-ე...

— აი, გაგიმარჯოს, ჩვენი ებრაელო! შენ რაღამ გავაჩინა აქ?

— ღმერთმა-ე... ეჰ, ჩვენი საქმე ვინ იცის, პატარა ასაღები  
მქონდა და თანაც...

— შენი სახელი?

— დანიელ კობაშვილი, ბატონო.

— თვითონ ბატონო. აბა დაბრძანდი, დანიელ. შენ თითქმის ქეიფზე ვერა ხარ...

— არა, კნიაზ, ღმერთმა დაგვიფაროს ამ უალაგო ალაგას... ამათ მიძინარე წამომახტუნეს „ადე, გურჯი კნიაზი მობრძანდა, წამოელაპარაკე რამეთ“...

— იცი, დანიელ, ამათ კარგად მოუსაზრებიათ, ძლიერ მეამა შენი ნახვა. იცი რა? ერთი ბოდიში მომთხოვე დიასახლისთან, ნება დამართონ ჩემი ზურჯინი გავხსნა... იცი რა, დანიელ, მოდი, მაჰმადის გამოჯავრებული ჯერ თითო გადავკრათ და მაშინ უფროს ქეიფზე მოხვალ.

— კარგია... რად ირჯებით... ღმერთმა გადღეგრძელოს, კნიაზ, მშვიდობით გამგზავროთ...

— შენც გაგიმარჯოს, ჩემო დანიელ, მაგრამ იცი რა, სწორედ გითხრა, შენი სახის მეტყველება, ეგ თოვლივით თეთრი წვერულვაში გამხელს, რომ შენ ნაკითხი კაცი უნდა იყვე... სწორედ მოსე წინასწარმეტყველს გავხარ.

— არა, ბატონო, მე, მართალია, სახამი კი ვარ, მაგრამ იმათთან რა შესადარებელი ვარ. მამაჩემი ახალციხიდან გადასახლებულა. არზრუმს, იქ ვაჭრობა ცოტა კარგად ვერ წაუვიდა და ახლა მე ისევ აქაურობას დავუბრუნდი. არტაანში ვხახმობ. ნათქვამია, სადაც სარჩო არისო, იქ ურიაც არისო.

— ესე იგი, შენ სომხურ ანდაზას იმეორებ, დანიელ: „ურდელ ჰაც, ენდელ კაც“. აბა, ერთი დანიელ, ამ მასპინძლებსაც შევთავაზოთ კონიაკი. რა უშავს, ეს ხომ ღვინო არ არის?

— ე... კნიაზო და, ღმერთი გადღეგრძელებს, ერთი თქვენი სახელი გვიბრძანეთ...

— არა, დანიელ, კნიაზს ნუ მეძახი, უჩემოდაც მადლობა ალაჰს, ბევრნი არიან... ჩემი თუ გეკითხება, მე ხეთი ვარ, ხეთელი.

— მცხეთელი, ბატონო?

— არ ვიცი. იქნება მართლაც. მას ჟამსა შინა, თქვენი პალესტინიდან ხეთები იმ ალაგას დასახლდნენ, სადაც არაგვი მტკვარს ერთვის!.. მაგრამ არც იმ ზემო და ქვემო ხეთიდან ვარ, გურიიში რომ სოფლებია. ხედავ, დანიელ, რა კარგი ვახშამი გაგვიმართეს მასპინძლებმა... აბა, კონიაკზე როგორა ხარ?..

— გმადლობთ. ბატონო. მაგრამ, ე თუ უკაცრად არ გახლდე-



ბით, კნ, ბატონო, აქეთკენ მაინც რისთვის გარჯილხართ დაგლამებიათ?

— მაგის პასუხად იცი რას გეტყვი, დანიელ... მოდი და, ხათრის გულისათვის ერთად წავიდეთ მარჯნის წყაროს სანახავად. მაგრამ ჯერ მზე, მერე მარჯნის წყარო. შენ გინახავს აქ მზის ამოსვლა? იცი, ზედ მთის წვერზე უნდა ავიდეთ! მარჯან-სუ ხომ გაგივია?

— ე, მარჯან-სუ როგორ არ ვიცი, მტკვრის სათავეა, მაგრამ შე დალოცვილო და, მზის სანახავად იქ რომ არ ავიდეთ, განა აქ კი მზე არ ამოვა?!

— არა, ჩემო დანიელ, შენ ერთი გაისარჯე, უბრძანე ჩემს ქურთს ქარვან-ყრანი ამოვიდეს თუ არა, მაშინვე გამადვიდოს, მზის ამოსვლამდე უნდა ზედ მთის მწვერვალს მოვექცეთ... მაშ კენ ჯერ არ გინახავს, დანიელ, მზის ამოსვლის დიდებული სურათი?!

— დმერთმანი, ბატონო, სჯობს ამაღამ ძილი არ გაიტეხოთ, და დღისით-მზისით ყველაფერს მადლი აქვს.

— არა, დანიელ, ხათრს ნუ გამიტეხ. მერწმუნე, რომ არ ინანებ.

— მაშ, დამე ნებისა, ბატონო! ე მაგას ყველაფერს ავასრულებთ, მაგრამ რჯულის მადლმა, რომ დაიღლებით!

11

სარიპარია ვარსკვლავი (ქარვან-ყრანი) საამოდ დადღადებდა. მე და დანიელმა თითო ჯამი ცხელი რძე გეახელით „პრიკუსკით“ და მთის მწვერვალისაკენ გზას გავუდექით. ამა ალავას მთის კალთა დაცემული ვაკეა, 6000 ფუტზე უმაღლესი.

მტრედისფრად ინათა და მერე კი ქარმა საიდანღაც მორეკა მთელი ქარავანი ნისლისა და ღრუბლებისა. ნამბინარევს დილის სუსხმა საკმაოდ მაგრძნობინა. არ სციოდა მხოლოდ ჩემს ცხენს და მის პატრონ ქურთს, რომელიც წინ მიმიძლოდა... მაგრამ დაილოცოს, შავო ნაბადო, შენი მომთელის, შემკერავის მარჯვენა; ისე გავეხვიე, როგორც ბაღლი დედის უბეში.

— აბა, ისრაილო, რას გაწუმებულხარ! იქნებ მემდური, რომ ამ სისხამ დილას გზას გაგიყენე? ხომ არ გცივა?

— არა, რჯულის მადღმა... სიარულში ვანა კაცს შესცივავ

— მართალი ხარ, დანიელ, ხახუნი, გლეხვა და ყოველგვარი მოძრაობა უეჭველად სითბოს აჩენს. სითბოს კი არა, ცეცხლსაც გააჩენს. ამბობენ, დანიელ, პირველად ცეცხლი ველურმა ხალხმა გააჩინაო და იცი როგორ? თურმე აიღეს ფიჭვის ხის ორი ნაჭერი და ერთიერთმანეთს იმდენ ხანს უსვეს, უხახუნეს, ვიდრე ცეცხლის ალი არ გამოჩნდაო. ეგ რად გინდა, აბა, ურმის თვლის ღერძს საპონს ნუ წაუსმენ, იჭრიალებს, იჭრიალებს და აინთება.

— მე და ჩემმა ღმერთმა, ბატონო, ეგ მართალი ვახლავთ, ამ თათრების ურმის ჭრიალს თუნდ ათ ვერსზე გაიფონებს კაცი...

— ჰოდა, დანიელ, ეგ ყოველივე ცხოვრების კანონია. თვით სიცოცხლე რაღაა? სიცოცხლეც სხვა კი არაფერია, მოძრაობაა, ცხოვრების მოვლენაა. აი, ახლა რომ მოძრაობ, ფეხით სიარულის დროს შენი სხეული მეტ მოძრაობაშია, შენს სისხლში ამ დროს მეტი მჟავაა იწვის, ამიტომაც მეტ სითბოს აჩენ.

— იცი, რა მოგახსენოთ! ჩემი რჯულის მადღმა, ყველაფერი ღვთით არი...

— მერე ვინ ამბობს, დანიელ, რომ ღვთით არ არის? მაშ ეს მსჯელობა, ჭკუა-გონება, მეტყველება ვანა ღვთით არ არის? ყოველივე ეს ღმერთმა მოგვანიჭა სწავლა-მეცნიერებისათვის, განვითარებისათვის. „იყავით მეცნიერ, ვით მამათქვენი ზეცისაო“. ღმერთს რომ ადამიანებისთვის აზროვნების, კვლევა-ძიების უნარი არ მიეცა, აქამომდე პირუტყვის მდგომარეობაში იქნებოდა. ადამიანის გონება ერთ წერტილზე ვერ ჩერდება, ვერა და ვერა, მარადიანად კვლევა-ძიებაშია, სწავლაშია, მოუსვენრობაშია. აგერ ახლა კიდევ ლამობს ჰაერშიაც ისე იმოგზაუროს, როგორც წყალზე და ხმელეთზე. ისე უნდა ჰაერშიაც ინავარდოს, როგორც ფრინველმა... შენ ერთი, ე მაგ ქურთს დაუთათრულე, ჯერ მთის წვერზე აგვიყვანოს და წყაროზე კი მერეც ჩავალთ! თუმცა ღრუბლიანი დილა დაგვიდგა, მაგრამ ნათქვამია, ცდა ბედის მენახვერეაო... იქნება მზის ამოსვლას ვეღარ შევესწროთ, აგერ მეშვიდე საათია, მაგრამ...

— ღმერთმანი, ბატონო, დაილღები, ეს ქურთი მოგახსენებთ, ამას ზევით ცხენის გზა აღარც კი არისო და აბა, იმ სიმაღლეზე, კლდეებზე როგორ უნდა ავფოფხდეთ?

— ავფოფხდეთ კი არა, დანიელ, ჯიხვივით ავირბენთ! მართლაც



რომ ძნელია ცხენით სიარული... დეე, ქურთი აქ დარჩეს...  
 აძოვოს და მე და შენ კი... შენ მე მომყე, დანიელ. ჰოდა, აი ასე...  
 აბა ცოტაც ამ კლდეს ავსცდეთ და იქით კი მგლის ნავალია, რას  
 ამბობ, დანიელ, მზე იქით იყოს, ამ 8000 ფუტის სიმაღლიდან მთელ  
 ქვეყანას ოთხსაკუთხით რომ გადავხედავ, მთელ სიცოცხლედ  
 ღირს. აბა, ჰო... ნუ გეშინია...

— რჯულის მადლმა, არ შეშინია, მაგრამ...

— ახლა რაღა, ავედით კიდევ. შე კაი კაცო, ამ ტახტს ხედავ,  
 თითქოს განგებ ჩვენთვის მოუვაკებიათო. იცი, კუდიანობის ღამეს  
 ფერხულს აქ ჩააბამენ ხოლმე... ჰა, დანიელ, შენ რას იტყვი? შენ  
 ხომ გწამს არაწმიდა სული?

— დამაცათ ერთი, ღმერთი ვადღეგრძელებდეს, ე... სული მო-  
 ვიბრუნო!

— გავიხედოთ, დანიელ, ვიშ, რა მშვენიერი გადასახედა! აგერ  
 აქეთ, დასავლეთისკენ შავი ზღვა დელავს, ტრაპიზონია, ჩვენ წინ  
 აჭარა-ლაზისტანია, აგერ სამხრეთისაკენ — ბაიბურთი, არზრუმია,  
 ჩრდილოეთისკენ ხედავ ბუმბერაზი კავკასიონის მთაგრეხილს,  
 მდევივით რომ ორ ზღვას შუაა. აი, რა ახლოს ჩანს თქვენი ნოეს  
 არარატიც... იცი, დანიელ, ამ ჩამოთვლილ საზღვრებში ოდესღაც  
 სრული ძლიერებით ყვაროდა ჩემი სამშობლო ქვეყანა, საქარ-  
 თველო...

— რჯულის მადლმა, არარატი ჩვენია, ბატონო!

— ფეშქეშ, დანიელ, შენთვის მითავაზებია! არადა, არარატს  
 რა თავმომწონედ ყელი მოუღერებია. მოიცა, დანიელ, ერთი დურ-  
 ბინდით გავსინჯოთ. ვიშ, რა მშვენიერებაა! ხედავ, დანიელ, რო-  
 გორი ბუმბერაზი დარაჯობს რუსეთის, სპარსეთის და ოსმალეთის  
 საზღვრებს!

— ჩემი რჯულის მადლმა ე... ნოე მანდ გადარჩა წარღვნას. მეც  
 მათხოვე ერთი ეგ დურბინდი.

— მოიცა, დანიელ, გინდა ნოეს კიდობანსაც დაგანახვებ... მაგ-  
 რამ არა, ცოდვა ხარ. აჰა, ახლა შენ გაიხედე... ხედავ, დანიელ?

— ვხედავ, რჯულის მადლმა, კარგად ვხედავ...

— ჰოდა, დანიელ, ეგ უშველებელი ორივე მთა, დიდი და პა-  
 ტარა არარატი, ვულკანის ნამუშევარია. ოდესღაც, ვინ იცის, რამ-  
 დენი ათასი საუკუნის წინათ, მიწის გულიდან ამოუხეთქავს

ცეცხლს, უგრიალია დაგუბებულ გაზს და ორთქლს ამოუსროლსა აუარებელი გავარვარებული ლავა და ვინ იცის, იქნება ყოველწლივაც ამოქუხდა, თუმცა კი გამოკვლეულია, რომ არც ერთი ეს-ლანდელი ვულკანი წესიერად ყოველწლივ არ მუშაობს. ვულკანები დედამიწის სასულეები არიან, როცა ბოლმა მოადგება, სული შეესუთება, მაშინ ამოისლოკინებს, ამოიქშინავს.

— კაი, ბატონო, ღმერთი ვადღეგრძელებდეს.

— ჰოდა, დანიელ, აბა იანგარიშე, რამდენი საუკუნე დასჭირდებოდა არარატის მთის ოდენა რომ აშენებულიყო, ერთი რიგი რომ ამოხეთქავდა, გაციების შემდეგ ადუღებული ლავი ახლიდან ესხმებოდა... ზოგჯერ ლავის გაციებას სჭირდებოდა ასი წელიწადი. მეცნიერმა ჰუმბოლდტმა, ამერიკაში მოგზაურობის დროს, 70 წლის ამოხეთქილ ლავაზე პაპიროსი მოუკიდა.

— მოგეხსენებათ, ბატონო, რომ ქვეყნის შექმნიდან მოსეს დებულებით 5670 წელი ითვლება.

— არა, ჩემო დანიელ, ფიცი მწამს, ბოლო კი მაკვირვებს. ე მაგრე მცირე ხანში 16916 ფუტის სიმაღლის მთა ვერ აშენდებოდა. გაციებით, კი, ჩანს, დიდი ხნის გაციებულია, რადგან დღეს აგერ ძირს, კალთებზე პამბა და ბრინჯი მოჰყავთ, ყოველნაირი ხილის მშვენიერი ბაღებია გადაჭიმული და ვენახებიც ბლომადია. ამათ ზევით ატენილია ფოთლიანი ტყე, მეტადრე ბევრია არყი, რომელიც თავისი თეთრი ტანით ამშვენებს მიდამოს; ტყის ზემოთ ბუჩქნარი იწყება და უფრო ზემოთ ხშირი, ალპური ბალახეულობა ასდევს, ვიდრე თოვლის ქობა დაიწყებოდეს.

— რჯულის მადლმა, სასარგებლო მთა ყოფილა. შავ საბალახო ადგილებში რამდენ საქონელს დაასუქებენ... ჰაი გიდი, ჰა!

— აგერ, როგორც ხედავ, ორივე მთის წვერი შაქრის თავებს რომ ჰგვანან, უშველებელი უღლით არიან დაკავშირებულნი. ეგ იმას ამტკიცებს, რომ ორგან წარმოებდა მუშაობა, ორგან არის ამოხეთქილი. მართლაცდა პატარა არარატი 4000 ფუტით დაბალია თავის უფროს ძმაზე.

— ბატონო, წარღვნა როცა იყო, ხომ სულ მთლად დაფარა მთელი ქვეყანა? ალბათ არარატიც მაშინ ჩააქრო წყალმა და გააცია კიდევ.

— შენ, ჩემო დანიელ, როგორც ვხედავ, ვერ წარმოგიდგენია





ვულკანის ძალა. აი, მე შენ რა ვითხრა: მაგ მთის ჩრდილოეთით უშველებელი ნაპრაღია კლდისა, რომელიც ვულკანს გაუხეთქავს. საშინელი ღრმა დეღეა. იმ ადგილს სომხები წმ. იაკობის დეღეს უძახიან. ჰოდა, 1840 წელს იძრა მანდ დედამიწა, ამოხეთქა გახურებულმა ლავამ, ცეცხლის ტალახმა და თვით მონასტერი წმ. იაკობისა და მის ახლო მდებარე სოფელი არხური სულ მთლად წალეკა და გახურებულმა ლავმა დამარხა.

— ეგ, ბატონო, რისხვაა ღვთისა და სხვა არაფერი.

— მოიცა, დანიელ, მომეცი ეგ დურბინდი, ახლა უფრო მშვენივრად ჩანს მზეზე... გამოცდილი კაცები ამბობენ, რომ არარატი 200 ვერსის სიშორიდან ჩანსო, ამას იმით ხსნიან, რომ არარატი განმარტოებული, ყელმოღერებული ობლად დგას თოვლის სარუხიანი ქუდით. თანაც ჰაერის სიმჭვირვალე და ლაჟვარდი, მოწმენდილი ცა თვალს უადვილებს ამ ბუმბერაზის დანახვას, თოვლის ქობაც თურმე იმიტომ იწყება მაღლა, რომ იქ თოვლი ნაკლებ მოდის და მზის სხივები კი ყოველი მხრიდან უდგება, ირგვლივ ძალზე აცხუნებენ.

— რჯულის მაღღმა, ნოეს კიდობანი მაგ თოვლში თუა გაყინული!

— იცი, დანიელ, არარატს სომხები მასისს ეძახიან და ძლიერ წმიდა ადგილადაც მიაჩნიათ. ჰოდა, სომხური გადმოცემა სუფევს, რომ წმ. იაკობმა ლოცვისა და მარხულობის შემდეგ რამდენჯერმე სცადა მასისზე ასვლა, უნდოდა ენახა ნოეს კიდობანი, მაგრამ მთის შუა წელამდე ვერც კი უწევდა ხოლმეო. ერთხელაც ღმერთმა უსმინა ვედრება, გამოეცხადა ანგელოზი და კიდობანის ფიცრის პატარა ნატენი გადასცა: „აი, ეს იყოს შენი ნუგეშით, ხოლო მთის მწვერვალზე ამოსვლას და კიდობნის ნახვას ადამიანის ძე ვერ ეღირსებაო“...

— რჯულის მაღღმა ე, ეგ მართალია, როგორ შეიძლება ადამიანის ფეხი მაგ წმიდა ადგილას მოხვდეს და ნოეს კიდობანს ხელი შეახოს!

— ეგ, ჩემო დანიელ, რაც უწინ შეუძლებელი იყო, ახლა მეცნიერებისათვის ადვილი გახდა. უწინ ვიდრე მთის წვერს უწევდი, ყოველი კლდიდან თითო ეშმაკი მოგელანდებოდა. ახლა კი, მაგ ზღაპრებით ვედარავის მოაღორებ. და თუ ძლიერ გააჯავრებ, ახლა

ავლენ კი არა, აფრინდებიან. ჰოდა, ყველაზე პირველად 1829 წელს არარატზე აკადემიკოსი პარტოტი ავიდა ფეოლოროვის თანხლებით. მას შემდეგ მეცნიერნი უფრო წახალისდნენ. 1835 წელს არარატზე იყო სპასკი-აგტონომოვი, 1845 წელს აკადემიკოსი აბიხი, 1850 წელს გენერალი ხოდზკო და ხანიკოვი, ხოლო უკანასკნელად 1854 წელს სწავლული მორიცი ავიდა. მეტადრე ბოლო დროს ამ სამმა მეცნიერმა ზედ მწვერვალზე ბევრნაირი ფიზიკური იარაღი დატოვეს, მაგალითად, სიცივის საზომი, სპირტის თერმომეტრები და სხვა.

— ე, ბატონო, და კიდობანი კი ვერ ნახეს...

— რას ამბობ, დანიელ, განა კიდობანის დარდი ჰქონდათ, ეგენი მეცნიერული მიზნით აღიოდნენ. ვაი, რომ დრო არა მაქვს, თორემ მე წავიკითხავდი, თოგორ აღწერს გენერალი ხოდზკო არარატზე ასვლას. ახლა კი ჩავიდეთ, დანიელ, ჩვენს ქუროს მივხედოთ, თორემ გაგვეპარება. ხურჯინი არ დამიკარგოს, მე უფრო ის მაწუხებს, წიგნებია შიგ, ქაღალდები, რუკა...

— არა, ბატონო, მაგას როგორ იზამს. თუმცა ურჯულთა, მაგრამ პატიოსანი ხალხია.

— აბა, ჩემო დანიელ, თითქოს ნაკითხი კაცი ხარ და შენც კი ცდები. ქურთები ურჯულონი არ არიან. მაშასადამე, იმავე ჭეშმარიტ ღმერთს სცემენ თაყვანს, რომელსაც თქვენ, ისრაელები და ჩვენც, ქრისტიანები. მეტადრე თქვენთან, ებრაელებთან, ახლოს დგანან რჯულით, რადგან თქვენ აღიარებთ მხოლოდ ელვას და მაგათაც სწამთ მხოლოდ იგივე ერთი ღმერთი, ჩვენ კი სამებას ვაღიარებთ.

— არა, რჯულის მადლმა, მაგრე არ არის.

— ადე, წავიდეთ! არა კი არა, მაგრეა, ღორის ხორცს არც ეგენი ჭამენ და ბევრი რამ საერთო კიდევ გაქვთ. აბა, ჰო! ადე წავიდეთ. შე კაი კაცო, აქამდე ამოსვლა არ გინდოდა და ახლა ჩასვლა?!

— რჯულის მადლმა, მე იმის ჯავრი ჩამყვა, ი კიდობნის ამბავი რომ არ მიაშბე.

— რომელი კიდობნისა? თქვენ ორი კიდობანი გქონდათ: ერთი იყო კიდობანი აღთქმისა, რომელშიაც ათ მცნებას, ქვის ფიცარზე დაწერილს ინახავდით და მეორეც იყო ნოეს კიდობანი. ის აღთქმის კიდობანი და რაც მასში ინახებოდა, დიდი ხანია დაიკარგა. უკანასკნელად რომაელებმა იერუსალიმის ტაძარი რომ დაანგრიეს

და დაწვეს. ეს კიდობანი წმიდათა-წმიდაში იდგა და მაშინ დაიდუ-  
ბა. თქვენი ბედიც, ჩემო დანიელ, მაშინ იმ ქვებთან ერთად დანი-  
მარხა.

— არა, რჯულის მადლმა, ღვთის მოცემული ათი მცნება რო-  
გორ დაიკარგებოდა?

— მცნება არ დაღუპულა, ქრისტიანობამაც მთლად მიიღო, მაგ-  
რამ ის ათი ფიცარი ქვისა, მოსემ რომ სინაის მთიდან ჩამოიტანა,  
ის ქვები კი, რაზედაც ეწერა, აღარსად ჩანს, მოისპო. გავწოთ,  
დანიელ, წავიდეთ და გზადაგზა გვიამბო. ჰოდა, ასეა საქმის ვითა-  
რება. ესლანდელმა მეცნიერებამ, ჩემო ბატონო, ყველაფერს პირს  
ბადე ახადა. იძიეს, იკვლიეს და იცი რა აღმოჩნდა? ისა, რომ  
წარღვნის ლეგენდა ანუ ზღაპარი ყველა ხალხში აღმოაჩინეს.

1872 წელს ასურეთის კარგად მცოდნე მეცნიერი ჯორჯ სმიტი  
ქალაქ ნინევიის ნანგრევს თხრიდა და სხვათა შორის აღმოჩნდა  
დიდებული წიგნთსაცავი ასურბანიპალისა (მეფე იყო). აქ, ამ თი-  
ხის კრამიტებზე (სამი წყება) დაწერილია ქვეყნის წარღვნის ამბა-  
ვიც. ეს ქალდაველთა მოთხრობა თითქმის ისევე აგვიწერს წარღვ-  
ნის ამბავს, როგორც თქვენი ბიბლია. წყალთა ღმერთმა ნუამ  
უბრძანა ხაზინადრას, აეშენებინა კიდობანი სივრძით 600 წყრთა  
და სხვ.

— არა, ბატონო, ნოეს კიდობანი 300 წყრთა იყო.

— დამაცა, დანიელ, ეგ სულ ერთია. ჰოდა, იმ კრამიტებზე ისიც  
კი გამოანგარიშებულია, რამდენი ხნის სარჩო შეიტანეს კიდო-  
ბანში და სხვა. ინდოელები ასევე მოგვითხრობენ, ხოლო ღმერთმა  
კი არა, თევზმა უბრძანა მანუას. სპარსელებს და ჩინელებსაც თა-  
ვისებური ნოე ჰყავთ. უწინდელ საბერძნეთშიაც რამდენიმე გარდ-  
მოცემა სუფევდა. დეკალითონი და პირი თესალიაში გადარჩნენ  
წარღვნასაო, ხოლო ბოეთიაში ნოეს მაგივრად ოგიგეს ასახელე-  
ბენ. საკვირველია, რომ ეგვიპტეში არაფერი სცოდნიათ რა ქვეყ-  
ნის წარღვნისა. ესენი ბევრსაც დასცინოდნენ ბერძნებს ბალები  
ხართო, რაღაც ზღაპარი მოგიჭორავთო. ამერიკაში, სახელდობრ  
მექსიკაში, იმგვარივე გადმოცემას პოულობენ, როგორც მოსეს  
ბიბლიაშია, ხოლო მექსიკელების ნოეს „კოკს-კოკსი“ ჰქვია. 1609  
წ. ერთმა ჰოლანდიელმა პეტრე იანსენმა, ქალაქ გოორნეში ააშენა  
ხომალდი სწორედ იმ კიდობნის ზომისა და იმ მოყვანილობა-



ფორმისა, როგორც დაბადებაშია აღწერილი. აღმოჩნდა, რომ მართლაც ამგვარი მოყვანილობის გემი უფრო მეტს იტევს ხალხსა და საქონელსაც. ესეც გეყოფა, დანიელ, ხოლო რა სწერია დაბადებაში, ეგ ხომ უჩემოდაც კარგად იცი.

— რჯულის მაღლმა, რა ვიცი. მე მინდოდა გამეგო მხოლოდ თქვენი მეცნიერების აზრი.

— აკი გითხარ და, თუ გინდა იმასაც დაკუმატებ, რომ მეცნიერების აზრით ეგ ლეგენდა მშვენიერი ამბავია პოეზიისთვის და ზნეობრივი აღმზრდელობითი მნიშვნელობაც უეჭველად აქვს ისე, როგორც მთლად დაბადებას, ბიბლიას, მაგრამ ცხოვრებაში ძნელი ასასრულებელი და შეუძლებელია.

— რატომ ბატონო?

— ჰოდა, როცა მოცლით იყო, დაჯექ, დანიელ, და იანგარიშე რამდენი თივა და ბზე, რამდენი აზრუშული ლავაში, რამდენი ხაბაზი და მზარეული, რამდენი მთმვლელი კაცი დასჭირდებოდა მხეცებს. და ნურც იმას დაივიწყებ, რომ ხორციჭამია მხეცებს თივა-ბზით ვერ დააჩუმებდა ნოე. ყველას თავი დავანებოთ, მართლ იმ წყვილ ლომს და ვეფხვს დღეში ორი ცხვარი მაინც მოუნდებოდა.

— ხედავ, დანიელ, ჩვენი ქურთი ვიღაცას ებაახება.

— ასე მოგახსენებენ, ხალხი შეკრებილა და სადილად ვიცდიანო. რა ხანია თვალი აქეთ უჭირავთ.

— მართალია, დანიელ, მაგ ბიჭს ბოზბაში-ყაურმის სუნიც თან მოუტანია. წავიდეთ, სირცხვილია, ნულა ვაცდევინებთ.

III

ჩვენს მასპინძელს ქურთს, ასლან-ალა-ედიგარ-ოღლის, სადარბაზოდ მოერთოთ თავისი ქოხი-ბინა, შავი ნაბდით წამოჩარდახებულნი. წითლებში მორთული გოგო-ბიჭები კარვების გარშემო მხიარულად დახტოდნენ, დარბოდნენ, თამაშობდნენ, კუნტრუშობდნენ. მათი ყვირილ-ხივილი მთის უმწიკვლო ჰაერში ზარივით წკრიალებდა. დავგინახეს თუ არა, ჩვენსკენ გამოიქცნენ, ჩილიკაჯოხებით



შეიარაღებულნი. ამათ ფეხის ხმას აჰყვენენ, აედევნენ ქოფაკებ დაღ-  
ლებიც.

მამასახლისი (მასპინძელი) გაუჯავრდა ძაღლებს და ცნობისმო-  
ყვარე ბავშვებსაც დარიგება მისცა, პირმოცინარი მოგვეგება და  
სალამი გვიოხრა, რამდენადაც ოსმალური ზრდილობა-ეთიკეტი  
მოითხოვდა, მეც ჩემი მხრივ, სალამ-ქალამი არ დავაკელი.

ქალი და რძალი წითელ კაბებში საპარასკეოდ (მუსულმანთა  
კვირა) იყვნენ მოთრულნი: ვერცხლის ქამრები, ხოლო თავ-  
მკერდი ვერცხლის ფულით და ღვრინჭილებით აჭრელებული...  
ამათი სადილობა გადასულიც იყო, ყველაფერი, ეტყობა მზად  
ჰქონდათ და წამსვე სუფრის თადარიგს შეუდგნენ. ხალ-მუთაქაზე  
რომ დამაბრძანეს, მოხუცმა დიასახლისმა დარბაისლურად მომი-  
კითხა: „ხოშ-გიალდიზ, საფა-გიალდიზ“-ო.

უნდა შევნიშნოთ, რომ ქურთის დედაკაცი სრული თავისუფა-  
ლია. ქურთის ქალმა პირბადე და ჩადრები რას ჰქვია, სრულიადაც  
არ იცის. ქალის ამისთანა თავისუფლება აზიაში არც ერთ ხალხს  
აღათად არა აქვს. მამაკაცს, გინდ ნათესავს და გინდ უცხოს, თავისუფლად,  
პირმოცინარედ ებაახება. ქურთების ბანოვანს ხშირად  
მარტოოდენ ბიჭები ემსახურებიან. ქალწულს ათხოვებენ 10-12  
წლისას, საქმროს მოაქვს ქალის სამზითვოდ სასყიდელი. მრავალ-  
ცოლიანობას უფრო წარჩინებული და შეძლებული ქურთები თუ  
მისდევენ, ხოლო ქურთებ-გურანებში ამ ადათით სარგებლობა  
უხერხულად მიაჩნდათ. მეტად იშვიათია, რომ ამათში მამაკაცი  
დედაკაცს უზრდელად, უდიერად მოექცეს.

ქალთა ტანსაცმელია: გულამოჭრილი მოკლე კაბა, ისე, რომ  
კოჭებთან შეკრული ფარჩის შარვალი უნდა უჩანდეს. თავზე ჩიხ-  
ტასავით რაღაცას იხურავენ. ნაკკერი მოკლე ლენაქის ქვეშიდან  
მხოლოდ მოჩანს ჩიხტაზე შემოვლებული ვერცხლის ან თქროს  
ფულები და, თუ მდიდარია, მარგალიტის ასხმულმაფიც უვლია.  
კავების მაგიერ მარგალიტის შულოები აქვთ ჩიხტიდან წამოსული  
და ყურზე გადადებული, პატარა თავშალს არ იშორებენ. ტანზე  
აცვიათ კაბის ქვეშ ახალუხი და თუ მდიდარია, მოკლე ქათიბა ანუ  
ჯუბა კაბის ზემოდან. შეძლებისდაგვარად ჯუბა-ქათიბა ან მაუდი-  
საა ანუ ფერადი ხავერდისა თქრომკედით ნაკერი. ფეხსაცმელია  
ბაჩუჩი და მესტფლოსტები.

ტანსაცმელი ვაჟკაცისა არის: გრძელ ხამის პერანგზე ან მოკლე ან გრძელი ჩითის ახალუხი, თეთრი მიტკლის შარვალი და მოკლე ჩოხა. თავზე ფესიც რომ დავუმატოთ, ძლიერ წააგავს ანათი ჩაცმულობა ალბანელთა ჩაცმულობას.

სულ სხვაა, თუ ქურთი შეძლებულია: ქულაჯა ბეწვით მორთული, მაუდის შარვალი, წულები, მაუდის ან შალის მოკლე ჩოხა და თავზე წითელი ფესი ანუ ბუხრის ქუდი. ფრჩხილებს და თითებს ქალიც იღებავს და ვაჟიც, უფრო კი საქორწილოდ და საბედნიეროდ. ვაჟკაცთ არ მოსწონთ თავზე გრძელი თმა. თუ არ მოხუცი, ახალგაზრდა წვერსაც არ იყენებს, უღვაშს კი თავმომწონედ იგრეხს, უვლის.

თავიდათავი, სასახელო საქმე ქურთი ვაჟკაცისათვის თოფ-იარაღი და ცხენია. ხანჯალი განუშორებელივ არტყიათ, ლოგინშიაც კი თავქვეშ უდევთ. მოკაკულ ხმალს, დამბაჩას, უფრო მხედრები ატარებენ. ამათსავე კუთვნილებას შეადგენს გრძელი, ექვსაღლიანი შუბი, თავზე წვეტიანი რკინით, წითელი ფოჩით მორთული. ზოგჯერაც საჯირითოდ აქვე უნაგირზე აბგით უკიდიათ ჯოხები და თუ საომრად მიდის, ხელით სასროლი პასრი ისრებიც.

გაშალეს ჭრელი სუფრა. ამ დროს ქურთების მოლაც მოგვემატა თავისი თეთრი სარუხით<sup>1</sup>.

— ებრაელო!

— ბრძანე, ბატონო!

— შენ ერთი, დანიელ, ეგ მოლა გვერდზე მოისვი. მაგასთან ბევრი რამ მაქვს სალაპარაკო.

მოლამ დარბაისლურად, ბატონკაცურად მოიკეცა სუფრაზე და ხელი ჩემკენ გამოიშვირა:

— ეი, სიზ ალა? ნეჯა-სიზ? სოშ-გიალდიზ, გიეზ-უსტა, გიალდიზს, მომიკითხა და მეც სამაგიერო გადაუვხადე.

<sup>1</sup> სარუხი — მაჰმადიანთა თავსაბურავია (უფრო მოხუცნი იხურავენ), ხოლო მოდელები და საზოგადოდ სასულიერო წოდება თავზე თეთრ სარუხებს იხურავენ. ეს არის მათი განსხვავებითი ნიშანი. ვინც მექაში ყოფილა, პაჯის ეძახიან და ამათ სარუხიც განსაკუთრებული ეკუთვნით და სარტყელსაც შალისას ატარებენ.



მოგვართვეს სადილი: ყველი, კარაქი, ერბოკვერცხისა და მწვანელი და შემდეგ ქათმის ჩიხირთმა, ბატკნის იაღნი, ყაურმა და ფლავი. სუფრის ბოლოში კი უფრო ბოზბაში იხარჯებოდა. სადილი მთლად ერბოსა და ქონში ცურაობდა. მერე მოიტანეს ტკბილი ბიშები ერბოში მოხარშული და სხვა.

— დანიელ, აბა შენ ჩემო გაჭირვების ტალკვესო, შინაურულად მოახერხე, რომ სადილის შემდეგ შემეძლოს ჩაის დაღვევა, თორემ ამოდენა სიმსუქნე რა გულმა უნდა აიტანოს, აგერ ერბო ყელში მიჭიყჭიყებს.

— იცი, ბატონო, მე მოლას ვუნჩუნებ.

— რა მოლა გინდა, შე კაი კაცო, ემაგ ჭრელთვალას უჩუმრად უთხარ: „ყიზი, ერთი გაისარჯე, თუნგიო წყალი მიდგი-თქო“.

— კი, ბატონო, ეგ ყველაფერი იქნება, მოლა მოახერხებს.

— დანიელ, ხედავ ემაგ ლამაზ ყიზის რამდენი ლოკოკინები და-ხვევიან თავსადებზე და გულ-მკერდზე?

— ეგ, ბატონო, ლოკოკინა კი არა ღვრინჭილები უკერიათ.

— მართალი ხარ, დანიელ, მაგრამ ღვრინჭილა ჩვენი ბაღ-ბოსტნის ლოკოკინას მონათესავე ცხოველია. მხოლოდ ზღვაში კი ცხოვრობს. შენ ერთი ემაგ მოლას ჰკითხე, დანიელ, უფრო სილამა-ზისთვის სამკაულად იკეთებენ თუ სხვა რამ მნიშვნელობაც აქვს?

— ეგ, ბატონო, რა უნდა ვკითხო. ავის თვალისა ეშინიათ და იმიტომ იკერავენ ავგართვისათვის. მაგრამ ღვრინჭილა ცხოველი როგორ იქნება?!

— მოიცა, დანიელ, აი ახლა გაიგებ, რომ ღვრინჭილა მართლაც ცხოველია. ავი თვალისა კი რა მოგახსენო და ის კი ვიცი, რომ მაგ ღვრინჭილებს დღესაც ფულის ადგილას ხმარობენ, მეტადრე უწინ, ვიდრე ფულს გამოიგონებდნენ, ღვრინჭილა დიდ ხმარებაში იყო აფრიკაში. მაგალითად, სუდანში და, საზოგადოდ, აღმოსავლეთ და დასავლეთ აფრიკის ნაპირებზე. აქ დღესაც მთავარი სავაჭრო და საწყობი ადგილი ღვრინჭილასი — ქალაქი ზანზიბარია.

— ღვრინჭილას, ბატონო, მეც ვყიდდი არზრუმში და ახალციხეშიაც, ჩვენებიც ხმარობენ, ბავშვის აკვანს უკეთებენ, ფუფალაზე უკერებენ, თვალი არავინ ჰკრას ბავშვსო. მე გამიყიდა წყვილი ექვს გროშად, ხან შაურადაც, ნეტა იქ კი როგორღა ფასობს, ბატონო?

— მოიცა, დანიელ, მაგასაც გეტყვი. შენ ერთი ჩაი არ დაგავსებ  
წყდეს, „ღვრინჭილას“ მეცნიერულად ეწოდება „კიპრეა-მონეტა“.

ჰოდა, მანეთი ხომ ფულია, ეს ლოკოკინები ინდოეთის ოკეანე-  
ში ცხოვრობენ. ცვილონის კუნძულის სამხრეთით 17 ჯგუფია  
მარჯნის კუნძულებისა, რომელთაც მალედივთა კუნძულებს ეძა-  
ხიან. ამ არხიპელაგზე ცხოვრობს 30 000 სული მალედიველი მაჰ-  
მადის რჯულისა. ეს ამოდენა ხალხი, ინდუსები, მხოლოდ ამ ხე-  
ლობას ადგანან. აუარებელი ღვრინჭილა ამოაქვთ ზღვიდან და აქე-  
დან გზავნიან ცვილონს, მალაბარს და მასკატს. ამბობენ, ღვრინჭი-  
ლებს თვეში ორჯერ ჰკრეფენო: ერთი ახალი მთვარის სამი დღის  
წინათ და ერთიც სავსე მთვარის სამი დღის შემდეგათ. აგერ, და-  
ნიელ, თუნგით ადუღებული წყალი მოაქვს მოლას და ახლა შენ  
იცი... ჰოდა, ზემოხსენებულ კუნძულებს თავიანთი სულთანნი  
ჰყავთ, კუნძულთა ხელმწიფე, ხოლო ხარჯს ინგლისელებსაც აძლე-  
ვენ, ყველა ხარჯს ღვრინჭილათი ისტუმრებენ.

— ჰაი, დიდება შენდა, ღმერთო. მანდ, ბატონო, რაღა უნდათ  
ინგლისელებს?

— ეჰ, შენ, ჩემო დანიელ, ინგლისელები სად არ არიან! სადაც  
ზღვა და კუნძულია, იცოდე, იქ ინგლისის ხომალდიცა დგას,  
ინგლისის დროშა-ბაირალი ფრიალებს. ეგ რად გინდა, დანიელ,  
ავიღოთ თუნდ ცვილონის კუნძული. მოსეს რომ სცოდნოდა ეს  
უმშვენიერესი წალკოტი, მაშინ როდიღა დაწერდა, რომ სამოთხე  
მდინარე ტიგროსისა და ეფრატის შუა იმყოფებოდათ. იქ კი არა,  
დანიელ, ნამდვილი ედემი და ადამ-ევას სამოთხე სწორედ რომ  
ცვილონია. ცვილონის კეკლუცი ბუნების სიმშვენიერე, სიმდიდრე  
და სიუხვე ვერა კალმით ვერ აიწერება და ვერც დაიხატება. ჰაერი,  
ჰავაც, მეტადრე მთის კალთებზე ისეთია, რომ ამისთანა საღი და  
კეთილშეზავებული მთელ დედამიწის ზურგზე არ მოიპოვება. ადა-  
მიანი აქ ზამთარ-ზაფხულ ტანშიშველა, დედიშობილა დაიარება.  
ხილი ხომ თავზე საყრელია, პურიც კი ხეებს ასხია. არის იმისთანა  
ჯიშის პურის ხე, რომ თითო მისი ნაყოფი 25-30 გირვანქას იწო-  
ნის.

— ჩემი რჯულის მადლმა, მოსე ტყუილს არ დაწერდა, ბატონო,  
აი ჩაიც მთვართვეს, „კრიბუსკით“ მიირთმევთ თუ დაშაქრულს?

— შესთავაზე მოლასაც!





— ამათზე, ბატონო, ნურას წუხართ. გვიამბეთ, გვიამბეთ...  
 — ჰოდა, რაღა ვიამბო... რთვორც ვითხარ, ადგილობრივ და მე-  
 ზობელ ქვეყნებში, მაგალითად ჩინეთში, სიამში და სხვაგან ღვრინ-  
 ჭილა დღესაც ფულის მაგივრად იხმარება, იქ სიმდიდრე ღვრინჭი-  
 ლას რაოდენობით განისაზღვრება. მაგალითად, იმ კუნძულთა  
 ხელმწიფეს წელიწადში 30 მილიონი ღვრინჭილა შემოსავალი აქვს,  
 ხოლო ღვრინჭილათი დატვირთულ გემებს უმთავრესად აფრიკისა-  
 კენ ისტუმრებენ მონების საყიდლად. აფრიკის ნავსადგურიდან  
 ღვრინჭილათი სავსე ტომრებს მცირეოდენს ევროპისკენ გზავნიან  
 და აუარებელი ღვრინჭილა კი აქლემთა ქარავნებით აფრიკის შუა-  
 გულს შეაქვთ ველურ ხალხში და აქ მონებზე ცვლიან. იქაური  
 დიდკაცობა ანუ თავადობა ღვრინჭილათი მორთავს ხოლმე დარ-  
 ბაზში შესასვლელ კარებს, სავარძელს, ცხენის იარაღს და სხვა  
 ავეჯეულობას, აგრეთვე იკერებენ ქალები ტანისამოსზე, გულ-  
 მკერდზე და სხვა. 40 ღვრინჭილა ერთი ასხმულაა, 50 ასხმულას  
 თავი ქვია, ხოლო ათი თავი ერთი ტომარაა. ზოგან თითო ასხმუ-  
 ლაში ასი ღვრინჭილა იციან, შეიდასი ათასი ღვრინჭილა 990 მარ-  
 კად ღირს.

— ე... და, ერთი, ღმერთი გადღევრძელებს, ბატონო, ისევ ჩვე-  
 ნებურად იანგარიშე!

— ჰოდა, დანიელ, ჩვენებურად რომ ვიანგარიშოთ ათასი  
 ღვრინჭილა, თოთხმეტი შაური მოდის. დასავლეთ აფრიკაში  
 ღვრინჭილებს ცვლიან ოქროიან ქვიშაში, სპილოს ძვალში, ლერწ-  
 მის ღვინთში და სხვა. ერთ დროში, აფრიკის მონებით ვაჭრობას  
 მთლად ღვრინჭილათი აწარმოებდნენ. 500 ან 600 მონას ყიდუ-  
 ლობდნენ თოთხმეტი ათასი გირვანქა ღვრინჭილათი. მე-18 საუკუნე-  
 ში ღვრინჭილას ფასმა იმდენად დაიწია, რომ თითო ზანგი-მონა  
 ერთითრად ფასობდა.

— ახლა, ბატონო, მაგდენი მონა საიდან არი აფრიკაში? ან რად  
 უნდათ რომ ყიდულობენ?

— მაგას რა გამოცნობა უნდა! მთელი აფრიკის შუაგული პა-  
 ტარ-პატარა სამთავროებად არის დაყოფილი. ერთმანეთში ვანუ-  
 წყვეტელი ომი და შფოთი აქვთ, ყოველწლივ ომობენ, ათასობით  
 ტყვე მოჰყავთ და მონებად ჰყიდნიან. ხოლო ევროპელები მონებს  
 იმიტომ ყიდულობენ, რომ პლანტაციებში ამუშავებენ როგორც

ცხენს, ხარს და სხვა. რა ვქნა, შენ რატომ ემაგრე ხამად ლაპარაკობ, დანიელ, შენს დროულ კაცს უნდა კარგად ახსოვდეს საქართველოში ბატონყმობა!

— ბატონყმობა როგორ არ მახსოვს. ქუთაისში, ქართლ-კახეთში რამდენჯერ მივაჭრია თავადებთან ახალციხური ნაჭედი ვერცხლის ნივთებით, „აჟურნის“ რომ მოგახსენებენ, მაგრამ თქვენ მონებს ბრძანებთ.

— მერე რაო, ყმა იგივე მონა არ იყო?

— მართალია, ბატონო, მაგრამ ჩვენში ყმობა არ ვიცოდით.

— აი, მაგაში კი მართალი ხარ, დანიელ, აქეთა მხარე, ე. ი. ახალციხე, ანუ უკეთ რომ ვთქვათ, სამცხე-საათაბაგო ოსმალებს რომ ჩაუვარდათ ხელში (1655 წ.) ბატონყმობაც თავისთავად მოიხსო, რადგან ოსმალებითი ბატონყმობა არ არსებულა მის დღეში. მონები კი უწინ ყველა სახელმწიფოში ჰყოლიათ, მაგალითად ინდოეთში, ჩინეთში, ასურეთ-ბაბილონში, ისრაილსტანში, სპარსეთსა და ოსმალებითი ძველ საბერძნეთში, რომის იმპერიაში, რუსეთში, საქართველოში და სხვაგან. ერთხელ მეფე გიორგიმ, თამარის მამამ, მაგ არარატის კალთები მიარბია-მოარბია, — „ადილო ქალაქი ბრძოლითა და წარმოიღო ტყვენი და ალაფნი დიდნი, რამეთუ ტფილისს ტყვე დრამად ისყიდებოდა“ (იხილეთ ვახუშტი).

— ეგ თითო ტყვე როგორ მოღის, ბატონო? მამ კაცი ექვს შაურად გაუყიდნიათ.

— ეგ შენ იანგარიშე, დანიელ, და მე კი ისტორიულ ფაქტებს ჩამოგივლი. აი, რას გვიამბობს მეფის თანამედროვე მემატინე სამოელ ანელი:

„13 ივნისს 1163 წ. გიორგიმ მეორედ აიღო ქალაქი ანი და 7000 მხედრით 1 აგვისტოს დაამარცხა შაჰ-არმენი, თუმცა ამას ჰყვანდა 30000 ჯარი. ეს ჩვენ ჩვენი თვალით ვნახეთ... მარტო ტყვე აღიწერა 23000, გარდა დახოცილისა, რომელნიც მინდვრად იყვნენ გაბნეულნი... 21 აგვისტოს 1164 წ. მეფე გიორგიმ დაიჭირა ქალაქი დოვინი, დაანგრია მუსულმანთა სალოცავი და ტყვედ წამოიყვანა 60000 კაცი“. „ქართლის ცხოვრების“ სიტყვით, თამარ მეფეს ვაჟიშვილი გიორგი რომ მიეცა, 1030 მონას მიანიჭა თავისუფლება გიორგის სადღეგრძელოდ... უწინდელი დრო სხვა იყო, დანიელ, და აკი დროის შესაფერისადაც იქცეოდნენ. ესლა კი

ავერ იაპონელები ტყვე-რუსებს უკეთ უვლიდნენ, ვიდრე დავეყავით საკუთარ მხედრებს. დაჭრილ-დაკოდილ ტყვე სალდათებს უფრო მტკნარელებს თავს დასტრიალებდნენ იაპონელი დოქტორ-პროფესორები. ესლანდელი ადამიანური წესით, ვიდრე მტერი თოფ-იარაღით ვებრძვის, იგი მტერია, ხოლო როცა ხელიდან იარაღი გავარდება, ის მტერი აღარ არის, მხოლოდ ტყვეა და მით უფრო დაჭრილ-დაკოდილ ჯარისკაცს რაღა მტრობა შეუძლია, იმას მოვლა უნდა. ტყვე ოფიცრებს იაპონელები ჯერ ხმალს ართმევდნენ, ხოლო ვინც პატიოსან სიტყვას მისცემდა, აღარ გეომებითო, იმას ხმალს ისევ უბრუნებდნენ და რუსეთისკენ ისტუმრებდნენ. აი ასლა ასეთი დრო დადგა, ჩემო დანიელ, იცი, რა მომავონდა, წარმოიდგინე, რომ ჭიანჭველებსაც ჰყავთ მონები!

— კაია, ბატონო, ღმერთი გადღეგრძელებდეს, ამ დროული კაცის მასხრად აგდებას ნუ იკადრებთ.

— მასხრობა კი არა, დანიელ, აი, საქმე როგორ არის: როგორც ადამიანებშია, ჭიანჭველებიც ერთი გვარისა მეორე გვარს ეომებიან. გამარჯვებულნი ანგრევენ, იკლებენ დამარცხებულთა ბინა-ბუდეც, ჭამენ მათ კვერცხებს, ხოლო რაც შეუჭმელი გადარჩებათ, მიეზიდებიან შინისაკენ და ბუდეში ინახავენ. როცა ამ ნადავლი კვერცხებიდან ჭიანჭველები გამოიჩეკებიან, მონად ხდებიან. ჭიანჭველა-ბატონები ამუშავენ მონებს ყველა სამძიმო და ყველა საჭირო საქმეში. აგრეთვე მიჰყავთ მტერჭიანჭველებთან საბრძოლველად. დედალი მონა-ჭიანჭველები ასლად გამოჩეკილ ბატონიშვილებს უვლიან, ძიად ხდებიან. რა თქმა უნდა, ესე ყოველივე ხდება მოსაზრებით კი არა, აქ ბუნებითი მიდრეკილება მოქმედებს.

— მერე, ბატონო, და რატო მოსეს არ უწერია დაბადებაში?..

— მერე, მერე, დანიელ, ეგეც ვიცი, რომ შენისთანა ფანტიკოსებს დაბადების გარეშე არაფერი სწამთ რა. მერე მონობის შესახებაც კიდევ ვიამბობ და ასლა კი უზრდელობაა ამდენი ხალხის გაჩერება. ასლა შენ ერთი ემაგ მოლას წასწურწულე, სალამურზე ამღერონ ქურთული, მწყემსური!

— მოლა მოგახსენებთ: „ალამ საიდან იცის ჩვენი სიმღერაო?“

— ჯავახეთში ერთ დიდ წვეულებაზე მასსოვს იმღერა შეკვეთ ბეგმა ფალავანდიშვილმა და ყველანი აღტაცებაში მოგვიყვანა. აბა, დანიელ, ჰო-თქო, ამღერონ!

გათავდა სადილი და მწყემსი ქურთის მეტად შესანიშნავი ნაციონალური სიმღერაც. ამის შემდეგ გაიმართა ცეკვა ძველებზე დაფა-ზურნაზე. ქალ-ვაჟთ ხელი-ხელს ჩაკიდეს, ჩააბეს ფერხული და გაჩაღდა ნაციონალური, ამათი საყვარელი ცეკვა „ჩოფი“. ფეხებს ატყაპუნებენ, თან ფერხულს უვლიან (ბიჯი უკან, ორი ბიჯი წინ). ტანს არხევენ ქალები უფრო ზრდილობიანად, მოხდენილად, კეკლუცად. ვაჟკაცები კი ზოგჯერ გადაამლაშებენ ხოლმე.

დავიშალებთ.

ახლა ჩვენი ყურადღება მიიქცია ჩვენკენ მომავალმა ორმა მხედარმა, რომელნიც ჯერ თვალის მანძილზე იყვნენ დაშორებულნი.

#### IV

შავი ზღვის მხარეს ცაზე რაღაც ამბავია, ამბობება, ალიაქოთი, დასავლეთისაკენ გადახრილი მზე ღრუბლებმა დაგვიჩრდილა. ატყდა საშინელი დელვა, აურზაური, გაშფოთებული გოლიათი ღრუბლები ერთმანეთს დასდასად უტევენ, დეკებივით იბრძვიან, მკერდს მკერდზე აჯახებენ, ცა და ქვეყანა ზანზარებს...

— ბატონო!

— რაო, დანიელ?

— განა არა, დღეს მზე ძალზე იკბინებოდა. ხედავთ ცის რისხვას?

— კარავში მობრძანდით, თორემ ქარიშხალი შეგაწუხებთ.

— ხედავთ, ბატონო, ელია წინასწარმეტყველს თავისი სამცხე-ნიანი ეტლით? წინ კი ეშმაკები დაუხტიან, იღრიჯებიან, გულს უსიებენ. ბრაზმოსული ელიაც მათ ცეცხლის შოლტით დევნის, აჭენებს, ერეკება, შოლტავს, ხედავ, ხედავ? რა საშინლად გაიელვა, დაიკლაკნა. ეგ ელიამ შოლტი გაჰკრა, გაუტყვლაშუნა!

— რად დაგავიწყდა, დანიელ, ცხენებით კი არა, მოხუცი ელიაც ეხლა ელექტრონის ავტომობილს დააგრიალებს კაემსის გასაქარვებლად. შენი ჭირიმე, ელექტრონი დააკლდება თუ?.. ღრუბლები იმდენადაა ელექტრონის ენერგიით გაჟღენთილი, თუგინდ ყოველ ცისმარე დღე ისრიალოს, მაინც ელექტრონის ძალას ვერ გამოლევს.

ვეშაპი შავი ღრუბლები ჩვენკენ მოეშურებიან, მზეს გვიბნელებენ. მოუხშირა ელვამ და ქუხილის ხმაც უფრო ძლიერდებოდა, ხლოვდება, მსხვილად წამოწვიმა. რამდენიმე წამიც და ერთი ისეთი გაიელვა, რომ თვალმა ვეღარ გაუძლო. ის კი კარგად შევამჩნიე, როცა ელექტრონმა რამდენჯერმე ღრუბლებს გაჭკრა.

სულ რაღაც ნახევარი საათის განმავლობაში. სამყაროს ლაბორატორიამ ყველაფერი ზედიზედ მოაწყო და მოგვივლინა; შავი და მძიმე ღრუბლები, ელვა-ქუხილი, ქარ-გრიალი, ჯერ შხაპუნა და მერე კოკისპირული წვიმა. კორკოტელა და კანტიკუნტად სეტყვაც კი გადმოისროლა, ამასობაში ერთი საშინლად გაიელვა, დაიკლაკნა, დაიგრიალა, იჭექა, სადღაც მეხი ჩამოვარდა და... გამოიღარა კიდევ, ღრუბლები გადაიყარნენ, აღმოსავლეთისაკენ გაიფანტნენ. ყოველივე დამშვიდდა, ჩაჩუმდა. მთის ნალარევეებზე ნიაღვრის ნაკადულებიღა ჩამოჩხრიალებენ, ხმაურთბენ.

დასავლეთიდან გამოჩნდა მზე, ქვეყანას შუქი-სითბო მოჰფინა და მისმა სხივებმა შორს გაინავარდეს, ჩირაღდანავით აენთნენ. მზის პირდაპირ, ნისლიან ცაზე ორ ალაგას გამოჩნდა უშველებელი რკალი, ორი მშვენიერი ცისარტყელა.

გარეცხილი, გაწმენდილი ჰაერი ჭექის მერე თზონით გაივსო (მე რომ მკითხვით, გოგირდის სუნიც კი დატრიალდა), არემარეს სიცოცხლე და უკვდავება მოჰფინა.

გამოდარებაზე მოგვიახლოვდნენ ის უცნობი მგზავრებიც წელან სადილის დროს რომ შორით მოჩანდნენ. ისე იყვნენ გაწულნი, როგორც ლაზარე.

— სად მოვასწროთ მენმა? — იყო ჩემი პირველი კითხვა.

— ცხენები გადავებით და ჩვენ კი იმათ დავშორდით. ნაბადებში გავეხვით და მიწაზე წავეწქით.

— ხოლო პირველად რომ გაიელვა, — დაუმატა მეორემ, — დავიწყე თვლა. ოცზე მეტი დავთვალე, ვიდრე დაიქუხა. ეს იმას ამტკიცებდა, რომ ელვა ჩვენგან შორს იყო და ჩვენც უშიშრად გამოვეშურეთ, მაგრამ, როცა ელვის და ქუხილის შუა სულ 5 თუ 8 დავთვალე, მაშინ კი სასტიკად მოვთხოვე ჩემს თანამგზავრებს გაჩერება. ჩამოვხტით... ჩვენს ბედზე დეღე გვექონდა გასაგლეხი და იქ გავჩერდით. ასე რომ არ გვექნა, თქვენი მტერი, მეხი თავზე დაგვეცემოდა.



— ახლა? ახლა ხომ ხედავთ ამ მშვენიერ ცისარტყელებს, — მივ-  
მართე მე, — ხომ სუნთქავთ ამ უკვდავების ჰაერს. არა, ბატონო,  
თუმცა თავსხმამ შეგაწუნათ, ელვა-ჭექამ შიშის ზარი დაგცათ,  
მაგრამ... სამაგიეროდ, ეს საუცხოო სურათი ბუნებისა მთელ სი-  
ცოცხლეში სამახსოვროდ დაგრჩებათ.

— შენ რაღას დუმხარ, დანიელ, გვითხარ, ეს ჭრელი ცისარ-  
ტყელა რიღას მომასწავებელია?

— ეგ, ბატონო, თქვენც ყველამ იცით, რომ წარღვნის შემდეგ  
ღმერთმა ნოეს მოუვლინა: ამიერიდან აღარა დროს აღარ იქნება  
წარღვნაო.

ახალმოსულებში ერთი აღმოჩნდა „პოდატნოი ინსპექტორი“,  
კახელი თავადი, მეორე — მატყლის ვაჭარი და ყველისა და ერბოს  
დამკვეთი — თბილისელი სოფდაგარი, და მესამე — ქუთაისელი ჩოვ-  
დარი, ჯავახელი გლეხის თანსლებით.

ჩამოფეკით კიდევ, ნიაღვრისაგან გამოკვეთილ ტახტზე, და  
მე და კახელმა თავადმა რუსული გავაბით.

- დანიელ!
- მიბრძანე, ბატონო!

— ღმერთი იყოს შენი მიბრძანებელი! აი, ამ კახელ თავადს უმაღ-  
ლესი სწავლა მიუღია ხარკოვის უნივერსიტეტში, სადაც ბუნების  
მეტყველება შეუსწავლია, ჰოდა, სწორედ რომ ღმერთმა გამოგ-  
ვიგზავნა. მე და შენც ამისთანა სწავლული კაცი გვჭირია. აი ამას  
ვთხოვოთ აგვისნას, რაც ამ საღამოს ცაში ამბავი მოხდა.

— უკაცრავად კი ვარ კნიაზთან და მოსეზე ნასწავლი ხომ არ  
იქნება. მე კარგად ვიცი, რომ კნიაზს სიბრძნე სოლომონისა წაკი-  
თხული არც კი ექნება...

— ერთი, თუ მოსეს რჯული გწამს, ცოტა მოიცადე, რა დროს  
სოლომონის სიბრძნეა.

ბუნებისმეტყველმა ბევრი აღარ გვათხოვია. ყაბალახი გადაი-  
ხადა, პაპიროსს მოუკიდა, რამდენჯერმე გულიანად გააბოლა, ნა-  
ფაზი ამოიღო და... საუცხოო ლექტორი აღმოჩნდა.

— ბატონებო! — დაიწყო თავადმა, — მეცნიერება გვასწავლის,  
რომ ცისარტყელა, ეგ სულ უბრალო თვალთახედვის მოვლენაა



ატმოსფეროში და სხვა არაფერი. აი, ამ წამს შემდეგ სურათი ცხდება დავთ: ჩამავალი მზე აღმაცერად ჰაერში შორს სტყორცნის ცის კამარისკენ თავის ცეცხლებს სხივებს, რომელთაც წინ ეღობებათ წვიმის წინწყლები (წვიმა ცრის). სხივები წვიმის წინწყლებში, ნამის ცვარში იმსხვრევიან, ილეწებიან და უცხოდ, საამოდ გამოკრთიან იმ ფერადებით, რა ფერადებსაც თვით დიდებული მზე შეიცავს. მაგალითად, ჩვენი თვალი ახლა მოქცეულია მზისა და ჟუჟუნა წვიმის შუა. ზურგს უკან მზე გვიდგია და წინ ცისარტყელა, ჩვენ ვხედავთ ცის კამარაზე გადაჭიმულ, ფერადებით აღვსილ ორ ცისარტყელას. ერთის ფერადები უფრო ძლიერ ბრწყინავს, მეორისა კი — მკრთალად მოჩანს. გთხოვთ მიაქციოთ ყურადღება ჯერ აი, იმ პირველ რკალს, რომლის ფერადებიც უფრო ძლიერ აშუქებს. აბა დავასახელოთ ფერადების რიგი: აგერ ჯერ წითელი, მერე ნარინჯი, ამას მოსდევს ყვითელი, მწვანე, ლურჯი და იისფერი. ერთი სიტყვით, ყველა ის ფერადები გამოკრთიან, რომლებიც მზეზე აქვს და რომელიც ჩვენ შეგვისწავლია. აბა ახლა მეორე ცისარტყელა გამოვიკვლიოთ. აგერ მაგ პირველის ზემოთ რომ რკალია, ხედავთ, მაგის ფერადების რიგი, პირველთან შედარებით უკუღმა იწყება და მკრთალადაც მოჩანს. მეცნიერთა სიტყვით, ძლიერ იშვიათად, ერთსა და იმავე დროს შეიძლება სამი ცისარტყელაც გამოჩნდეს ცაზედაო, მაგრამ, ბატონებო, აბა, იქნება ვისმე გენახთო ღამის ცისარტყელა? ვინ იყავით აგეთი ბედნიერი?

ამ კითხვაზე პასუხი გასცა ქუთაისელმა, რომელმაც აღტაცებით აკვიწრა მეტად დიდებული, მშვენებით აღსავსე ბუნების სურათი.

— უნდა მოგახსენოთ, ბატონებო, — დაიწყო ქუთაისელმა, — მე რომ მოვლენას შევსწრებივარ, რაც მე მაშინ სიამოვნება ვიგრძენ, საიქიომდე გამყვება. მაგრამ საქმე იმაშია, შეიძლება განა დაგიხატოთ იმ სურათის შეასედი მაინც? არა მგონია. შუალაშე იქნებოდა, შეიძლება გადასულიც იყო, სოფლად მივემგზავრებოდით, ჯავახეთში... მე დიდი მოტრფიალე ვარ ბუნებისა და მეტადრე ძლიერ მიყვარს სამყარო, ვარსკვლავებით მოჭედილი ცა და მისი აუწერელი სურათები. მიყვარს პლანეტთა კაშკაში-ლაღღადი, ვარსკვლავთა მხიარული ციმციმი, მათი შუქი და ნაზი დუმილი. შემოდგომის პირზე პირველად დათოვლილი აბულის მთა შაქრის თავით ბრწყინავდა, ცას ებჯინებოდა, ღრუბელთა ფერხულში ჩაბმუ-

ლიყო. მართლაც და, ღრუბლებით თითქმის ვაკსილი იყო ცის კამარა, მთლად ამ სურათს აშუქებდა ცის მნათობი, სავსე მთვარე. ბებრა ქარმა, მთვარე ღრუბლებში ჩამალა, ზოგან კი ცა გადაიწმინდა. სწორედ ამ დროს წარმოვიდგა დაუჯერებელი სურათი — ცისარტყელა შუალამისას! მთლად მოხიბლული გავვოცდი, გავმტერდი, მეშინოდა თვალის მოშორება, ცისარტყელას მშვენიერი ფერადები მთვარის შუქში კრთოდა, თან ცის კამარას ელფერს ჰფენდა. ელვარებდა, მაგრამ ვერ წარმოიდგენთ, რავგარ გული მომიკლა ერთმა უზარმაზარმა ხეპრე ღრუბელმა! ალბათ შემურდა ჩემი სამოთხიური აღფრთოვანება და... წინ უშვერად ამეტუზა, ყველაფერი ჩამიქრო და ჩამიბნელა. ჯავრისაგან გულმოსულმა მუჯღუგუნოდა წაკვარ ჩემს თანამგზავრს და ცაზე მივუთითე. მაშინ რა ვიცოდო, თუ ღამითაც შესაძლო იყო ცისარტყელა.

მაშინ ლექტორმა აგვისხნა:

— ეგ იმვითი მოვლენა, ბატონებო, მოხდება ხოლმე მაშინ, როდესაც კაშკაშა მთვარე საწვიმე ჯანღს, ანუ ნისლს აშუქებს. უეჭველია, ყველამ იცის, რომ თავისთავად მთვარე სრულიად ბნელი სხეულია, მთვარესაც ისე აშუქებს მზის ცხოველი სხივები, როგორც ჩვენ დედამიწას, მხოლოდ იმ განსხვავებით, რომ მთვარეზე დიდი ხანია მოსაბობლია სიცოცხლის ყოველივე ნიშანწყალი. მაშასადამე, ღამის ცისარტყელაც მზის სხივებით არის გამოწვეული, — ჯერ მთვარეს აშუქებენ, აბრწყინებენ და მთვარიდან გამომკრთალი მზის სხივები ცისარტყელას იწვევენ ნისლიან ჰაერში. ზღვაზედაც იცის ცისარტყელა და ადვილი წარმოსადგენია, რა მშვენიერი უნდა იყოს მაშინ ზღვა და მისი სურათი. როცა წყალს შადრევანი მაღლა ისვრის და წინწყლები ჰაერში მტვრად იფანტება, ანუ, როცა ჩანჩქერი ჩაქუსს, შეიძლება მაშინაც მოხდეს იგივე მოვლენა, თუ რომ მზის სხივები აღმაცერად წამოსული იქნებოიან.

შემდეგ საკამათო საგნად შეგვექნა ელვა-ჭექა და დღევანდელი მენის ჩამოვარდნა. ბოლოს მეტად უცნაური რამ შემთხვევა გვიამბო ჯავახელმა გლენმა:

— მე, ჩემო ბატონო, — დაიწყო ჯავახელმა, — და მყავს გათხოვილი ახალქალაქში. ეი და, სტუმრად ელიობა დღეს, ჩემს დასთან, სარასთან გახლდით. სადილთ უკან, ასე საათის სამი თუ იქნებოდა,





დაიწყო ავდარი და ისეთსა ელავდა და ქუნდა, რომ ლამის ინგერეოდა. ჩავზურეთ კარი-ფანჯარა და ყველანი შიშით ვძრწოდით... წვიმამ თითქოს გადაიღო კიდეც, მაგრამ ელვა-ქუნილმა უფრო უმატა. უეცრივ, აი დაწყებულს სამას სამოცდასამმა წმიდა გიორგიმ, ესლაც რომ მაგონდება შიშის ქრუანტელი მივლის მთელ ტანში. ეი და, იმას მოგახსენებდით, უეცრივ მელიას გუდასავით გაგრძელებული რაღაც შემოფრინდა სახლში, ერთი კი ციბრუტი შემოუარა და წამსვე ხარის ბუშტივით დამრგვალდა. ისე მშვენიერი ფერადებით ელვარებდა, როგორც დღევანდელი ცისარტყელა. აი, დაწყებულს ღმერთმა! გულები დავვისეთქა, სული გავტრუნეთ, გავშეშდით, ამოსუნთქვისაც კი გვეშინოდა. ბავშვები პირქვე წაწვინენ, ძუძუთა ბავშვს კიდეც რკინის საწოლში ეძინა, ძლივს შეეასწარით თვალი, ი ბუშტი ბავშვის საწოლს ქორივით დააფრინდა, გაგრძელდა, საწოლის რკინას სალტესავით შემოერთყა, მერე სწრაფად ასხლტა, ბუშტადვე გადაიქცა და ერთი კიდეც სალტედ იქცა, კიდეც საწოლს შემოეხვია. უკვდება დედას გული, მაგრამ როგორ გაინძრევა! ბუშტმა დაანება საწოლს თავი, იპრიანა ღმერთმა, ფანჯარაზე წინდის ჩხირები ეყარა, ახლა იმ ჩხირებს დასტრიალებდა თავს; აქედან ოთახში ჩამოკიდულ ტანისამოსს გაუარა, მერე გავიდა დერეფანში და ის იყო და ის. ცოტა რო გონს მოვედით, ერთი წამიც და ცამ ისეთი ძალით იჭექა, რომ ცოტას დარჩა, ფანჯრები არ ჩალეწა. თურმე ნუ ბრძანებთ, იმ ბუშტმა ჩვენიდან გაფრენილმა, სატუსალოს გაუარა, ქალაქკარეთ გაფრინდა და სასაფლაოს ახლოს ისეთი საშინელი ძალით იჭექა და გასკდა, რომ იქვე ახლოს ხარი მოკლა. ღვთის მადლით, ასე გადავრჩით. ეჰ, კაცს როცა არ უწერია, თავს არ გადახდება. ახლა ჩვენ ის გვიკვირდა, საიდან შემოატანა ი ელვის ბუშტმა ოთახში. სიძე წისქვილში იყო და რომ მოვიდა ის მაშინათვე მისვდა... იმ დროს დერეფანს ახალ კარს უშენებდა და ი ზემო კედელთან დაყოლებულ პატარა სანათურში ჯერ მინა არ იყო ჩასმული. ყოველივე ეს, რაც გაიმზეთ, სულ რაღაც ერთ წუთში მოხდა.

ჩვენ რომ სამეცნიერო ბაასში ვიყავით გართული, იმ დროს, თურმე, სოვდაგარი პარონ ხაჩატურა ჩვენთვის ზრუნავდა. ორი

სუკი, ცხვრის ფარში გახვეული, შამფურზე აცმული, სამწვადი ცეცხლზე შიშინებდა. მე ხშირად მიმოგზაურია ვაჭარ ხალხთან. შესანიშნავი თადარიგით იციან მოგზაურობა. ამათი ხურჯინი ნამდვილი საკუჭნაოა. მართლაც, უადგილო ადგილს მშვიერი დარჩება კაცი.

გაჩნდა ხელად არაყი, კონიაკი და თავიდათავი — ცხელ-ცხელი მცვრიანი მწვადი. ნათქვამია: „ცხელი პურის სუნი მკვდარსაც მიუვაო“. ჩემი აზრით, ამ სურნელოვან შიშინა მწვადს სამოთხე-შიაც კი არ დაიწუნებენ. შესანიშნავი თვისება აქვს საზოგადოდ მთის პაერს, დღეში რომ ხუთჯერ ჭამო, მადა კიდევ უფრო გეხსნება. ერთი ხელობა სუფრას ძლიერ შეუტიეს ახალმოსულებმა, მგლებივით ყლაპავდნენ საჭმელს. პირველი აღტაცება რომ შესუსტდა, პართონ ხაჩატურამ ჩაიდო კალათაში კახური ტიკჭორა და სადღეგრძელოებიც გაჩაღდა.

ავი ითქვა, კარგი ითქვა, ამ მთისა, იმ მთისა. რომ გავათავეთ, ხაჩატურ აღამ სიტყვა ითხოვა.

— კნიაზჯან! პართონებო, თუმცა პრავა არა მაქვს, ვინემ ყველა-წმიდას ვადიდებდეთ, ვენაცვალე იმის მადლს, მე ვთხოვ ჩვენს კამპანიას ერთი შესანდობარი მიიერთვათ, მეც მინდა ვიამბოთ ერთი ხიფათი მეხისა ოინი. ეს ღმერთმა სასუფეველი დაუმკვიდროს მიხაკას (აილო პური და ზედ ღვინო დააწვეთა). შეუნდოს მიხეილ ბეჟანიჩს. ღვთის წინაშე, ძმაბიჭი იყო, პურმარილის კაცი.

— თუმცა არ ვიცნობდით, მაგრამ კარგ კაცს ღმერთმა შეუნდოს! — ყველამ შესანდობარი დავლიეთ.

— ბრძანე, ბრძანე, ხაჩატურ აღა!

— ამის ზედაშის მადლმა (ღვინოზე გვანიშნა), რასაც ვამბობ მართალია. ამ სამი წლის ადრე, მიხეილ ბეჟანიჩმა, ცხონებულმა, თავის ვენახში არტალაზე დაგვბატიუა ავჭალაში. იცით, რაღა, ქალაქის ხალხი სიცხით ვიწოდით, და, ვისაც ჭკუა აქვს, კვირა უქმეზე სოფლად გარბის. სეივანში ვისხედით სუფრაზე, ყურძნის მტევნები ზედ თავზე გვეკიდა. კარგა რთ შევზარხოვდით, ერთ წამს დაიქუხა. ავისხედეთ და ცაზე ღრუბლები შეგროვილიყო ზემო ავჭალისკენ. ერთიც რთ დაიქუხა, ცხონებული მიხაკა სუფრიდან წამოხტა:

— „ვინავათობისთვის“ შტრაფს დავლევ, მაგრამ უჩემობა არ

იქნება, იქ უნდა არსი გადავუგდო, თორემ ფონტის გზიდან წავალ... ვარი მოვარდება და ახალშენ ვაზებს დამიღუპავს...

წამოიღო მხარზე თოხი და ზემო ვენახისკენ გასწია. თქვენ ბრძანეთ კაცს რთ წერა აიტანს, იმ წამს ზედ ვენახზე ერთი ძლიერ დაიგრიალა, იჭექა და მესიცი ჩამოვარდა. ყველანი წამოვხტით. ერთიცი ვნახოთ, მებაღე გულგახეთქილი მორბის.

— ჰუ, რა იყო, ადამიანო!

— არიქა, თქვენი ჭირიმეთ, გვიშველეთ, ხაზინს მენი დაეცა.

ყველანი ავცვივდით სუფრიდან, მაგრამ თქვენს მტერს, რაღას ვუშველიდით. თურმე, თოხი მხარზე ედო, როცა გორაკზე ადიოდა. აი, ამას იმიზეზებენ დობტურები. მესხ სწორედ უკანიდან დაუკრავს თოხის რკინისთვის და მერე მიწაში ჩასულაო. მართლაცდა, ცხონებული უკანიდან წელქვევით სულ შეტრუსულიყო და ნატისუსანი ასდიოდა. საკვირველია, თითონ ცხონებულს ტანზე ნაკაწრიც კი ვერსად უპოვეს!

მას მერე ძლიერ მეშინიან ქუხილის და, კნიაზჯან, შენ რო დაიძახე: გაჩერდით, ჩამოხდით ცხენიდანაო, აკი პირველი მე გავეკარ დედამიწას.

ყველამ სიამოვნებით ვადღეგრძელებთ ხაჩატურ ალა.

იმის დასამტკიცებლად, რომ მენი მართლა ძლიერ ეტანება რკინას, ქუთაისელმა დაუმატა:

— ამ რვა-ცხრა წლის წინათ ჩვენში დიდი უბედურება დატრიალდა. დაბა ხონში ჭალაში სამი ძმანი ყანას (სიმიდს) თოხნიდნენ. სადილად რომ დასხდნენ, თოხებიც გვერდით ეწყობ. წამოუარა ღრუბელმა, ატყდა ელვა-ჭექა-ქუხილი, დაეცა თოხებს მენი და სამივე ძმაც იქვე წუთისთფელს გამოასალმა.

— ბატონებო, განაგრძო ჩვენმა ლექტორმა, აქ რაც რომ ითქვა, სრული ჭეშმარიტებაა. ყოველივე, რაც კი რამ ელვა-მესხ უბედურება ჩაუდენია, ჩაწერილი აქვთ მეცნიერებს და მთელი წიგნებიც არის გამოცემული. მეცნიერებას გამოკვლეული აქვს სამგვარი ელვა: I — არის ელვა, ცეცხლის ხაზივით რომ გაჰკრავს, ძლიერი ელვარებით გველივით რომ იკლავს და მერეც მრავალნაკადულად რომ გარბის; II — უეცრივ იფეთქებს, აინთება-აპრიალდება,

იქვე განეთხრობა, წითლად ანუ იისფრად გააშუქებს და იქვე გილობრივ ქრება; — III — ეს ელვა ყველაზე უსაშინელესია. სწორედ ისაა, ჯავახელმა რომ გვიამბო. ღრუბლისა და დედამიწის შუა გაჩნდება ხოლმე ცეცხლის ბუშტი, უფრო ხშირად მოყვითალო-წითელი ფერისაა და გარსაც შუქი ადგია. მიხვეულ-მოხვეულად მოძრაობს, ზოგჯერ სწრაფად და უფრო კი იმდენად აუჩქარებლივ, რომ გაქცეული კაცის თდენად მიფრინავს. ელვის ბუშტს შეუძლია სახლში შევარდეს, თუკი საიდანმე, თუგინდ მუშტისტოლა შესასვლელი იპოვა. ამ დროს გაგრძელება და შემდეგ ისევ მრგვალება, ზოგჯერ უმნიშვნელოდ ჰაერშივე ქრება და ხშირად კი საშინელი ჭექით სკდება.

ელვა იგივე ფიზიკური მოვლენაა, ელექტრონული ძალაა, რომელიც დაიკვესება, ანუ ზარბაზანივით დაიცლება ხოლმე თრღრუბელს შორის, ანუ ერთსა და იმავე ღრუბლის ნაგლეჯთა შუა. ან კიდევ, დედამიწის და ელექტრონით გაჟღენთილ-გატენილ ღრუბელს შუა. ყველაზე პირველად მეცნიერმა ბენიამინ ფრანკლინმა დაამტკიცა 1752 წელს, რომ ელვა ელექტრონის ძალაა და სხვა არაფერი. მაშინ ამერიკისა და ევროპის მეცნიერნი შეუდგნენ ფრანკლინის აზრის გამოკვლევას, განსორციელებას. ბევრი მოწინააღმდეგე აღმოჩნდა და მეტადრე სასულიერო წოდების გავლენიან პირთა შორის. 1753 წლის მარიაშობის თვეში მეცნიერი აკადემიკოსი რიხმანი გამოცდის დროს პეტერბურგში ელვის ელექტრონის ნაპერწკალმა მოკლა. ამ მსხვერპლმა ბევრი მეცნიერი ჭკუაზე მოიყვანა, მიხვდნენ, რომ ელექტრონი არა ხუმრობსო!

ფრანკლინის აღმოჩენამ ის დიდი სარგებლობა მოუტანა კაცობრიობას, რომ ეხლა ყველგან მართავენ მეხის ასაცდენ მავთულებს. ყველა მაღალ შენობას, ციხე-კოშკს, საყდრებს, თოფ-წამლის საწყობს შენობებს, უეჭველად უკეთებენ მეხის ასაცდენს. ამგვარ შენობას თავზე ისარივით წვეტიანი რკინის სქელი მავთული ურჭვია. მავთულის ბოლო, შენობის კედელ-კედელ მიწაში ჩადის, ჩამარხულია. მეხი ჰაერში ატყორცნილ წვეტიან რკინას დაჰკრავს ხოლმე და მავთულში ჩაბრძის, მიწაში გადის, შენობა კი უვნებელი რჩება.

ბენიამინ ფრანკლინი, ამერიკელი უბრალო მესანთლის შვილი, თვითონაც შველოდა ხელთაში ღარიბ მამას (ინგლისიდან იყო



გადასახლებული), რომელსაც ჩვიდმეტი შვილი ჰყავდა. უსკანსობის გამო მამას არ შეეძლო შვილისათვის წესიერი განათლება მიეცა. მაგრამ ყველაზე უმცროსმა ბენიამინმა მაინც თვითმოქმედებით მეცნიერებაშიაც გაითქვა სახელი და საუკეთესო მოქალაქე შეიქნა. ერთ დროს, როდესაც ფრანკლინი ამერიკის თავისუფლებისათვის იღწვოდა, მთელი ამერიკა და ევროპა ფრანკლინის მზეს ფიცულობდა.

რამდენადაც ელვაა საკმაოდ კარგად შესწავლილი, იმდენად ქუხილი და მისი მიზეზი აქამომდე ვერ არის მეცნიერებისაგან გამოკვლეული. ვიცით მხოლოდ, რომ ზაფხულში, ნაშუადღევის საათის ორიდან ექვსამდე, როცა ძალზე ცხელი ჰაერის ნაკადულები ცაში ადის, უფრო ხშირად მაშინ ატყდება ხოლმე ელვა-ქუხილი. ამასთანავე ქუხილი ყოველთვის ელვის შემდეგ იცის. ელვისა და ქუხილის შუა ზოგჯერ წამზე ნაკლები დრო გადის, ამ შემთხვევაში ქუხილის ხმაც მეტად ძლიერი და ხანმოკლეა. ზოგჯერ კი რამდენიმე წამი გაივლის ხოლმე, მაშინ ქუხილის ხმაც უფრო სუსტია, ნაკლებია, მაგრამ ხანგრძლივია, თანაც ისე გრიალებს და რახრახებს, თითქოს რაღაცას ავთრებენო. ზარბაზნის ხმა უფრო შორს მიდის, ვიდრე ქუხილისა. მაგალითად, 14-20 კილომეტრის მანძილზე ქუხილის ხმა ვეღარ უწევს, რა გინდ ძლიერადაც ქუხდეს. რამდენიმე ზარბაზნის ერთბაშად, ხშირი სროლა ისე გრიალებს, რომ მათი ხმა 70 კილომეტრზე ისმის, თუ რომ ტრიალი მინდორია. საკვირველია, რომ ისლანდიაში, ზამთარში უფრო ხშირად ქუხს, ვიდრე ზაფხულში.

## VI

ამ მოებში კვლავ გამოთენდა დილა, დღე მესამე. წუხელვე შევაგულიანე, ყველანი დავითანხმე, ჯერ მტკვრის სათავე, მარჯნის წყარო უნდა ვნახოთ და მერე ოლთისისკენ გზას დავუდგეთ! მაგრამ, ის კი აღარ ვიცი, ვნახოთ, ჭოროხის ხეობაშიაც წამომყვებიან თუ არა. მით უფრო, რომ ჭოროხის სათავე და მისი შუა წელი,

ქურთების მოლა ვეისალი წინ გაგვიძღვა მოკლე ბილიკით არსიანის (ყანლუს) მთისკენ. ყველანი მხიარულ გუნებაზე გახლდით; ჯერ ერთი, რომ კარგად გამოვიძინეთ და მეორეც — მართლა საუცხოო დილა დაგვიდგა, მოწმენდილი ლაჟვარდი ცა, გრილი მთის ჰაერი და, თანაც, მზე მაჭარვით ხუხავდა ბირისახეს.

— ეს ჰაერი კი არა, ნამდვილი შამპანურია! — წამოიძახა ბუნებისმეტყველმა, — ჰაერის სითხელის გამო ცის სურათიც უფრო მომხიბლავია.

მე მხარზე ხელი გადავხვიე მოლა ვეისალს.

— დანიელ, ერთი თუ რჯული გწამს, ამ მოლას ჰკითხე, ესენი რად გვეძახიან ჩვენ ვიაურებს?!

ამ შეკითხვაზე მოლას თვალები აუპრიალდა.

— დუნიან დორთ ქითაბი ვარ! მუსა, დოუთ, ისა, მაჰმედ. ალლა ბირ დურ, ჰამუსუმ ბირდურ! (ქვეყნიერებაზე ოთხი რჯული (წიგნი) და კანონი არსებობს: მოსესი, დავითის, ქრისტესი და მაჰმადისა. ღმერთი ერთია და მისი მორწმუნეიც ყველანი ერთნი ვართ)...

— ნუ სწუხართ, ამ შემთხვევაში არცთუ ჩვენი ფანატიკოსი მღვდლები აკლებენ. არამცთუ ხალხში გაიგონებთ, ქართულ ლიტერატურაშიც მაჰმადის მორწმუნეთ ურჯულოდ აღიარებენ! — აღელვებით შენიშნა ბუნებისმეტყველმა.

ხაჩატურ აღას და ჯავახელ გლეხს გაუკვირდათ თავადის მსჯელობა.

— შე დალოცვილო, და, ვისაც სული წმიდა არა სწამს, ურჯულოა, მაშ, რა იქნება?!

ჩვენ რამდენადმე დავითანხმეთ ეს ერთგულნი ქრისტესმოსავნი, რომ უსამართლოდ სჯიდნენ, რადგან სამივე მერჯულე (მოსესი, ქრისტესი და მაჰმადისა) ერთსა და იმავე ჭეშმარიტ ღმერთს სცემენ თაყვანს, მხოლოდ იმ განსხვავებით კი, რომ ქრისტიანები ღმერთს სამება-ერთარსებად ვაღიარებთ, ხოლო მაჰმადის და მოსეს რჯულით კი, იგივე ჩვენი ღმერთი, ეღოვა, ერთარსებაა. ამ საკითხის გამორკვევა საკვლავად გადავდეთ, რად-



გან ვუახლოვდებოდით არსიანის მთას, მტკვრის სათავეს, მარჯვან-სუს.

არსიანის მთა ართვინის ოლქში მდებარეობს. თვითონ მთა, მისი უმაღლესი მწვერვალი 10378 ფუტის სიმაღლეზეა (შავი ზღვის სიბრტყესთან შედარებით). არსიანის მთის ქედი იწყება აჭარის მთებიდან, აბასთუმანს აქეთ, ანუ, უკეთ რომ ვთქვათ, მდინარე ქობლიანის მარჯვნივ მდებარე მთიდან, ჩუბუს-ნარინ-ბაშიდან. აქედან მიემართება სამხრეთისაკენ და ასიოდე ვერსის შემდეგ ზოროსნის მთიდან მიდის სამხრეთ-დასავლეთისკენ და მერე კი ისევ სამხრეთისკენ მიისწრაფის, ვიდრე ქუმრის მთამდე. ამ მთიდან არსიანის ქედი, მთაგრეხილი დასავლეთისკენ უხვევს, შედის ოსმალეთში, შემოუვლის გურჯი-ბოლოსს (საქართველოს ყელს) და დუმლი-დადის სახელით არზრუმს ჩრდილოეთის მხრივ გაუვლის.

არზრუმს აქეთ არსიანის მთაგრეხილს გიაურ-დაღსაც ეძახიან, მდ. ჭოროხის სათავესთან (ბაიბურთის მაზრაში) უერთდება შავი ზღვიდან, ტრაპიზონის მხრიდან წამოსულ შუანდარასის მთებს, რომელნიც საქართველოს საზღვარს შეადგენენ, გაწოლილი არიან გიუმისხანას და ბაიბურთის სანჯახებს შორის.

ოსმალოს საზღვრებამდე არსიანის მთაგრეხილი სიგრძით ორასი ვერსია. მთელ ამ სივრცეზე, არსიანის ქედზე, მის თხემზე ტყე არ ხარობს, მაგრამ, სამაგიეროდ, თვალუწვდენელი საბალახო, საძოვარი ადგილებია. გაუვალ ბალახთა სიმრავლეში ალაგ-ალაგ საამურად ყვავიან დეკას (შქერი) ბუნქები.

ჭოროხის ხეობის მხარეზე, დასავლეთის გვერდზე, არსიანის მთაგრეხილს მთელ მის სიგრძე-სივრცეზე მისდევს ტყე. ჯერ სოჭი იზრდება გვერდებზე და მერე კი კალთებზე ყოველნაირი ფოთლოვანი ხე ხარობს, კარგი ტყეებია. აქეთა მხარეს (აღმოსავლეთით), მტკვრის ხეობისაკენ, თავსა და ბოლოს, კარგი ტყე არის აყრილი, ხოლო იქ, სადაც ადამიანის ხელი მოხვედრია (შუა წელზე), ტყე დიდი ხანია განადგურებულია.

წელიწადში თითქმის ექვსი თვე არსიანის ქედი დათოვლილია, გაუვალი თოვლი ძევს. არსიანის მთაგრეხილს ქართველთა ეკონომიურ არსებაში, სხვა უმთავრეს მთებთან ერთად, პირველი ადგილი უჭირავს. თავისი უზარმაზარი სიმაღლე-სიგანით ბუმბერაზად გაწოლილია ორ ხეობაში. იქით, დასავლეთით, ჭოროხის

ღრმა და კლდიანი ხეობაა, სადაც მდებარეობენ ართვინი, არტანუჯი, შავშეთი, აჭარა და სხვა. ხოლო აქეთ, აღმოსავლეთით მდებარეობს კოლა-არტაანი, საიდანაც იწყება მტკვრის სათავე, მისი ხეობა-აუზები. ჭოროხი აჭარას უთხრის გვერდებს და შავი ზღვისაკენ თავისმტკვრევით, გააფთრებული მიისწრაფვის, ბათუმის ახლოს უერთდება ზღვას, ხოლო დინჯი მტკვარი აქედან კასპიის ზღვისკენ მიემართება.

სწორედ ამ არსიანის მთის აღმოსავლეთ გვერდიდან გამოდის ერთი მთაგრეხილი (ტოტი), რომელსაც დღეს მუთულჯანი ჰქვია, ხოლო რა ერქვა ქართველთა აქ მბრძანებლობის დროს, ამის ცნობა ხელთ არა გვაქვს. ეს მუთულჯანა მთა კოლას საერისთაოში მდებარეობს.

ჩვენი ჩიჩერონი მოლა ვეისალი ჩაგვიძღვა ამ მთის სამხრეთ გვერდზე და გვითხრა: ბუიურ, ალა-ჯან! მარჯან-სუ ბახ ბუდურ!

მართლაცდა, ამ მუთულჯანის მთის სამხრეთ კალთაზე, ტრახიტის კლდის ნაპრალიდან ანკარა წყარო უშველებელ ნაკადულს ამოსჩქეფს, გადმოხეტქს, რომელიც აძლევეს სათავეს ჩვენს დიდებულ და მთელი კავკასიის უდიდეს მდინარეს, მტკვარს.

პირველივე აღტაცების შემდეგ ყველამ მოვისურვეთ ცივ-ცივი უბოწო წყართი განათვლა, პირის დაბანა, მაგრამ მოლა ვეისალმა გაგვაჩერა.

— იცი, ბატონო, ე მოლა მოგახსენებთ, არ იყოს, თუ შიგ წყაროში პირი დაიბანონო.

— მაინც რატომათ, დანიელ?

— ი, თქვენ რო გუშინ მალლა მთაზე ახვედით, მაგ მთას ჰამიშ-ბაბა ჰქვიანო. ჰოდა, ბატონებო, ის მთა და ეს მარჯანსუ წმიდა ადგილებად გვწამსო. ამ წყაროს ჩაყოლება, ნაკადულის ღელე-მიდამო სულ წმიდა ადგილები არისო.

— რა მაგ სიტყვის პასუხია და ხედავ, დანიელ, ჩემი ქურთი თავის ჯაგლაგა ცხენით დაგვეწია. ეგ რამდენი ხურჯინი აუკიდია? შენ ერთი უბრძანე, დანიელ, მაგ ქურთს, ერთი ჩემი ხურჯინი ჩამოიღოს... ვნახთ, რა წიგნები მაქვს და რუკაც, ვნახთ, იქ რო-გორდა წერია.

— ჰეი, ოლა, ოლა, ხურჯუნ გიათურ-თქო!

— ბატონო, ამათ ოლა-ოლას ნუ ეძახით, თაკილობენ, უნდა ქირვა (ნათლია) დაუძახოთ ხოლმე.





— შენს პირს შაქარი, დანიელ! და მერე რატომ აქამდე წავლენ?

— ქირვა, ქირვა, სურჯუნ ბუ ოთურ სალიჩაზედა.

გადავშალე რუკა და „პლანები“, მაგრამ ყველამ წინააღმდეგობა გამიწია, ჯერ რა დროს წიგნებია, პური გვშიათ.

მარჯნის წყაროს ჩავყევით და იქ პირი დავიბანეთ, გავნათლდით, გავვრილდით, გავკაცოცხლა ამ მთის წმინდა წყარომ და მგლებივით მივცვივდით ქვაყრილზე გაშლილ სუფრას, ყველამ თავთავისი სურჯინი გახსნა.

— აბა, მიირთვით, ბატონებო, — გაგვიმასპინძლდა მოლას მაგიერ დანიელა (ჩვენი ბინის პატრონი, მამასახლისი აღარ შევაწუხეთ, ქუთაისელ ჭოვდარს გაჰყვა ზევით მთაში საქონლის საყიდლად). დახეთ ჩვენს მასპინძელს: ვიალუმ-კაიმალი, კიტრი და თხლლოდ კვერცხიც მიუმატებია, ეს შემწვარი ბატკანი ხომ ხონთქარსაც ეკადრება!

— ახლა კი მომაწოდე ე. ჩემი დავთრები, დანიელ... იცი, რა გითხრა, აი, აქ სწერია: თურქები ჩვენს მტკვარს კურ ანუ გურ, გუნ-ს ეძახიანო. აბა ერთი ჰკითხე მოლას, მართალია?

— ასე მოგახსენებო, გიუნ თქმა არის მზე და სხვა კი არ ვიცო.

— ჰოდა, ესეც მართალი უნდა იყოს, მტკვარი მართლაც რომ კურთხეულია, მაღლიანი წყალია, აი, აქედან დაწყებული კასპიის ზღვამდე მიდის და მთელ აღმოსავლეთ საქართველოს კვებავს, სიცოცხლეს ჰფენს, აჭმევს, ასმევს და თან ტვირთსაც ზიდავს. ამდენი მაღლისათვის, რაღა საკვირველია, ამისთანა დიდებული მდინარისთვის მზე ეწოდებინოთ.

— დროა, ბატონებო, წავიდეთ ბინაზე და იქ მოგახსენებო, გაგაცნობთ მწერლების აზრს მტკვრის შესახებ.

— რაღა ბინა გვინდა. განაგრძეთ, განაგრძეთ!

— თუ მზე არ შეგაწუხებო, ბატონი ბრძანდებით. მტკვარი უდიდესი მდინარეა მთელ კავკასიაში. აი, ამ სათავიდან, ვიდრე ზღვამდე 1244 ვერს მანძილს გადის და ყველა წყალი მას ერთვის.

— ყველა წყალი მტკვარსა ერთვის, თვითონ მტკვარი კასპის ზღვასა, — მომაგონა ხალხური თქმულება ჯავახელმა გლენმა.

— ასლა, ბატონო, და, ეგ ვიღამ ვაზომა, მტკვრის სიგრძე... ათას ორას და კიდევ რამდენით?

— 1244 ვერსი. აი, რა მოგახსენოთ, 1867 წელს, მაშასადამე ჯერ მაშინ, როდესაც ეს მხარე ოსმალთს ხელში იყო, აქ მოვიდა თბილისიდან ცნობილი სწავლული გ. ი. რადე.

— თბილისის მუზეუმის დირექტორი?

— დიაღ, კავკასიის მუზეუმის დირექტორი. აი, ამას აქვს ყველაზე უკეთესად აწერილი და გაზომილი ეს ადგილები. რადეს გამოკვლევით, ეს წყარო მარჯანი მდებარეობს 6,642 ფუტის სიმაღლეზე.

— ჩვენი მასპინძლის პინა, ორდანი-კი, ქურთებისავე ნასოფლარია. მარჯნის წყარო ცოტა ქვემოთ რომ ჩაივლის, შეხვდება ჭაობიან ვაკეს, ჭალა-ღელეს, რომელიც უფრო პაწია ტბას ჰგავს (6500 ფუტი), აქ მარჯნის წყაროს უერთდება კიდევ რამდენიმე სხვა წყაროს ნაკადული, რომელნიც მაღალი ტიტველა მთებიდან ჩამოწვრილალებენ. აქედან მტკვარი ორმოციოდე ვერსს რომ გაივლის, სოფ. ყაზნაფარის ასლოს, ჩრდილოეთისკენ უხვევს. სათავიდან (მარჯნის წყაროდან) კასპის ზღვამდე გავლილი აქვს ათას ორას ორმოცდაოთხი (1244) ვერსი, ჰოდა, აბა დამისახელებთ ამოდენა მდინარე სხვა რომელია კავკასიაში?!

— ჩვენი რასხი, — დაიძახა ხაჩატურ აღამ.

— არაქსი, მართალია, დიდი მდინარეა, მაგრამ არაქსიც მტკვარს ერთვის, მტკვრის ბასეინს შეადგენს. არაქსის სათავე დევე-ბოიუქის და ბინგილ-დაღის მთებში იწყება (ოსმალებშია), სულ 750 ვერსის სიგრძით მიმდინარეობს და ბოლოს მტკვარს ერთვის, მისი მთავარი მარჯვენა ტოტია.

## VII

მტკვრის ხეობა-ბასეინი ნამდვილ ისტორიულ მუზეუმს წარმოადგენს, მთელი ისტორია-არქეოლოგიური საბუთებია შიგ დაცული, დამარხული. საუკუნეთა განმავლობაში ქართველი ერი მთელ თა-



ვის სულიერ ძალას და ქონება-შეძლებას უშუქვლად ზედ აღეცხდა საღმრთო და საეროვნო საქმეს — ეკლესია-მონასტრებისა და ციხე-სიმაგრეების აშენებას.

ქართველებს იმთავითვე უყვარდათ დედამდინარე მტკვარი.

პირველი ისტორიული ნაშთი მტკვრის სათავიდან 120 ვერსზე იწყება. ქალაქი არდაანი თავისი ძლიერი ციხით მტკვრის ორსავე ნაპირზეა გაშენებული. აუშენებიათ ქრისტეს წინათ, ჯერ მაშინ, როდესაც საქართველოს მამასახლისნი განაგებდნენ. მამასახლისმა მცხეთოსმა შვილებს რომ საქართველო გაუყო, ჯავახოსს არგუნეს „მტკვრის აღმოსავლეთით ფარავანამდე და თავამდე მტკვრისა“ ეს ჯავახოსი აშენებს „წუნდას და ქაჯთა ქალაქს, რომელიც შემდეგ არტანისია ანუ ჰური“.

— იცი, ბატონო!

— რაო, დანიელ?

— ჰური დღეს სოფელს ქვია. იქ ბევრჯერ მივაჭრია, არტაანის ახლოსაა. იქ ახლა ცხოვრობენ სამნი ძმანი აჭარელები: ჰამიშ-ბეგი, მუსტაფა და ზაქარია-ბეგი. ისინი არიან შვილები შარიფ-ბეგ ნიშნიაშვილისა.

— მართალი ხარ, დანიელ, შარიფ-ბეგი იყო მბრძანებელი მთელის აჭარისა, ხოლო მისი მამა ახმედ-ბეგი იყო ყარსის ფაშად (ვალი, ლენერალ-გუბერნატორი).

— ეგ დიდი ხანია შენიშნულია, რომ ქართველ კაცს სამაგალითო ადმინისტრაციული ნიჭი აქვს, თანაც შეუდარებელი მეომარია, გულადი და თაოსანი! — ჩაერია ლაპარაკში კახელი თავადი.

— მართალია, თუმცა ისტორიამ უანდერბა ქართველ კაცს ომი, ღზინი და მბრძანებლობა, მაგრამ ახლა მოქალაქეობრივი ცხოვრების გზას დაადგა.

ახლა ისევ არტაანზე მოვყვით. ბაგრატიონთა მბრძანებლობის დროს იჯდა არტაანს ერისთავი და განაგებდა კოლა-არტაანს, ხოლო მე-15 საუკუნეში ოსმალთმ წაგვართვა ეს მხარე და ჭოროხის სათავეც. რუსებმა რომ არტაანი აიღეს, აქ იყვნენ სანჯახ-ბეგებად ჰუსეინ-ფაშა და დავრიშ-ბეგი, ჩამომავლობით თურქნი. მამულეებიც ამათ ჰქონდათ დასაკუთრებული. არტაანის ციხეში „არის ეკლესია გუმბათიანი, დიდ-შენი, მშვენიერი და აწ ცარიელი“ (ვახუშტი). ამ ეკლესიაში კვლავ აღდგენილია წირვა-ლოცვა, მხოლოდ

სლავიანურ ენაზე. თუ ვინმე არის აქ ქართველი, არის „ჩინოვნიკი“ და „აფიცერი“.

არტაანიდან მტკვარი ჩრდილო-აღმოსავლეთისაკენ მიემართება, სადაც მარცხნიდან უერთდება ყანის-წყალი. აქედან ჩაუვლის ყურთალას (მგელ-ციხე) და ჯავახეთის საზღვარს უწევს თუ არა, მტკვარი ისევ ჩრდილოეთისაკენ მიისწრაფვის. აქ, ჯავახეთის საზღვრიდან ცოტა ზემოთ მტკვრის მარჯვენა ნაპირზე არის სოფელი ჩაისი და მასში ეკლესია თალიანი. სახლობს 317 კომლი ქართველი მაჰმადიანი. ამათ და, საერთოდ, ქართველ მაჰმადიანებს თათრები უძახიან „იერლი“ ხალხს, ბინადარს (აბორიგენი) ადგილობრივ მკვიდრს.

— იერლი ხალხი, ბატონო, სარუხს იხურავს და, რომ მოკლა, ვერ დაახურვინებ ფაფახს. აგრეთვე მოსული ხალხი, თარაქამები სარუხს თავის დღეში თავზე არ მიიკარებენ, — შენიშნა ჯავახელმა.

— ეგ მართალია, მხოლოდ ერთი რამ უნდა მოგახსენოთ: ჭოროხის ხეობისა არ ვიცით და აქ კი, ამ ზემო ქართლში (მესხეთი, ჯავახეთი, კოლა-არტაანი, თლთისი), მოსახლეობენ ან მკვიდრნი ქართველნი, ან განგებ დასახლებულნი ყარაფაფახები (თარაქამები). ნუ დაიჯერებთ, რომ ამ მხარეში თსმალეთიდან ვინმე გადმოსახლებულიყოს. ვიმეორებ, თარაქამების გარდა, აქ მოსახლე ვინც არის, სულ ქართველობაა, მაგრამ დიდი უმრავლესობა გამაჰმადიანებული, ანუ გაკათლიკებულია, მაგალითად, სოფელი ხიზაბავრა (2110 სული), უდე (2040 სული) და სხვა, ქართველი კათოლიკენი არიან.

ჩაისის ქართველებს თუმცა დედაენაც კი დაუკარგავთ, მაგრამ თავიანთ ეკლესიას კი წმიდად ინახავენ. ჩრდილოეთის მხრივ სოფელს პატარა ღელე ჩამოუდის. ღელის გაღმა ნაპირზე ასვენია უშველებელი ჯვარი, მთლიანი წითელი ქვიდან გამოკვეთილი, სიგრძე-სიგანით თითქმის ხუთი ადლი იქნება. ამ ჯვარზე სანთლის ნამწვავები შევამჩნიე. ცალი გვერდი ჯვარს სულ გამურული აქვს. ვკითხე ჩემს წინამძღოლს ჩაისელს. როცა ვინმე ავად გაგვიხდება, აგრეთვე შობას, აღდგომას, გიორგობას, სანთლებს ჩამოვქვნივთ ხოლმე და ამ წმიდა ჯვარს ვუნთებთ, ვევედრებით, — იყო პასუხი.

არტაანის ქვევით მტკვარი ჩავარდნილია კლდიდან ღრმა კალაპოტში, დაჭრილი მხეცივით ღრიალებს, ებრძვის უშველებელ



კლდეებს. ჯავახეთის საზღვრიდან სეობაში უკვე იწყება პარტიული ბოსტნები, მაგალითად თლოდას ბაღები, ერინჯელებს რომ გაუშენებიათ. ზედა ვარძიიდან სეობა იმდენად განივრდება, რომ გოგაშენელ ქართველებს მტკვრის თრსავე ნაპირზე ვენახები აქვთ გასშირებული. განთავისუფლებული მტკვარიც, აქედან დაწყებული, დინჯად მიმდინარეობს მთელ თავის მანძილზე, ვიდრე კასპიის ზღვამდე. გოგაშენის პირდაპირ, მტკვრის მარცხენა კიდეზე, კლდეში გამოკვეთილია დიდებული ისტორიული ნაშთი — ვარძია მონასტერი, თამარ მეფის საყვარელი სავანე, სადაც დაცულია მხატვრობა ყველა წმიდანისა, მეფეთა და დიდებულთა, ყველანი ცოცხლებივით ფეხზე დგანან, თამარ მეფის მამიდან დაწყებული — რუსუდანამდე. ბერებს 250 ადგიანი მავთული აქვთ გაბმული და ახლა ისე ააქვთ ქვაბით ანუ ტოლწით მტკვრის წყალი მონასტერში.

— რათა, ბატონო, აკი შიგ მონასტრიდან გვირავით მიდის გზა და აქ, შიგნით, არის წმიდა სასწაულიანი წყარო, — შენიშნა ჯავახელმა.

— ჰო, მაგრამ მაგ წყაროს მხოლოდ სასმელად ხმარობენ. მტკვრის წყალი კი სჭირდებათ სარეცხისათვის, ჭურჭლისათვის და სხვა.

— საკვირველი კია, ბატონო, რომ ი დალოცვილი წყარო ყოველთის პირთამდე სავსე ლივლივებს, არც პირს გადმოდის და არც თუ აკლდება, რამდენიც გინდა ამოიღე.

— ეს არის соощающиеся сосуды — წამოიძახა ბუნებისმეტყველმა, მაგრამ ფიზიკური კანონების განმარტებისათვის დრო არა გვქონდა.

— აქედან, ვარძიიდან იწყება დღეს ქართველთა ცხოვრება. ქართული სული დასტრიალებს, ხმას აძლევს ამ მთებს, ცათამდე ატყორცნილ ტიტველა კლდეებს და ასე, ვიდრე ალაზნის შესართავამდე, ქართველთა წარსული დიდების დროშა ფრიალებს.

— ბატონო, სიტყვას კი ნუ დაივიწყებთ და, თქვენ არ მოიხსენიეთ წყაროსთვის მონასტერი და ვარძიის ზემოთ ხო ერთის მაგიერ ორი შესანიშნავი მონასტერიცაა!

— მაგის პასუხად, იცი, რა უნდა გითხრა, ეს ჩემი ბაასი უმთავრესად მტკვარს და მის ვითარებას შეეხება, ხოლო მაგ დიდებულ სიძველეთა შესახებ თავის ადგილას შემდეგში ითქმის. გარდა ამისა, უჩვენოდაც აქაურობა დიდი ხანია აღწერილია. მაგრამ გულს



რომ არ დაგაკლდეთ, მოგახსენებთ, მოკლედ მოგახსენებთ, ნებო, რომ ვარძიის მონასტრის გარშემო, გაღმა-გამოღმა, ათი-თხუთმეტი ვერსის მანძილზე, ჯერეთ ამაყად დგანან ეკლესია-მონასტრები: წყაროსთავი, ქარბამეთი და მის ზევით კიდევ მე-4 საუკუნეში აშენებული შესანიშნავი გავეთის მონასტერი, სადაც, ვახუშტის სიტყვით, ესვენა ქრისტეს სამსჭავალი (ლურსმანი.) აიღეთ ასლა თმოგვის ციხე-ქალაქი, სამშობლო სარგის თმოგველისა, რომელმაც თარგმნა ვისრამიანი („დიღარგეთ სარგის თმოგველსა, მას ენადაუშრომელსა“, — შოთა). თმოგვის ქვემოთ, ხეობაშივე წუნდის ეკლესიაა, რომელსაც ზევიდან, ჯავახეთის ვაკედან გადმოჰყურებს კუმურდოს შესანიშნავი მონასტერი, აშენებული იოანე ეპისკოპოსისაგან, აფხაზთა მეფის ლეონ მესამის დროს 964 წ. „იჯდა იქ (კუმურდოში) ეპისკოპოსი, მწყემსი, სრულიად ჯავახეთისა, ხერთვისის ზეითისა“ (ვახუშტი) და სხვა.

— მაინც საინტერესოა, რომელ საუკუნეს ეკუთვნის წყაროსთავის მონასტრის აშენება? — შემეკამათა ბუნებისმეტყველი.

— კუმურდოზე ადრე, ბარე 400 წლის წინათ არის აშენებული წყაროსთავი.

— მაინც?

— ვახტანგ გორგასალის შემდეგ მეფობდა ძე მისი დაჩი (499—514). ამის ხელქვეით ერისთაობდა ჯავახეთში ძმა მისი მირდატ. ამან აღაშენა ღვთაების ეკლესია წყაროსთავის „ფრიად დიდმშვენიერი, გუმბათიანი, იჯდა ეპისკოპოსი, მწყემსი მტკვრის აღმოსავლეთისა არტანითურთ, ვიდრე ყარსის მთამდე და ხავეთამდე“ (ვახუშტი).

— ჩვენ გაგონილი გვაქვს, ბატონო, რომ პირველი სახარება ქართულად წყაროსთავის მონასტერში უთარგმნიათ, — შემნიშნა ჯავახელმა.

— წყაროსთავში დაწერილია ორი სახარება; ერთი ოთხთავი — თვალითა და მარგალიტით მოჭედილი, დღეს გელათის მონასტერში ინახება, ხოლო მეორე სახარება „დაწერილია წყაროსთავის ღვთაების ეკლესიაში ხელითა საბასითა და შეკაზმული გიორგი აბაშიძის ბრძანებით წინამძღვრის გიორგი ჟუთულაშვილისაგან“, იბოვება უბისის ეკლესიაში, იმერეთში (დ. ბაქრაძე).

— ეგ ის სახარება ხომ არ არის გელათისა, ლევაშოვმა რომ გაიტაცა? — გულმტკიცუნულად შემეკითხა თავადი.



— ვარძიიდან ოთხიოდ ვერსის ქვემოთ მტკვარი ძირს უთხრის თმოგვის ოდესმე მიუვალ ციხეს. აშენებულია მტკვრის მარცხენა კიდეზე, ცაში დაკიდულ საშინელ კლდეებზე. აუშენებია მეფე ფარნაჯობს მესამე საუკუნეში ქრისტეს წინათ. თმოგვის ქვემოთ მტკვარი ჩაუვლის მარჯვნივ მდებარე წუნდას, ნაქალაქევს და ხერთვისის ციხის ძირში შეერთავს მარჯვნივ მდებარე ჯავახეთის მტკვარს, რომელიც გამომდინარეობს ფარაგნის ტბიდან.

— გაგონილი გვაქვს, ბატონო, რომ მაგ ტბის ნაპირზე წმიდა ნინოს გამოეცხადა ღვთისმშობელი. წმიდა ნინომ ამ არტაანის და ჩილდირის მთებში შიშით და ძრწოლით რომ გადაიარა, ძლიერ დაღალულა და ტბის ნაპირზე დასძინებია. ამ დროს ღვთისმშობელმა გადასცათ ვაზის ჯვარი და გზა დაულოცა, გაამხნევაო.

— ეგ ვაზის ჯვარი, ჩემო ჯავახელო, წმინდა ნინოს თავისი თმით შეუკერავს და ახლა ასვენია თბილისში, სიონის ტაძარში. ჯვარს ნინაობას (14 იანვარს) ყოველწლივ გამოასვენებენ ხოლმე, მლოცველნი ემთხვევიან.

— ხერთვისიდან მტკვარი, ერთიორად ქცეული, ჩაუვლის ქართველთა სოფლებს, მარცხნივ ტოლოშს, მარჯვნივ — ორმოცს, საროს, სიზაბავრას და ბად-ვენახების ქვემოთ უერთდება მტკვარს მარჯვნიდან პატარა მდინარე ჩიხორიში.

ეს მთის შვილი ჩიხორიში ჭობარეთის მთიდან ჩამოწკრიანლებს, გულს უგრილებს სოფელ დამალას და მხიარული უერთდება მტკვარს. ჩიხორიში შეადგენს ბუნებრივ საზღვარს მესხეთის და ჯავახეთის შუა, ხოლო დღეს ახალციხის და ახალქალაქის მაზრებს შუა. ჩიხორიშის წყალი იქამდე გემრიელია, რომ ოდესღაც სტამბოლს მიჰქონდათ ეს წყალი. ამის შესახებ ხალხში დარჩენილა მშვენიერი ლეგენდა-თქმულება, რომელიც მე ლექსად მაქვს ჩაწერილი.

აქედან მტკვარი ჩაუვლის მარჯვნივ ასპინძას და მის გამოჩენილ ველს, სადაც მეფე ირაკლიმ მთელი ევროპის სამაგალითოდ გაიმარჯვა ლეკთ-ოსმალის შეერთებულ აუარებელ ჯარზე. აქედან მტკვარი მარჯვნივ იღუმალას და მარცხნივ ახალშენს რომ გასცდება, მარჯვნივ ჩაუვლის დაბა რუსთავს, სადაც დაიბადა ქართველი ერის საქვეყნოდ მასახელებელი და საღმერთებელი მგოსანი შოთა.

რუსთაველის სამშობლო სოფლიდან მტკვარი მარცხნივ ჩაუვ-

ლის ჯერ მუსხს და მერე გამოჩენილ საფარის მონასტერს, თორმეტი საყდარია აშენებული. მდებარეობს ახალციხის სამხრეთით ექვსი ვერსის მანძილზე, აქ იმარხებოდნენ ახალციხის ათაბაგები.

დიუბუა დე მონპერეს აზრით, „საფარის უმთავრეს (წმ. საბას) ტაძარზედ უდიდებულესი ძნელად თუ კიდეც იქნება, ჩუქურთმები-იაც გელათის მონასტერზედაც მიდიდარაო“ (მ. ჯანაშვილი).

— ვინ იყო ეგ დალოცვილი შვილი დიუბუა? — შემეკითხა ჯავახელი.

— დიუბუა დე მონპერე (1798—1850), საფრანგეთის შვილი, დაიბადა ქალაქ ნევშატელში და აქვე იყო აკადემიის პროფესორად. სახელი გაითქვა, როგორც გამოჩენილმა მოგზაურმა, ნატურალისტმა და არხეოლოგმა. საქართველოში მოგზაურობდა 1839—1845 წლებში, ღირსშესანიშნავი ყოველივე მეცნიერულად აღწერა და ცალკე წიგნად გამოსცა. გაკვირვებული იყო, რომ არსად დედამიწის ზურგზე, შედარებით, ამდენ ციხე-მონასტრებს, თანაც დიდებულად ნაშენს, ვერ შეხვდებოდა.

საფარის ქვემოთ, სოფელ მინაძეებს რომ მიატანს, მტკვარი უეცრივ იცვლის მიმართულებას. აქ ახალციხის ქვემოთ მას უერთდება ფოცხოვის მდინარე და ადიდებული ჩრდილო-აღმოსავლეთისაკენ იბრუნებს პირს, ჩაუვლის მარჯვნივ აწყურის მაღალ ციხეს და დიდებულ ტაძრის ნანგრევებს, რომლის სასწაულიანი აწყურის ღვთისმშობლის ხელთუქმნელი ხატი ამჟამად გელათის მონასტერში ასვენია.

აწყურის ქვემოთ მტკვარი ზედ შუაზე აპობს აჭარა-თრიალეთის მთაგრენილს. მესხეთის და ქართლის საზღვარზე მტკვარი ჩაუვლის მარცხნივ სწორედ იმ ადგილს, სადაც მოხდა საქართველოს ისტორიული ტრაგედია, სადაც მოხუცმა გმირთ-გმირმა ირაკლი მეფემ ცალმუხლით დაუწოქა ღენერალ ტოტლებენს.

— გთხოვთ განმარტოთ ეს დაუჯერებელი ამბავი! — შემოსძახა აღშფოთებულმა თავადმა.

— 1770 წ. იმპერატრიცა ეკატერინე II-მ ომი აუტეხა ოსმალს და ირაკლი მეფეც, ვით თავის მოკავშირე, იძულებული ჰყო ოსმალსთვის ომი გამოეცხადებინა. მაშველად გამოუგზავნა ღენერალი ტოტლებენი რუსის ჯარით და რამდენიმე ზარბაზნით როდესაც





ომი გაცხარდა, აწყურის ციხეს ალყა შემოარტყეს და ასპინძისკენ მიემართებოდნენ, სწორედ ამ დროს ტოტლებენმა მოატრიალა თავისი ჯარი და რუსეთის გზას გაუდგა.

ეს ამბავი მეფეს მოხსენდა ასპინძის კადასახედზე. ირაკლის ელდა ეცა, გამოეკიდა ცხენით ტოტლებენს, დაეწია სოფ. დვირის პირდაპირ, მაგრამ უერაფრით ვერ დაითანხმა, ვერ დაიყოლია დენერალი. ამადგარ მეფეს წარმოუდგა თვალწინ ის საშინელება, ის განადგურება ქართლისა, რაიც მოსალოდნელი იყო, თუ ვინიცობაა გაიმარჯვებდნენ ლეკ-ოსმალნი. ჩამოვიდა მეფე ცხენიდან, ცალი მუხლით დაუჩოქა ტოტლებენს და შეევედრა: ღმერთმა ხომ იცის, მე ოსმალებთან საჩხუბარი არა მქონდა რა, ძალად ჩამრიეთ და ახლა კი შუა წყალში მანებებთ თავსა, და თუ თქვენ ომის გერიდებათ, ორი ზარბაზანი მაინც დამითმეთო. ტოტლებენმა ამის პასუხად ცხენი გაქუსლა: „იმპერატრიცა ხონთქარს შეურიგდა და მე ნაბრძანები მაქვს, წამსვე რუსეთში დავბრუნდე“-ო.

— მე არ მჯეროდა და ახლა კი ჭკუაზე ახლოა.

— ბრძანეთ, თავადო.

— ჩვენს სახლში ერთი მოხუცისაგან გამიგონია: რუსის ჯარი მღეთის აღმართს რომ ავიდა, გუდაურის სადგურთან ისვენებდა. მაისის მშვენიერი დილა იდგა. ტოტლებენმა დურბინდი აიღო ხელში და არაგვის ტურფა ხეობას გადმოხედა, მოკრიალე ლაჟვარდი ცა მზის სხივებ-შარავანდედით სურნელებას უკმევდა ზურმუხტისფრად გაშლილ ვაზისა და ვარდის ქვეყანას. არაგვი კი ვერცხლის გველივით ბრწყინავდა-იკლაკნებოდა. აღტაცებულმა დენერალმა დემონივით გადმოსძახა რუსულად: „სამოთხის ქვეყანავ, საოცნებო საქართველოვ, შენ ხარ ჩვენთვის საჭირო და არა შენი ხალხი“.

სოფელ ქვაბისხევიდან მტკვარი ქმნის ბორჯომის საუცხოო ხეობას, რომლის მშვენება, ბუნების სურათების სიმდიდრე ოდესღაც საქართველოს სიამაყეს შეადგენდა. ბორჯომში იწყება „წესიერი „ნაოსნობა“ მტკვარზე. აქ, ხეობაში, მრავალგან არის კარგად მოწყობილი სატივო, სადაც კრავენ დიდროვან ორკეც ტივებს და თბილისამდე მტკვარს აქამდინაც აზიდვინებენ.



ბორჯომიდან გამოსული მტკვარი ქვიშხეთს დაინახავს თუ პირს იბრუნებს აღმოსავლეთისაკენ, სურამის მინდორ-ჭალებს რომ გაათავებს, ჩაუვლის ურბნისის მაღალ ტაძარს, ქარელის პირდაპირ, ქალ. გორთან, გორიჯვართან მარცხნიდან შეიერთავს გიჟლიახეს და აქედან პირს იზამს სამხრეთ-აღმოსავლეთისაკენ და ამ მიმართულებას ბოლომდე აღარ ცვლის.

გორიდან წამოსული მტკვარი მარცხნივ ჩაუვლის კლდის ქალაქს უფლისციხეს, შიო მღვიმელის მონასტერს და ჩადის ძველ დედაქალაქში, მცხეთაში, სადაც საუკუნოდ განისვენებს ამგდარი მეფე ერეკლე; მცხეთასთან მღვრიე მტკვარს ერთვის, წმინდა, ანკარა არაგვი. აქედან მტკვარი მიაშურებს ვახტანგ გორგასლანის დედაქალაქს თბილისს. აქ მარჯვნივ მიუალერსებს სიონის ტაძარს და აქედან გაქანებული ებგერება მარცხნით მდებარე მეტეხის ციხის კლდეს, სადაც ჩავარდება მტკვარი მუხრანში, ორ კლდეთა შორის ღრმა და ვიწრო კალაპოტში, თითქოს განგებ, რომ ადვილი ყოფილიყო მასზე სიდის გაღება. მეტეხის ციხეს თავს დაადწევს თუ არა, მტკვარი ტყვეობიდან ნელ-ნელა იმართება წელში, ჩაუვლის მარჯვნივ საბედისწერო კრწანისის ველს და, ჩასცილდება თუ არა ყარსის რკინიგზის ხიდს და წმიდა ბარბარეს, თავისუფლად შლის ფრთებს, საითკენაც მოისურვებს. თბილისიდან ორმოციოდე ვერსის მანძილზე მარცხნივ ჩაუვლის ზემო ყარაიაზის მინდორს, სადაც ოდესმე ქართველ ბერ-მონაზონთა, მეუდაბნოეთა წირვა-ლოცვა და წმიდა გალობა გუგუნებდა. აქ არის დიდებული ნათლისმცემლის მონასტერი და პატარა, უტყვეო და უწყლო კლდიან მთაში გამოკვეთილი შესანიშნავი წმ. დავით გარეჯის უდაბნო 12 მონასტრით.

ამ წმიდა ადგილებს რომ ჩასცდება მტკვარი, გაივლის კიდეც ორასიოდე ვერსს და ყარაიაზთან ბოლოს უახლოვდება სამუხს (ბინებს) და აქ დედობრივი საღმრთო იხუტებს გულში. ორთავე და-ძმას, ტყუპებს, იორსა და ალაზანს.

### VIII

დავით გარეჯის უდაბნოს ქვევით, ასე, სამი დღის სავალზე მდებარეობს შესანიშნავი ადგილი, რომლის სწორი და ბადალი



არამცთუ მთელ მტკვრის ხეობა-ბასეინში, არსად დედამიწის ზურგზე არ გვევლება.

აქ შექმნილია კუთხე სამი მაზრისა — ნუსხა-სიღნაღის და განჯისა, აქ იყრის თავს, აქ ინასკვება სხმი მდინარე, აქ ესალმებიან თავის საყვარელ სამშობლოს მტკვარი და ალაზანი, აქ, ამ ადგილას, სამად შერთული მტკვარი სამარადისოდ ტოვებს საქართველოს საზღვარს.

კავკასიონის მთაგრეხილს სამხრეთით უბღარტნია უზარმაზარი მთა ბორბალო, 10,807 ფუტის სიმაღლე. მდებარეობს თიანეთის მხარეში. ამ მთას, ბორბალოს, სამხრეთითვე ამოუხეთქავს ორი უშველებელი ტოტი. ერთი გაცივებულია, მდინარე თეთრი არაგვის და იორის შუა, ხოლო მეორე ტოტს (ლავას) დიდ მანძილზე, აღმოსავლეთისაკენ უდენია, რომლის ტალღები მესამასე ვერსზე შირაქის ტრიალ მინდორში თავდება. აი, ამ ტოტს, ვაკე მთას, ეწოდა: გომბორი, შუამთა და ცივი.

ბორბალოს მთის საყინულე აძლევს ორ უმთავრეს მდინარეს კახეთისას სათავეს, ალაზანს და იორს, ამ ტყუბ მდინარეთა შორის ვეშაპივით გაწოლილა ხსენებული გომბორის მთა, რომელსაც შეუქმნია მარცხნივ უცხოდ შემკული ტურფა ალაზნის ხეობა და მარჯვნივ — არანაკლებ განთქმული ივრის ხეობა. აი ამ გომბორის ვაკე მთაზე გაშენებულია თიანეთი (3677 ფუტი), თელავი (2420 ფ.) და სიღნაღი (2886 ფ.). ამ მთას და მის ხეობა ღელეებს დაჰხვევია: თუში, ფშავი, ღლიღვი, ხევსური და ამათ ქვემოთ, ერწო-თიანეთი და მთლად კახეთი — გარეთ-კახეთი, შიგნით-კახეთი, უკანამხარი, წინამხარი და ქიზიყი. გომბორის მთა აჭმევს, ასმევს, ჰკვებავს და ინახავს სამი მაზრის აუარებელ ხალხს, საქონელს, ნადირს, ფრინველს, ტყეს და ყოველ ცხოველს და მცენარეს.

გომბორის მთის ბოლოში შექმნილია თვალუწვდენელი მინდორ-ვაკე, ნავთის წყაროები და ხრიოკი უდაბნო, რომელსაც მდინარე იორი თითქმის შუაზე ყოფს.

იორისა და მტკვრის შუა მინდორს დარქმევია ქვემო ყარაია და ამის ბოლოს არის ჯეირან-ჩოლი. იორსა და ალაზანს შორის მდებარეობს საზამთრო საძოვრებით განთქმული შირაქის თვალუწვდენელი მინდორ-ვაკე.

ჯეირან-ჩოლის ბოლოზე სამუხის ბინებთან პატარა ალაზანი

(მდ. იორი) უერთდება, გულში ეკონება თავის ღვიძლ ძმას, დიდძალ ხნის უნახავ, დიდ ალაზანს.

ალაზანი იორს რომ შეირთავს, ბევრს უხვევს მარჯვნივ და მარცხნივ (ექვს ვერსს მაინც), ძალიან უმძიმს საყვარელ სამშობლოსთან გამოთხოვება, მისი დატოვება, იცის ბუნების წესი, რომ უკან ველარ გაბრუნდება და ბოლოს ჯავრისაგან თავს იკლავს, კლდეზე ვარდება, ბევრი ძებნის შემდეგ უპოვია ერთ ადგილას ცნრა ადლი სიმაღლე კლდე, ტინი და მთლად ზედ გადადის, თავს იმსხვრევს, ისეთი საშინელის ძალით ჩაქუხს, რომ ყურთასმენა არ არის.

კლდიდან გადმოვარდნილი, დაღრენილ უფსკრულში შთანთქმული, ფრთებდაღეწილი ალაზანი ვეფხვივით აქაფებულ ქოჩორს ისწორებს, ძლივძლივობით წელში იმართება და ცოტასაც რომ გაივლის, მერე სამარადისოდ კარგავს თავის სახელს, დიდებულ მტკვარს უერთდება. სწორედ, აქ განჯის ბოლოს, თავდება კიდეც საქართველოს საზღვარი, რომელიც მდებარეობს თბილისიდან 256 ვერსის მანძილზე.

— თუ უკაცრად არ ვიყო...

— ბრძანეთ, თავადო!

— ჩემს პატარაობას, მახსოვს, კახეთში ჩვენი თავადობა, — მაჩემი და სხვანიც აგრეთვე შეძლებულნი გლეხნიც, რთველს რა გაათავებდნენ, ურმებს შეაბამდნენ ყევარ-ყევარს და სალიანში გზავნიდნენ სმელი თევზისთვის (დოში, ზურგიელი), ზოგიც ყულფში მიდიოდა მარილისათვის, ხოლო, ვინც ღონიერი იყო, ის აქაც ამოდიოდა სათათრეთში (ყარსის მხარეს), აღზევანს მარილისათვის, მაშინდელს აქეთაა, მახსოვს, მეურმეები იტყოდნენ ხოლმე: „სალიანის გზაზე, ერთ ადგილას, ჩვენი ალაზანი უშველებელი კლდიდან ვარდება, მერე რა დიდ მანძილზე გადადის მალაყს, რო იცოდეთ, — ქვეშ ურმით ისე გაუვლიდით, რომ ერთი წინწყალი რა არი, ერთი წინწყალიც არ მოგვხვდრიათ!“

— ეგ მართალი ბრძანებაა, თავადო, მეც გამიგონია, მაგრამ შარშან ერთმა ფშავმა, მეცხვარეთა სარქალმა, მითხრა: ი ტინი და კლდე ალაზანს ჩაუთხრია და ახლა ისე ველარ გაუვლით ურმით ქვეშ, რომ არ გაიწუწოთ. ჰოდა, თავადო, თქვენც მოგეხსენებათ, რომ ეგ მაგრეც უნდა იყოს.



— ალაზანი მექანიკური და ქიმიური ძალით ყოველწლიურად ცვეთს, ღრღნის, ფხეკავს ტინს და კლდეს, კიდეც რამდენიმე საუკუნე და იქნება სულაც ჩათხაროს...

— ვა! პართონებო... სმენა იყოს და გავთნება, ზიარების მადლმა, რომ ჩემზე კარგად ეგ ადგილები არავინ იცის, ყოველწლივ მაგ ადგილას შემოუვლი ას ბინას მაინც.

— მერე რისთვის ირჯებით სოლმე, პართონ ხანატურ?

— მაშ, ვა! ბეებს ზამთარში ვურიგებთ, მატყლი სხვას არ მიპყიდონ. ჰა! მიგდეთ რაღა ყური... შირაქზე და ჯეირან-ჩოლის მინდვრებზე ზაფხულში არ იდგომილება, ისე ძლიერ ცხელა, რომ ერბოკვერცხი შეიწვის, რაღა! მაგრამ რას იტყვით, რომ ზამთარში, ვენაცვალე ღმერთს, ქვეყნის დამბადებელს, ზამთარში კი ამისთანა დალოცვილი საზამთრო საძოვარი ცხვრისთვის, მოგახსენებთ, პართონებო, რომ ჩემმა მზემ არსად დუნიაზე არ მოინახება. რაც გინდ დიდი ზამთარი იყოს, აქ თოვლი არ იცის და, თუ მოვიდა, იმ დღესვე დნება, რაც რომ თრიალეთში და აქ, არტაანის იალალებზე, ზაფხულში ცხვარი მოდის, სულ შირაქს და ჯეირან-ჩოლს ეფინება შემოდგომა-ზამთრობით. ჯერ მე ვიცი ას ბინაზე მეტი. თუში და ფშავი უფრო ეტანება ჯეირან-ჩოლს. იქით კი, დედოფლის წყარომდინ, შირაქზე ამაყი ქიზიყელების ბინებია.

— ის როგორღა იყო, ხანატურ-აღა, რომ ამბობ, ზამთარი არ იცისო ქიზიყელმა მეცხვარემ რომ დაიკვება: „ჰი, ვენაცვალე ღმერთს, მარტი ისე გავიდა, რომ ერთი ქეციანი ბატკანიც ვერ მომიკლათ“. ეს რომ გაიგო მარტმა, კაცი აფრინა აპრილთან: „თუ ძმა ხარ, ერთი სამიოდე დღე მასესხე და მე ვაჩვენებ სეირს მაგ თავზედ მეცხვარეს! არადა, როგორ მოგწონთ, ნიშნაც რომ მიგებს! დიად, უცხოა; თქვენმა მზემ“. აპრილმა ასესხა. ამოუშვა მარტმა ნამქერი, მერე რა ნამქერი, ვერა სულდგმული გარეთ გამოსვლას ვერ ბედავდა. მეცხვარეც გაუჯიბრდა მარტს: ჩასვა გუდაში კატა, მოუკრა პირი და ფარესის ჭერში ჩამოკიდა. კატამ დაიწყო გუდაში ფხაკუნნი და ცხვარი ხომ აბუეტია, ერთს გაუკვირდა, მეორეს და მთელი ფარა ცხვარი მთელ სამ დღეს იმ კატის თინს შესცქეროდა, ფხაკუნნი აკვირვებდა, გატაცებული იყო. ამგვარად, აჯობა მეცხვარემ მარტს — მთელი ფარა ცხვარი შიმშილს გადაარჩინა და აპრილმაც შეიბრალა ცხვარი და ისეთი მზე ამოვიდა, რომ ქაჩალს თავს დაწვადა.



— ეგ რა ბრძანებაა! ლათაია, სიტყვის მასალაა, რაღა... გამიფრთხილებინებოდა, პარონებო... სოფელ დიდ სამუხში ცხოვრობს დღეს თითონ ამ ადგილების პატრონი — შარიფ-ბეგი შამხალოვი და მთლად მისი გვარეულობა შვიდი კომლი. სოფელი კი დიდია, ას კომლზე მეტი იქნება, სულ შიიტები არიან, შარიფ-ბეგს ცხენის ზაოდიც აქვს და ძალიან კარგი ჯიშის ცხენებსაც ინახავს, ყარაბაქს, არაბს და სხვა. აქაურობის იშხანია, ელი!

— მართალი ხარ, ხანატურ-ალა... ნათქვამია: უპატრონო ეკლესიას ალები დაეპატრონებიანო. ეგ მაგრეა დღეს, ხოლო უწინ, ჩვენი მემატიანეს სიტყვით, აქ ალაზნის და იორის შორის, კამლიერებული იყო ქართველთა ცხოვრება, აქ ყოფილა „საერისთაო და ქალაქი ჰერეთი“. და უფრო ქვემოთ ქალაქი მოვაკანი (ალაზნისა და მტკვრის შესართავთან). ხოლო თამარის დროს აქ, მტკვრის მარჯვენა კიდეზე, გაიხსენეთ, ბატონებო, შანქორის (და დოვინის) დაჭერა 1203 წელს. დიად, რა ბრძოლა იყო, რა საშინლად დაამარცხეს ქართველებმა აუარებელი მოზღვაკებული მტერი. აქ იბრძოდა თვით დავით სოსლანი (რომელიც იყო ქმარი თამარისა) და ამირ-სპასალარი ზაქარია ძმით იოანეთი. აქვე მოართვეს სოსლან დავითს დროშა დამარცხებული ათაბაგისა, ხოლო შანქორელთა კლიტენი ქალაქისანი. ალაფთა უმრავლესობისაგან თამარმა „წარგზავნა დროშა ათაბაგისა ხახულის ღვთის-მშობლის წინაშე, ვითარცა პაპამან მისმან მანთაკი ყაისის ძისა“.

ბოლოს სამუხის არემარის შესახებ ამბობს ვახუშტი: „და აწ უწოდებენ ამას ადგილსა ხორანთას (ჰერეთი) და იყო ქალაქი და ციხე ყრუმდე და ბერქამდე (1260 წ.) შემდგომად მოიხრდა და აწ ოხერ არს“.

### IX

ამგვარად, ამ მარჯნის წყაროდან, ვიდრე საქართველოს საზღვრამდე (სოფ. დიდი სამუხი), მტკვარი გადის 726 ვერსს, მაშასადამე, ალაზნის შეერთების შემდეგ მტკვარს კიდევ რჩება გასავლელი 518 ვერსი, ჩაივლის ქვემო ქვეყნებს, მდინარე არაქსაც მარჯვნივ შეირთავს და წყალმრავალი მტკვარი სამარადისოდ უერთდება კასპიის ზღვას, აქ მტკვარი ორტოტად იყოფა, რომელთა შუა კუნძულივით მდებარეობს პატარა ხმელეთი, ე. წ. სალიანი.



მართლაცდა, ამ დიდებულ კდინარეს — მტკვარს, გარდა, რომ 1244 ვერსის სიგრძე აქვს, თან უშველებელი ადგილი თავისი ტოტებითურთ. სტრელებიცვის გამონაგარიშებით, მტკვარის ბასეინის არემარე უდრის 136.355 კვადრატულ ვერსს! არცთუ საკვირველია, რადგანაც ყუბა-ლენკორანს გარდა, მთლად აღმოსავლეთი საქართველო და ქვემო ქვეყნები მტკვარისა და მისი ტოტების ბასეინს, ხეობა-ღელეებს უჭირავს.

ჯერ 1814 წელს სცადეს და კასპიის ზღვიდან მტკვარ-მტკვარ, სამუხამდე ამოვიდნენ დიდრონი ნავეებით. დღეს კასპიის ზღვიდან ხომალდები ამოდიან, ვიდრე სოფ. ზარდობამდე (320 ვერსს).

წელიწადში სულ ცოტა, ათასამდე დიდი და ორ ათასამდე პატარა ხომალდები ადი-ჩადიან მტკვარზე. უმთავრესად თევზის საჭერად დაცურობენ და ამ მიზნისათვის საგანგებოდაც არიან მოწყობილი. სალიანს და ზღვას შუა მტკვარიდან ყოველწლივ სამმილიონ ფუთამდე ამოაქვთ სხვადასხვაგვარი თევზი. უმთავრესად გვხვდება სვია, თართი, ფორეჯი, ტარადანა, ორაგული, შამაია, ლოქო, ფარვა, ჭანარი, ქაშაყი, კუტუმი და სხვა და სხვ. ახლა აბა ისიც ვიანგარიშოთ, რამდენი ათასი ფუთი წელა და ხიზილალა გამოდის.

არაქსის შესართავიდან ვიდრე ზღვამდე მტკვარი ისეთი მდიდარია თევზით, რომ ამისთანა ძვირფასი ადგილი მთელ ქვეყანაზე არ მოინახება! ეს ღვთივკურთხეული ადგილი საზინას ეკუთვნის და იჯარით გასცემს ხოლმე.

— ახლა, აბა, დამისახელებთ, ვინ იცით, საქართველოს საზღვრებში მტკვარში რა და რა თევზი ბუდობს?

— კვეხნაში კი ნუ ჩამომართმევთ, ბატონო, და მაგის პასუხს მე მოგასხენებთ, — წინ წამოდგა ჯავახელი გლეხი და დაიწყო: — ამ არტაანიდან იწყება ჭანარი ბლომად. ზოგჯერაც აქ გვხვდება, დიდრონი კალმახი 17-20 გირვანქა. საიდანღაც გადმოვარდება ხოლმე დიდ ავდრობას. წვრილი კალმახით ხომ აქაურობა სავსეა, ყველა მდინარეში იცის. კიდევ ვარძიასთან იცის ჭანარი 17-18 გირვანქა, აქვე ვარძიის მორევი იცის ლოქო, მერე ასე ჩაყოლება ხერთვისისკენ ბევრი გვხვდება ციმორი, ლურჯა, წითელი თევზი, შავი თევზი, ქონა, კარჩხანა, გოჯა, მურწა, ნაფოტა, სალამურა (შვიდი თვალი აქვს მარჯვენა გვერდზე, ამიტომ დაურქმევია სა-

ლამურა). ვარძიასთან თითო იმისთანა კალმასი გვხვდება, თუ კარგი მებადური არა, კალმასს ვერ დაიმორჩილებს, დიდი ონავარი თევზია და ძლიერაც უსხლტება კაცს ხელიდან. ერთიც რა უნდა გაცნოთ, ბატონებო, ფაცერში, როცა ჭანარს იჭერენ, ჯერ ხელათ, საქართთ ორმელებში ჰყრიან, ახლა ვინც კაი ბიჭია და ჭანარს ორმოდან ამოიყვანს! ჰოდა, ჯერ უნდა გვერდები დაუფხანო, ძლიერ იამება, ისე რომ სულ გაყუნდება. აი, სწორედ ამ დროს, ი თვლემას რო დაიწყებს, უნდა წააპარო ხელი, სტაცო ლაყურებში და ისე თავიდან დაჭერილი ამოიყვანო. მოჰყვება ბოლოს ქნევას გაცხარებული, მაგრამ სადღა წამივა!

— ვა! მეც ვიცი ახარ, თევზები. ალაზანში თართს და არაგვიო ორაგულს რა თევზი სჯობია! თიფლისის ცოცხალს კი, მე ვიცი, დაიწუნებთ, აი! გურჯაანის ბოლოს მე კონი მინახავს ალაზანში დაგუბებული, იქ რო თართი ამოდის, ჰაი გიდი, ჰა! ჰა! რას იტყვი, კნიაზ?!  
 — მოითმინეთ, ხაჩატურ-ალა, განა ჩვენ კი არ ვიცით, ჯავახეთში აი, იმ ვარძიიდან ჩაყოლება ოჩხები ვიცით. შარტო ხიზაბავრელები წელიწადში ისე როგორ იქნება, რომ საყველიეროთ ქუთაისში ასი თუმნის მეტი არ გაყიდონ ფინხული თევზი!...

— ახლა კი გვეყოფა თევზებზე ლაპარაკი. აბა, ჯავახელო, ისევ შენ, აბა, ჩამოთვალე, რა ფრინველი გვხვდება მტკვრის ხეობაში?

— მე ისევ ჯავახეთის საზღვრებში მოგახსენებ, მაგრამ ყველანიირად მოვიგონოთ!

ჯავახეთ მინდორ-ვაკესა  
 მწყერსა ვუგებდი მახესა,  
 იქ ქალი შემომიჭია,  
 მალ-მალ მომიშლის მახესა,  
 — გოგოვ ნუ მიშლი მახესა,  
 თორემ შეგიშლი სახესა.

— აი გიშველოს ღმერთმა! მერე? მერე რა? ჯერ ერთი, რო მწყერი ძლიერ ბევრი იცის ზაფხულობით, აქ კი მტკვრის ხეობაში

1 მდინარე ხრამში (წალკაშია) დაჭერილ მოხარშულ თევზს ჰქვია ხრამული, ოჩხებში სხვაგან დაჭერილს — ფინხული, რადგან ორმელებში ფინხსაც ახმარებენ.





იცის: არწივი, თრბი, ძერა, ქორი, კარკიტა, ყვავი, კაჭკაჭი, საკვირ-  
ველია, ბატონო, რო კაჭკაჭი როდი ამოდის ზევით, ჯავახეთში

— მაგას რა დიდი გამოცანა უნდა. ჯერ-ერთი, რომ ცივა და, მეორეც, კაჭკაჭს ხილის ბაღები უყვარს, ჯავახეთის მინდორ-ვაკეუ კი არაფერი ხილი არ ხარობს.

— მერე კიდევ იცის: ღაღლა, იხვი, ბატი, (ყარძახის ტბა სავსეა ბატით), გარიანი, ყარაბათლანი, ლაგლაგი. მთელ ჯავახეთში, ყველა სოფელში საგანგებოდ უმზადებენ ბუდეს მაღალ ბოძზე, ისე რომ მთელ სოფელს თავს დაჰყურებს. საკვირველია, ბატონებო! ყოველწლივ, გაზაფხულობით, აუცილებლივ ერთსა და იმავე დროს, მოდის, მარტის 8-ს თუ გადაცილდა, 9-ში მოუსვლელი არ დადგება. ყველას გვიყვარს და მისი მკვლელი, სულ ერთია, კაცის მკვლელად მიგვანჩია! თუ არ გამიჯავრდებით, ერთ მასალასაც მოგახსენებთ. ყალრამან ბეგმა აბაშიძემ, თოკელა ბატონმა, ე, ღმერთმა ისიც თავის რჯულზე აცხონოს... თუმცა მაჰმადიანათ მოკვდა, მაგრამ სულ ერთია, ე ღმერთი ხო ერთია, თანაც ვინ იცის, იმის გულში ვის ჩაუხედია, იქნებ ქრისტესაც ლოცულობდა... მაგრამ იმისთანა დარბაისელი სახით, ნამდვილი ქართველი მე ქართლშიაც არ მინახავს. მერე რა ქართული სიტყვა-პასუხის პატრონი იყო ი ცხონებული... ჰოდა, ეკლესია-მონასტრები საიდან ააშენა თამარ მეფემათ?! ერთხელ თამარ მეფეს, ვარძიაში ზაფხულ რო ბრძანდებოდა, ერთი ფეხმოტეხილი ლაგლაგი მოჰგვარეს. თამარ მეფემ მაშინათვე თავის ხელით დაფქული ნახშირი მოაყარა, ფეხი არტახებით შეუკრა და შვილივით უვლიდა ლაგლავს. იმ ზაფხულს არაფერი და მეორე ზაფხულის ბოლოს ფეხგამთელეებულმა ლაგლაგმა ვეღარ გასძლო, გაიპარა... ალბათ სხვა ლაგლაგებს გაჰყვა სხვა ქვეყანაში, საზამთროთ. თამარ მეფე ძლიერ დაღონდა, მაგრამ მესამე ზაფხულს იბრინა ღმერთმა და აკი ი ლაგლაგი პირდაპირ კალთაში ჩაუფრინდა თამარ მეფეს! თამარს საოცრად გაეხარდა, მიუაღერსა, მაგრამ ლაგლაგი როგორღაც ხელიდან გაუსვლტა და გაფრინდა, გაოცებულ თამარ მეფეს კალთაში კი ორი წინდის ჩხირი აღმოუჩნდა — ერთი ოქროსი იყო და ერთი ვერცხლისა. ასე გადაუხადა ლაგლაგმა მეფეს ამაგი. ბოლოს აღმოჩნდა, რომ ი ვერცხლის ჩხირით რძეს რო მოურევდა — სულ მთლად რძე ვერცხლად გადაიქცეოდა და, თუ ოქროს ჩხირით მოუ-

რევადა, ოქროთ გადაიქცეოდა. მას აქეთ მოჰყვა თამარ მეფემ და თავის სასსოვრად სულ ციხე-მონასტრები ააშენა მთელს საქართველოში... ახლა კი, ბატონო, მე ჩემი ვთქვი და გავათავე... მაგრამ თავიდათავი კი არ მოვიგონე:

კაპისა მოსატყუარსა  
ვაი-ვაგლახი მელსაო...  
გქონდა მუცელი მშიერი,  
რალა დიდება ღმერთსაო.

ძლიერ ბლომათ იცის აქ კაკაბი, გნოლი, გარეული ქათამი.

— მოიცა ეგ რა ლექსი იყო?

— ეგ, ბატონო, მშიერმა მელიამ თურმე კაკაბი დაიჭირა და ის-ის იყო, პირისკენ რო გააქანა, კაკაბი შეევედრა: მელიავ, ე ხო სულ ერთია შენი ლუკმა ვარ და ჯერ ღმერთი ახსენე, ღმერთს შეევედრე და მერე ისე შემჭამეო. მელიამ ტოტები ზეცას აღაპყრო და კაკაბი გაფრინდა. ჰოდა, თუ გნებავთ, კიდევ მოგასხენებთ... იცის აგრეთვე ჩიტები: ბულბული (დაბლა ხეობაში), ჭანჭრატა, მერცხალი, ფუტკრიჭამია, წანწკალა (ბოლოქანქარა), თფოფი, გუგული...

— მოიცა, მოიცა, ჯავახელო! შენ გაგიგონია ახალი ამბავი... სულთან მურადმა შარშან ფირმანი გამოსცა: „სასტიკად მიბრძანებია ამიერიდან საქართველოში ოფოფმა კუკუ იძახოსო!“ თქვენში ოფოფები ასრულებენ ამ ფირმანს თუ არა?!

— აქაოდა, და ჯავახელიაო...

— ჩანს, არა გჯერა, მაშ იცი, რა! შორაპანს წაბლის მოსატანად რომ წახვალ, იქ იკითხე თამაზა და მაქსიმე. იმათ ტკაცუნაზე სულთანის ოფოფები მოსულან და მთელი ზაფხული თურმე კუკუს გაიძახოდნენ.

— შე დალოცვილო და, შორაპანს მაგისტოვის რად მგზავნი, კნიაზო, ჩვენშიაც მეგუღვის ერთი მაქსიმე. ამასაც ბევრი ოფოფები ჰყავს.ე ხუმრობა იქით იყოს. ნება მიბოძეთ, ბარემ გავათავო... აი, კიდევ მომაგონდა: ტბაზე იცის თევზიყლაპია (თეთრი ფრინველია გუბეებისა — რუსები ცაბლიას ეძახიან), ზაფხულობით კიდევ მოდის აქ ერთი შესანიშნავი ფრინველი ყარყატი — ესეც თეთრი, მძიმე ფრინველია, ცხვრის ოდენა იქნება. დიდ ჩინჩახვიანი, გრძე-



ლი წითელი ნისკარტი აქვს. წყალში ცურაობს, როგორც ბავშვი, თევზზე ძლიერ მოხერხებულად ნადირობს, ბოლო არა აქვს, ისე დროებით ამოდის, იშვიათი სანახავია, მაგრამ, ბატონო, თავიდა-თავი კი დამავიწყდა: წერო. ამაზე ლამაზი ფრინველი არა მგონია სადმე იყოს. გედი ხო ქებულია, მაგრამ ჰაეროვნებით წერო აჯობებს.

— ვა! ახარ, ინჩე ასუმი! ნადირობა გინდათ, ყარაიაზე მოდით, იქაც მტკვარი არ არის?! მართალია, თქვენი ჯავახური კაკაბიც შამფურზე კარგია, მაგრამ იქაურ ხოხობს აბა რა შეედრება. პა, პა, პა... ჩახოხბილი და ზედაც მაშარაბი, (ბროწეულის წვენი)... ან კი ბროწეული რად გინდა, იქვე ყარაიაში თუთუბოს ბუჩქებით არის სავსე, დაკრიფე თუთუბო და დაწურე. აბა, ჰა, მეც რას ვამბობ, ხო-ხობი ხო კახეთშიაც ბევრი იცის, მაგრამ ჯეირანი?! ვა! მაჰ რაო ეძახიან ჯეირან-ჩოლს, ახარ... ჯეირანით სავსეა იქაურობა, აი მწვადი! მეფეს ეკადრება.

— ეგ მართალი ბრძანებაა, ხაჩატურ-ალა ყარაიას, ანუ ყარაიასს, ვახუშტიც გვიქვს: „არს ველი დიდი ყარაიასა, სავსე ქურციკითა,<sup>1</sup> რომელსა მონადირეობდნენ მეფენი წლითი-წლით, ხოლო მტკვრის კიდეთა ჭალა, დიდი სავსე ეშვითა<sup>2</sup>, მშვლითა, დათვითა, მგლითა და წვრილის ნადირითა, ირემი იმყოფების უამათ, და ხოხობნი მრავალნი“.

— დაცათ, ბატონებო, ახლა ზოგიც მე მათქმევინეთ, განა აქ კი არ იცის სანადირო. უწინ აქ გარეული თხაც იცოდა, იშვიათად ირემიც სვდებოდა აბულთან, მაგრამ ახლა ხალხი გამრავლდა, ნადირი დაფრთხა, თანაც, სადაც ტყე და ბუჩქი იყო, ხალხმა უდიერად გაჩხა, თორე დათვიც იცის აქ. მაგრამ ვისაც საქურქედ კარგა ბეწვი გინდათ, ყუვთიკივით რბილი, ეგ აქ მოიკითხეთ. ბევრი იცის კვერნა (თათრულად სამსარი ჰქვიან, თითო 7-8 მან. იყიდება), ამ მტკვრის ხეობაში ლამის ზემოთ, ჯავახეთშიაც, იცის წავი (წყლის ძაღლი), თითო 10-15 მან. ღირს. მგელს და მელას ხო ყოველწლივ აუარებელს იჭერენ მახე-საფანგებით და სწამლავენ წამლით. კიდევ რა გითხრათ, აქაც და ჯავახეთშიაც ტბაზე ბევრი

<sup>1</sup> ჯეირანი.

<sup>2</sup> გარეული ღორი.



იცის ჭრვილო, ჭანჭრობში ზის, მწყერსა ჰგავს, ნისკარტი გრძელს  
 აქვს, ანაზდად აფრინდების — რუსები ბეკასს ეძახიან, ძლიერ გემ-  
 რიელია. ერთიც, ბატონებო, აქ რო ჯოჯო იცის (ხვლიკსა ჰგავს),  
 საქართველოში სხვაგან არსად მინახავს. რასაკვირველია, აქაც  
 იცის გველი, ხვლიკი, გველსოკერა, ბაყაყი და სხვ. ერთნაირი კი-  
 ბორჩხალაც მინახავს მტკვარში — ორმოცფენას ეძახიან, გვერდ-  
 გვერდ დადის, მიცურაობს, წყალში ცხოვრობს.

## X

რა ხანია თურმე თავზე მედგა, ყავარჯენზე დაბჯენილი, ჩვენა  
 მასპინძელი ედიგარ-ალა და დანიელს თვალს უშვრებოდა — კარ-  
 გით, გეყოფათ ამდენი ლაპარაკი... ე სადილობის დრო გავიდა კი-  
 დეც და რალა მადლი ექნება შეჭამანდებსაო. ქამარზე თურმე ხელს  
 ივლებდა: ხედავ, ქამარი მომეშვა, ძლიერ მშოიანო, ჩვენც ყველანი  
 ისე უსიტყვოდ გავყევით ჩვენს ძვირფას მასპინძელს, თურქს.

რალა თქმა უნდა, სადილი მეფური იყო, მხოლოდ ის კი ვერ  
 შევნიშნეთ, რომ შემწვარსაც (ხორცეულს) თაფლს და შაქარს უმა-  
 ტებენ. ერთმაც გამაკვირვა: კიტრი, მწვანილი და მსხალი ამშვე-  
 ნებდა ჩვენს სუფრას, აღმოჩნდა, რომ აქ ბლომად მოდის ყველა  
 ნობათი ართვინიდან. აქვე არსიანის მთაზე მოკლე გზით გადმო-  
 დიან თურმე.

სადილზე ლაპარაკი თითქმის რომ ლექციის გაგრძელება იყო,  
 ესე იგი, დანიელი უხსნიდა, უთარგმნიდა ჩვენს მასპინძელს, რა-  
 ზედაც იყო ბაასი. მასპინძელი ედიგარ-ალა მოლას რალაცაზე შეე-  
 კამათა. გამოჰკითხა ყველაფერი და ბოლოს იმაზე გაცხარდა: აღ-  
 მოჩნდა, რომ მოლას მხოლოდ მარჯან სუ უჩვენებია, მაშინ როდე-  
 საც იქვე თურმე არის კიდევ მასზე უკეთესი წყარო „ჯუნჯუნ ფაუ-  
 რი“, რაიცა ნიშნავს მარგალიტის წყაროს. ეს წყაროც სათავე არის  
 მტკვრისა და წმიდა წყაროდ მიგვაჩნიაო. ნასადილევს მთლად  
 ჩვენი კრებული კარგ გუნებაზე იყო. ყველას აღგვეძრა ცნობის-  
 მოყვარობა და დიდი ხალისით გავეშურენით ისევ მტკვრის სათა-  
 ვის სანახავად. მით უფრო, რომ ამდენ ყაურმა-ფლავს მონელებაც  
 უნდოდა თუ არა!.. ჯერხანად არ იღებდა მონაწილეობას ჩვენი



ლექტორი, რადგან მეორე დილით წასვლას ემზადებოდა, უიმისობა როგორ მოხერხდებოდა...

გავვიძღვა წინ ჩვენი მხცოვანი მასპინძელი თავისი ვანუყრელი თავუვარედი ყავარუენით, მარჯვენა ფეხით ცოტათი კოხტაობდა, „მარჯნის“ წყართით მოხიბლული მე ახლა „მარგალიტის წყართით“ ვვოცნებობდი.

ჩვენი ფეხის ხმას ქალებიც აჰყვნენ, ესენიც დაგვედევნენ, მაგრამ შორი-ახლთ, კრძალვით, რიდით, ჩვენმა წინამძღოლმა ვითომ დატუქსა კიდევ თავისი ჯალაბობა, „რად მოდიხართო“, მაგრამ ეს უფრო, მგონი კი იმიტომ, რომ უფროსს სახლისას ხომ რამე უნდა ეთქვა, რადგან „ჰმართებს დედაკაცსა მამაკაცის დიდი კრძალვაო“.

ერთს საათს არც კი გაველო, ჩვენ უკვე მოვუსხედით მშვენიერ „მარგალიტის წყაროს“ და ხარბად შევსვით აზარფეშით ეს უმწიკვლო, ცივ-ცივი მთის წყარო. რამდენჯერმე ალავერდ-იახშილით მოვირიგეთ.

ეს წყარო მდებარეობს „მარჯნის“ წყაროსაგან ქვემოთ, ასე, ასი ადლის მოშორებით, ჩრდილოეთის მხრივ, ესეც კლდიდან გადმოჩხრიალებს, გადმოსჩქეფს, მთელი ეს მიდამო, ვაკე-ჭაობიანი დეღე, მოფენილია პატარ-პატარა წყაროებით, რომელნიც ემატებიან „მარგალიტის“ ნაკადულს. ამგვარად, „მარჯნის“ და „მარგალიტის“ წყართთა შერთულ ნაკადულს დარქმევია ქართულად „მტკვარი“ და არაბულად „ქიურ“, „გიუნ“ და სხვ.

მე მომაგონდა რომ ამისთანა ჭაობიან დეღეებში ბუზი-წუწნას უყვარს აღმოცენება, მოლა გავიძლოდოე და ძებნა დავუწყე შესანიშნავ მცენარეს, რომელიც ხორციელით იკვებება, მწერებს იჭერს. ჩემს მაგალითს სხვებიც მოჰყვნენ, თუმცა მგონი კი უფრო იმიტომ, რომ ახლა ქალებისთვის დაეთმოთ „მარჯანი“ და „მარგალიტი“. ერთ კორდზე ავედით და კლდიან ბაქანზე ჩამოვსხედით დასასვენებლად. ამით ისარგებლეს ქურთის ქალებმა და ქალი და რძალი წყაროებს დაეხვია. თავისებურად შეულოცეს თუ ილოცეს, არ ვიცი, მერე კი კენჭები ამოკრიფეს ორივე წყაროდან და შინ მიჰქონდათ...

— დანიელ! შენ ერთი, თუ ხათრი გაქვს, გამიგე, რას ცელქობდნენ, რას ეშმაკობდნენ ეგ ქალები?

— ეგენი, ბატონო, ჯადოქრები არიან, ვინ იცის, რომელს ქალებს მსახურებენ.

— არიქა, დანიელ, გამისწრეს! შენ ხომ შელაზღანდარაკებული ხარ, რისა ვერიდება!

დანიელა გზაში გადაუდგა შინმიმავალ ქალებს.

— აი, უყურეთ, ბატონებო, კენჭებს. ასე მოგახსენეს, „მარჯნის“ კენჭებს თავის საბან წყალში ვხმარობთ, ვისაც უნდა მარჯანივით წითელი ლოყებით. „მარგალიტის“ კენჭებს კი ხმარობენ, როცა უნდათ, რომ სახე მკრთალად, სადაფივით უპრიალებდესო.

კენჭები გავსინჯეთ, მართლაცდა ზოგი წითელი იყო, ზოგიც თეთრად პრიალებდა.

— ბატონო დანიელ, თუ მოსე და მისი დაბადება გწამს, აბა მაგ ჩვენს მასპინძელს, ედიგარ-ალას ჰკითხე, დაბრძენებული კაცია და გაგონილი ექნება, რად ეძახიან ამ წყაროებს მარჯანს და მარგალიტს? — მიჰმართა ჩვენმა ლექტორმა.

— დღეგრძელი ხარ, კნიაზ! მე თვითონ მინდოდა თქვენთვის მეკითხა, ამათ ე რა შავი ქვა იციან!

— არა, დანიელ, საყურადღებოა, მაინც რა გენაღვლება, ჰკითხე!

— მოლაც და მასპინძელიც ასე მოგახსენებენ, კნიაზ: უწინ, როცა სიმართლე და პირის წყალი ყოფილა, მარჯნის წყაროს მარჯნის კენჭები ამოჰქონდა და მარგალიტისას — მარგალიტი. ახლა კი ცოდვისა გვეკითხათ... ჰოდა, რჯულის მადღმა, იქნება მართლაც ამოჰქონდა, კნიაზ?!

— არა, ჩემო დანიელ, მარჯანსა და მარგალიტს აქ რა უნდა, მარჯანიც და მარგალიტიც ზღვის ცხოველები არიან, თქვენ კი კენჭებად მიგაჩნიათ. აი, მაგალითად, ნამდვილი წითელი მარჯანი, ჩვენი ქალები რომ ძვირფას სამკაულად ხმარობენ, ცხოვრობს ხმელთაშუა ზღვაში, აგრეთვე ადრიატის ზღვაში. მარჯანი ეკუთვნის რვა სხივოსან პოლიპებს.

— არა, კნიაზ! აბა, რას ბრძანებ, რჯულის მადღმა, მე თვითონ მივაჭრია, — მარჯანი, ფირუზი, ლალი, ზურმუხტი, მარგალიტი, ქარვა, იაგუნდი — ყველანი ძვირფასი ქვებია და სხვა არაფერი!

— ნება მიბოძეთ, ერთი კითხვა მივცე დანიელას, — ვთხოვე მე ლექტორს, — დანიელ! ჯერ ერთი შენი შეცდომა ისაა რომ ქარვა

ფისია და არა ქვა. მეორეც ესა, შენ რომ ძლიერ თავი მოგაქმნა „ძვირფას ქვებს ვიცნობო“, აბა, მაშ, დამისახელე, მღვდელმთავრის ჰარონის შესამოსელზე რა და რა ძვირფასი თვალნი ისხდნენ? ხანამი ხარ და რჯულის წიგნი იცი, ხომ?

— სახელდობრ, რა მოგახსენო, და ვიცი კი მხოლოდ, ათორმეტნი თვალნი ესხდნენ, იყვნენ ნაკვერცხლის ფერნი...

— მაშ კარგი, დანიელ, მე ჩამოგივთვლი და შენ დაიხსომე: ამეთვისტო, ანთრაკი, აქატი, ბირვილი, იასპი, ლიგვირი, თქროსქვა, თოპაზი, სამარაგდი, საფირონი, სარდიონი და ფრცხილი.

— ღმერთმა გადღეგრძელოს, ბატონო! ჩვენ თუ ვიცით, ებრაულად ვიცით ეგ სახელები ე და ბატონო... ეგრე კარგად საიდან შეისწავლე.

— დაბადებიდან. ეგ კი არა, დანიელ, ჩვენ, აი, ვსთხოვთ თავადს, ბუნებისმეტყველებიდან გვიამბოს მარჯნის და მარგალიტის ცხოვრება, ხოლო ამ წყაროებს რად ჰქვიათ მარჯანი და მარგალიტი, მაგას მერე მოგახსენებთ, ხალხში თქმულებაა დარჩენილო, მშვენიერი ლეგენდა მაქვს ჩაწერილი.

ამ დროს მასპინძელმა ბოდიში მოითხოვა, შინ წასვლა დააპირა, ჩვენც ჯერ ვთხოვეთ დარჩენილიყო (ზრდილობისათვის) და მერე კი მადლობით გავისტუმრეთ.

— მაშ, გთხოვთ, ბატონო ლექტორო!

— მე დიდი თხოვნა არ მჭირდება, ჩემი აზრით, უფრო შესაფერი და საყურადღებო იქნებოდა, ჯერ ლეგენდა გეამბნათ... მაშ, მოგახსენებთ მარჯნის ამბავს. განსაკუთრებით წითელი მარჯანი ცხოვრობს ადრიატის და ხმელთაშუა ზღვაში, თითოეული პოლიპი მარჯანი სათითის ტოლსა, ცალკე ბუდეში ზის! ბუდე სამკეცია და აშენებულია მარჯნისავე გამონაჟონი ლორწოიანი კირის მარცვლებით. ახალგაზრდა მარჯანი ჯერ იმას ცდილობს, თავისი კირიან-ლორწოიანი პაწია ფეხი სადმე ზღვის ქვას ანუ კლდის ტინს მოჰკიდოს, დამკვიდრდეს, მერე კი, ფეხს რომ მოიმარებს, არხეინად იწყებს ცხოვრებას: იკვებება, იზრდება, მრავლდება, ბერდება და კვდება.

მარჯანს აქვს პირი და საყლაპავი მილი. მის საჭმელს პაწაწა ცხოველები შეადგენენ, ზღვის ტალღა თვით უზიდავს, მოაქვს. მარჯანი კი ამ დროს პაწაწინა ციმციმა სხივებს აცაცუნებს და,



რაც კი რამ თავის საკბილო სვდება, პირისკენ გზავნის, აქვს საჭმელის მოსანელებელი მილიც. საჭმელ-საკვებით მთელ ტანს თავის ფეხებამდე ჟღენთავს და, თუ რამე ვერ მოინელა, პირდაპირ უკან ისვრის, უკუაგდებს. მარჯნებშიაც არის დედალ-მამალი. მხოლოდ გრძნობის ორგანოს კი ზოგიერთი მოკლებულია. ბლარტობის დროს მშვენიერი სანახავია მარჯნის კუნწულა. ბლარტებში იშვიათად შორდებიან დედას, დედაბოძს და იქვე იმავე მთავარ ღერძზე ერთიერთმანეთზე ეწებებიან.

ამგვარად, წლითი-წლობით მარჯნის კუნწულა მატულობს, ახალშენი მრავლდება, იზრდება, ბუნჩქად ხდება, საამოდ ჰყვავის. თაობა თაობას ქმნის და ცვლის, ძველი თაობა რომ კვდება, ჯერ რქასავით მაგრდება, მერე კი სულ ქვავდება, ახალგაზრდობა კი მილიონობით ამრავლებს მარჯნის ბუნჩქებს, კუნწულა ტოტებს.

— მოითმინე, კნიაზ, და თუ ეგ ყველა მართალია, განა არ შეიძლებოდა: უწინ უთუოდ რამდენიმე დედალ-მამალი მარჯანი მოიყვანეს და აქ წყაროში ჩაასხეს მოსაშენებლად. ამიტომაც დარქმევია „მარჯნის წყარო“.

— მართალი ხარ, ჩვენო ჯავახელო. თუმცა თქვენს მეფეებს უყვარდათ თევზთა მოშენება, მაგალითად ამ ტბა-მდინარიდან იმ ტბა-მდინარეში ჩასხავდნენ და სხვა, მაგრამ, საქმე ის არის, რომ მარჯანს მტკნარ წყალში ცხოვრება არ შეუძლია. გინდ წყარო იყოს, გინდ მდინარე. მარჯანს უეჭველად სჭირია ზღვის მარილიანი წყალი. მაგალითად, როცა სწავლული ვინმე მეცნიერი ანუ პროფესორი შეუდგება ამ პაწაწა ცხოველთა ცხოვრება-ვითარების შესწავლას, ზღვის წყლით სავსე აქვარიუმში (შუშის გეჯა) ინახავენ მარჯნებს და ისე თვალს ადევნებენ, იკვლევენ.

— მაშ, ნეტავ გამაგებინა, კნიაზ, როგორ შოულობენ მარჯანს, რა ფასშია ადგილობრივ? — შეეკითხა დანიელა.

— შენ, დანიელ, დამაცა, ჯერ მარჯანთა კუნძულებზე ვიბაასოთ. მარჯანს დიდ სიღრმეში ცხოვრება არ შეუძლია და უფრო ეტანება მყუდრო ადგილებს, ზღვის კიდეს დიდ მანძილზე არ შორდება. გადის დრო, ათასი და ათი ათასი საუკუნონი, მარჯანთა ახალშენი, კოლონია მილიონობით და მილიარდობით მრავლდება. მთავარ ბუნჩქს რაც ტოტებიდან აყვავებული ბლარტები მოშორებია, ჩამოცვენილან, ამათაც უშენებიათ იქვე მოშორებით სხვა ბუნჩქები.





ქვედასართული კვდებოდა, ქვაკვდებოდა, იკირებოდა, ზედასართული კი ხარობდა, ყვაოდა მრავლდებოდა. მილიონი თაობა გამოიწველილა და ბოლოს ზღვა ოკეანეში შექმნილა უშველებელი ხმელეთი, მარჯანთაგან დუღაბივით ნაშენი ტინი, კლდე, რიფები, მარჯანთა კუნძულები. კუნძულთა აშენებაში, რა თქმა უნდა, თვით ზღვასაც წილი უძევს, ტალღათა ძალა ამტვრევდა, ამსხვრევდა მარჯანთა ტოტებს, ჩხრიმალი ჩხრიმალს ეწებებოდა, ზღვის მიერ მოზიდული ლამი, სილა, ქვიშა, ტინი და კენჭი ამათ ემატებოდა, საუკუნეთა განმავლობაში ამგვარად ქალაქის ოდენა კუნძულები აშენებულა.

მართლაცდა, ვიდრე მეზღვაურნი გამოიკვლევდნენ, თუ სად რა მარჯანის კლდეებია ზღვა-ოკეანეში ჩამალული, მანამდე ბევრი გემი და ხომალდი იღუპებოდა, მაგრამ სულ სხვა საამთ სურათს ვხედავთ, როდესაც მარჯანთა ნაშენი სართულები ზღვიდან ამოყოფენ თავს. ზღვის წყალი თუ არა აქვს, მარჯანს ცხოვრება აღარ შეუძლია და, რაღა თქმა უნდა, სულ ზემოსართული მხოლოდ-ღა გაქვავებულ კირის ტინს, ხმელეთს, წარმოადგენს. ზოგჯერაც ამ ადგილას ზღვაც დაიწევს ხოლმე.

გაეხარდათ ფრინველებს, რომ ზღვაში ხმელეთი გაჩნდა, მოფრინდნენ, დასხდნენ, დაისვენეს, იმუსაიფეს, ისაუზმეს. ზოგი ხილს შეექვა, ზოგი — თევზს ანუ ლოკოკინას, იამათ, მზეზე გული მოითბეს, იგალობეს, იჭიკჭიკეს, ფრინველთა მაგალითს ზოგიერთი ზღვის ცხოველებმაც მიჰბაძეს. დღეს-ხვალ, წლითი-წლობამდე ფრინველთა ნასუფრალიდან, მათი სკინტილიდან, ზღვის ტალღისაგან მოტანილი ლამიდან შეიქმნა, გაჩნდა მიწა, უშველებელ კუნძულზე, ბალახის და ნარის თესლი ქარს გადმოჰქონდა, თესავდა, ფრინველთა ნასუფრალიდანაც ბევრნაირი ხილის კურკაც ჩაითესა. ზოგჯერ ზღვის ტალღებიც სასუქივით მოჰფენდნენ ხოლმე მკვდარ თევზის მძორს, მცენარეთა თაობაც თაობას ცვლიდა, ყოველივე ეს ასუქებდა კირიან ნიადაგს. გაიარა 15-30 წელიწადმა და კუნძული საამოდ ამწვანდა, კიდევ ოციოდე წელიწადიც და თქვენს თვალწინ წარმოდგა ქალაქისოდენა კუნძული, სავსე ბუჩქნარით, ხილნარით და ბალახ-შამბნარით. ახლა კი ფრინველებმაც ჩადგეს საძირკველი, აიშენეს ბუდე, გაჩაღდა სიცოცხლე, მხიარული გალობა და ჭიკჭიკი, თანაც მხეცური ინსტინქტი — კუჭისთვის ბრძოლა, ძალმომრეობა და სხვ.



მოწონა ადამიანს ეს პატარა წალკოტი, შეშურდა მცენარეები მწერთა და ფრინველთა ფუფუნება, თანაც, კუნძული იმდენად დაშორებული დედამიწის კიდეს, ნაპირს, რომ სრულებით ვერ მიეკარებოდა ვერავითარი მხეცი. ამ გარემოებამ უფრო წაახალისა, ადგა და თვითონაც დასახლდა მშვენიერ კუნძულზე თავისი ცოლ-შვილით, შეუდგა საქმეს, დაბარა, დათესა; ბოსტნეული, ხორბლეული, გაიჩინა ერთნაირი ფრინველი და ცხოველი, თხა და ღორი და ზღვაშიაც ხომ თევზი და კიბო ულეველი იყო, სხვა რაღა უნდოდა! მის ბედს ახლა ძაღლიც ვეღარ დაჰყეფდა.

— ე, და, კნიაზო, მერე სასმელი წყალი რო არ ექნება, როგორ გასძლებს.

— მართალი ხარ, დანიელ, მაგრამ, აბა, ჰკითხე ხაჩატურ-აღას: დავით გარეჯის უდაბნოში რასა სვამენ ბერ-მონაზონი და მათი კრებული?

— ვა! მაშ, რა ვიცი... წვიმის წყალსა სვამენ, კლდეებში, ტინში აქვთ ამოჭრილი ჭა და ამ ჭებში გროვდება, ინახავენ, მინამ ახალი წვიმა მოვიდოდეს, აქა-იქ განა თუ არ არი, წყაროც არის, ტბაც, მაგრამ, კნიაზჯან, პარონებო, ისეთი მლაშეა, რო წათხი...

— თანაც, აბა რა შესადარებელია მწირი უდაბნო და ზღვის აყვავებული კუნძული! როგორ გაჩნდა ქვეყანაზე წყარო და მდინარე? აქაც, ამ კუნძულზედაც, ხშირი წვიმებისაგან წყაროც გაჩნდა და მდინარეც, თანაც ადამიანი თავის სოფელთან, მეზობლებთან როდი კარგავს კავშირს, ნავით და ნავტიკით კარგად იცის ცურვა, — დაამთავრა ლექტორმა.

— ნება მიბოძეთ, ბ-ნო ლექტორო, თქვენს მშვენიერ ლექციას თრიოდე სიტყვა მეც დავუმატო, — მივმართე მე. — მაღლა, ზღვის ზევით ამოტანილი მარჯნის კუნძულები ხომ საოცნებო არიან თავის მშვენიერებით. მაგრამ აქ, რა უნდა იყოს, ცოდვილი ადამიანისაგან ყოველდღე იბილწება. ჩემი სურვილია, შიგ-ზღვაში, მარჯანთა წალკოტში დავიმარხო...

— მაგას რად ბრძანებთ, ბატონო! რა დროს თქვენი სიკვდილია, ღმერთმა დაგიფართო!

— მოიცა, დანიელ, ნუ მიშლი... ჰოდა, ის უნდა მოგახსენოთ, რომ ბუნების მკვლევარს, ცნობილ მეცნიერს ჰეკელს არაბეთის კიდეებთან, მეწამულ ზღვაში ჩაუხედავს, სადაც პატარა სიღრმეზე

დაჰხვედრია მარჯნის რიფები, მათი ნაშენი კუნძული, ჩასუღლა ზღვაში და მის ბედნიერ თვალს რა საკვირველება უნახავს, რა ალტაცებაში მოსულა, ამ თავის შთაბეჭდილებას, აგერ, რა დიდი ხელოვნებით, რა მხატვრულად გადმოგვცემს:

„ყოვლად შეუძლებელია დიდებულმა მხატვარმა კალმით დახატოს, ვინმემ ასწეროს, ენა-პირით გამოთქვას ის სრული მშვენიერება ზღვის ედემისა, რომელიც მარჯანთ და სხვა ლამაზ და ლამაზ ცხოველებს შეუქმნიათ! ჭრელ-სხივოსანი კეკლუცი ვარსკვლავნი, ვით სურნელოვანი ყვავილნი, აგერ მთლად ავსებენ პატარა მიდამო 4-5 ადლის სივრცისას მარჯნის ბუჩქთა თითოეულ ტოტზე ყვავილი ყვავილზე ზის, ერთიმეორეზე უტურფესი. ბუჩქთა ძირებში მრავლად გაფანტულან ფერათ-ფერადებად მოელვარე ყვავილები, მზის სხივებზე ბზბზავენ, ბრწყინავენ, ადამიანს თვალს ჭრიან. ესენი ეს ბადიის მსგავსი პაწია ყვავილები, ახლო რომ გავიცან, თურმე ესენიც მარჯნები ყოფილან, უფრო კარგად რომ მივიხედ-მოვიხედდე, დავაკვირდი იმ მრავალფეროვან ხავსის ხალიჩასაც, რომელიც ბუჩქსა და ბუჩქს შუა არის დაფენილი, აქ კი სწორედ რომ ვილაცის ჯადოსანის ხელს უხვად გაუფანტავს თვალ-მარგალიტი. უთუოდ ზღვის ფერიებს ძვირფასი ქვებით ხავერდის მწვანე ხალი ნაზი ხელებით, ფერადებით მოუქარგავთ — ლალი, ზურმუხტი, იაგუნდი, მარგალიტი, ფირუზი და აღმას-ბრილიანტი, ყველა აქ მშვენიერებით გაჯიბრებულან, ეცილებიან, აჭრელებენ, სურათს ხიბლავენ. სიდიად-სიკეკლუცე ამ საუცხოო სურათისა წარმოდგება არაბეთის ცხარე მზის თვალთმაქცი სხივებისაგან, რომელნიც ზღვის ანკარა წყალში ამ ძვირფას, გრძნეულთა ხალს ოქროთი ფარავენ, ცეცხლს უკიდებენ, მთლად წალკოტი შვიდფეროვანი სხივებით ინთებოდა, ბრწყინავდა, ცისარტყელა გამოჰკრთოდა, ელვარებდა, ამ ელექტრონის ძლიერ შუქზე ადვილად გავარჩიე, რომ ეს ძვირფასი ქვები, ყველანი, სიცოცხლით სავსე ახალგაზრდა მარჯნები იყვნენ. მილიონობით მოსდებოდნენ ხავერდივით რბილ ხავსის მდელოს. სწორე მოგახსენოთ, ამ საოცარი სურათის მნახველი აღარაფრად ვთვლი იმ ზღაპრულ ჰესპერიდის წალკოტ-ბადებს, რომელთა აღწერითაც ისე ძლიერ გვხიბლავენ... მარჯანთა ედემში აუარებელი სხვა უულამაზესი ცხოველებიც ბუდობენ, ესენიც თავისებურად ცოცხლობენ, ცხოვრობენ და დიდ მშვენიერ სურათს თავისი უც-

ნაური ფორმა-მოყვანილობით და სილამაზით უფრო ძლიერ აცხ-  
ველებენ. აგერ, მთელი ხროვა საოცარი ნაკეთისა, პაწია ჭრელი  
თევზებისა... რა გატაცებით, რა ეშხით დასრიალებენ მარჯნის წი-  
თელ ბუნჩებს შორის! ასე გეგონებათ კოპწია პეპელა-ჩიტები, კო-  
ლიბრები, დანავარდობენ ტროპიკულ ტურფა ყვავილთა შორის!  
ამდენი ფერადების ბრწყინვალეობამ დამალა, თვალი ვეღარ უძ-  
ლებს, ამოვიდოდი კიდეც, მაგრამ, აგერ, უფრო საყურადღებო  
უხერხემლო ცხოველები, მარჯნის კუნძულებზე მცხოვრებნი, ამა-  
თი მრავალფერადობა ყოველივეს აღემატება. აგრე კიდეც ლამაზ-  
ლამაზი, პაწია ნათელა-კიბოები, რომელნიც გარნელთა ჯგუფს  
ეკუთვნიან, მოხდენილად, ცქვიტად დაცურავენ მარჯნის კუნძულ-  
თა შორის და, თანაც, ციცინათელასაებრ ანათებენ, იქვე, აგერ,  
უცქირეთ, მარჯნის კუნწულას მრავალი ებლაუჭებიან სუთივე ხე-  
ლით ცისფერი ოფიურები, შავი ძღარბები და აუარებელი წითელი  
ვარსკვლავები ზღვისა. ამათ გარდა, სად გინდა არ ყრიან ჭრელად  
მოელვარე ღვრინჭილა-ლოკოკინები, მაგრამ სრული აღწერა ჯერ  
კიდეც სად არის! ამათ რა ენა-პირი აღწერს! აგერ, ზოგი აქითაც  
მიიხედეთ, თეთრი მილებიდან ნაზად, ნებიერად გადმოგვცქერიან  
ათასფერი ჭია-მოლუსკები, რომელნიც თავის ჭრელ ლაყუჩებს სა-  
სუსუნავისათვის აცმაცუნებენ. აქვე დაცურაობს მთელი ქარავანი  
მედუზებისა და მათ შორის სრულიად მოულოდნელად ჩვენ შევ-  
ნიშნეთ კეკლუცი ზარი ერთი ჩვენი ძველი ნაცნობის აკალეფისა,  
რომელიც ჩრდილოეთ და ბალტიის ზღვებში ცხოვრობს“...

— კნიაზჯან! პარონებო! ეს ღმერთმა ადღეგრძელოს, დღეგრძე-  
ლი მისცეს, თუ ცოცხალია და თუ მკვდარია, ღმერთმა სასუფეველი  
დაუმკვიდროს ი მეცნიერ ჰეკელს, რომელიც რომა თავისი ფეხით  
ზღვას ჩავიდა და მარჯნის კუნძელზე თავისი თვალთ ედემი ნახა  
და ჩვენს გვასამოვნა!

— არა, ბატონო ხაჩატურ! (ჰაი, დალახვროს ღმერთმა, ეს ღვი-  
ნო საიდანღა გამოატყვრინა!) ღვინით დღეგრძელობა არ იყოს!  
აგერ თვით მარჯნის ანკარა წყაროთი სავსე აზარფეშით გამარჯვე-  
ბა ვუსურვოთ მეცნიერებათა ყველა ქურუმს!

— კნიაზო! ე, ხაჩატურ-აღა, ალავერდი ჩემთან გადმოვიდა და  
ის კი არ ვატი, შესანდობარი დავლით თუ სადღეგრძელო?! ი მეც-  
ნიერი ეხლაც უოცხალია?

— ეგ სულერთია, ბატონო ჯავახელი, ჰეკელისთანა მეცნიერი არასდროს არა კვდება. გერმანიის შვილი ჰეკელი, ჩვენს დროის განთქმული ზოოლოგი, 1834 წელს დაიბადა, სწავლობდა 1852 წ. ბუნებისმეტყველებას და სამკურნალო მეცნიერებას ვიურცბურგში, ბერლინში და ვენაში. ზოოლოგიური მიზნით, ცხოველთა ცხოვრების შესასწავლად, გამოსაკვლევად მოგზაურობდა ჯერ ნიცაში და ჰელგოლანდზე. მუშაობდა ნეაპოლში და მესინაში 1862 წ., გახდა პროფესორი იენის უნივერსიტეტისა. მეორედ იმოგზაურა მეცნიერული მიზნით. შემოიარა ლისაბონი, მადიერი, ტენერიფი, ჰიბრაღტარი, ნორვეგია, სირია, ეგვიპტე, კონსიკა, სარდინია და, ბოლოს, ინდოეთშიაც გასწია, დაათვალიერა კუნძული ცვილონი. სადაც კი მივიდა, ზღვისა და ხმელეთის ცხოველნი გამოუკვლევლნი არ დატოვა, ინახულა, გაიცნო, შეისწავლა, ასწერა, გამოაქვეყნა. ჰეკელის მიერ დაწერილი, დასტამბული წიგნები ერთს თანაში ძლივს დაეტევა, დიდი მიმდევარი იყო დარვინის თეორიისა.

— კნიაზო! უკაცრავად კი ვარ და, მოგეხსენებათ, „ყველა თავისას ჩიოდა, მენახირე ბუზანკალსაო“, ე ღმერთმა ყველა მეცნიერს გაუმარჯოს, მაგრამ მე ჩემსას ვჩივი: სად შოულობენ მარჯანს და ან რა ფასშია ადგილობრივ.

— ურიავ, ღმერთს ნუ ჰფიცავო, და არა, ღმერთმანით. ეს ანდაზა ხომ გაგიგონია, დანიელ? შენ მაინც შენსას არ იშლი, ეს მეორედ მეკითხები. შენ სულ ვაჭრულ არშინზე ზომავ და მოგების სასწორზე სწონი ყველაფერს... მაგრამ, დანიელ ბატონო, არც მაგისტვის გაგიტეხთ ხათრს. ჰოდა, როგორც მოგახსენებთ, ნამდვილი წითელი მარჯანი ცხოვრობს განსაკუთრებით ხმელთაშუა და აღრიატის ზღვებში. დიდძალი მარჯანი ამოაქვთ უფრო ხმელთაშუა ზღვიდან, მეტადრე ტუნისის და ალჟირის კიდეებთან. ხმელეთიდან (ნაპირიდან) რამდენიმე მილის სიშორეზე მარჯანი ბუდობს ზღვაში 40-100 საჟენის სიღრმეზე. აქ უფრო მარჯვედ მუშაობენ იტალიელები და თითქმის რომ განსაკუთრებით ესენი ადგანან იმ ხელობას. ცოტად თუ ბევრად ფრანგები და ესპანელებიც მისდევენ მარჯნის მრეწველობას. დიდრონი ნაგებით და ზოგჯერაც პატარა ორთქლმავალი ხომალდებით შეცურდებიან ხოლმე ზღვაში და ბადეს ისვრიან. თუ ბადე მარჯნის ბუჩქს დაეცა, ტოტებს მოე-

დება, ძირიანად მოამტკრევს ხოლმე და ზევით ამოაქვთ. მარჯნებს არ უყვართ არც ღრმად ცხოვრება და არც ვაკედ ზღვის ძირზე (ფსკერზე). უფრო კლდეებს ამოეფარებიან ხოლმე, სადმე ამოღ-რუტნულში და კიდევ რომ ეს გარემოება აჭირებს საქმეს! ამიტო-მაც ჩვეულებრივი ბადე აქ არ ივარგებს. ბადეს ისეთნაირად, ოს-ტატურად მართავენ, ჯვარედინად ჯოხებით და თოკებით, რომ კლდეს ქვეშიდანაც კი ამოედოს და იქ მარჯნის ბუჩქი ან კუნწულა მოამტკრიოს. მაგრამ ახლა კიდევ ბადეს ამოღება აჭირებს საქმეს.

მუშაობა უფრო ზაფხულობით იცინა. სიცხე-პაპანაქებაში ზოგ-ჯერ მთელი დღე წვალბოს ოთხი-ხუთი მუშა და ოფლში იწურება, ვიდრე ზღვიდან ბადეს ამოიტანენ. თუ ნავზე არიან, ხელით სწევენ ბადეს და თუ სომალდზე, ჭახრაკებით ამოაქვთ.

ამოღებული ნანადირევი ყოველთვის ერთი ღირსებისა არ ხვდება. ზოგის ძირი და ტოტიც ჭიანჭამი გამოდგება ხოლმე. ამის ფასი ძლიერ მდარეა, გირვანქა 1-3 მანეთად იყიდება. ხოლო კარ-გი მარჯანი ღირს გირვანქა 7-12 მანეთამდე. მარჯნისა ფასდება სიმკვრივე და ფერი. ამიტომაც სანაქებო წითელი ანუ ვარდის-ფერი, თანაც, საკმაოდ მკვრივი და მსხვილი ნაჭრები ღირს გირ-ვანქა 70-100 მანეთამდე, ზოგჯერ გირვანქა ათ თუმანზე მეტს ფასობს. თუ მუშტარს მოეწონება, ფასს არ ერიდება, ოღონდ ლა-მაში ფერი ჰქონდეს მარჯანს და რქასაებრ მაგარი იყოს.

იშვიათად არის აგრეთვე შავი მარჯანი. ამის გირვანქა ფასობს 4-6 მანეთი. ჯერ დანამდვილებით არ არის გამოკვლეული, რად შავდება ხოლმე მარჯანი. მეცნიერთა მეტი ნაწილი იმ აზრს ემხ-რობა, რომ, როდესაც მარჯანი დიდხანს ძევს ლამისა და ტინის ქვეშ, ამ გავლენის გამო შავდებაო. სხვა ფერის მარჯნებიც არიან, მაგრამ ამათ მუშტარი არ ეტანება, ბაზარი არა აქვთ. ხოლო მარჯ-ნისა რა და რა სამკაული კეთდება, ეგ ხომ ყველამ იცით.

## XI

— მე ი ბუზიჭამია მცენარის ჯავრი ჩამყვა. ყველანი ჭალა-ღელეს აყვევით. ზოგი ბალახი ვითომ კიდევ მივამსგავსე, მაგრამ ვერაფერი ბოტანიკოსი გამოვდექი.

— მერე აქ რა უნდა ვიპოვოთ? თუ იზრდება, ისევ ის უნდა



იყოს, ცვარიანას რომ უძახიან, მაგრამ საეჭვოა მთაში, ლეზე მცენარეობდეს, — შეგვნიშნა ლექტორმა და განაცხადო: — ხორციჭამია მცენარეთაგან ყველაზე უფრო საყურადღებოა, თქვენ რომ ბუზიჭამია დაასახელებთ, მაგრამ ის ჩრდილო ამერიკაში იზრდება და მეცნიერულად ბუზიწუნა ეწოდება. ამას ბუსუსებიანი ფოთლები დაკბილული აქვს და გარშემო სადგისისმაგვარი კბილები უსხედს. მწერი რომ ფოთოლზე დააჯდება, ბუსუსები ადვლდებიან, გამოუშვებენ ლორწოს და წამსვე ფოთლის ორივე ნახევარი იკეცება, მაგრამ ბლუჯავენ მწერს, ის დაკბილული ადგილებიც ერთმანეთს ისე მჭიდროდ შეეყრებიან ხოლმე (კბილებსა და კბილებს შუა), რომ მწერი ვერასგზობ ფოთოლს ვერ გახსნის, თავს ვეღარ დააღწევს. ახლა კი ფოთოლი მოჰყვება სერობას, მწერის ჭამას: წურავს, წუწნის, ლორწოთი ხსნის, განაზავებს და ისე ითვისებს, შეიბრებს ხოლმე, როგორც ბალღი დედის რძეს. გათავდა პროცესი, რაც რამ ჭენჭი ჰქონდა ბუზს, მცენარემ შესვა, შეყლაპა და, აგერ, ფოთოლიც ისევ გაიღო, გადაიშალა, ხოლო გამოფიტული ბუზი, ხმელი ჩონჩხი უკანვე გადმოისროლა და ასე გადაშლილი ფოთოლი კვლავ ელის ახალ მსხვერპლს.

როგორც ვთქვით, ეს მცენარე ამერიკაშია გავრცელებული, ხოლო ჩვენშიაც იზრდება რამდენიმე გვარი. ხორციჭამია მცენარე მავალითად, ავიღოთ, თუნდ იგივე დროზერა, ანუ ცვარიანა. ამ მცენარეს მრგვალი ფოთლები აქვს, ზედ ფოთოლზე და გარშემოც უსხედან თავკომბალა ბუსუსები, საიდანაც გამოჟონს ლორწო. ამ ლორწოიან ფოთოლზე პაწია რამ მწერი დააჯდება თუ არა, ფეხები ლორწოში გაებმის, ეწებება. დაჭერილ მწერს ყველა მხრიდან ბუსუსები და თვით ფოთლის ნაპირები სიხარულით გადაეხვევიან ხოლმე, გულში იკანებენ. ბუსუსთა ჯირკვალნი ჭარბად აფრქვევენ მწერს მომჟავო ლორწოს, რომელიც ფერმენტსაც შეიცავს. ფერმენტის გავლენით ცილოვანი ნივთიერებანი წვენს ადვილად შესვამს და მონიელებს ხოლმე მცენარე.

დროზერა ადვილად ინელებს ყველანაირ ხორცს, აგრეთვე მონარშულ კვერცხის ცილას, რძეს და სხვ... მაგრამ, აბა, სცადეთ იმავე ფოთოლზე ნაფოტის ნამცეცის ანუ კენჭის დადება. აი, შენც არ მომიკვდე, ყურსაც არ გაიბერტყავს, არაფრად ჩააგდებს, ხორცისა კი, როგორც მოგახსენეთ, მეტად დიდი მუსუსია.

— ჩვენთვის ეგ პირველი გაგონებაა, ბატონო, რომ პალასი სორცსა სჭამდეს, მაგრამ, რაც საკვირველება ჩემი თვალით მინახავს, იმას კი უტყუარად მოგახსენებთ. ერთ ზაფხულს ბორჯომში ვმუშაობდი „ველიკიკინიაზის ბაღში“, იქ ერთი ჩვენებური ჯავახელი ბიჭიც წლიურ მოჯამაგირედ იდგა. ყვავილებს რომ ვუთხნიდით, იმ ჩვენებურმა მითხრა: — აბა, სანდრო, თუ ბიჭი ხარ და აი, იმ ფოთლებს ხელს ახლებო! მეც გული მომივიდა. რაღაცნაირი ბალახი იყო, მიწას არც კი ასცილებოდა რიგიანად და დიდრონი ფოთლები კი თითებივით გაეფრთხო, ოთხივე თითს წვრილ-წვრილი მოპირდაპირე პაწია ფოთლები ესხა. ლობიოს ხეს, აკაცაას ხომ იცნობთ... ჰოდა, აკაციის ფოთლებს უგავს ფოთლები. ერთ პაწია ფოთოლს ხელი ოდნავ შევახე თუ არა, იმწამსვე, ჰაი დიდება შენდა, ღმერთო, მოჰყვენენ, ბატონო, და ერთი რომ დაიკეცა, მეორე ფოთოლიც იკეცებოდა, ასე მიჰყვენენ და მთლად ფოთლები ოთხივე თითისა ერთმანეთს დაეხვივნენ, დაიკეცნენ. მთელ ტოტს თითქმის ყინწი მოსტყდაო, წელი მოსწყდაო, მკვდარივით მიწაზე კი დაეცა. ბიჭოს, ეგ არაფერ შარში არ გამრიონ-მეთქი, მართლაც შემეშინდა! მაგრამ ღმერთმა უშველოს, ისევ იმ ჩვენებურმა ბიჭმა გული გამიკეთა: „ნურას იწუხებ, სანდრო, ეგ მცენარე დიდი ემწავია, ემაგრე იცისო, ნაზობს, მორცხვობსო, ვითომ ხელი რად მახლეთო. ცოტახანს მერე კი ისევ გადაიშლებაო...“

— მერე და, ჯავახელო, სახელი ვერ დაიხსომე მაგ საკვირველი მცენარისა?

— ვერა, ბატონო!

— ჰო, მაგას მიმოზა ჰქვია, მორცხვი მიმოზა.

მიმოზას. სამშობლო სამხრეთ ამერიკაა, უმთავრესად კი ბრაზილია. ჩვენში და სხვა ცხელ ქვეყნებშიაც სათუთად ბაღებში ზრდიან და ცივ რუსეთში კი, „ფენებიან“ თბილ შუშაბანდებში. მიმოზას თავის სამშობლოში, ტროპიკულ ამერიკაში ბევრი ნათესაობა ჰყავს, ბალახებად, ბუჩქებად და ხეებად იზრდებიან. შენთვის ერთი რამ არ უთქვამს იმ მებადეს: რომ შებინდდება, მიმოზაც ძილს დააპირებს, ყველა ფოთოლს დაკეცავს ხოლმე და ისე მთელი დამე სძინავს, ვიდრე მზის შუქი-სინათლე არ გამოაღვიძებს. შესანიშნავია ერთგვარი. მიმოზაც, იქ, თავის სამშობლოში, ბუჩქად იზრდება და უსურვარივით ხეებზე უყვარს აცოცება. ამას გიგოლო-





ბიოს უძახიან, ხესაებრ მაგარი თესლი იცის საკვირველი სახეობისა, ქათმის კვერცხის ოდენაა.

ამასობაში შებინდდა კიდეც, მზემ თავისი შუქი-სინათლე მთავრეს გადასცა, „შენ ხომ დედამიწის თანამგზავრი ხარ და კარგად გაუნათეთ!“

„მკრთალი ნათელი სავსე მთვარისა“ ზედ მოეფინა მთა-გორათა ჩაბმულ ფერხულს, ამ ქვა-ყრილას სამეფოს. მთვარის შუქის სინათლით გაღაღებული ბუნება თვლემას მიეცა. რაც კი დღისით, მზისით ხმაურობდა, ყოველივე მიყუჩდა, ძილსა და მოსვენებას ეშურებოდა. ჰაერიც კი თითქოს არ ირჩეოდა, განაბული, გარინდებული ყურს უგდებდა „მარჯნის“ და „მარგალიტის“ წყაროთა ჩხრიალს, რომელნიც ძილის პირს უგალობდნენ ღამით მოვლენილ მზის მადლს, მთვარის შარავანდედს. ამ იდილიას მკაცრად არღვევდა საშინელი სინამდვილე, ყოვლად ძლიერი კუჭი და კუჭი! ამოდრავდა ღამ-ღამეობით მონადირე ფრინველი და ყველა მხეცი, ღამის რაინდობით განთქმული. აგერ, იზმორებთან, იღვიძებენ, იჩმუნებთან, მხრები ღონივრად შეანძობიეს, ბუნების წიაღში ყველამ თავისებური მეჯლისი გამართა. ღონიერი შემოდგომა და ყველაფერი უხვად იშოვება.

მთვარე მაინც თავისას არ იშლიდა, ამ მთის გაფანტულ-გაქსაქსულ ჰაერში მართლაც რომ კაშკაშებდა: „მე ჯავახეთს რა მიშავდა — მთვარე იდგა მზესავითაო“, მართალი უთქვამთ ხალხის მგოსნებს. ჩვენმა ლექტორმა უბის წიგნი ამოიღო და მთვარეზე კითხულობდა. მოგეხსენებათ, ყველა ნამდვილი ქართველი უჭკველად პოეტიც არის. გულმა ვეღარ გაუძლო ჩვენს ლექტორს და „დემონიდან“ დაგვმღერა.

- ბატონებო! იცით, მოლა რას მოგახსენებთ? დროით ბინაზე წავიდეო, თორემ აქ სუი-ყიზი იცის და ვაითუ კნიაზებს შეეშინდეთ...
- რას ამბობ, დანიელ, ეს სუი-ყიზი რაღა ჯანდაბაა?!
- სუი-ყიზი, ბატონო, წყაროს ქალს ქვია, ხომ გაგიგონიათ ალი? წყალში იცის, წყაროებთან და წისქვილებთან უფრო უყვარს...



— მერე, დანიელ, მაგ დროული კაცი შენ რალამ შეგმალა მითქოს ნაკითხი კაცი ვართ და მაგისტანა სისულელე კი გჯერა! მაგ ყიზი-მიზებს თავი დაანებე და ისა სჯობს, ვთხოვთ თავადს, მარგალიტის ცხოვრებაც გვიამბოს.

— მე ჩემს ვალს მოვიხდი, მარგალიტი ჯერ მოგვითმენს, ახლა კი სჯობდა გაგვეგო მაგ სუი-ყიზის ამბავიც. კახეთში გაგონილი მაქვს ჩემი ყმაწვილობას, რომ ამა და ამ გვარ კლესის ოჯახში ალი ჰყავდათ მოახლედაო და სხვ. კარგია შევიტყვოთ, აქაურ ხალხს როგორღა აქვთ წარმოდგენილი ალის და მავნეს არსებობა. ეს სიცრუე ყველა ხალხს სჯერა, სწამს. წარმოდგინეთ, რომ შოთა ხომ ფილოსოფოსი კაცი იყო, მაგრამ იმის ავთანდილი რომ ილღოცავს, იტყვის: „მტერთა ძლევა, ზღვათა დლევა, ღამით მავნე განმარიდე“.

— კნიაზო, ნება მიბოძეთ, მოგახსენოთ, — წინ წამოდგა ჯავახელი, — აი, საქმე როგორ იყო: სოლომონ ბრძენს თურმე მობეზრდა ეშმაკების ოინები. ერთხელ დაიბარა მთელი სროვა ეშმაკებისა აღსარების სათქმელად და, ბევრი აღარ აცალა, ასწია და ყველანი ერთ დიდს კიდობანში ჩაყარა, დალურსმა. მერე ჰკითხა ეშმაკებს: რა სასჯელი გირჩევნიათ, ან ამ საათში ცეცხლი უნდა წაგიკიდოთ, ან და წყალში გადაგადებთო, მხოლოდ იმ პირობით კი, რომ წყალგარეთ გამოსვლა არ გაბედოთ, თორემ ვაი, თქვენი ბრალით! ცოცხლად დაწვას, ეშმაკებმა ისევ წყალში ცხოვრება არჩიეს და მას აქეთა ალები გაჩნდნენ წყარო-მდინარეებში, ყველანი ბროლივით ქალები არიან, თმა კოჭებამდე უწევთ. მზე რომ ჩავა, ბინდისას ივარცხნიან თმას, ზოგმაც გათენებისას იცის თავის ვარცხნა, მაგრამ მზე რომ ამოვა, მაშინათვე გაქრება. თუ ბიჭი ჩაიგდეს ხელში, იმდენს უღიტინებენ, აცინებენ, რომ დიღამდე წუთისოფელს ესაღმება. ვინც სავარცხელს მოჰპარავს, ქალიც იმას გაჰყვება ხოლმე.

სოლომონ ბრძენის მიერ ეშმაკების დასჯას ჯავახელი გზად აგზა გვიამბობდა. მივედით კიდევ ბინაზე, სადაც რუსული „სამოვარი“ დუღილით თავს იკლავდა. ჩინეთის ფოთლის წვენი (ჩაი) თითო რომ ვიახელით, ახლა ჩვენმა ლექტორმა შეგვაპჩნია, რომ მის მიერ დაპირებულ მარგალიტის ამბავს ველოდით.

— ვიმეორებ, თუმცა ჯერ ლეგენდა სჯობდა გვიამბნათ, მაგრამ დეე, იყოს მარგალიტი!

ნამდვილი მარგალიტიც ანუ ნიჟარა, ცხოვრობს სპარსეთის  
ზღვის ყურეში, აგრეთვე ცვილონის კუნძულის კიდეებში, აგრეთვე  
ამერიკაში პანამისა და მექსიკის ყურეებში, კალიფორნიის ახლო.  
ჩვენში, მეტადრე ქალები, სადაფს, სადაფის ნიჟარას ხომ ყველა  
იცნობს...

— მაპატიეთ, კნიაზო, და ნურც უვიცად ჩაგვთვლით. სადაფით  
მე თვითონ მივაჭრია. ლამბაქის ოდენა ძვალთა, შიგნითა მზარეს  
სადაფი ელვარებს, ფერადად პრიალებს. ქალები უწინ ზედ ფერ-  
უმარილს ლესავდნენ, პირზე ისვამდნენ. თავის თავსაც ატყუებდ-  
ნენ და სხვასაც — ლამაზები ვართო! ამასთანავე, სადაფით მორ-  
თავენ ხოლმე თარს, დაირას, კულას და სხვა. ხარატები კიდეც  
სადაფიდან აკეთებენ ღილებს. რამდენადაც ნიჟარი სქელია, იმდე-  
ნად მეტად ფასობს, რადგან სადაფი მეტი გამოდის.

— პოდა, დანიელ-ბატონო, ორი სადაფის ლამბაქი (ნიჟარი)  
ერთმანეთს რომ დავახუროთ, გამოვა სახლი, ბაკანი, რომელშიაც  
ცხოველი მარგალიტა ბუდობს, ცხოვრობს და ლოკოინასაებრ,  
როცა უნდა, გამოყოფს ხოლმე თავს საჭმელ-სასმელისთვის.

ამ სადაფიან სახლს, ბაკანს, თვითონვე ცხოველი მარგალიტა  
ამზადებს, როგორც რომ ყაჭის ჭია თავისთვის პარკს. თავისივე  
სხეულიდან გამოთაჟონი მასალისაგან მარგალიტა ქმნის მარგა-  
ლიტის მარცვლებს სხვადასხვა სიდიდისას. მიზეზი, რომელიც აი-  
ტულებს ცხოველს ქმნას მარგალიტი, ბევრგვარია. საკმაოა, მაგა-  
ლითად, ცხოველს სხეულში ჩაუვარდეს პაწია რამ კენჭი, ქვიშა  
ანუ თავისივე ნიჟარის ხიწვი (ანაძრობი ნატეხი) ეკალივით შეერ-  
ჭოს, ან პარაზიტი (პაწია მუქთახორა ცხოველი) რომ შეძვრეს, ესე  
ყოველივე ძლიერ ეწითირება ცხოველს, ეღიბინება და გამწარებუ-  
ლი მაშინათვე გამოჟონს სადაფისმაგვარ მასალას, წვეს და ზედ  
თავზე ესხმის დაუპატიჟებელ სტუმარს. წვენი თუ ლორწო იმ  
დრომდე იდენს, ვიდრე სრულებით შიგ არ ჩამარხავს შემოხიზ-  
ნულ, ანუ შემოსულ არსებას თუ ნივთიერებას. მერე კი აღარას  
ეწითირება, დეე, იდოს ნიჟარაში მაგრად შეხვეული უცხო სტუმა-  
რიო.

— მარგალიტის მარცვლები ან თავისუფლად აწყვია ნიჟარისა  
(ძვალს) და ცხოველის ხორცს შუა, ან არადა ნიჟარის კედელს  
შიგნიდან აქვს ზედ შეხორცებული. როცა მარგალიტის მარცვლები

თავისუფლად აწყვია (ძვალსა და რბილს შუა), ის მეტად ფასობს, რადგანაც გაუფუჭებლად მარცვლების ამოღება ძლიერ ადვილდება. ზედ შეხორცებულის ძალად ამოგლეჯის დროს კი მარცვლები სახინრდებიან, ნაყვავილარსავით ჩოფურა ადვილები ემჩნევა, ფასში კლებულობს.

— ე-და, კნაზ, ღმერთი ვადღეგრძელებდეს, ადგილობრივ ნეტარა ფასში იყიდება კარგი მარგალიტი?!

— მოთმინება იქონიეთ, ბატონო დანიელ, ყველაფერს ვაჭრული თვალთ კი ნუ უყურებ... ჰოდა, იმას მოგახსენებდით... ყოფილა ისეთი მაგალითიც, რომ ნიჟარი გადაუხერხავთ და შიგ სადაფის სისქეში მოულოდნელად უბოვიათ (ხარატებს) მარგალიტის დიდი მარცვალი. ეს იმიტომ მომხდარა, რომ ზოგჯერ ახლად გამონაჟონი სადაფი წალეკავს ხოლმე მარგალიტს და სრულებით ჩამარხავს კედელში.

ვისაც ბედი გაუღიმებს, ზოგჯერ ერთსა და იმავე ბაკანში (ნიჟარში) 67-150 მარგალიტის მარცვალს პოულობს. ნიჟარს, ანუ ბაკანს ისე პირდაპირ შუაზე ხლეჩენ, აბობენ ატამივით და ზოგჯერ იქვე ნაწიბურთან აწყვია მარგალიტები, ისე როგორც ჩაკვერცხილი დედალი გინახავთ. მაგრამ ყოველთვის კი არ არის მარგალიტი. ზოგჯერ შეიძლება მონადირემ ასი ნიჟარი მეტი გახლიჩოს და ვერც ერთი მარცვალი მარგალიტი ვერ იპოვოს. გამოცდილი კაცები ირწმუნებიან, რომ, თუ ნიჟარა გარედან სიპია და ლამაზი მოყვანილობისაა, ამ პრიალა ბრწყინვალე მარგალიტს ნუ იგულვებო. სამაგიეროდ, ოღრთოღრთიანი, ხორკლიანი ნიჟარებისა უფრო იმედი უნდა გქონდესო.

— მერე, ნეტა, როგორ იჭერენ მაგ ცხოველებს? — შეეკითხა ლექტორს ჯავახელი.

— მოგახსენებთ... ავიდოთ მაგალითისათვის თუნდ სპარსეთის ზღვის ყურე. მარგალიტის ქმნელ ცხოველზე ნადირობის საქმეს განაგებს მასკატის სულთანი, ხოლო აღებ-მიცემობა განსაკუთრებით ბანიანელ მდიდარ ვაჭართა ხელშია. შარიას ყურედან მოყვლება (დასავლეთით), ვიდრე კუნძულ ბუდულფამდე მისდევს უმთავრესი ადგილები და, სადაც ვისაც კი სურს, ყველას უფლება აქვს მარგალიტზე ინადიროს, ამ ადგილებში დაცურაობენ აუარებელი ნაკები ათასნაირი ჯურისა და სიდიდისა, საშუალოდ 10-18 ტონისა.



რთველი იწყება თიბათვიდან და ვიდრე შუა ენკენისთვემდე ვაცხარებული მუშაობაა. აქ მოდის კუნძულ ბარეინიდან 3500 ტონა სხვადასხვა სიდიდისა. ამათ ემატება სპარსეთის კიდედან (ნაპირებიდან) 100 ნავი. აგრეთვე ავაზაკთა კუნძულად წოდებული ადგილიდან გამოდის 700 ნავი. ამგვარად, ოთხიათასზე მეტი ნავი მუშაობს და მთელი ზაფხული მარგალიტის ჭერას უნდება. თითო ნავზე მუშაობს 8-40 კაცი. მაშასადამე, თუ კარგი დორანი დაუდგა, 30000 მუშა ამხედრებულია ამ უდანაშაულო პაწია ცხოველებთან სამტროდ, საბრძოლველად. განსაზღვრული რამ ჯამაგირი არავის არ ეძლევა, ყველა მუშას წილი უძევს ნანადირევში, სარგებელში. რას იტყვიოთ, რომ ეს პაწია ცხოველები პურს აჭმევენ ასიათას სულს, მუშების თჯახობაც რომ ვიანგარიშოთ. შეიხი ნავსადგურისა (სადაც ნავები ჩერდებიან) იღებს მცირეოდენ ბაჟს, გადასახადს, თითო ნავიდან, მაგალითად, 1 ჰნ 2 დოლარს. მუშათა საჭმელს შეადგენს ინდის ხურმა და თევზი. ამასთანავე, სიამოვნებით ყიდულობენ ბრინჯს ინგლისელ მოვაჭრეთაგან.

ყოველ ნავზე მომუშავენი ორ ჯგუფად განიყოფებიან ხოლმე, ნახევარი წყალში მუშაობს, ზღვაში ჩადის, ხოლო მეორე ნახევარი მუშებისა ნავზე (მაღლა) რჩება. ზღვაში ჩამსვლელი სრულებით ტიტკვდება, მხოლოდ თეძოებზე აცვიათ თეთრი სამოსელი და, თანაც, წელზე ქაშრით მიმაგრებული აქვთ კალათი.

მაგარ თოკზე მიბმულია ქვა, ამ ქვაზე დგება ტიტკველი მონადირე და ხელებით თოკს მაგრა ჩაკიდული, როცა ანიშნებს, ნავიდან მუშები ნელ-ნელა ჭახრაკით უშვებენ თოკს, ვიდრე მონადირე ზღვის ფსკერს უწევს. აქ ზღვის ძირზე, იატაკზე მონადირე სწრაფად აფათურებს ხელებს და, რაც ნიჟარი მოხვდება, სწრაფადვე კალათაში აგროვებს. რომ დაატყობს, ახლა კი სული მიგუბდებაო, ჩამოჰკრავს თოკს და ნავში მყოფნი ამხანაგები საქაქროდ, იმ წუთასვე ზღვიდან ამოსწევენ მონადირეს, რომ ჰაერი შეისუნთქოს. უჰაეროდ უსუნთქველად ზღვაში ჩასულმა ადამიანმა იშვიათია, რომ ერთი წამი გაძლოს უჰაეროდ, უსუნთქველად. ამბობენ, რომ ზოგი გამოცდილი მონადირე 60-70 წუთსაც ახერხებს წყალში დარჩენასო, მაგრამ მეტად საეჭვოა, და, მით უფრო, დაუჯერებელია ზოგიერთის აზრი, ვითომ ადამიანს შეეძლოს წყალში დარჩენა ორი წამი უჰაეროდ, უსუნთქველად.



თუ მონადირეს ბედმა გაუღიმა, თითო ჩასვლაზე 8-10 ნიჟარი ამოაქვს. ისიც შეიძლება, რომ ერთ ადგილას მთელი გროვა რები დახვდეს. მონადირე ყოველ ამოსვლაზე ნავზე კი არ ადის, თოკზე დგას. ნანადირევს ამხანაგებს გადასცემს, თვითონ სულს მობრუნებს, დაისვენებს და ანიშნებს თუ არა, ამხანაგები ჭახრაკს მოუშვებენ, ზღვაშივე ჩაიყურყუმელავენ. რა თქმა უნდა, ასე ხშირად სულის, სუნთქვის შეჩერება ფრიად მავნებელია ადამიანის ჯანმრთელობისთვის. გარდა ამისა, ხშირად ისიც მოხდება, რომ მონადირე ზღვის რომელიმე ონავარი თევზის მსხვერპლი ხდება. ადამიანის თეთრ ხორცს უფრო ემტერება ზვიგენი და, აგრეთვე ხერხა თევზი. ირწმუნებიან, რომ ეს თევზი ადამიანს ზედ შუაზე გადახერხავს ხოლმეთ.

ზღვაში ნაშოვნ მარგალიტის ნიჟარს მთელი ტომობით ერთს ადგილას აგროვებენ, მიწაზე ჰყრიან, ვიდრე ხორცი (ცხოველი) დალპება. მერე კი ხლეჩენ, აბობენ თითოეულ ნიჟარს, ეძებენ შიგ მარგალიტის მარცვლებს. მარგალიტის აღებ-მიცემობა აქ სპარსეთის ზღვის ყურეზე უწინ თურმე 300 მილიონ გირვანქა სტერლინგს უდრიდაო, მაგრამ ახლა კი იმის მეთაედსაც ვეღარ სჭრისო.

საუკეთესო მარგალიტს არა აქვს თავისი განსაკუთრებითი რამ ფერი, მაგრამ ზოგჯერ გვხვდება ყვითელი, ვარდისფერი, მომწვანო, მოწითალო, რუხი, მონაცრისფრო, შავი და სხვა. ევროპაში დიდად ფასობს სრულიად თეთრი, უმწიკვლო თოვლის ფერი მარგალიტი, ხოლო აზიაში უფრო მოყვითალო ფერის მარგალიტს ხმარობენ. საზოგადოდ კი ფერადი მარგალიტი დიდად არ ფასობს, თუმცა კი ზოგჯერ არის ხოლმე ამისი დიდი მოთხოვნილება. მარგალიტის გარეგნულ ფორმასაც, მარცვლის მოყვანილობას ფასზე დიდი გავლენა აქვს. ყველაზე მეტად ფასობს ბურთივით მრგვალი. მას მერე ძვირად ფასობს მსხლის ფორმის მარგალიტი. აგრეთვე კარგ ფასშია კვერცხივით მრგვალი. დანარჩენი ფორმისა, და მეტადრე თუ უსწორმასწოროც არის, მდარე ფასში იყიდება.

სიდიდითაც მარგალიტი (მარცვალი) სხვადასხვა სიდიდისა გვხვდება. მაგალითად, კენსინგტონის მუზეუმის ერთერთ კოლექციაში ინახება ერთი უშველებელი მარგალიტი. ამ მარგალიტს გარსი აქვს 4 1/2 დიუიმი, წონით არის 18000 გრამი, ე. ი. 300 მის-



ხალს იწონის, ანუ სამ გირვანქას. წვრილი მარცვლები ჟიჟმატი მარგალიტი ცალობით, თითობით კი არა, წონით, გირვანქებში იყიდება, ამასაც გარჩევა უნდა. ფასი იმაზეა დამოკიდებული, რა ღირსებისაა და, თანაც, ერთ უნცში, მაგალითად, რამდენი მარცვალი აიწონის, საზოგადოდ, ბაზრის ფასია უნცი 150 მან. (უნცი შვიდ მისხალზე მეტია), ასე რომ მისხალი თრ თუმნად მოდის, ხოლო მსხვილი მარგალიტი ცალობით, თითობით, თვლით იყიდება. კარგი ღირსების მარგალიტი თუ წონით ერთი კარატია (კარატი თთხი გრამია, ე. ი. ხორბლის მარცვლის თთხს იწონის), 50 ფრანკი ღირს, ანუ 12-13 მანეთი. ამაზე ზევით რამდენ კარატსაც მეტს იწონის, იმდენად ყოველი კარატი უფროდაუფრო ფასობს. კარგი ღირსების და იშვიათი სიდიდის მარგალიტი ძლიერ ძვირია.

საზოგადოდ, თუმცა მარგალიტი და მისი ელვარებაც მრავალ-ჟამიერია, მაგრამ უდიერი ხმარება უკარგავს პრიალს, წმინდა წყალს, ზოგჯერაც თვით ნივთიერება მარგალიტისა ირღვევა, ფხვი-ერდება. უმთავრესად მარგალიტს აფუჭებს ნოტიო ადგილას შენახ-ვა, ოფლი და ძლიერი სიცხე. დაკარგული ელვარება შეიძლება აღვა-დგინოთ, ამისთვის წყალში უმატებენ რამდენიმე წვეთს მარილს, ანუ გოგირდის მჟავას და ამ სითხეში ავლებენ მარგალიტს.

ზოგიერთ მდინარე წყალშიაც გვხვდება იმგვარი ლოკოკინა ნიჟარი, რომელშიაც მარგალიტის მარცვლებს პოულობენ.

დიდხანია შემჩნეულია, რომ ადამიანის სისხარბემ ზღვაში მარგალიტი გააჩანავა, ზღვის ძირიდან უწინდებურად ვეღარ ამო-აქვთ. ამიტომ ევროპელთ განიზრახეს მარგალიტას (ცხოველის) განგებ მოშენება. შექმნეს საგანგებოდ, ხელთვნურად იმგვარი პირობები, ზღვის წყალის ტბა-აუზები, სადაც მარგალიტას შეუძ-ლია ცხოვრება. ბრემი ამბობს, ეს საქმე ჯერ 1865 წელსვე კარგად მიდიოდაო.

# ՃԱՅՆԵՍԻՆ ԸՉՅԵՆԸՉԻՆ



## სამშობლოს სიყვარული

ისტორიული ლეგენდა მისხტა ცხოვრებიდან

...ვიში!  
რა კარგი ხარ, ჩიხორიში,  
ხველიშა არ გერიოსო...  
ხალხური

### 1

ჯავახეთის საზღვარზედა  
ჩამოგვირბის ჩიხორიში,  
წყარო მთისა, გემრიელი,  
ყინულია მზე და გრილში.

გაზაფხულზე ადიდდება,  
მტკვარს ეცემა შუა გულში,  
ხველიშასაც შეუთვალა:  
„ძვირს ნუ იღებ ჩემზე გულში“.

სათავეში ტამალა აქვს,  
სოფელი მადნარს მალული,  
ნაქებია მოსავლითა  
საუფლისწულო მამული.

ქალი, რძალი მშვენიერი,  
ვაჟკაცნიცა თავდებულნი,  
ქორ-მამებარ ნადირობით,  
მეფის კარზედან ქებული.

2

ემ! ბიძიავ, ის დრო გაქრა...  
გულიც გატყდა თათრობაში,  
რჯული რჯულად გვეკარგება,  
არც გვედგომის მთა და ბარში.

ჯალათებსაც ბევრს გვიმზადებს,  
აღარ გვინდობს საზარელი,  
ის ღვთის რისხვა ნიმშიშვილი  
სელიმ ფაშა აჭარელი.

ენგიჩარი, დალიბაში,  
ყველა ჩვენი ბატონია —  
ვაი იმას, ვინც ლამაზის  
ქალის, რძალის პატრონია.

ოსმალთსა ვინდა ჩივის,  
ლეკი გვარბევს დადესტნელი,  
სამართალი ვის მოვთხოვთ,  
ვინღანი გვყავს გურჯისტნელი?!

შემოდგომა ჯერ არ იყო,  
ლაბას რთველი დამდგარიყო,  
გოგო-ბიჭი კალათებით  
მის საკრეფად წასულიყო.

წუნკალებმა ეს შენიშნეს,  
მეტი დავლა რაღად უნდათ.

იხელთეს და გზა შეუკრეტ,  
დიდი ძალაც არ მოუნდათ.

არჩევანსა რო შეუდგენ,  
გონჯს ჰპოებენ ვერცა ერთსა,  
სამი ბიჭი, შვიდი გოგო  
გადააბეს ერთმანეთსა.

ახალციხეს გაუყენეს,  
მიატანეს ასპინძასა,  
აქ მდევარი ველარ მოვა,  
ვერ გაბედავს წართმევასა.

ასპინძის ბატონს ეწყინა,  
სანჯახსა დიასამიძეს:  
„ხინკალა, წუწკმა ლეკებმა  
სოფელი გამიჩანაგეს.

ბოღმა დიდი აქვს ბატონსა,  
მაგრამ ვერ იჩენს ნებასა,  
ვერცა ხონთქარს გაიწყრომებს,  
ვერც ფაშას მისცემს მცნებასა.

დაასმენენ, დაწამებენ,  
სტამბოლისკენ წაათრევენ,  
მამულს, დედულს, სანჯახობას,  
ყველა პატივს წაართმევენ.

3

ბექამ სული წაიწყმიდა,  
ეშმაკისა ვახდა ვერძი,  
ათაბაგი მოგვიწამლა,  
თვითონ ირგო თქროს ვერძი.

წარსდება, ხონთქარს მოახსენა:

— „საქმე მწადის ასეთით,  
მაჰმადის რჯული მივიღო,  
გმორჩილობდეს მესხეთით.

სულთან მურადს ეს ეამა,  
ბექას უბოძა ფაშობა,  
თავზე სარუსსა ჰხურავენ,  
არც დაუძვირეს იუდობა.

ახალციხის ფაშად დაჯდა  
ეს ჯაყელი გურჯისტნისა,  
ქართლის მეფეს გადაუდგა,  
ერთგულია სტამბოლისა.

ორი თულით<sup>1</sup> ფირმანი აქვს,  
გახდა მეფედ მესხეთისა,  
მამა-პაპის რჯული დაჰგმო,  
ხოჯა უზის მაჰმადისა.

4

საფარ ფაშამ კარგად იცის,  
სტამბოლი რისაც მდომია —  
უყვართ ქალ-ვაჟი ლამაზი,  
ქართველთა თვისი ტომია.

ახალციხის მთედნები  
მთლად ივსება ტყვეებითა,  
უმანკო და უბადრუკნი  
სტამბოლს მივლენ შავი ზღვითა.

<sup>1</sup> თული — ოსმალთა ფაშის წინ სატარებელი ბაირაღი ცხენის ძუისა. მეტი თული მეტ პატივს ნიშნავდა.

თათრის ფაშებს უხარიათ  
მორჩილება მესხეთისა,  
ჰარამხანაც განახლდება,  
ქალი მოსწონთ შავშეთისა.

ტამალელი გოგო-ბიჭიც  
ახალციხეს ჩამორეკეს,  
შიგ ერია ერთი ქალი,  
ფაშასთან მიჰყავთ ლეკებს.

ახალგაზრდა თებრონია  
ფაშის კარსა გაატიტვლეს,  
გადიასა მოეწონა,  
აბანოშიც გაათეთრეს.

ბროლისა გოგოს თებროსა,  
უკერავენ მარმაშებსა,<sup>1</sup>  
ოქრომკედით უქარგავენ,  
კემუხტის მწვანე ქოშებსა.

## 5

სელიმ ფაშა აჭარელი  
დესპანობას ემზადება,  
ფეშქაში ბევრი ჩააწყო,  
ხონთქარს ოქროც ეგზავნება.

ყველა ფეშქაშს თებრონა სჯობს,  
დიდ ბაირამის ძღვენადა —  
გოგო მიუვათ ბროლისა,  
ბადალს ჰპოვებენ ძნელადა.

<sup>1</sup> მარმაში — წმინდა ნარმა, კისეა, ჩიქილა.

აჭარა გადაიარეს,  
ბათუმს ჩავიდნენ ნავითა,  
ჭოროხს თავი დააღწიეს  
შავ ზღვას გაუდგნენ გემითა.

ტრაპიზონს დღისით მიადგნენ,  
თებრთს თვალთ ცრემლი სდიოდა,  
შუბლს თქროს ფარა<sup>1</sup> უმძიმებს,  
ლაწვს მარგალიტი სცვიოდა.

შვიდ დღეს სტამბოლს მიაღწიეს,  
ხვალ ბაირამი **სდგებოდა**,  
თებრთ კი ბედსა სწიოდა,  
ბოღმითა გული სკლებოდა.

6

ვეზირს თებრთ მოეწონა,  
გულ-მკერდი თეთრი გედისა,  
ვიშრის თვალ-წარბა ქალწული,  
მტირალი თავის ბედისა.

ვეზირს გული უფანცქალებს  
ფაშას უთვლის მადლობასო:  
„თუ რომ დაგჭირდეს, ხონთქარი  
წყალობას არ დაზოგავსო...“

თებრთ უხვად დასაჩუქრეს,  
ვინ მოსთვლის ლალს, მარგალიტსა.  
ზურმუხტი და იაგუნდი,  
საყურებიც აღმასისა.

<sup>1</sup> ფარა — ფული თსმალური, ჩიხტის გარშემო იკვრებენ, შუბლს ამშვენებენ.

ფირუზის ქოშებს აცმევენ,  
ტანზე ფარჩა არ მენავსო,  
ქალს გადია მიუჩინეს,  
სრა-სასახლევ ედემს ჰგავსო..

თებრომ თუმცა მოილხინა,  
გულში დარდსა ვერ იკლავსო:  
„სამშობლოსა მაგივრობას  
სტამბოლი რითი მიზღავსო“.

ოქროს ტახტზე დააბრძანეს,  
ფერხთ ფიანდაზებს უგებენ,  
ვერცხლის სურითა ვარდის წყალს,  
მუშკ-ამბარს თავქვეშ უდებენ.

მოახლენი მრავლათა ჰყავს,  
თებროს მზესა ფიცულობენ,  
რაც ინატროს ნებიქრმა,  
ცილობითა უსრულებენ.

ჩანვის სიმებს ჩამოჰკრავენ,  
ზედ ტკბილის სმით დამღერიან,  
იადონი და ბულბული  
გალიიდან დასცქერიან.

სრა-სასახლბს გარეშემთ  
წალკოტ-ბაღნარი უხვია,  
რა ხილი და რა ყვავილი —  
ვარდი ბულბულსა უქია.

7

რაც დღე მიდის, თებრო სჭკნება,  
იადონსა ეუბნება:  
„ცქვიტო ჩიტო, ნუ შეგშურდა  
არც თუ მე ვარ თავის ნება...“

„მეც თქვითსა გალიას ვზი,  
ცხრაკლიტულში მომწყვდეული,  
გაყიდული ტყვე, ტუსადი,  
ვეზირის ცოლად ქებული...“

„ვაიმე, საბრალო დედავ,  
ვაიმე, დაო სოფიო,  
ზიხარ და მოთქმითა სტირი  
ვაი-ვაგლახსა მოსთვლიო“.

„სადლა ვიმარხვო, ვილოცო,  
სად ვილხინო თბაშია;  
სანთელი რთდის ავანთო  
ჩიხორიშის საყდარშია?!“

„ნეტა ველირსო შოლთრთა,  
ფრთილს გახვევდე გარეშემო,  
ოთას მთაში ჟოლოს კვრეფდეთ,  
კონტა ციხის გარეშემო“.

„სადლა ვსვა წყალი მყინვარე,  
ჩიხორი მოლხინებული,  
სადლა ავასხა ანკესით  
კალმახი გახელებული?!“

„რას ვაქნევ ამდენს ქონებას  
გულმკვდარი დაობლებული...  
გინდ ამდენ პატივს, სიყვარულს,  
დიდებაც შემოვლებული?!“

„უზიარებელს მომკლავენ,  
გადმისვრიან თხერ-მკვდარსა,  
იქ გამგლეჯენ ზღვის თევზები,  
ვინ მაღირსებს ქრისტეს ჯვარსა!“



„ვერ ვეღირსო მშობელ მიწას,  
მშობელ დედისა ცრემლებსა,  
ვინ მივლოვს, ვინ დამიტირებს,  
აქ ვინ ამიგებს წესებსა“.

„მომეცით ჩემი სამშობლო,  
ცა მშვენიერი, ლაქვარდი,  
შრიალა, მწვანე ქოჩორა,  
ოთაში ფიჭვი ნაზარდი!“

„მომეცით ჩემი ქვეყანა,  
მთა-ბარი მალნარიანი,  
პიტალო კლდეზე კაკაბი,  
მელია ჯავარიანი!“

„ლხინი და ჭირი იქ ვნახო,  
იქ მკრას ლახვარი მგმობელმა,  
იქ მოვკვდე, იქ დავიმარხო,  
იქ დამიტიროს მშობელმა!“

8

დაჭლექდა თებრო, დაჭლექდა,  
ლოვინსა ლესავს თვეობით.  
ვეზირსაც გული უკვდება,  
უყვარს და მოთქვამს ვაობით.

ერთხელ თებროს სიცხე მისცა,  
ბურანი<sup>1</sup> სჭირდა, როტავდა,  
ნატრულობდა ჩიხორის წყალს,  
სიზმარშიც ამას ბოდავდა.

<sup>1</sup> საოფლე, სახადი.

ვეზირი თებრის თავთ უჯდა,  
ტამლიალს<sup>1</sup> გულზე უსვამდა,  
მის ნატვრას რო ყური მოჰკრა,  
წვერებზეც ხელსა ისვამდა.

კაცი მესხეთს გააფრინა,  
ბარათი აქვს ფაშასთანა:  
„არიქა, ყარდაშ, მიშველე,  
ძმა ძმისთვინა, შავ დღისთვინა...“

„ჩიხორის ცივი წყალი  
გამოგზავნე საჩქართთა,  
საყვარელსა გული უწუხს,  
წამლად გვინდა ვიხმაროთ“.

თიხის კოკები გაავსეს  
ჩიხორიშს ცივი წყალითა,  
კაცი გზასა გაეშურა  
უსვენებლივ დღე-ღამითა.

თებრის ნატვრა აუსრულდა:  
„წყალსა დავლევ სამდომელსო“,  
მოიყუდა კოკით წყალი,  
„გულს ვისრულებ მწუხარესო“.

„ვიშ! დედავ, თქვენ გენაცვალეთ,  
რა კარგი ხარ ჩიხორიშო  
ხველიშაც არ გერიოსო —  
ველარ დავლევ გემრიელსო!“

ყველას უკვირს „თებრის სიტყვა  
ნეტავ თუ რასა ნიშნავსო?“  
თებრთმ ყველას მოახსენა —  
„ხველიშა რევს ჩიხორიშსო“.

<sup>1</sup> ვარდის ზეთი.

დაიბარეს იგი კაცი:

„შენ რას იტყვი ხველიშასო?!“  
მონა ფერხთქვეშ ჩაუვარდა,  
ევედრება დიდ ფაშასო:

„გზაში მოვსვი ჩინორიში,  
ხველიშათი შევაკეთო,  
მწყუროდა და დავაშავე,  
გთხოვთ, ვეზირო, შემინდეთო“.

თებრო გულში ჩაიკონა  
ვეზირმა გაშმაგებულმა:  
„თებრო, სამშობლოს წაგიყვან,  
იხილო გახარებულმა!“

9

შემოდგომის დილა იდგა,  
გემი მოადგა ბათომსა,  
შიგა ზის ქალი ცისკარი,  
ვეზირი ჩანვით ართობსა.

აჭარა გადმოიარეს,  
მესხეთს ეწვიენ ფაშასა,  
ასლდათ აჭარელთ ამაღა  
აფრიალებენ დროშასა.

თებროს მშობლებს იბარებენ:  
„მოდით და ქალი ნახეთო,  
ათასი თქროც წაიღეთ,  
სასახლე მოუმზადეთო...“

ტამალას სახლი აშენდა —  
„თებრო უნდა მობრძანდესო“.

ვეზირი სოფელს ჰპირდება —  
„ხონთქარიც თქვენ გწყალობდესო...“

თებროს ნატვრა აუსრულდა,  
ლაბასა ჰკრეფდა, რბიოდა,  
ჩინორიშიც იგივე დახვდა,  
ახლა აღარას ჩიოდა.

ის ზამთარი არაფერი,  
წყალი გაზაფხულს იმღვრევა,  
თებროს გულიც არ მთელდება,  
ჯანი კვენესის და ირღვევა.

თქვენი ჭირი რო წაიღო,  
მატურიც ზედ დაადგესო:  
„გიყვარდა შენი სამშობლო,  
იქ ნათელიც დაგადგესო...“

### ღვთის ბაჩენილს აღამიანს ეუზააკობა რად დაჰყვამო

ქრისტემ უბრძანა პეტრესა:  
შენა ხარ კლდე სამყარო,  
შენზედ ვაშენო საყდარი  
იქმნეს მკვიდრი, უძრავიო...

ბრჭენი ჯოჯოხეთისანი  
ვერ ერეოდნენ ტაძარსა,  
კლიტენი სამოთხისანი  
გებარების მარად ჟამსა...

პეტრე მოციქულს სამოთხე  
ჩააბარეს, კლიტე მისცეს,  
ცხონებულებს კარსა უღებს,  
ედემშია ადგილს მისცემს.

მხოლოდ ამას ღონობს პეტრე,  
ცოტა მოდის სამოთხეში,  
ბევრი სული იწყმიდება,  
შთავარდების ჯოჯოხეთში.

ადგა და მიიპატიჟა  
ნოე, ენოქ და ელია —  
ედემში გუნდრუკს აკმევენ,  
ვარდ-ზამბახი სურნელია.

მამამთავრებს განუცხადა  
თავის გულის პასუხით:  
ღვთის გაჩენილს ცოდვაც რად სდევს?  
ამის გვინდა პასუხით.

ნოემ, ენოქ და ელიამ  
ჯერ ერთმანეთს გადახედეს, —  
ვის არგუნონ პირველ სიტყვა?..  
ჯერი ენოქს შეახვედრეს.

— „ენოქ, ბრძანე, უფროსი ხარ,  
შენ რა იცი ამ მცნებისა —  
ადამი რო შექმნილ იქმნა  
მას რა დაჰყვა ეშმაკისა?“

— „ვის ახსოვს, როგორ მოხდა,  
დამეკარგა მაგის სია,  
ნოემ იგი უკეთ იცის,  
კიდობნისა უფროსია“...

ნოე ადგა, ჩაახველა,  
წვერ-ულვაში გაისწორა:  
— „წარღვნით ყველა განადგურდა,  
სულ მიწასთან გაასწორა“.

„მას მერმედ ჩვენმა შვილებმა  
ნეტავი თუ რაღად სცოდეს...  
ამის პასუხი, მე ვკონებ,  
ელიამ უკეთ იცოდეს“.

ელიამაც ასე ბრძანა:  
— „მე არ ვხედავ აქ მოსესა,  
ღვთის წინაშე... არ ვიცოდი,  
ძნელსაცნობი არის ესა“.

მოსეს კაცი მიუვიდა,  
ეძახიან რჯულმდებელსა.  
მოსემ საქმეს რო ჩაჰხედა  
შეევეღრა მეუფესა:

— „რაღა მახსოვს, რა დავწერე  
საიქიოს კანონათა,  
ანგელოზთა მოუწოდლოთ,  
იმათ მოაგონდებათა“.

მთავარანგელოზთ მოწვევა  
სუყველამა განიზრახეს,  
მიქელ-გაბრიელ მობრძანდნენ,  
ელისესაც დაუძახეს.

ღმერთმა თავის მსგავსებრივი  
ადამი რომ გააჩინა,  
ეშმაკობა რაღად დაჰყვა,  
სატანამ ვით შეაცდინა?

ყველა ამის საკითხშია,  
დავთრებიცა გამონახეს,  
მიქელ-გაბრიელ მობრძანდა,  
ანათებდა პირისახეს.

ქვეყნის შექმნას დავსწრებივარ,  
ყველაფერი კარგად მახსოვს,  
კაცი როგორ გააჩინა,  
ეგ ბრძანება ახლაც მახსოვს.

ერთხელ ღმერთმა დამიბარა,  
ანგელოზთა ურჩობის დროს,  
ყველა რთ ქვესკნელ ჩაჰყარა,  
ავი სული ბნელეთს დაჰყოფს.

ღმერთმა ბრძანა: აბა, მიქელ,  
შენ რას იტყვი სამშვენოსა...  
მათს მაგიერ კაცსა შევქმნი  
ედემი მან აშენოსა.

გასწი, წადი, მთიარე  
ორსავ კუთხივ ქვეყანაო,  
აღმოსავლეთ-დასავლეთი,  
სამხრეთ-ჩრდილო, ყველგანაო.

ყველა მხარის თითო მუჭა  
წითელ თიხა ამოიღე,  
მიწა იყოს პირველქმნილი,  
უმზრახთთა წამოიღე.

შევქმნი ადამს, სახით ჩვენს მსგავსს,  
შიგ შთავბერავ სულს უკვდავსა,  
უსხეულო ნულარ გვინდა,  
ხორცს შევასხამ მომაკვდავსა.

ერთი დღე და ერთი ღამე  
ამის ვადად მიბრძანესა,  
ავდექ და ქვეყნად დავეშვი,  
გავუდექი ოთხს კუთხესა.

ვპოვე თიხა უწმინდესი,  
მაგრა კალთას შევკარიო,  
ბოროტ სულნი მეძახიან:  
„ეგ რა მოგაქვს, გვითხარიო!“

სატანამ გზაც გადამიჭრა:  
„მიქელ, ცოტას შეჩერდიო,  
რა განძია, სადა ჰპოვე,  
რათა მაღავ კალთაშიო?“

მემუდარა: „ჩამახედე...  
ჯერ მამალი არ ყივისო“...  
ღმერთს მაფიცებს ეგ წყეული,  
თუ შენი ღმერთიც გივისო.

ავდექ, კალთა გადვუშაღე,  
დროც შეკარგვის, მომაცდინა,  
მაგრამ რა ვქნა, ღვთისწყეულმა  
რა სიბილწე ჩაიდინა!..

გამაწბილა, შემაცდინა,  
ჩამიფურთხა თიხაშია,  
„მეც არა ვთქვი, რა მიგაქვსო“...  
უშველებელ ხარხარშია.

შმაგი ვიქმენ, შუბი ჩაკვარ  
შიგ შუაგულ ხახაშია...  
ეგები ჭკუა ვასწავლო,  
არ მასვენებს მის დღეშია!



ღვთის ბრძანება თუმც ასრულდა,  
კაცი იქმნა ხორცშესხმული,  
არაწმინდის სულიც დაჰყვა,  
ი თიხაში ჩასუნთქული.

ზესკნელს, ქვესკნელს და გარესკნელს  
ემშაკები განრფესვენს,  
სამი წყება ბოროტ სულთა  
ცად და ქვეყნად ჩაგვითესლნეს.

ადამს, ედემს, უკვდავებას,  
სატანა რას შეარჩენდა,  
შურით, ღვარძლით იხრჩობოდა,  
ვიდრე ევას შეაცდენდა!

## ხალხის სიბრძნე

(აღამიანის ფლოვანება)

ღვთის ბრძანებით ექვს დღეს გაჩნდა  
მაღლა ცა და ძირს ქვეყანა,  
ცა მოსჭედა ვარსკვლავებით,  
მზე და მთვარეც დაუყენა.

დედამიწა მთლად გაავსო,  
ფრინველით და პირუტყვითა;  
ყველგან წყალი თევზით ხარობს,  
ტყე და ველი — ყვავილითა!

აღამიანს ედემი აქვს,  
ვერა ძღება სიტურფითა,

არცა იცის, ტანჯვა რაა,  
არც მოკვდების სიკვდილითა.

შიგ შუაგულ ედემისა  
ტახტი იდგა ზურმუხტისა,  
ოქროს ზოდის ფეხები აქვს,  
საყდარია! ლაჟვარდისა.

ანგელოზთ გუნდი დაგალობს,  
ადიდებენ შემოქმედსა,  
ღმერთი ტახტსა დაბრძანდების,  
მეშვიდე დღეს ისვენებსა.

პირუტყვი და პირმეტყველი  
გარს ეხვევა გამჩენელსა,  
ღმერთმა ადამსა უბრძანა:  
„რათ არ მისცემ სახელებსა!“

„სახელები ვინ მოსთვალოს,  
მე დავებებ მეუღლესა,  
ყველა ცხოველს თავისი ჰყავს,  
არ მიეცი პირმეტყველსა“.

ღმერთმა ესეც აღუსრულა,  
გაუჩინა კაცსა ევა,  
სიტუროფით და მშვენებითა  
ყველასაგან განიორჩევა.

მთლად ედემსა მათ აბარებს,  
ხილსა ერთსა უკრძალავსო,  
თუ რო მცნებას გადავიდნენ,  
იმათ სიკვდილი მოჰკლავსო.

გველმა ევა შეაცდინა,  
მოატყუა ცოდვის შვილსა.

<sup>1</sup> გუმბათი.

„ედემი აღარ გელირსოს,  
ტკივილითა შობდე შვილსა“.

მთავარ-ანგელოზ მიქეილ  
დაუკეტავს სამოთხესა,  
ადამს ღვთის რისხვა ეღწია;  
„ოფლით, ტანჯვით სჭამდეს პურსა“.

წინათ უკვდავსა ადამსა  
აწ ეშინის სიკვდილისა;  
ადამ ღმერთსა ევედრება:  
„რახანს მომცემ სიცოცხლესა?“

მთლად დაგროვდა პირუტყვიცა:  
„რამდენს გვაძლევ სიცოცხლესა?“  
ღმერთი ყველას დაუწესებს  
ოცდაათ წლის სიცოცხლესა.

დიდყურა ვირი წინ წადგა:  
„ოცდაათ წელს რას ვაქნევო?!  
მთელ სიცოცხლეს ვირობა ვქმნა?  
ამ ტანჯვას ვერ გავუძლებო!“

ერთგულმა ძაღლმა შესჩივლა:  
„მაგ ხანს რა ჯანმა გასძლოსო?  
თუ უდიერს პატრონს შევხვდი,  
ამაგიც გამიქარწყლოსო“.

მაიმუნიც წამოსკუბდა,  
ყველას სიცილი წასკდესო,  
მაიმუნიც არ ყაბულობს  
ოცდაათ წლის სიცოცხლესო.

დაუძახეს ბედის მწერლებს,  
დიდ დავთარში ჩასწერესო:

„კაცს სამ ათი წლის სიცოცხლე  
პირუტყვებს ათიც ეყოსო“.

ცხოველთ მადლი გადუნადეს,  
ადიდებენ მეუფესა,  
ჯიუტი კაცი არ იძვრის,  
თან აცხადებს საყვედურსა:

„ოცდაათ წელს რა მოვასწრო,  
რა შევძინო ჩემს ცოლ-შვილსა...  
ბაღებსაცა დაზრდა უნდათ,  
ვინ გაუძღვეს ჩემს ობლებსა?!“

ღმერთმა მრუდედ გადმოხედა  
კაცსა ურჩსა, უმადლოსა,  
რაც ვირს დააკლდა სიცოცხლე,  
ადამიანს უბოძესა.

მაგრამ კაცსა რა გააძღებს,  
თვალხარბსა და უმადურსა...  
ოცი წელი ძაღლს დააკლდა,  
ისიც კაცსა უბოძესა.

კერპია ადამიანი,  
შუბლის ძარღვსა არა ხსნისო...  
რაც მაიმუნსა დააკლდა,  
ისიც იმას უმატესო.

მას აქეთ ადამიანი  
უბედურადა სწერია,  
ადამიანურ სიცოცხლედ  
ოცდაათ წელს უწერია.

მეორმოცეს რო ჩადგება  
ვირის ჯაფას შეუდგება,

ოც წელს იმდენ სარჩოს იძენს,  
იმას ვინღა შეედრება.

მესამოცეს რო ჩადგება,  
ძალსავითა ჰყეფს, ღრინავსო,  
იმ ოც წელში შეძენილსა  
ერთგულადა დარაჯობსო.

შვიდათ წელს რომ გადასცდება,  
მაიმუნსა ემსგავსება,  
დაღმეჭილი და მასხარა,  
„სიყრმეზედ ვარ“, — იკეხება.

ოთხმოცდაათს ვინც გადასცდა,  
ფეხი სამარეს უდგია,  
ვაბრიელის დასტურს ელის,  
პაემანი დაჰკარგვია.

## როგორ გარდა ღვიძლი

ნოემ აშენა ვენახი,  
ღვინო ვერ დააყენაო,  
დაღონებულსა ნოესა  
ეშმაკი მოეჩვენაო.

„ნოევ, ვერ გიქებ ბაგასა,  
შენ ჯერ ახარებ რქასაო,  
თუ ამხანაგად გამიხდი,  
გასწავლი ვაზის რგვასაო...“

ისეთი ღვინო დაგიდგეს,  
კაცი ებრძოდეს დევსაო,  
მთელი ღუნია გაქებდეს,  
ვინც სვამდეს ყურძნის წვეწასაო“.

„წყეულიმც იყოს, სატანავ,  
ყოველი საქმე შენია...  
კაცის ვალია იშრომოს,  
ბედი ღვთისაგან სწერია“.

...გაჯიბრებულმა ნოემა,  
უფრო უმატა შრომასა,  
მაინც ვერ გასხლა ვენახი,  
ვერ გადაურჩა გოლვასა.

შეფიქრდა ნოე, შეფიქრდა,  
ჯავრით ვერც მიდის შინაო,  
გაბეზრებულსა ნოესა  
ეშმაკი უდგას წინაო.

„ნოევ, ნუკი ხარ ჯიუტი,  
„ხერხი სჯობია ღონესო“,  
თილისმა ვიცი მისთანა,  
კაცი ვერ მოიგონებსო“.

ნოე გადუდგა ღვთის მცნებას,  
სატანამ შეაცდინაო...  
ადგა და ძმობა შეჭყიცა,  
პირსახემ გაუცინაო.

გაპყვა ეშმაკი ვენახში,  
ასწავლის თილისმობასა,  
ნოეც ადვილად მიუხვდა  
ოსტატსა ჯადოსნობასა.

პირველად მთელსა ვენახსა  
მიუშვა ბლთმად წყალია,  
ფესვები ვაზსა დაულბო,  
მთლად გაუწითლა რქანია.

მერმედ ბატკანი დაუკლა,  
სისხლი ასხურა კვირტებსა,  
ვაზმა ფოთოლი დაისხა,  
ტურფად ამშვენებს ტოტებსა.

ნოე იხარის გულითა,  
„ახლა ვეწიე ბედსაო,  
ჯერ თუ არ მოვკვდი, კვლავ ჩავყრი,  
დავწიდნი ახალშენსაო“.

ადგა და დაკლა ბულბული,  
სისხლი აწვეთა ყვავილსა,  
ფურჩქენილმა ვაზის რტოებმა  
უფრო უმატეს ქადილსა.

მოზვერი დაკლა, მოურწყო  
ვაზს ძირი სისხლით ცხელითა,  
ღერო რომ ველარ დგებოდა,  
სარზე მიაკრა წკნელითა.

შემდეგ დაუკლა ლომ-ვეფხვი,  
სისხლი ასხურა ისვრიმსა;  
ვენახში თვალი შევიდა,  
მტევანი ფერსა იცვლისა.

მზე-წვიმით ნაზად ნაზარდი,  
ქარვებ პრიალეებს მარცვალი,  
შეჭხარის ნოე ნაშრომსა,  
ვერც გული ძღება, ვერც თვალი.

მაიმუნზე ჯერი მიდგა,  
ამოულღ მკერდით გული,  
სისხლი აწურა კუფხალსა<sup>1</sup>,  
ახლა კია რთველი სრული.

გათავდა ჯადო-თილისმა,  
ნოე ამზადებს ჭურებსო,  
სატანამ ყურში ჩასძახა:  
„ნუ დაივიწყებ ღორებსო!“

ქვეყანა ხარობს ზაფხულით,  
მას მოსდევს შემოდგომათ;  
ნოემ დაწურა ყურძენი,  
ტკბილს უნდა ქვევრში დგომათ.

არ დაივიწყა ღორები,  
მათ სისხლით მოურწყო მარანი,  
კარსა ურდული წაუგდო,  
ემშაკსა მისცა სალამი.

<sup>1</sup> კიმელა.



ნოემ იცადა, ითმინა,  
გულმა ვერ მოუსვენაო;  
აჰხადა ქვევრსა სარქველი,  
და ყელი მოეღერაო.

პირს ეცა სუნი საამო,  
მაჭარი მოეწონაო,  
ნაამაგდარევ 'ნოესა  
ჯერ გულზე მოეფინაო.

მერმე თავსა ბრუ დაესხა,  
უხამსი იწყო ქცევაო,  
სავარძელს ძლივსღა მიეგდო,  
ტანი არ დააყენაო.

შიშველსა, მთვრალსა ნოესა  
ქამი დასცინის, წუნობსო,  
„ეს რა მოსვლია მამაჩემს,  
ნეტავ რას მაიმუნობსო?!

ეშმაკსა სული მიჰყიდა;  
ახლა რაღასა ღონობსო,  
ისწავლა რაღაც ღვინის სმა,  
კოტრიალობს და ღორობსო“.

იაფეტს შერცხვა, გაბრუნდა,  
თვალზედ იფარებს ხელსაო,  
ყველაფერს ღვინოს აბრალებს,  
ი რაღაც თილისმასაო.

„დალოცოს ღმერთმა ცის ცვარი,  
რა შეედრება წყალსაო.  
სულსა და გულსა გინარებს,  
არც მოგჭრის ხალხში თავსაო“.

მას აქეთ საქართველოში  
ვაზიც განშირდა, სმაცაო,  
მას აქეთ ღვინოს თან დაჰყვა,  
წყეული თილისმაცაო.

ჯერა ვსვამთ ღვინოს წყალივით,  
თანდათან გვიტკბილდებაო,  
მერე მოვდივართ ქეიფზე  
და გულიც გვინვილდებაო.

მაშინ კრავივით მშვიდნი ვართ,  
ყველას ვუცხადებთ ძმობასა,  
ღვთიერი სიყვარულითა  
ბოლო ეღება მტრობასა.

ტკბილად მოვევებით ჭიკჭიკსა,  
საამოდ, ბულბულივითა,  
ენა და ჭკუაც მაშინ სჭრის,  
მაშინა ვხარობთ გულითა.

ვაი მას, ვინცა აჭარბებს;  
შფოთავს და ჭირვეულდება,  
კურატის მოზვერს ემსგავსის,  
სუყველას უავგულდება.

ამასაც როდი აკმარებს,  
უფრო უმატებს ღვინოსა,  
ღმერთი და რჯული სადღაა,  
ივიწყებს წმინდა ნინოსა.

ლომ-ვეფხვად გადაქცეული,  
ობრძვის ეშმაკის სულია,  
სწორებზედ იწევს ხანჯლითა  
ყმა ძმისა მარად მკვლელია.

ჯოჯობნეთს კარი გაეღო,  
ცეცხლიც იფრქვევა გენია,  
ბეწვის ხიდს ვერღავინ ვადის,  
ეშმაკის კერძი ბევრია.

ცოდვილთა სული ტანჯული  
კუპრის ქვაბს ვერ დაღწევია,  
კაენიც გახარებულა,  
დახე, რა ბედსა სწვევია!

ბევრს ვხედავთ ღვინით გაჟღენთილს,  
უხამსსა მაიმუნ მსგავსსა,  
ვნებათა ღებლვით აღგზნებულს,  
წუწ-ს-არმიყს, პირუტყვს უმსგავსსა.

ღორივით წუმბეს ნაგდებიც,  
ბევრი გვინახავს მთვრალია,  
გულის საზიფით მოსვრილი,  
თავით ფეხამდის მყრალია.

ნეტარ მას, ვინცა ბულბულსა  
არ გასცდეს, მოიღხინოსა,  
კარგი ჭამოს და კარგი სვას,  
მიწვეს და მიიძინოსა.

## გვალ 33

### 1

აღარ მახსოვს, როდის მიხდა,  
არაბის თუ თათრების დროს,  
გაზაფხული გვალვით დადგა,  
ლამის ყველა ამოანმოს.

მოსავალს პირი არ უჩანს,  
მიწა დასქდა მთლად მინდორში,  
პური, ქერი და სიმინდი  
არ ირჩევა ლობიოში.

მოგვალულმა ჭირნახულმა  
ხალხსაც გული დაუთუთქა,  
შიმშილობა ჩამოვარდა,  
ბალბა-ჭინჭარს უწყეს თუთქვა.

### 2

გოგო-ბიჭები დაგროვდა,  
აკონკებენ ლაზარესა,  
კარი-კარსა დაათრევენ,  
გაწუწულსა ყოველ დღესა.

ფეხშიშველი, გაწეწილი,  
გზას გაუდგენენ გალობითა,

მთლად სოფლები დაიარეს,  
ლაზარ თოჯას წყალობითა.

„აღარ გვინდა გორახით,  
ღმერთო, მოგვე ტალახით...“  
სახლის კარზე ყველა თჯანს  
დაუმსხვრიეს გორახით.

ლიტრით წყალი გამოჰქონდათ,  
თავს ასხამდნენ ლაზარესა,  
ზოგან ჯამით ფქვილს აძლევდნენ,  
ზოგანც შესანდობი სვესა.

ქსუსში ბროლი ქალები  
„მოზვერა-ქვას“ უვლიანო  
ირგვლივ ფერხული ჩაუბამთ,  
სიმღერითა უვლიანო.

„ღმერთო, წვიმა დაუშვიო,  
კოჭობაში ჩაუშვიო,  
ლაზარეც მოდგა კანსათ  
და აღორღოშებს თვალსათ“...

პატარძალი ფერხულს ასნლტა,  
„მოზვერა-ქვას“ შეაფრინდა,  
ავიდა და ზედ დასკუპდა,  
ქორივითა დააფრინდა.

„ასეთი წვიმაც მოსულა,  
ყანებიცა დამძლარათ,  
ბატონიანთ მამითადში  
მუშა როდის გამძლარათ“.

3

არსად გამოჩნდა ღრუბელი,  
 ცა კრიალებს, ცა მშრალია,  
 „ლაზარ-მოზვერა“ ვერ შველით,  
 რუები მთლად დამშრალია.

ერთ სოფელში, გამოიცანთ,  
 მოხისსა თუ ზოდბისხევში,  
 ხალხმა თავი მოიყარა,  
 გაიხიზნონ სადმე მთებში.

ბევრი კაცი ასე ამბობს:  
 „ჩვენი ცოცხა გადიდდაო,  
 სად გაურბით ღვთის რისხვასა,  
 აწ ბჭობის დროც დაგვიდგაო“.

ბჭობაზედა გადასწყვიტეს:  
 მოვკრიფოთო დიდი ფული,  
 თქრო ღმერთსა გაუგზავნოთ,  
 მოიბრუნოს ჩვენზედ გული.

ავირჩიოთ სანდო კაცი,  
 ღმერთს წაუღებს ფულეებსაო,  
 შეევედროს, წვიმას მოგვცემს,  
 დაგვიცოცხლებს ყანებსაო.

ასი თქრო გამოუკრეს,  
 გაატანეს ტიმოთესა,  
 დარიგება ბევრი მისცეს,  
 გუდაც საგზლით გაუვსესა.

4

იცოდა, რომ ღმერთი იქ ზის,  
 ტიმოს გაგონილი ჰქონდა,

საიდანაც რიყრაჟია,  
საიდანაც მზე ამოდის.

სანამ ტიმო გზას ვაუდვა,  
ვალმა სოფელს შეიარა;  
იქ გრძნეული ვინმე ნახა,  
ჯვარედი გზა გაიარა.

დედაბერმა ასე უთხრა:  
„შვილო, მძიმე საქმე გაძევს,  
ღმერთის ნახვა ძნელი არის,  
მანძილიცა დიდი გიძევს.

უწინ ასე როდი იყო,  
იალბუზზე ადიოღდენ;  
ტანტიც ღმერთსა იქა ედვა,  
გაჭირვებას შეჰჩიოდნენ.

მაგრამ, შვილო, ცოდვამ გვეკითხა,  
ბორბოტება გაგვიმრავლდა,  
ცოდვა უფრო გვემატება,  
სატანაიც გაგვიძალდა.

პატარძალი პურს აცხობდა,  
წირვის ლავაშსა აკრავდა,  
იქვე ბაღღსა წაეხდინა,  
ტირილითა თავს იკლავდა.

ცომიანი ხელებითა  
პატარძალმა ააყენა,  
ცხელ ლავაშით გაუწმინდა,  
ბავშვი ვარცლზე დააყენა.

განრისხდა და გაწყრა ღმერთი,  
ცა ქვეყანას დაამორა,

ვინღა ნახავს ახლა ღმერთსა,  
დიდმა ცოდვამ დაკვაშორა.

ახლა, აბა, რაღა გვეთქმის...  
კუდიანებს გაუხარდეს!  
იალბუზი, ბრუტ-საბძელი  
საბუქნაოდ გაიხადეს.

გასწი, წადი, ბედი სცადე,  
რაც შუბლზედა გიწერია,  
დავალემა შეასრულე,  
გზაცა მოკლე გირჩენია.

ფათერაკსა მოერიდე,  
არსად აგირევედეს გზასა,  
ყველა წყალი მტკვარსა ერთვის,  
თვითონ მტკვარი — კასპის ზღვასა.

თავს ყოველდღე ივარცხნიდე,  
ოფოფმა არ დაგძლიოსო,  
ადრიანა ნაყრდებოდე,  
გუგულმა არ დაგძლიოსო.

პირი სამჯერ გამოივლე,  
ყაბყაბმა არ დაგძლიოსო,  
ახალ ყველსა დილით სჭამდე,  
კვირიონი არ დაგძლეოსო.

ღვინოცა ადრე დალიე,  
მერცხალმა არ დაგძლიოსო,  
დაინახო, ქვაზე შესდეგ,  
რომ კვიცმაც არ დაგძლიოსო.

გადააბრუნებდე ქვასა,  
ყორანი რო დაინახო,



მუგუზალი მოუქნიე,  
თუ რო ღამე მავნე ნახო“.

ტიმომ გულში ჩაიბეჭდა  
დედაბრისა ნათქვამით,  
მთელი კვირა გზას იარა,  
ვერ უწია მანძილით.

ტიმო ძილში იმას ფიქრობს,  
როდის ნახავს ნეტა ღმერთსა,  
გუდაშიც პური დაობდა,  
ნიორიც კი ბევრი ძეგსა.

5

მეცხრე ღამეს მთას ავიდა,  
ტყის სიგრილით მიდიოდა,  
დაქანცულსა დაეძინა,  
სიო ტყისა დასდიოდა.

სიზმრად ნახა, მომკვდარიყო,  
კიბე დგას და ცამდე ადის,  
ანგელოზნი მწკრივად დგანან,  
კიბის თავში თვით ღმერთი ზის.

ტიმოც ადის კიბეზედა...  
აქეთ-იქით ჩონჩქოლია,  
სამოთხეში არ მიიღეს,  
მწერალის რიგი შეშლია.

ჯოჯოხეთშიც ასე უთხრეს:  
„შენ ვინა ხარ, არ გაცნობთო,  
დავთრებშიაც არ წერიხარ,  
თორემ არკი დაგინდობთო“.

შუქურ ანგელოზმა უთხრა:  
„ჯერ იწევი მიწაშიო,  
მოგივა დრო, მოგიკითხვენ,  
ახლა გვმართებს პოდიშიო“.

ტიმოს სული შეუწუნდა,  
ჭირის ოფლში იწურება,  
არც სამოთხეს, არც ჯოჯოხეთს  
ადგილი არ ეშთება!

სამარესთან ქვასა თხრიდნენ,  
ლომი დაჰკრეს, არ აპყვავს,  
ლაღმი მისცეს, ამოაგდეს,  
ტიმოც ქვასა ამოჰყვაო.

## 6

ტიმომ თვალი გაახილა,  
დილა მეტად გრილი იყო,  
გამოერკვა... ღმერთს მადლით,  
რომ ყველაი სიზმრად იყო...

გაიკვირვა! რა ადგილას,  
რა ქვეყანას მომხდარიყო,  
მთა და ხარი ზურმუხტისა,  
წყაროებით სავსე იყო.

მინდორ-ველი მოქარგული,  
ყანებიცა მაძღარ იყო,  
ია-ვარდის სურნელებით  
იადონი დამთვრალიყო.

მაღალ გორის ტყის ნაპირი  
ხშირ ბუჩქნარით მორთულიყო,

ვარდი ვაზით ჩახლართული,  
ხეთბაცა ჭრელი იყო.

ლაყვარდი ცა კრიალებდა,  
შველი წყალზე ჩასულიყო,  
ათასგვარი ფრინველთ სტვენა  
ოქროს ხობხით სავსე იყო.

ამისთანა შემკულობა,  
არ ენახა ტიმოთესა,  
იფიქრა, რთ აწ მეშველა,  
ვეღირსევი სამოთხესა.

პური წყართში ჩაალებო,  
შეექცევა საუზმესა,  
ჩიტი, გვრიტი, იადონი,  
უგალობენ მზის სხივებსა.

ტიმომ სერზე დაინახა  
თეთრ რაშზედა წვერჭაღარა,  
ტანსა ეცვა თეთრი ჯუბა,  
სამკაულიც მთლად ჯავარა.

ტიმოთეი ჯერ თუ შეკრთა,  
მერე სერი აირბინა,  
„ბედს ვეწიე, ვეღირსევი,  
ღმერთი თვითონ მომეველინა“.

დაუნოქა ცხენოსანსა,  
ძირს გაერთხო მუდართა,  
ცალი ზელი თქროს იკრა,  
დააბნია სიჩქართა.

„აგერ, ღმერთო, ასი თქრო,  
სოფელმა რო შემოგწირა,

გთხოვეს წვიმა გამოგზავნო,  
შიმშილობამ მთლად გაგვწირა.

ნუ დაგვსაჯავ, შენსა მადლსა,  
ბაღლი წივის შიმშილითა,  
ცოდო თუმცა ბევრი გვადევს,  
შეგვინდევო სულგრძობითა“.

მონადირე მთლად გაოცდა,  
ქორ-მეძებრებს დაუსტვინა,  
ცხენს დეზი ჰკრა, უწრუწუნა,  
ქორი ხოხობს გაუყენა.

ტიმო მაინც არ ეშვება...  
„ნუ ინებებ დაღუპვასო,  
სიცოტავე გვაპატიე,  
საღმთოსა ვიქო კიდევ სხვასო“.

მონადირე მაშინ მიხვდა,  
ტიმო იყო მოხსიელი;  
ასი თქრო ჯიბეს იკრა,  
თანხმობისა მისცა ხელი.

„წადი, წვიმას გამოგზავნი,  
მოგშორდებათ გორახ-მტკვერი,  
გაცოცხლდება მთა და ბარი,  
ჭირნახულსა მიჰყეთ ხელი“.

7

ვიდრე ტიმო შინ მივიდა,  
დიდი წვიმა მოსულიყო,  
სოფელი მთლად გაახარა,  
რუც წყალითა გავსილიყო.

...ელიამ ეტლი მომართა,  
დღე და ღამე გრიალებდა,  
ელვა, ჭექა-ქუხილითა  
ღრუბელთ გროვა ტრიალებდა.

წვიმა სოფელს შეეჩვია...  
ზედიზედა მოდიოდა,  
თვეზე მეტი თავსხმა არი,  
ხალხი ბედსა უჩიოდა.

ორჯერ მეხი ჩამოვარდა,  
ხარი მოჰკლა მინდორშია,  
ამაყ მუხას თავში დაჰკრა,  
ჩახლინა შიგ ტოტებშია.

ვენახიც სეტყვამ დარეგვა,  
ჩამოყარა ისვრიშია,  
მღვრიე წყალმა თევზს უმატა  
გუბეებში ყიყინითა.

8

სოფლად ხალხი შეიკრიბა,  
აყვედრიან ერთმანეთსა, —  
რად ვგზავნიდით იმდენ ფულსა,  
ვაკმარებდით ას მანეთსა.

„ძველისძველად ნაქებია,  
პური, ღვინო გვალვისაო,  
რას ვაქნევდით ამდენ წვიმას,  
ყანებია ღვარძლისაო“.

ქვიშა-თხერმაც ღმერთი დაჰგმო,  
„რით ვარჩინო თბლებიო,  
დაგეჰცა ეგ სამართალი,  
ჩამოგენგრეს ეგ ტახტიო“.

სხვებმაც თქვეს, რთ მართალია,  
ბარე მეტიც მოგვივიდა...  
ვინ იცოდა თუ ას ლქროდ  
შვიდ კვირამდის იწვიმებდა.

ს ა რ ჩ ი ვ ი

წინასიტყვაობა შ. ძიძიგურისა . . . . .	5
<b>გ უ ნ ე ბ ა   დ ა   ც ხ ლ ვ რ ე ბ ა</b>	
ნაწილი პირველი . . . . .	17
მოგზაურთა განთიადი	
ნაწილი მეორე . . . . .	35
ტაბაწყურის ტბა	
ნაწილი მესამე . . . . .	67
ერთი კუთხე ჭაუხეთისა	
ნაწილი მეოთხე . . . . .	77
თრიალეთის მთა და ცხვარი	
ნაწილი მხუთე . . . . .	90
წალკა და რეხა	
<b>მ ბ კ ვ რ ი ს ა თ ა ვ ე ე ბ ტ ა ნ</b> . . . . .	113
უწინდელი ზემოქართლი და მტკვრის სათავე	
<b>ჯ ა პ ა ხ უ რ ი   ლ ე ბ ე ნ დ ე ბ ი</b> . . . . .	187
სამშობლოს სიყვარული . . . . .	189
ღვთის გაჩენილს ადამიანს ეშმაკობა რად დაჰყვას . . . . .	200
ხალხის სიბრძნე . . . . .	205
როგორ გაჩნდა ღვინო . . . . .	210
გვალვა . . . . .	216

Алхазншвнли Илья Солононовнч

Джавახетские легенды  
Очерки

(На грузинском языке)

Издательство «Мерани»  
Руставели 42  
Тбилиси 1978 г.

ИБ 251

რედაქტორი გრ. ჯულუხიძე  
მხატვარი ი. ენაგელი  
მხატვრული რედაქტორი ა. თოდრია  
ტექნიკური რედაქტორი დ. რაზმაძე  
კორექტორი გ. წერეთელი  
გამომშვები გ. მინდიკაური

ჩაბარდა წარმოებას 28.03.78. ზელმოწერილია საბეჭდად 13.10.78.  
უე 00420. ფორმატი 60×84<sup>1</sup>/<sub>16</sub>. ქალაღი საბეჭდი № 2. გარნიტურა ივერია. ბეჭდვა მალაღი. პირობითი ნაბეჭდი ფურცელი 13,25. საადრიცხვო-საგამომცემლო ფურცელი 10,06. ტირაჟი 5000 ეგზ. შეკვეთა № 1215.

ფასი 70 კაბ.

გამომცემლობა „მერანი“. რუსთაველის 42  
თბიღისი, 1978 წ.

საქართველოს სსრ მინისტრთა საბჭოს გამომცემლობათა, პოღიგრაფიისა და წიგნის ვაჭრობის საქმეთა სახელმწიფო კომიტეტის თბიღისის წიგნის ფაბრიკა, მეგობრობის გამზ. № 7.

Тбилисская книжная фабрика Государственного Комитета Совета Министров Грузинской ССР по делам издательств, полиграфии и книжной торговли, пр. Дружбы № 7.



3789



ՀԱՅԱՍՏԱՆԻ  
ՆՈՒՆԱԳՐԱԴԱՐԱՆ

